

10 r

~~20 74~~
23-119



~~111-85~~

111-85



FD
224

~~Ref. 1070 bis~~
R. 52540



IHS

GASPARIS
SANCTII
CENTVMPVTEOLANI
E SOCIETATE IESV
THEOLOGI,

IN COLLEGIO COMPLVTENSI
Sacrarum literarum Interpretis,

IN **ZACHARIAM**
PROPHETAM
COMMENTARIJ CVM
Paraphrasi.

NUNC PRIMUM
euulgati cum tribus Indi-
cibus utilissimis.
By Ars.

Cum Priuilegio Regis.

LYGDUNI
Apud Heratium
Cardon
M.D.C.XVI.

1745

GASPARIS

SANCTI

CELESTIS

THEOLOGICI

THEOLOGICI

IN COEPTIS

THEOLOGICI

IN SACRAMENTIS

PROPHETIAM

COMMENTARIUM

Paraphrasi

emendatam et notis

criticis

per

Christophorum

ALBERTI

ALBERTI

ALBERTI

ALBERTI



EXCELLENTISSIMO

PRINCIPI D.D. INNACHO

DE MENDOZA, MARCHIONI

DE MONDEXAR, COMITI DE TEN-

dilla, Domino Prouinciæ de

Almoguera.

GASPAR SANCTIVS E

Societate Iesu S. P. D.

MULTA sunt, Princeps excellentissime, quæ me non inuitant solum, sed pene cogunt, ut exiguum hoc, & ab ignobili auctore ignobile, atque obscurum opus in tuo nomine, atque auspiciis apparere velim. Neque levis est ratio, quod partim illud elaboratum est in eo Collegio, quod ex tua familia scemina cum paucis Religiosissimæ, multisque nominibus inclytæ fundarunt, tæque, ac reliquos illustrissimæ familiæ de Mondexar Dominos illius patronos esse voluerunt: partim in Iesumontana domo, in qua æstiuæ scholastici nostri, quo tempore grauis censetur, & periculosa statio Complutensis, de more ponunt, quæ in tractu Mondexarensi est, id est, in tua ditione, quàmque tu & frequenter obire, & multis modis ornare, atque exhilarare voluisti. Sed sunt grauiiores aliæ, non iam à maioribus, quorum extant amplissima in Societatem merita, quæ si nunc enumerare coner, lócus sum; sed à te ipso, à te (inquã)

ipſo, quę vt proprię, & vt ſapientum communis eſt ſenſus,
& oratio, verę laudes ſunt; ſic etiam proprię, ac verę ſibi
noſtra ſtudia, atque conatus vendicant. Nemo, credo, de
noſtris ignorat, quod ex externis plurimi nouerunt, & præ-
dicant, quemadmodum, quę Societatis ſunt, tua eſſe ſta-
tuas, ſtudeasque res noſtras & ſermone grauiter, & aſſiduę,
& officiis ornare luculenter. Mitto alia, quę non patitur
epiſtolarum ratio. Illud dicam, quod non vni Collegio
Complutenſi, ſed Societati toti non potuit non accidere
gratiſſimum. Quod ea tibi pietas, is amor eſt in eius fun-
datorem Beatum Patrem Ignatium, vt nihil aliud agere
cogitaręve, niſi de illo omnibus modis ornando, atque co-
lendo videaris. Dedisti tunc pietatis eximię, & amoris in
Beatum Patrem ſingularis illuſtre documentum, cū pri-
mū à Pontifice Paulo in Beatorum numerum relatus eſt:
quem diem ſic tibi feſtiuum, & candidum aſfulſiſſe ſigni-
ficaſti, ac ſi tibi propria foret, & non cū orbe toto com-
munis illę feſtiuitas. Vidimus, qui tunc in noſtro, imò tuo
Complutēſi Collegio morabamur; quemadmodum nul-
lis tentatus precibus, ſed inſtigante pio, atque generoſo
pectore, vterò omnia tua ad ornandum, hilarandumque
felicem illum, & celeberrimum diem obtuliſti: neque mi-
nus complecti alacriter, ac ſplendidę, quā prolixę, at-
que ſtudioſę promiſeras. Quam pietatem ex eo die, omni-
bus deinde annis, eadem magnificentia, nec minore Reli-
gionē renouas, & iſtauras. Cū enim eo tempore, in quo
anniuerſaria redit Ignatio cōſecrata ſolemnitas, pridie vi-
delicet Kalendas Auguſti, ſcholaſtici noſtri, id eſt, Colle-
gij pars maior, in Ieſumontanā domum valetudinis cau-
ſā ſecedat, in illa tu & pretioſam veſtem ad ornandum
templum, & grauem ad officium ſacrum, multiplicēque
ſymphoniam, & mille alia ad cohoneſtandum illum lo-
cum, & diem ſubſidia contuliſti. Quę licet leuia forent, &
exilia,

exilia, & non maiorem in modum illustria, non tamen le-
uia sunt & studiosi animi, & officiosæ humanitatis argu-
menta. Cum enim grauissimæ aliæ curæ, quæ in amplissi-
ma familia, Rerumque publicarum administratione non
possint esse non molestæ, ac plurimæ, passim occurrant; ni-
hil tamen huic de Beato Patre, nobisque mirificum in mo-
dum ornandis præferendum, nihil præuertendum esse co-
gitasti. Quare in eam curam sic incubuisti diligenter, sic
animum intendisti officiosum, & pium, ut ab omni alio
negotio solutus esse videretur. Habes hoc abs te, & ab in-
genio, & liberali animo tuo, Princeps excellentissime; sed
est, quod te maiorem in modum ad piam hanc cogitatio-
nem instimulat, domesticum exemplum. Vidisti enim In-
nachum parentem, quem iam Ignatium licet appellemus,
quia in Beati Ignatii societatem ascribi se, & cooptari vo-
luit. Vidisti, inquam, parentem optimum sic nostram pro-
basse, ac suspexisse familiam, ut non iam illi sua, quod fa-
ciunt alij, sed se ipsum, quod ex eo genere, ac loco faciunt
non ita multi, omnino tradiderit. Obierat vir ille eximius
legationes varias cum externarum gentium probatione, ac
laude implebat peregrina Regna sui ingenij, atque pru-
dentia singularis admiratione, sicut antea à primis etiam
annis impleuerat Hispaniam; sed ad extremum contem-
pta Principum gratia, quam meritis sibi pararat ingenti-
bus, quod reliquum erat ætatis, cœlestis maluit, quam ter-
reni Principis obsequio consecrare. Vidimus illum supe-
rioris vitæ, & antiqui splendoris immemorem, ubi Religio-
sæ vitæ modum amplexus est, & expeditam ad perfectio-
nem semitâ ingressus, ita se ad seuerioris disciplinae leges
astringere, sic formare seniles annos noua, & quasi iuue-
nili forma; ut tunc natum existimares, neque quicquam
longo vitæ tempore, nisi de Religione, nisi de affectio-
num, sensuumque victoria, nisi de animi vera demissione

meditatum. Vsq̃ue adeò namque alacriter, & auidè ferebatur ad ea, quæ vulgares, & prophani spiritus vilia esse, atque indecora iudicant, vt non tam calcaribus ad illorum studium incitandus, quasi segnis, & languidus, quàm frænis, quasi nimis incitatus, & ardens cohibendus censeretur. In eo ardore spiritus, cùm vix dum Religiosi vitæ cursum iniisset, cum magna sui animi voluptate, & aliorum, qui rem attentius considerabant, admiratione nouus miles decessit: vt nemo iam dubitare debeat, benignè à Deo cum illo, & amanter actum, cùm ad illud stadium vocatus, & ab eo euocatus est curriculò, ex quo in cœlum recta est, atque expedita via. Quid ergo iam miremur, Princeps optime, si paternæ pietatis, & Religionis hæres, tam ames, & obserues Societatem nostram, quam matrem tuo, imò potiùs nostro iure vocare possis, cuius se pater rãtopere studuit vocari filium? Hæc me rationes, Princeps excellentissime, vt laborem hunc exiguum, & ignobilem tibi consecrarem, adduxerunt, cuius benignitatis erit illum amplecti, faueréque, quominùs timidè oculos hominum, atque iudicia subeat. Quod si, vt humanitas tua sperare iubet, aliquando consequor, bene cum labore hoc rudi, bene mecum actum existimabo. Vale, Princeps optime, quem nobis Deus, Reique publicæ diu præstet incolumem. Vale.

APPRO

APPROBATIO.

Regio iubente Senatu vidi, & accuratè, quantum licuit, recognoui Commentaria hæc cum paraphrasi in Zachariam Prophetam à sapientissimo, religiosissimoque Patre Gasparo Sanctio concinnata: nihil verò in ipsis deprehendi quod Catholicam doctrinam, aut pietatem vel minimùm lædat, sed multa potius, & magna quæ astruant, & illustrent. Imò in hoc genere Commentationis, in quo nil ferè ab antiquis, & recentioribus prætermisum, veteribus noua coniungens meritò sui desiderium prouocat, nec minùs accedit rara animi modestia in pronunciandis sententiis, earumdem mira cohærentia, summa Interpretis dexteritate cum trilingui peritia, atque eruditione mirabili. Consonant denique hæc Commentaria aliis præclaris eiusdem authoris in Isaiam Prophetam non ita pridem editis. Censeo igitur vt etiam publica luce donentur ad magnum Ecclesiæ bonum. Matriti in Carmelitano Cœnobio 12. Augusti 1615.

I. FRANCISCVS A IESV DE XODAR.

*Facultas R. P. Prouincialis Societatis IESV in Prouincia
Lugdunensi.*

EGo Antonius Suffrenus Societatis IESV in Prouincia Lugdunensi Præpositus Prouincialis, Opus quod inscribitur, *Gasparis Sanctij Centumputeolani è Societate IESV Theologi, in Collegio Complutensi sacrarum literarum interpretis, in Zachariam Prophetam Commentarij cum paraphrasi*, iuxta priuilegium eidem Societati à Regibus Christianissimis Henrico III. 10. Maij 1583. Henrico IV. 20. Decembris 1606. & Ludouico XIII. nunc regnante, 14. Februarij 1611. concessum, quo Bibliopolis omnibus prohibetur, ne libros ab hominibus nostræ Societatis compositos, absque Superiorum eius permissione imprimant, permitto HORATIO CARDON Lugdunensi Bibliopolæ, vt ad sex primos annos imprimere, ac liberè diuendere possit. Datum Lugduni die 10. Aprilis 1616.

ANT. SVFFRENVS.

APPRO

APPROBATIO.

IOANNES CLAVDIVS DEVILLE in sacra Theologia Magister, & in S. Pauli Lugdunensis Canonicus, & in hac Lugdunensi Diœcesi, à Domino Dionysio Simone de Marquemont Illustrissimo, & Reuerendissimo Archiepiscopo librorum Censor designatus: fidem facimus, nos *Gasparis Sanctij Centumputeolani è Societate Iesu Theologi, in Collegio Complutensi sacrarum literarum interpretis, in Zachariam Prophetam. Cõmentarios cum paraphrasi perlegisse, omniâque in illis iuxta orthodoxam Catholicæ Apostolicę ac Romanę Ecclesię, & Sanctorum Patrum sanam doctrinam summa cum eruditione exponi.* Lugduni apud S. Paulum Idib. Iulij 1616.

DEVILLE.

R. D. D. *Thomæ de Meschatin la Faye huius libri imprimendi facultas.*

THOMAS DE MESCHATIN LA FAYE, Comes, Canonicus, & Camerarius Ecclesiæ Lugdunensis, & Vicarius Generalis in Archiepiscopatu Lugdunensi: Opus inscriptum, *Gasparis Sanctij Centumputeolani è Societate Iesu Theologi, in Collegio Complutensi sacrarum literarum interpretis, in Zachariam Prophetam Commentarij cum paraphrasi, vt in lucem edatur, facultatem concedo.* Lugduni 3. Augusti 1616.

MESCHATIN LA FAYE.

LIBRUM hunc inscriptum, *Gasparis Sanctij Centumputeolani è Societate Iesu Theologi, in Collegio Complutensi sacrarum literarum interpretis, in Zachariam Prophetam Commentarij cum paraphrasi,* ab HORATIO CARDON Bibliopola Lugdunensi in lucem dari permittimus: simul, ne quis citra factam ei ab ipso potestatem, denuò excudat, interdicimus. Datum Lugd. die 4. Augusti 1616.

SEVE.

Summa

Summa Priuilegij à Christia-
nissimo Galliarum
Rege concessi.



VDOVICI XIII. Gal-
liæ & Nauarrę Regis aucto-
ritate sancitum est, atque pa-
tentibus Literis cautum, ne
quis in Regno suo, alijsve lo-
cis ditioni suę subiectis, intra
proximos annos decem, à die impressiōis pri-
mæ inchoandos, ac numerandos excudat, ven-
dat, excudendum, vendendūque quouis
modo, & ratione conetur librū, qui inscribitur,
Gasparis Sanctij Centumputeolani è Societate I E S V
Theologi, in Collegio Complutensi sacrarum literarum in-
terpretis, in Zachariam Prophetam Commentarij cum
paraphrasi, præter HORATIVM CAR-
DON Bibliopolam Lugdunensem, aut il-
los, quibus ipsemet concesserit. Prohibitum
insuper eādē auctoritate Regiā omnibus
suis subditis, eundem librum extra Regni
sui limites imprimendum curare, vel quem-
piam, vbicumque fuerit, ad id agendum im-

Gaspar. Sanctij Comm. in Zachar.

††

pellere , ac instigare sine consensu dicti HO-
RATII CARDON. Idque omne sub
confiscatione librorum , aliisque poenis origi-
nali Diplomate contra delinquentes expressis.
Datum Turonibus die 19. Aprilis 1616.

De mandato Regis.

Signatum

BERRVYER.

INDEX



INDEX LOCORVM

SACRÆ SCRIPTVRÆ

QVÆ IN COMMENTARIIS

Zachariæ explicantur.

*Prior numerus caput, posterior numerum indicat
marginalem.*

EX GENESI.

Cap. 2. **D**E limo terræ. 10.5

19. Dominus pluit, &c. à Domino de cælo. 7.20

49. Benjamin lupus rapax. 2.18

EX EXODO.

Cap. 12. Primus erit in mensibus anni. 1.3

EX LEVITICO.

Cap. 26. Nec titulum erigētis, nec insignem lapidem ponētis. 9.72

EX NVMERIS.

Cap. 20. Scopuli torrentis inclinati sunt. 10.33

EX DEVTER.

Cap. 33. Quasi in thalamo tota die morabitur.

EX I. REGVM.

Cap. 14. Applicate hūc vniuersos angulos populi. 10.16

17. Nunquid non verbum est? 3.19

EX II. REGVM.

Cap. 6. De lignis oliuarum. 4.6

11. Una tribus remanebit ei. 2.16

12. Præter tribum Iuda solam. 2.16

17. Et non remansit nisi tribus Iuda. 2.6

22. His ventilabis Syriam. 1.87

EX II. PARAL.

Cap. 27. *Occidistis eos atrociter.*

1.83

EX IOB.

Cap. 29. *Quasi ad imbrem serotinum.* 10.238. *Quis cœclufit ostiis mare?* 6.3

EX PSALMIS.

Pfal. 39. *De luto facis.* 10.563. *Accedet homo ad cor altum.*

9.86

64. *Timebunt, qui habitant terminos à signis tuis.* 9.7467. *Conuertam in profundum maris.* 10.3368. *Quem tu percussisti, persecuti sunt.* 1.8377. *Elegit tribum Iuda, montem Sion.* 2.1888. *Thabor, & Hermon in nomine tuo exultabūt.* 9.47103. *Qui facis Angelos tuos spiritus.* 6.14103. *Qui ambulas super pennas ventorum.* 9.65

EX PROVERB.

Cap. 3. *Tria sunt difficilia mihi.* 9.826. *Qui mittit lapidem in acerbum mercurij.* 9.86

EX ECCLES.

Cap. 11. *Da partem septem, nec non & octo.* 1.4

EX SAPIEN.

Cap. 4. *Spuria vitulamina.* 14.85. *Directæ emissiones fulgurum.* 9.6710. *Descendētque cum illo in foueam.* 9.56

EX ISAIA.

Cap. 1. *Ciuitas fidelis plena iudicij.* 8.52. *Heu consolabor super hostibus meis.* 9.620. *Uæ Assur virga furoris mei.* 1.8345. *Rorate cœli de super.* 10.345. *Aperiam corā eo ianuas.* 6.347. *Aggrauasti iugum tuū.* 1.83

EX IEREMIA.

Cap. 8. *Eiciēt ossa Regum Iuda.* 1.9022. *Galaad tu mihi caput Libani.* 11.2Thren. 5. *Hæreditas nostra versa est ad alienos.* 11.57

EX EZECHIEL.

Cap. 5. *Requiescere faciam indigni*

SACRÆ SCRIPTURÆ.

dignitatem meam. 9.6
 17. Tulit medullam cedri. 11.2
 26. Radam puluerem eius. 9.
 16

29. Omnis humerus depilatus.
 9.15
 35. Et ipsorum *via iniusta est.*
 9.8

EX AMOS.

Cap. 1. Transferam vos trans
 Damascum. 9.5
 4. Cum adhuc tres menses su-
 peressent usque ad mes-
 sem. 10.2

EX IONA.

Cap. 2. Pelagus operuit caput
 meum. 10.33

EX MICHEA.

Cap. 2. Vir habens spiritum.
 2.26
 4. Cornu tuum ponam fer-
 reum. 1.87

EX ABACVCH.

Cap. 3. In luce sagittarum tua-
 rum. 9.67

EX NAHV M.

Cap. 1. In tempestate, & turbi-
 ne *via eius.* 9.65

EX SOPHON.

Cap. 1. Super angulos excel-
 sos. 10.16

EX AGGÆO.

Cap. 2. Magna erit gloria do-
 mus istius nouissima, plus-
 quam prima. 1.77

EX MATT.

Cap. 5. Audistis quia dictum
 est antiquis. 8.35
 17. Dicetis monti huic, transi.
 4.26
 22. Ascendens super asinam.
 9.36
 23. Quem occidistis inter tem-
 plum, & altare. 1.9
 23. Implete mensuram. 5.24
 24. De die autem illa, & hora
 nemo scit. 14.30
 27. Dederunt eos in agrum fi-
 guli. 11.52

EX IOANN.

Cap. 2. Quadraginta, & sex
 annis edificatum est tem-
 plum hoc. 1.70

EX EPIST. AD ROM.

Cap. 1. Iudeo primum, & Græ-
 co. 9.83

INDEX LOCORVM SACRÆ SCRIPTVRÆ.

6. *Sicut exhibuistis membra* EX EPIST. IVDÆ.
vestra, &c. 14.69 *Imperet tibi Deus.* 3.10

EX EPIST. AD HEBR.

Cap. 1. *Qui facit angelos suos*
spiritus. 6.14

EX I. EPIST. PETR.

Cap. 2. *Ad quem accedentes la-*
pidem uiuum. 4.28

EX APOCAL.

Cap. 6. *Vidi animas interse-*
ctorum. 1.17

11. *Hi sunt due oliue.* 4.19

14. *Mitte falcem.* 5.5

19. *Et in femore eius scriptum.*
 5.5




INDEX



INDEX REGVLARVM SCRIPTVRÆ SACRÆ QVÆ IN COMMENTARIIS ZACHARIÆ

TRADVNTVR.

*Prior numerus caput ; posterior numerum margi-
nalem indicat.*

- I**  *Bi aliquis duo habet nomina , utrumque solet exprimere Scriptura. 1.5*
- 2** *Multa in suis locis omissa, quæ alibi narrantur. 1.4*
- 3** *Quæ fecere patres, tribuuntur filiis. 1.19*
- 4** *Interdum videtur actio noua, quæ veteris continuatio, aut augmentum est. 1.32*
- 5** *Anni non dum completi, interdum omisi, interdum pro integris numerati. 1.62*
- 6** *Interdum aliquid factum dicitur, cum fieri incipit. 1.69*
- 7** *Quædam ætatis nomina naturam indicant ministerij. 2.5*
- 8** *Id fieri dicitur, quod aptum est, ut fiat : & id dicitur aliquis facere, quod ut faciat potestatem habet. 2.7. & 3.36*
- 9** *In Iuda intelligitur Benjamin, imò interdum duæ illæ tribus vocantur una. 2.16*
- 10** *A typo sæpe ad veritatē, seu à litera ad spiritum trāsferitur sermo. 2.20. & 11.66. & 12.31*
- 11** *Aliquando de se aliquis, quasi de*
tertia persona loquitur. 3.9
- 12** *Peccatum, & iniquitas pro peccati pœna, aut purgatione. 3.14*
- 13** *Accusatiuus verbo cognatus id sæpe valet circa quod aliquo modo versatur actio. 3.18*
- 14** *Aliquid fieri dicitur cum factū declaratur. 4.1*
- 15** *Tempus pro iis quæ fiunt in tempore. 4.40*
- 16** *Geminatio propria Hebræorum, montes, montes ærei. 6.4*
- 17** *Sæpe in Scriptura auditur nomen quod ante erat ablatum. 7.4*
- 18** *Ariiculus Græcus ostendit quando nomen locum habeat subiecti, quando prædicati. 6.15*
- 19** *Nomina varia eiusdem hominis, & sæpe diuersorum idiomatum. 6.4*
- 20** *Nomen commune peregrinum, quod proprium videtur, pro eius significatione ponitur. 7.4*
- 21** *Explicationem peregrini nominis sæpe Interpres adhibet de suo. 7.5*
- 22** *LXX. Interpretes sæpe à vulgato differunt, neque semper si-*
ne

INDEX REGVLARVM SCRIPTVRÆ SACRÆ.


- ne causa aliqua. 7.10
- 23 Aliquid factum dicitur ab illo, qui illud amplificauit, seu or-
nauit. 7.12
- 24 Aliquando nominatiuus absolute
ponitur, maxime in pronomi-
nibus. 7.17
- 25 Transitus à prima persona ad ter-
tiam. 7.20
- 26 Continuatio operis inceptio dici-
tur. 8.19
- 27 Factum est, fuit, & erit, otiose
aliquando in Scriptura ex idio-
mate Hebraico. 8.25
- 28 Apostoli, apostolicique viri inci-
tandis veteris testamenti testi-
moniis non tam verba spectant,
quàm sententiam. 9.33
- 29 Ex duobus testimoniis vnum cõ-
flatur. 9.34. & 11.54
- 30 Cum è duobus testimoniis vnum
conflatur, interdum vnus tan-
tum citatur auctor. 11.55
- 31 Scriptura se interdum accommo-
dat hominum opinioni. 9.46
- 32 Loca certa sumuntur pro illis
mundi regionibus ad quas spe-
ctant. 9.47
- 33 Tempus determinatum, vt, ho-
die, cras, pro tempore incerto.
9.61
- 34 Voces synonyma coniuncte epi-
tasm habent. 10.56
- 35 Antecedens loco relatiui ponitur.
10.37
- 36 Rebus, & earum auctoribus com-
mune nomen. 11.60
- 37 Prolepsis vsitata valde in Scri-
ptura. 11.68
- 38 Pronomen reciprocum pro non
reciproco, & contra adhibitum
ab Interprete. 12.36
- 39 Prophetæ multa in narrando præ-
tereunt. 12.37
- 40 Causa moralis pro physica. 12.
39
- 41 Aliquis de se in tertia persona lo-
quitur, licet de se in prima lo-
qui cõpisset. 12.40
- 42 Ecclesia ad sacrum officium ad-
hibere solet historiam, aut lo-
ca Scriptura, quæ tamẽ tota ac-
comodari non possunt; sed tan-
tum eorum quadam pars. 13.
20
- 43 Ecclesia ad sacrum officium hi-
storiam alienam propter simi-
litudinem accommodat. 13.
21.
- 44 Malus in actione etiam mala ty-
pus est rei bonæ, & contra bo-
nus rei malæ. 13.22
- 45 Cum occurrit umbra temporis
Euangelij, ad illud traduci solet
sermo propheticus. 13.29
- 46 E duabus significationibus alicu-
ius vocis interdum Interpretes
sumunt minus propriam. 14.8
- 47 Nomen pro persona. 14.39
- 48 Signum pro re significata. 14.50
- 49 Figura pro figurato. 14.57. &
71



ARGVMENTVM

PRIMI CAPITIS

ZACHARIAE.



ID agit per Prophetam Dominus, ut populum à captiuitate reducem ad se conuertat, quem alia studia ad alias cogitationes abduxerant. Proponitque non dissimiles parentum mores, qui cum Prophetarum monita respuissent, in graui lapsi fuerunt infortunia. Deinde duobus spectris; altero equitum in myrieto; altero fabrorum cum ferreis cornibus, instaurationem vrbis, ac templi, & omnium bonorum abundantiam promittit.

CAPVT I.

PARAPHRASIS.

IN mense octauo, in anno secundo Darij Regis, factum est verbum Domini ad Zachariam, filium Barachiae filij Addo, Prophetam, dicens;

2 Iratus est Dominus super patres vestros iracundia. Et dices ad eos; Hæc dicit Dominus exercituum.

G. Sanctij Comm. in Zachar.

IN mense octauo, qui & Marchesuan, anno secundo Darij Histapis Regis Persarum, audiuit Zacharias filius Barachiae, & nepos Addo, Dominum ad se his verbis loquentem.

2 Grauius ego Dominus in patres vestros indignatus sum. Hæc ergo meo nomine, o Zacharia, dices ad eorum filios.

3 Conuertimini ad me, dicit potens, & bellator Deus: & ego conuertar ad vos, dicit idem Dominus bellator, & potens.

4 Cauete ne parentum vestrorum mores, & infaniam sequamini, ad quos eadem fiebant Prophetarum verba; qui in nomine Dei exercituum, in eundem omnino modum sic clamabant.

Relinquitte, quam ingressi estis sceleratam viam: & melius iam cogitate, quam fecistis hactenus. Neque tamen audierunt me admonentem benignè, aut dignum existimauerunt, ad quem mentem, oculosque conuerterent, dicit Dominus.

5 Sed vbi sunt stulti illi parentes vestri, qui cum sibilo, & risu excipiebant verba mea, neque ad se pertinere arbitrabantur propheticas minas: vbi sunt Prophetæ, aut qui illos falsa spe, & fallaci promisso in verum exitium induxerunt; qui neque ipsi viderunt, quam promittebant, felicitatem, neque fieri potest, ut videant, cum iam extincti sint; seu potius, vbi sunt Prophetæ veri, qui vera vobis, licet dura, prædixere? nunquid hi in æternum viuunt, ut vos quotidie moneant? non sanè: sed iam tempus aduenit, in quo Prophetia vera per longa temporum spatia silebit. Quare dum licet, audite nunc Prophetarum oracula.

3 Conuertimini ad me, ait Dominus exercituum: & conuertar ad vos, dicit Dominus exercituum.

4 Ne sitis sicut Patres vestri, ad quos clamabant Prophetæ priores, dicentes; Hæc dicit Dominus exercituum.

Conuertimini de viis vestris malis, & de cogitationibus vestris pessimis: & non audierunt, neque attenderunt ad me, dicit Dominus.

5 Patres vestri vbi sunt? & Prophetæ nunquid in sempiternum viuunt?

6 Veruntamen ver-
bamea, & legitima
mea, quæ mandavi
seruis meis Prophe-
tis, nūquid non com-
prehenderunt patres
vestros, & conuerſi
sunt, & dixerunt:
Sicut cogitauit Do-
minus exercitū fa-
cere secundum vias
nostras, & secundum
adinuentiones no-
stras fecit nobis?

7 In die vigesima-
quarta undecimi
mensis Sabath, in an-
no secundo Darij, fa-
ctum est verbū Do-
mini ad Zachariam
filium Barachie, filij
Addo, Prophetam,
dicens.

8 Vidi per noctem,
& ecce vir ascen-
dens super equum
rufum, & ipse stabat
inter myrteta quæ
erant in profundo:
& post eum equi ru-
fi, & albi.

9 Et dixi: Quid sunt
isti Domine mi? Et

6 Defecerunt iam parentes ve-
stri, qui nullum inesse pondus arbi-
trabatur Prophetarum oraculis: ex-
perti iam magno suo malo esse quàm
verissima, quæ à me ipsis minaci Pro-
phetarum voce prædicta sunt. Et iam
in mediis malis deprehensi, qui cæci
in prosperitate fuerunt, ad meliorem
mentem vexatione traducti dixe-
runt, heu nimis serò! En iustè à Do-
mino sæuiente patimur, quod iuxta
nostra merita, vesanaque consilia in
nostrum caput facienda decreuerat.

7 In die vigesimaquarta mēsis vn-
decimi, qui & Sabath, tertio nimirū
mense post priorem visionem, anno
secundo Darij, de quo prius, factum
est verbum Domini instruens Za-
chariam filium Barachie, filij Addo.

8 Quasi in Babylone degerem,
vt antea captiuus, per noctem vide-
bar mihi videre virum equo insiden-
tem rufo, in profundo fluminis inter
myrtos, quæ vtramque fluminis ri-
pam coronabant: & eodem in loco
post illum alios, qui equis rufis, ma-
culosis, & albis vehebantur.

9 Tunc ad Angelum dixi, qui in
me loquebatur, quique dux mihi fu-
turus erat, & magister: Domine mi,

isti, qui equestres veniunt, quinam sunt? Dixit autem mihi non eques ille primus, sed Angelus prophetalis, qui intra me erat, & à quo, ut illam visionem intelligerem, eram illuminandus; Nihil te ista cura, ô Zacharia, conturbet; audi tu attentè, ac vide quæ dicuntur, ac fiunt, mei erit muneris præstare, ut tu hæc clarè, & sine errore cognoscas.

10 Tunc verò, qui inter myrteta primus mihi apparuerat, respondit satis quidem obscurè, ita ut necessaria mihi fuerit postea lux ab Angelo, qui familiaris erat mihi, qui que loquebatur in me, dixitque: Isti, quos rufis, versicoloribus, albisque equis insidere conspicias, sunt, quibus Dominus id negotij dedit, ut vniuersam lustrarent terram.

11 Illi verò equites, quibus mandatum erat, ut terram obirent, dixerunt Angelo, qui se mihi inter myrtos obtulerat, præstitisse se quod ipsis à Deo datum esset negotij: quare lustratam esse terram, omnemque sine ullo bellorum motu pacatè inhabitari: neque iam amplius contra Iudæos regiones illas quodam infensas quicquam moliri.

12 Vbi autem Angelus, qui in me, & pro me loquebatur, habitari omnia, & esse pacata, ab equitibus cognovit, recordatus rem Iudaicam nondum esse constitutam, sed multis modis vbicunque turbari, aut impediri; sic est ad Dominum locutus (nam iam equestris visio recesserat.) Domine exercituum, si pacata sunt omnia, si alij populi quieti, & sine metu

dixit ad me Angelus Domini qui loquebatur in me; Ego ostendam tibi quid sint hæc.

10 *Et respondit vir qui stabat inter myrteta, & dixit: Isti sunt quos misit Dominus, ut perambulent terram.*

11 *Et responderunt Angelo Domini, qui stabat inter myrteta, & dixerunt: Perambulauimus terram, & ecce omnis terra habitatur, & quiescit.*

12 *Et respondit Angelus Domini, & dixit: Domine exercituum usquequò tu non misereberis Ierusalem, & urbium Iuda, quibus iratus es?*

es? Iste iam septuagesimus annus est.

metu viuunt, cur te non miseret Ierusalem, & aliarum ciuitatum Iuda, quæ desertæ sunt, & à vicinis hostibus quotidie tentantur? Ecce septuagesimus agitur annus, ex quo vrbe iam omnino, & Templo caremus, quæ exusta, atque euerfa fuere sub Sedecia Rege decimonono, anno postquam vastari, atque perire cepit res Iudaica.

13 Et respondit Dominus Angelo, qui loquebatur in me, verba bona, verba consolatoria. Et dixit ad me Angelus, qui loquebatur in me, Clama, dicens:

13 Respondit verò Dominus Angelo, qui intra me loquebatur verba ad leniendum Iudaicæ Gentis dolorem opportuna. Quæ vt ego ad populum voce clara referrem, Angelus imperauit.

14.15 Hæc dicit Dominus exercituum; Zelatus sum Ierusalem, & Sion zelo magno. Et ira magna ego irascor super gentes: opulentas: quia ego iratus sum parum, ipsi verò adiuuerunt in malum.

14.15 Verba cōsolatoria hæc sunt, quibus Dominus moerentem populum reficit, ac confirmat. Vehemēter me populi mei dolor tangit, & ad furorē inflammat contra gentes, quæ sibi in illum, plusquam à me concessum est, iuris, & seueritatis assumpserunt. Ego enim, vt pater, licet seuerè, modicè tamen pro meritis populo meo succensui: neque quicquam meæ seueritati proposui tanquam optimus medicus, nisi vt inueterato morbo commodam adhiberem medicinam. At illi, qui mihi benigni consilij ministri, atque adiutores esse debuerunt, hostili prorsus animo, ad ea incommoda, quæ ego inflexi, plurima addiderunt alia, eaque acerbissima, à quibus abstinuisset paternus animus, & qui mei

consilij minister esse vellet, potius
quàm suo furori satisfacere?

16 Quia ergo populus vexatus
est durè, propterea hæc dicit Domi-
nus. Sicut offensus recedere visus
sum à Ierusalem, sic etiàm miseri-
cors ad illam reuertar: efficiàmque
vt domus mea in ipsa rursus instau-
retur, extendaturque perpendicu-
lum super Ierusalem, vt non temere,
& raptim, sed ex arte, atque quietè
exadificetur.

17 Iussus sum ab Angelo præter-
ea nomine Domini exercituum sic
clamare. Vt ante excidium Ierusa-
lem, populique captiuitatem ciuita-
tes omnium rerum abundantia af-
fluebāt, vtpote à Domino electæ; sic
etiàm rursus Dominus, affluentibus
omnium rerum abundantia ciuita-
tibus, consolabitur Sion, & eliget
adhuc Ierusalem ad illum decorem,
& gloriam, quam in priori obtinue-
rat statu.

18.19 Iterum, cùm oculos eleua-
rem, oblata est mihi species altera
plena consolationis. Videre enim vi-
debar quatuor cornua, quæ inter-
rogatus Angelus dixit quatuor esse
nationes, quæ ad illum vsque arti-
culum variè, ac durè populum Dei
insectatæ sunt.

16 Propterea hæc dicit
Dominus: Reuertar
ad Ierusalem in mi-
sericordiis; & do-
mus mea adificabi-
tur in ea, ait Domi-
nus exercituum: &
perpendiculum ex-
tendetur super Ieru-
salem.

17 Adhuc clama di-
cens; Hæc dicit Do-
minus exercituum:
Adhuc affluent ciui-
tates meæ bonis, &
consolabitur adhuc
Dominus Sion, &
eliget adhuc Ierusa-
lem.

18.19 Et leuaui oculos
meos, & vidi: &
ecce quatuor cornua.
Et dixi ad Ange-
lum, qui loquebatur
in me: Quid sunt
hæc? & dixit ad me;
Hæc sunt cornua, quæ
ventilauerunt lu-
dam, & Israël, &
Ierusalem.

20.21 Et ostendit mihi

Dominus quatuor
fabros, & dixi:
Quid isti veniunt
facere? Qui ait, di-
cens; Hæc sunt cor-
nua, quæ ventilaue-
runt ludam per sin-
gulos viros, & nemo
eorum leuauit caput
suum: (¶) Venerunt
isti deterrere ea, ut
deiciat cornua gen-
tium, quæ leuauerunt
cornu super terram
Iuda, ut disperge-
rent eam.

20.21 Postquam mihi obiectum

est spectrū illud quatuor cornuum,
occurrit statim alterum totidem fa-
brorum. Tunc verò Angelus inter-
rogatus respondit mihi: à quatuor
cornibus sic esse ventilatum ludam,
ut quantum ab hostibus afferri in-
commodi potuit, tantum quisque
pertulerit, ita ut nemo his virgenti-
bus; ac ventilantibus cornibus caput
leuauerit. Nunc verò à Domino
missos esse fabros, qui cornibus illis
vim ac potestatem adimant, & con-
terant gentes, quæ ut dispergerent
populum, cornu leuauerunt.

COM

COMMENTARIJ IN CAP. I. ZACHARIÆ PROPHETÆ.



I.
Zacharias
omnium
Prophe-
tarum ob-
scurissi-
mus.



Agredimur difficil-
mi operis explicatio-
nem, id est, Zachariæ
obscurissimi Prophe-
tarum omnium ora-
cula: siue materiam ipsam intueare,
siue orationis genus. Materia varia
est, ita vt in hunc librum bona ex
parte congesta videantur, quæ di-
persa sunt in aliorum Prophetarum
oraculis. Dicendi genus omni-
no Propheticum, id est, obscurum,
interruptum, varium. Adde in hoc
Propheta etiam symbolicum, & vt
ita dicam, hieroglyphicum. Ex quo,
meo iudicio, fiet, vt qui hunc Pro-
phetam probè cognouerit, faciles
habeat, & explicatos aditus ad ab-
dita reliquorum Prophetarum ar-
cana. Ex quibus omnibus conse-
quens est, vt opus hoc non possit
non esse, & implexum valdè, & ve-
hementer obscurum. Quare ma-
gnus Doctor Hieronymus, & ad
eruendos ex sacris Scripturis abdi-
tos sensus omni literarum, atque
ingenij subsidio, & multorum an-
norum labore, atque experientia
instructus, vbi in Prophetas alios
luculentissima scripssisset Cōmen-
taria, perfunctus iam longis, impe-
ditisque laboribus, in extremo pe-
ne omnium Prophetarum, quasi in
portu hæsit, & admiratus operis dif-
ficultatem, & ipsa obscuritate de-
territus, sic in secundo libro Com-
mentariorum in hunc Prophetam,
id est, post cap. 6. Exuperium allo-
quitur, cuius rogatu id negotij sus-
ceperat. *Ab obscuris ad obscuriora*

*transimus, & cum Moyse ingredimur
in nubem, & caliginem. Abyssus abyf-
sum innocat in voce cataractarum Dei;
labyrinthos patimur errores, & Christi
cæca regimus filo vestigia.* Quare iu-
uari se postulat Exuperij orationi-
bus, vt ex ea caligine illustratus, &
ex labyrintho plusquam Dedalæo
feliciter emergat. In illum nos
ingredimur labyrinthum, quem
Hieronymus horruit, eosdem ex-
plicare tentamus nodos, quos tan-
tus Doctor impeditos inuenit. Pre-
cor igitur diuinum Spiritum, cuius
afflatu diuinus hic vates locutus est,
vt lucem mihi præferat, & ad tan-
tum splendorem cōiuenti, & tan-
tæ caliginis abyssum cæcis pene ve-
stigiis ingressuro.

*In mense octauo, in anno secūdo Da-
rij Regis, factum est verbum Domini ad
Zachariam filium Barachia, filij Ad-
do, Prophetam.*] In ipso Prophetiæ
exordio morari parumper libet, &
inuestigare nonnulla, quæ nisi prius
expediamus, hærendum nobis sæ-
pius est in salebra. Multa hîc video
statim in ipsum Prophetiæ aditum
à Propheta congeri, & tempus in
quo hæc prædicta; & genus ipsius.
Et primùm, vt quo ordine à Zacha-
ria digesta, eodem à nobis explicen-
tur, videndum est quo tempore hoc
Dei verbum factum fuerit. *Mense,*
inquit, octauo, anno secūdo Darij. Quis
octauus sit iste mensis obscurum
est, quia non apud omnes constitutum,
vndenam menses ab Hebraeis
inchoandi. Sed, vt omittam, quæ ab
aliis de annorum ratione, atque or-
dine

Mensium
ord. quis
apud He-
bræos.

Annivul-
garis o-
lim idem
initium
quod sa-
cri.

Annus du-
plex, vul-
garis &
sacer, &
vnde v-
triusque
initium.

dine obseruari solent, mihi certum est virum hunc sanctum, cum ad Iudæos scriberet, qui à captiuitate soluti Hierosolymis agebant, non curasse, quod aliqui existimarunt, de mensium ordine, qui inchoari potuit ab Imperio Darij, cuius auspiciū, siue principium, principiū anni feliciter auspiciari cēseri potuit. Et primū quod ad annum pertinet, obseruandum, quemadmodum apud nos multiplex est annus; vulgaris, qui incipit à Kalēdis Ianuarij; Astrologicus, qui ab æquinoctio verno; Ecclesiasticus qui ab Aduentu; Scholaris, qui apud Hispanos à die Luca sacro ducitur: sic apud Hebræos duplex annus fuit, sacer, & vulgaris. Vulgarem ab Ægyptiis, vt reor, acceperūt Hebræi, apud quos diu inueterarunt; sicut & mensium nomina à Chaldæis, quia lōgam etiam moram apud ipsos traxerunt. Hic verò vulgaris annus à Septēbri incipiebat, sicut & nunc seruāt Hebræi, vt ex eorum Calendario constat; licet Hieron. in c. i. Ezech. prope initium ab Octobri putet; vbi docet illud esse toti Orienti cōmune principium. Sed nō multū ab Hebræis diuersus est Hieronymus: nam cum Hebræi à Neomenia, id est, à primo die Lunæ ducant mensiū initia: contingit plerūque, vt in vnā Lunā duo illi menses incurrant, qui à nobis dicuntur September, & October.

3. Alter annus est sacer, qui nō tam negotiorum rationem cōsiderat, quam festorum, & sacrōrū dierum, & huius initium sumitur à Luna propiori æquinoctio verno. Quare necesse est, vt primus mensis partem occupet Martij, atque Aprilis. Ita Iosephus lib. i. Ant. c. 4. Sumplit vero, annus hic sacer exordium ex Dei præcepto Exod. i. *Mensis iste vobis principium mēsum, primus erit in mē-
sibus anni.* Neque existimo, tunc pti-
a. G. Sanctij Comm. in Zacha.

Exod. i.

mum nominari cœptum: sed cum iam pridem Hebræi apud Ægyptios essent commorati, illorum fastos, & ordinē temporum imitati, antiquissimam temporum rationem, quam ab Adam reliqui suscepissent, obliti sunt, aut indulgentes peregrinis dominis abiecerunt. Quare cum liberi iam essent, & sui potius, quàm Ægyptij iuris, ne quid hereret ex antiqua seruitute, iussi sunt ad antiquam rationem temporis reuerti. Nihilominus, vt dicit Iosephus supra, Moyses de antiqua anni, ac mēsum dispositione quoad res alias non sacras nihil mutauit, nepe quoad pacta, nūdinas, & res alias forēses: sicut apud nos, vt dixi, alia est ratio sacri, atque Ecclesiastici anni, qui ab Aduentu ducitur, alia vulgaris, & ciuilis, quā Kalendis Ianuarij.

Hinc ergo quæstio oritur, vtrum mensis iste octauus, de quo Zacharias, ad vulgaris, vel ad sacri anni legem exigendus sit? Sed quæstionem totā soluit facillē Propheta noster, si illum propius, & attentius intueamur. Nam paulo post ita mensium numerum, & ordinem designat, vt dubitare iam possit nemo: hoc ipso capite, *In die, inquit, vigesima quarta undecimi mensis Sabbath: & cap. 7. Factum est verbum Domini ad Zachariam, in quarta mensis noni, qui est Casleu.* Sed hi menses in eo sunt ordine iuxta rationem anni sacri incipiendo à Nisan. i. Aprili, seu Martio: nam in illos duos menses, vt diximus, incurrere solet æquinoctialis Luna: non à Septembri. i. in anno vulgari iuxta quem Casleu esset secundus, & Sabbath quartus. Et eundem ordinē secuti sunt, opinor, scriptores omnes sacri. Quare in Scriptura sacra laborandum non est de anno vulgari, etiam dum sermo est de re politica, atque profana: nā exempla occurrunt non pauca in quib. & ordinē mēsum

4. Sacri anni ratio seruata à Zacharia.

Nūquam S. Scriptura anni vulgaris rationem habuit

notatur, & numerus, de rebus omnino non sacris, quæ de anno sacro esse intelligenda nemo, credo, dubitabit. 1. Machab. cap. 4. *Ei ante maritimum surrexerunt quinta, & vicesima die mensis noni; hic est mensis Casleu.* Esther 3. *Hic est mensis primus, cuius vocabulum est Nisan: & c. 8. Erat autem tempus tertij mensis, qui appellatur Siuan: & cap. 2. Ducta est itaque ad cubiculum Regis Assueri mense decimo, qui vocatur Tebeth.* Chaldaus etiam in re prophana, cum agit de agrorum satu, & crebro, & opportuno faciendo, sic exponit illud Eccles. cap. 11. *Da pariem septem, nec non & octo, optimam partem seminis confer mense Thisri in agrum tuum: neque tamen & mense Casleu à seminando auoceris.* Vbi agit de mense Septēbri, & Octobri, qui à Nisā deducti septimus sūt, & octauus; qui idonei sunt sementi faciendæ. Si verò à mense Septembri ducerentur, septimus esset Martius, & octauus Aprilis, qui mēses inepti sunt sementi faciendæ; quia tūc metuntur fruges in Iudæa, & messis hordeaceæ manipuli offeruntur. Vbi notandum obiter, Chaldaum pro Marchesuan, qui octauus mensis est, posuisse Casleu, qui in S. Scriptura saepe nonus vocatur.

Eodem modo existimo à sacris Scriptoribus habitam esse rationem anni sacri non solum ab Exodo, vbi eius anni exordium indicatum est, sed etiam in Genesi, tum quia lōgè probabilius est primum mensem mundi fuisse ab æquinoctio verno: tū quia Moyses, qui à Domino populo indixerat mensem illum futurum esse anni principium, illa tempora videtur notare debuisse, quæ maximè nota, atque vsurpata populo esse cupiebat. Atque ideo non solum tempora, quæ Ægyptiacam captiuitatem, sed etiam quæ diluuium antecesserunt, illo numero, atque

ordine notabat, qui iam apud Hebræos, & familiarior, & notior esse cœperat. Cuius sententiæ est Ribera in cap. 2. Aggæi.

Hæc de annis. Quod verò ad menses attinet, certū imprimis est apud Hebræos menses à numero, atque ordine notari: quare dicitur *primus, secundus, & c.* Hic autē aliquis rogare posset, cur apud Hebræos plerunq; menses ab ordine numerentur, cum propria etiam occurrant nomina, quibus inter se commodè discerni possint, vt Nisan, Iiar, Siuā, Thamnuz; Ab, Elul, Thisri, Marchesuan, Chasseu, Tebeth, Sebarth, Adar. Solutio difficilis non est: nam, vt fatentur omnes, & ipsa nominū notatio declarat, hæc Chaldaica sunt nomina: quare à sacris Scriptoribus non nisi post Babylonicam captiuitatem vsurpātur. Vbi hoc obiter notandū, interdū in Scriptura mēses duobus nominib. notari; altero Chaldaico, & proprio, altero à numero, atque ordine, idque, vt reor, eā ob causam, quia quemadmodum aliis locis, vbi aliqua duo habēt nomina in S. Scriptura, neque omnib. nota, utrūque nomen explicari solet: de Thoma Ioan. 21. *Thomas, qui dicitur Didymus:* Reg. Vbi aliquis duo habet nomina, vtrūque solet S. Scriptura exprimere. de Thaddæo Matth. 10. vt habent Græca exemplaria, & plurima ex Latinis, & legit sine dubio Hieronymus. *Thaddæus, qui cognominatus Lebbaeus.* Quorum prius Chaldaicum, posterius Hebraicū nomen est eiusdem significationis. Act. 1. *Ioseph, qui vocabatur Barsabas, qui cognominatus est Iustus:* & Act. 9. *Tabitha, que interpretata dicitur Dorcas;* & huius generis complura alia occurrent exēpla. Ponuntur autem duo nomina idiomatis diuersi, vt diuersis etiam nationib. res esset nota. Sic ergo, quia menses & ab ordine dicuntur *primi, secūdi, & c.* & ab Hebræis, & à Chaldæis appellantur *Nisan, Adar, & c.*

S.
Quæ mē-
sium no-
mina, &
vnde.

Ecc. c. 11.

Reg.
Vbi ali-
quis duo
habet no-
mina, v-
trūque so-
let S. Scri-
ptura ex-
primere.

vt om

vt omnibus esset notum quid quoque tempore fieret, cum nō omnes Hebræorum, aut Chaldæorū notas intelligerent, vtrumque nomen adhibitū est ab his, qui in Babylonico exilio, aut qui non longè pōst soluta iam captiuitate scripserunt. Sic Zacharias cap. 1. & cap. 7. quia recens à captiuitate reuersi adhuc Chaldaicā rationem temporis retinebāt. Sic in captiuitate sapius Mardocheus, qui author esse existimatur libri Esther: quia historiam illam tam Hebræis, quā Chaldæis cognitā esse cupiebat.

6. Sed est adhuc dubium, quia ante tēpora Babylonica videmus nomina aliquorum mensium fuisse propria. Nam 3. Reg. cap. 6. inueniuntur menses Zio, & Bul, quorum alter secundus dicitur, alter octauus: & cap. 8. Ethamin, qui etiam dicitur septimus: & ipsius Moysis tempore mensis primus dicebatur Abib, sic enim Hebraicè, quem noster vertit Exod. 13. & Exod. 23. *mensis nouorum, vel nouarum frugum.* Respōdeo, mihi esse verisimile, quod placet Prado in cap. 1. Ezechielis, olim Hebræos nomina omniū mēsium habuisse propria: sed ex quo Deus Exod. 12. præcepit, vt mensis, qui postea vocatus est Nisan, primus esset in mensibus anni, hinc ab eo mēse reliqui *primus, secundus, tertius* dicti sunt. Cum verò ante Moysen, qui primus hoc accepit præceptum, nullus scriptor inter Hebræos fuerit, factū est, vt reliqua mensium nomina, vtpote nūquam mandata literis, exciderint. Aut fortasse quemadmodum in mense tres notati dies Calēdarum, Nonarum, atque Iduum nominibus, reliqui à numero prout longiūs, aut propiūs ab his remoti, & in die quatuor horæ notissimæ, quia in his magnæ sūt temporum, aut negotiorū mutationes, & in nocte quatuor notantur spatia vigiliarū nomine distincta, sic

Ante captiuitatē Hebræi aliqua habuerunt propria nomina mensium.

etiam verisimile est in anno certos quosdam terminos fuisse consignatos propriis nominibus, reliquos à numero vocatos *secundum, tertium, &c.* quemadmodū olim apud Romanos quidā mēses propriis nominibus, alij cōmuni, id est, ordine, & numero notabantur. Ouid. 10. Fast.

Martis erat primus mensis, Venerisque secundus:

Hac generis Princeps, ipsius ipse pater.

Tertius à senibus, iuuenum de nomine quartus,

Quæ sequitur numero turba notata fuit.

Darij Regis.] Hic iam videndum 7. cur Darij, id est, externi Regis anni meminerit, sicut fecit Aggæus; cum tamen alij ex Prophetis domesticorum Principum tēpora notauerint. Sed est obuia ratio; tum quia ex domesticis Hebræi Regem habebant Tempora Principū nominib. notari solita. nullum, tum etiam, quia, si cuiuspiam, Persarum Regibus seruiabant, quorum auctoritate, & inchoata prius Templi constructio, & interrupta postea, & tandem post lōgum tempus reuocata. Oportebat præterea, vt quādo voluit Deus, vt legati à se Prophetæ monumentum extaret, tanti beneficij tempus amplissimi alicuius, atque notissimi Regis ætate notaretur. Quod etiam accidit quando ab eodem maior Prophetæ Ioannes missus est. Nam cum Rex non esset è Iudæorum semine, peregrinorum Principum, Tiberij, Herodis, &c. & nomina, & tempora Ioannis prædicationi præfixa sunt. Sed quis fuerit Darius iste, obscurū est. Primū, certum est hūc esse Darium, de quo Esdras lib. 1. cap. 4. & 5. nam huius imperio instaurata est templi fabrica, & ibidē sub eodem prophetas traduntur Aggæus, & Zacharias. Hunc quidā ex Hebræis putāt fuisse filium Esther, & addunt

Darius iste non fuit filius Esther, vt volunt Hebræi.

hunc ab Alexandro victū. Illud videtur nō pugnare cum tempore, in quo nunc versamur, quia historia Esther contigit ante hoc tempus: quod ex eo fit planū, quia Mardochæus ductus fuit in Babyloniam cum Iechonia, vt liquet ex cap. 2. Esther, & clarius cap. 11. Cōtigit verò inter captiuitatem primò solutam à Cyro Rege; & secundò nunc à Dario, ex quo mihi fit verisimile Assuerum istū, qui duxit Esther, & à quo susceptus traditur fuisse Darius, fuisse Cambysem Cyri filium, qui alio nomine Artaxerxes, & Assuerus dicitur 1. Eld. c. 4. qui facultatem à Cyro factam edificandi ciuitatē, & templum reuocauit. An verò Darius iste filius Esther fuerit, non constat; neque est verisimile, quia non esset necessarium ab his qui prohibebantur in Ierusalē instaurare ciuitatem, & templum suppliciter literas dare ad Regē pro pertexēdo opere: neque facultas esset ad secundū vsque annum dilata, cum vrgere possent cōmunem causam Mardochæus, & Esther, quorū neque Prophetæ, neque Esdras meminerunt. Sed neque Assueri, siue Cambylis filius fuit iste Darius, vt faciliè patet ex profana historia, sed alius qui duobus Magis, qui Imperium occuparāt, interfectis, quartus à Cyro Babylonicam sedē occupauit. Illud verò quod addunt Hebræi, Darium istum victum ab Alexandro, omnino incredibile, nisi dicamus Babylonicam Monarchiam statim in suo principio defecisse. Et sanè hoc Hebræorum somnium non solum cum tota profana historia pugnat, sed etiam cum diuina. Nam constat Alexandrum non lōgo spatio antecessisse Machabæorum tempora. 1. Machab. cap. 1. Sed longè ante illa Alexandri, Machabæorumque tēpora instauratum est templū, cuius edificandi facultatem

Assuerus,
cui nupsit
Esther vi-
detur fuisse
Artaxerxes,
qui & Cam-
byles.

fecit iste Darius. Fuit ergo hic cuius anno secundo facta est secūda continuandæ fabricæ facultas, Darius Histaspis, quartus à Cyro, qui primus Iudæis facultatē fecit redeundi Ierusalem. Quod necessariò dicendum est, cum statim dicatur hic annus septuagesimus ab vrbis excidio.

Incidit autem hic annus secūdus, vt Eusebius tradit in Chronicis, in vltima tēpora Regū Romanorum. i. in Regnum Tarquinij superbi, in Olympiadam 64. Cum autē Christi natiuitas inciderit in Olympiadā 194. vt tradit Eusebius, & Kalendariū Romanum, & cōmuniter alij, fit à Zachariæ Prophetia vsque ad augustissimum Christi ortum annos intercessisse 20. supra 500.

Factum est verbum Domini ad Zachariam filiū Barachia, filij Addo. Hic excutienda nobis est quæstio ab aliis neque paucis, neque ignobilibus auctoribus disceptata; An hic Zacharias, de quo nobis sermo, ille sit qui à Domino Matt. 23. occisus dicitur inter templum, & altare, de quo sententiæ variæ. Omitto hīc Rupertum, qui hunc Zachariam Iacobum fratrem Domini putat, quia hic omnium nouissimus in templo occisus est, non procul à ciuitatis excidio; nam etiā si Zachariæ nomen conueniret, non tamen mortis tempus: Christus enim de occisus ante se Prophetis loquebatur; Iacobus multo pōst interfectus est.

Alij Zachariam esse putant Baptistæ patrem; ita Orig. tractatu 19. in Matth. Bas. Orat. de humana Christi generatione. Grego. Nyss. Orat. in diem natiuitatis Christi. Cyril. Alex. aduersus Anthropomorphitas cap. 2. Epiph. lib. de vita, & interitu Prophetarum. Theophylactus in Matt. Ex recentioribus tenet Baronius 1. tom. Annal. 1. anno Christi, Toletus in Lucam cap. 11. annot. 10.

& Christi

8.

Quo tempore soluta captiuitas.

9.

Quis Zacharias qui occisus inter templum & altare. Matt. 23.

Prima scētiā quod fuerit pater Ioannis Baptistæ.

& Christophorus Castro de Deipara cap. 11. num. 11.

10. Alij credunt fuisse Zachariam filium Ioiadæ, de quo lib. 2. Paralip. cap. 24. vbi lapidatus esse dicitur in atrio domus Domini. Ita sentit Hieronymus, quem sequuntur alij pene omnes è recentioribus. Iansenius c. 84. concor. Gagneius, Abul. Maior, Albertus, S. Thom. & ex nostris Salmeron, Maldonatus, Barradas, Emanuel Sa, & Viegas. Pro qua sententia rationes hæc sunt præcipuæ. Primò, quia peculiaris ratio fuit, cur illius Zachariæ Christus meminisse debuerit: nam sicut sanguis Abel de terra clamauit; Gen. 4. sic etiam clamauit, expetiuitque vindictam Zacharias iste moriturus. 2. Paralip. 24. *Videat, inquit, Dominus, & requirat.* Secunda ratio est, quia templum non exstabat Zachariæ Prophetæ temporibus; quare in eoperimi non potuit. Tertia, quia non erat Sacerdos, atque adeò inter templum, & altare esse non poterat. Quarta, quia non constat ex sacra Scriptura, vbi Zacharias Prophetæ occisus fuerit.

11. Alij nostrum hunc Prophetam esse putant. Ita Chrysost. homil. de Ioanne Baptista tom. 2. Tertul. in Scorpi. c. 8. & Theophylactus in Matth. supra, aliquos dicit ita sentisse, Ribera, Montanus, Vatablus, Zunniga, & Glossa ordinaria hîc. Et hæc mihi sententia multo probabilior; tum quia Christus Matth. 23. de Prophetis loquitur, quos dicit à se missos, & apertè Luc. cap. 11. dicit omnium Prophetarum sanguinem exquirendum esse ab Abel, &c. Loquebatur autem de eo, vt appareret, qui notus erat Iudæis illius temporis. Alij verò præter hunc nostrum, neque numerabantur in Prophetis, neque ita vocabantur. Secundò,

quia ibi Prophetæ pater exprimitur Barachias, quod aliis ab hoc Propheta non conuenit. Neque satisfacit, quod Hieronymus dicit, Barachiam sonare *benedictum Domini*, atque adeò Ioiadam Zachariæ patrem, de quo 2. Paralip. cap. 24. dici posse Barachiam; quod etiam dici posset de auo Ioânis Baptistæ: nam cum multi essent Zachariæ, Christus aliquid addidit, & proprium, & notum, quo illum, cuius sanguis erat effusus, ab aliis distingueret. At nulli pater Barachias fuit nisi huic nostro: quod si aliis eiusdem nominis parentes contigissent, non sanè parentis nomen aptè esset à Christo additum, cum nominis communitas potius confunderet personas, quàm distingueret. Nostri verò Zachariæ pater, cui poterat ignotus esse, cui modò notus esset Barachias, cum statim eius nomen in Prophetiæ principio legatur? Ab alio verò Zacharia Barachiae filio, de quo Isaias c. 8. satis distinguitur nomine Prophetæ. Neque (vt Hebraici docent codices) idem est nomen illius Barachiae de quo Isaias cap. 8. & patris Zachariæ Prophetæ. Ille enim dicitur *ברכייהו* *Lib. reiahu*, hic verò *ברכייהו* *Bereciachy*, vna minus litera. Neque admodum refert, quod Hieronymus dicit vidisse se in Euangelio Nazaræorum, *filium Ioiadæ*: nam illius Euangelij auctoritas aut nulla est, aut certè perquam tenuis: at Euangelij Matthæi, in quo est *filius Barachiae*, perquam maxima. Scio à Nicephoro ex sententia Hippolyti Martyris tradi patrem Ioannis fuisse filium Barachiae. Sed hoc mihi propter rationem allatam difficillimum est: neque enim communem notam Christus adduceret, vt vnum Zachariam ab alio fecerneret.

12. Reliquum est, vt satisficiamus his, quæ ab Hieronymo, atque ab aliis contrà obiiciuntur. Nam ex his, puto, magis erit probabilis nostra sententia. Obiicit Hieronymus nostri Prophetæ tempore vix reliquas esse templi ruinas, atque ideo non potuisse in templo occisum esse. In templo antiquo, & à Salomone constructo nemo dubitat; at potuit in eo, quod à captiuitate excitatum fuit à Zorobabel. Qui quo tempore prophetare cœpit. i. anno secundo Darij, bona pars templi ædificata fuerat, vt constat ex lib. i. Esdræ capite 5. & anno 6. Darij absolutum est templum. i. Esdræ capite 6. id est, anno 4. postquam Zacharias prophetare cœpit: sed prophetauit etiam anno 4. Darij, vt ipse scribit cap. 7. Quare si duos tantum addideris annos illius ætati, quod non est difficile creditu, cum multa deinde prophetauerit, quæ breui tempore non videntur contingere potuisse, planè absolutum vidit templum secundum. Sed absolutum esse templum ipse planè Zacharias indicat c. 15. cum ait se in domum Domini proiecisse 30. argenteos, quam domum esse templum Domini, omnes pene Interpretes docent; & res ipsa declarat. Neque si adhuc imperfectum esset templum, durum esset si inter templum, & altare dicatur occisus: nam per prolepsin satis visitam in Scriptura, inter templum, & altare occisus dici potuit, quia eo loco occisus est, vbi postea ædificata sunt ista, aut vbi tunc inchoata, & bona ex parte perfecta. Certè ædificatum iam altare fuerat. i. Esdræ cap. 3. sicut Gen. 12. & 13. aliqua contigisse traduntur in Bethel, cum tamen multo post cap. 28. appellatus fuerit locus ille Bethel, qui

Quando prophetauit Zacharias, templum secundum aut omnino, aut magna ex parte perfectum erat.

prius Iuza vocabatur.

Ex quo etiam occurritur obiectioni Toleti, qui ideo negat eandem inter templum, & altare conuenire posse huic Zachariæ, quia Sacerdos non erat, atque adeò in locum illum arcanum intrare non poterat. Nam cum eo tempore nondum esset absolutum omnino, atque adeò neque dedicatum templum, liberum erat cuilibet illuc ingredi, & locus satis erat opportunus, vt ibi acceptum à Domino verbum populo annuntiaret. Vnde verisimile fit, cum durius interdum ageret cum populo, & conflatum fuisse odium, & illatam eandem. Sed neque difficile est creditu, etiam si perfectum, dedicatumque esset templum illud, tamen Zachariam in illis rerum angustiis, mortisque articulo in arcanum illum locum introiisse. Sanè Sacerdos non erat Adonias. 3. Reg. i. & mortis, quam à fratre Salomone timebat, declinandæ causa, eò usque irrupit. *Adonias autem timens Salomonem, surrexit, & abiit in tabernaculum Domini, tenuitque cornu altaris.* Et eandem ob causam ad eundem usque locum penetravit Ioab cap. 2. Imò ex his locis non obscure colligitur illud fuisse commune miserorum asylum, à quo Zacharias, etiam si Sacerdos non esset, prohiberi non debuit, aut religionis loci deterreri. Sed sunt qui putent fuisse Sacerdotem, & in his Dorotheus in synopsi, & Sozomenus lib. 9. cap. ultimo, Nicephorus lib. 14. cap. 8. Cedrenus in Honorio anno 11. qui dum agunt de ipsius inuentione, tradunt inuentum fuisse in arca Sacerdotali indutum stola; eo nimirum habitu, quem in vita gestauit.

At dices non constare alio in loco de huius Prophetæ cæde.

13.

Ad altare in magna angustia accessus erat etiā non Sacerdotibus.

14.

Re-

Regul. Respondeo, non esse nouum in sa-
 Multa in cra Scriptura, vt quæ in aliquo loco,
 suis locis omiffa, & eoque maximè proprio sunt omiffa,
 alibi nar- ea alibi ab aliquo alio auctore sacro
 rata. tradantur, vt pluribus docuimus
 Act. 1. ad illud. *Quia Ioannes quidem
 baptizauit aqua*: maximè quia illo-
 rum temporū historia, in quibus oc-
 cisus Zacharias esse potuit, ad tem-
 pus vsque Machabæorum interrump-
 ta est.

15. Quod ille qui occisus fuit inter
 templum, & altare, non fuerit Za-
 charias filius Ioiadæ, satis, opinor,
 efficaciter probat Toletus; tum
 quia Christus Matth. 23. locutus
 videtur de sanguine impiè profuso
 & primi, & vltimi Prophetarum:
 sed vt ille, Zacharias filius Ioiadæ
 Propheta fuerit, quod non puto,
 non tamen Prophetarum vltimus
 interfectus est. Post illum
 enim interfecti fuerunt Isaias, & Ie-
 remias, Amos, & alij, vt est com-
 munis Hebræorum, nostrorumque tra-
 ditio, & habet Kalendarium Ro-
 manum. Zacharias verò vltimus
 omnium occisus fuit, quia etiam
 fuit Prophetarum veteris testamen-
 ti penè postremus. Quod si quis
 probauerit, nihil, credo, erit quod
 huic sententiæ aliquis obiiciat. Et
 quidem ita sentiunt Hebræi in li-
 bro Cosræ. i. abbreviationis Seder
 Holam: & in lib. Baba Batra cap. 1. &
 Iosephus lib. 1. contra Appionem.
 Ab Artaxerci, inquit, vsque ad nostra
 tempora singula quidem descripta sunt,
 verum non pari fide digna censentur
 apud nos, quòd non fuerit Prophetarum
 exacta successio. Sed est hoc ex sacra
 Scriptura pene certum. i. Machab.
 cap. 9. vbi simul atque soluta capti-
 uitas est, defecisse dicuntur Pro-
 phetæ. Nam mortuo Iuda ea, conse-
 cuta est populi Hebræorum tribu-
 latio à Bachide, qualis non fuit ex

Zacharias
 fuit pene
 vltimus
 Prophetarum
 veteris testa-
 menti.

quo ex grauiissima Chaldæorum ty-
 rannide emerferunt Hebræi; illa ve-
 rò temporum calamitas Prophetarum
 defectu notatur. *Et facta est, in-
 quit, tribulatio magna in Israël, qualis
 non fuit ex die, qua non est visus Pro-
 pheta in Israël.* Quod etiam indicasse
 videtur Zacharias hoc capite, vbi
 dicit; *Propheta nunquid in æternum
 viuunt?* indicans deinceps cessatu-
 ram esse Prophetiam.

Neque admodum vrget, quod
 nonnullos adduxit in Hieronymi
 sententiam, quia nempe Christus
 de his locutus videtur, qui sui san-
 guinis vindictam à Deo expetie-
 runt, quia sanguis Abel contra fra-
 trem clamauit. Gen. 4. & Zacharias
 filius Ioiadæ clamauit in morte, *Vi-
 deat Dominus, & requirat.* 2. Paralip.
 24. Nam aliorum iustorum sanguis
 impiè profusus etiam clamat, vindi-
 ctamque expetit. Apoc. 6. *Vidi, in-
 quit Ioannes, animas intersectorum
 propter verbum Dei, & propter testimo-
 nium, quod habebant, & clamabant vo-
 ce magna, dicentes. Vsquequò Domine sã-
 ctus, & verus, non indicas, & non vin-
 dicas sanguinem nostrum de his, qui ha-
 bitant in terra?*

Apoc. 6.

Adde etiam quòd Zacharias fi-
 lius Ioiadæ in atrio lapidatus dici-
 tur; non inter templum, & altare,
 vbi etiam Iudæi Christum lapidare
 tentarunt. Ioan. 8.

Quòd verò Zacharias iste non
 fuerit Baptistæ pater, ex eo videtur
 possuaderi, quia Christus vt ma-
 gni alicuius sceleris Iudæos argue-
 ret, magni nominis viros ab illis oc-
 cisos proposuit, qualis fuit Abel, vel
 ipsa antiquitate notissimus: & simi-
 liter aliquis è recentioribus adduci
 debuit, qui impiè esset interfectus.
 Sed Ioannis pater, et si sanctissimus,
 minùs tamen illis erat conunenda-
 tus, & quia recens eius memoria,
 &

16.

17.

& quia non adeò illis venerabilis. Sed noster hic Zacharias notissimus erat, quia è Prophetarum numero, & pater eius ignorari non poterat, quia in ipso statim exordio Prophetiæ, Barachiz filius appellatur.

18.

Non fuit
Zacharias
pater Ba-
ptistæ, de
quo Mat-
thæus.

Neque video quantum momenti habeat ista sententia, ab illis verbis, *quem occidistis*, ut hinc efficiatur id, quod Græci putant de patre Ioannis, quasi illi, qui tunc aderant, Zachariam illum interfecerint, de quo nobis quæstio. Quia satis vlitatum est in omni lingua, atque natione, ut filii tribuantur, quæ facta sunt à patribus. Nam si quis v. g. Græcos reprehendat, ut fecit Cicero pro Flacco, etiâsi cū præsentibus ageret, à quibus nihil accepisset malires Italica, vlitato tamen modo loquendi aptè diceret. *Vos in Italiam, regionem antea duram, & bellicosam delicias molles, & effeminatos mores induxistis.* Aut si Italos lauder, aut Hispanos præsentibus, ad illos dicat. *Vos olim orbem armis subegistis; ad hos verò: Vos regiones incognitas vltra Oceanum aperuistis;* cū tamen, qui talia de se audiunt, nihil horum fecerint, aut tentauerint. Sed est hoc in sacra Scriptura frequētissimum. Ose. cap. 13. cū ageret cum sui temporis hominibus Deus, *Ego*, inquit, *cognoui te in deserto, in terra solitudinis: & Micheæ cap. 6. Popule meus quid feci tibi; aut quid molestus fui tibi? responde mihi; qui eduxi te de terra Egypti, & de domo servientium liberaui te,* &c. Sed ij quibuscum tunc loquebatur Deus, neque in deserto fuerant, neque ex Egypto liberati. Sic omnino hoc loco cū dicit, *quem occidistis*, non significat Christus ab illis fuisse Zachariam occisum, sed ab eorum parentibus; maxime quia illi dici posse videntur interemisse, qui eundem factam esse probant:

id quod Christus proximè iisdem obiecerat Iudæis Matth. 23. *Profectò testificamini quòd consentitis operibus patrum vestrorum.*

19.

Addo ex Græcis Patribus, non omnes qui citantur, de patre Ioannis ita sentire, sed tantum dicere sic ab aliis tradi, neque quicquam asserunt præter traditionem. Et in his sunt Basilus, Cyrillus, Alex. Euthymius, imò omnino videntur negare plurimi eorum, qui cum Græcis sentire dicuntur, dum dicunt interfectum quidè esse Zachariam, non tamen à Iudæis, sed ab Herode: eo quòd filium suum Ioannem, quem ipse cum aliis infantibus extinguere cupiebat, de quo admiranda audierat, futurumque Iudæorum Regem suspicabatur, satellitum suorum gladio subtraxerit. Quare non erat, cur Christus Iudæis obiiceret illam Zachariæ eadem. In his est Epiphan. lib. de Prophetarum vita, & interitu, Cedrenus in compendio historiarum. Metaphrastes in Commentario de S. Ioanne Baptista. Petrus Alexandrinus in regulis Ecclesiasticis, can. 3. quas recepit sexta Synodus apud Theodorum Balsam.

20.

Neque vlla ex rationibus, propter quas interfectus esse traditur (nam nō omnibus est eadè) satis est aut firma aut grauis. Non illa quæ à pluribus affertur, quòd Virginem defendere voluerit ab his, qui postquam iam enixa filium in loco destinato virginibus sedere vellet, illam inde exturbare conati sunt, virginem esse affirmans, neque eo loco, & ordine indignam. Nam primum quis credat B. Virginē tam humilem, ac modestam, quæque tantopere celarat mysterium incarnati Verbi, & seruato adeò religiosè purificationis præcepto matrem se professa

fecta fuerat, quasi mater non esset, in illud virginum conclave concessuram? Deinde verisimile non est, aut adeo præfractè Zachariam illorum studiis oblectaturum, qui contrà nitebantur, aut alios ita futuros infensos Sacerdoti sibi aliàs nō inimico, vt temerare eam ob causam manus Sacerdotali sanguine voluerint; idque in loco sacro.

21. Neq; illa grauior est ratio, quā ex antiqua traditione adducit Cyril-
lus. *Nam cum audissent, inquit, Iudæi Regem totius creationis ad humanam natiuitatem diuino consilio procedere, veriti ne in eius Regis potestatem, & imperium venirent, eum qui hæc de partu testificatus erat, interficiunt Sacerdotem sacrificantes. Quasi Iudæi, cum hæc à Zacharia dici potuerūt, liberi essent à Regia potestate, & mallent peregrinis seruire dominis, quā proprio, atque domestico, & quem omnium maximè cōmunibus votis, atq; studiis desiderabant. Quare non sine causā hæc de Ioannis parente Zacharia apocrypha esse, & sine vilo fundamento putat Hieronymus.*

22. Sed concedamus antiquæ traditioni, vt interfectus fuerit tam hic Zacharias, quā alius filius Ioiadæ, concedamus etiam iis, qui pro illis sentiunt, fuisse etiam Prophetas; tamen adhuc nostræ sententiæ suū quoque pondus inest, & maior apparet ratio, cur Christus Barachiae nomē interposuerit. Certū est enim, vsūque Scripturæ frequentissimū, vt qui nomine, aut munere conueniunt, parentum nominibus distinguantur. Quare qui dicti sunt Ieroboam, eiusdem Regni Principes, nempe Reges Israël, parentum nominibus intermiscuntur, & alter dicitur filius Nabath, alter filius Ioas: duo itē discipuli vocati Iacobi, eodē

G. Sanctij Comm. in Zachar.

modo distinguuntur, quia alter Zebedæi filius, alter Alphæi dicitur. Sic etiā vt hi tres Zachariæ, & mortis genere cōuenerint, & vitæ instituto, & Prophetiæ dono, sicut etiam illi de quib. modò, & Regio, & Apostolico nomine, & munere cōsensere, tamē aliquo modo distinguendi fuerunt; neque aliquid apparet aliud præter parentum nomen. Quare verborū Christi sensus erit; vt cætera gratis concedamus; ex tribus illis Prophetis, quos occidistis inter templum, & altare, qui vocati sunt Zachariæ, illius, cuius pater fuit Barachias, sanguis descendet super vos. Illud verò de Prophetiæ dono gratis omnino concedo superiori sententiæ; nam de Zacharia filio Ioiadæ, vnde vel tenue Prophetiæ vestigium? Alter verò Ioannis pater, licet Propheta fuerit, quia de Christo prophetauit Luc. 2. non tamen habebatur Propheta, quia de Christo egerat, quem Iudæi Seruatorem, aut Messiam non agnoscebant: atque ideo etiam si ad eorum aures Zachariæ vaticinium aduenisset; pseudopphetam existimassent potius quā Prophetam, quia etiam Christum seductorem putabant.

Et vt tandem hinc abeamus, occurramus ad extremum rationi, quæ alicui fortasse grauis videri possit: nam non tam ferro, ac vi Zacharias sublarus videri potest, quā morbo, aut etiam naturæ necessitate; nam valdè senex obisse traditur, & cum Aggæo Propheta sepultus. Ita Epiphanius lib. de vita, & interitu Prophetarum, & Dorotheus in synopsi. Hoc tamen argumentū ab ætate Zachariæ sumptū nullū omnino est; nam, vt idē Doroth. scribit, & Isidor. lib. de vita, atque obitu Sanctiorū, valdè senex rediit à Babilone Zacharias, & ita docet Ka-

23. Zacharias senex à Babilonia reuersus.

Regul
Parentum
nominib.
interdum
homines
ab aliis
distingui
tur.

lendarium Romanum die 6. Septēbris. Neque de genere mortis quicquam ab his auctoribus dicitur.

24. *Addo Zachariae auctus ab eo de quo Reg. 13.* *Filius Addo, Prophetam.* Hieronymus putat hunc Addo esse Prophetam illum, qui locutus est ad Ieroboam 3. Reg. 13. nam 2. Paralip. 9. dicitur. *Reliqua autem opera Salomonis scripta sunt in verbis Nathanael Prophetæ: in visione quoque Addo Videntis contra Ieroboam filium Nabath.* Sed non est grauis admodum coniectura; tum quia qui hinc Addo dicitur, Heb. scribitur *גידו Ghido*: in Paralipomen. verò *ידו Iehdi*. Deinde quia inter illū Addo, & Zachariam intercesserunt 480. anni, & eo plus, quod spatium eo sæculo duæ hominum ætates non implerant. Neque hinc locum habet illa communis ratio, quod longè post illud tempus in quo Ieroboam ab Addo Prophetæ admonitus est, susceptus fuerit ab Addo Zachariæ pater; nam eodem tempore à leone interfectus est Addo, quo vaticinatus est contra Ieroboam.

25. *Non ideo Prophetæ parentes iudicandi, quia in titulo Prophetæ cū Prophetæ ponuntur.* Hinc obseruandum, à nonnullis existimari ex Hebræorum sententia, quotiescunque Prophetæ patres; aut auus ponitur in titulo, ipsos quoque fuisse Prophetas. Quare Amos vnus de duodecim Prophetis, qui dixerat; *Non sum Prophetæ, nec filius Prophetæ: sed pastor caprarum, vel licans sycomoros*; patris nomen in titulo non habet. Ita Hieronymus in Commētariis Sophoniæ in principio, qui non tam probat, quàm refert Hebræorum sententiam. Eādem sententiam ex Hieronymo tradit S. Thom. in Isaiam & in Ieremiam iterum in principio: & Rupertus in Sophoniā. Quam etiam regulam tradit Lira in principio Sophoniæ, & Zachariæ, dicitq; nō solum Hebræorum esse, sed etiā quo-

rundam Catholicorum. Neque Basiliius negat in 1. cap. Isaiæ. *Patris inquit, nomen quā ex causa attexit? ut ostenderet donum prophetalis gratiæ patri prerogatum, ad se etiam nunc velut per manus peruenisse.*

26. Sed sanè hæc Hebræorum traditio suspecta est: neque illam tam probat Hieronymus, quàm recenset. Et Burgenfis prima additione in cap. 1. Zachariæ, & alibi sæpe hanc traditionem grauiter inculcat, & Hebræorum esse negat: & Abenezra in principio Ioëlis docet à Prophetis parentum suorum nomina proponi, quia ab illis nobilitati sunt. Quā etiam rationem adduxit Basil. supra, quā videtur probasse magis. Et quidē mirū esset, si tot essent Prophetæ, quot Prophetarum maiores in vaticiniis initis commemorantur, aliis in locis Scripturæ nullam illorum factam esse mentionem. Neq; admodum verisimile est, tot prophetali dono præditos, quot à Baruch, & Sophonia in principio positi sunt: sic enim ille. *Hæc verba libri quæ scripsit Baruch filius Naaria, filij Maasia, filij Sedecia, filij Sedei, filij Helcia.* Hic verò: *Verbum Domini, quod factum est ad Sophoniam filium Chusi, filij Godolia, filij Amaria, filia Ezechia.* An tam longa Prophetarum series à tot sacris scriptoribus omissa? Tractauit hanc questionem pluribus Ribera præludio 4. in Prophetas minores.

27. Causā verò cur in Prophetarum libris parentum nomina præfigantur, non propriam esse puto, quod etiam censuit Ribera, sed communem cum iis, qui nomen habuerunt cum aliis commune; à quibus vt distingui possent, propriam illorum notam adhiberi oportuit. Quare à Christo Simō appellatur filius Ioānis, vt ab altero secernatur Simon-

Cur patres in principio Prophetæ nominati.

Amos Prophetæ nō fuit Isaiæ pater.

ne, qui vocatur Chananæus, neque alia nota Iacobus Alphæi à Iacobo Zebedæi filio; & Iefoboam filius Nabath ab alio sibi cognomini filio Ioas, nisi parentum nominibus separantur. Quod verò pater Amos, qui in minorum Prophetarum ordine tertius numeratur, non ponatur in Prophetiæ ingressu, ideo est, vel quia non erat tunc alius, qui eodem cum Propheta nomine vocaretur, vel certè quia ex ignobili parente, qualem esse oportebat illum, qui caprarium, & rusticum hominem genuisset, nihil commendationis addi poterat Prophetæ vaticinio.

28.

Iratus est Dominus super patres vestros iracundia.] Id agit Dominus per Prophetam, vt populum ad se trahat, quem aliena studia ad alias cogitationes abripuerant, adducitque antiquam parentum vesaniam, qui cum similia documenta à prioribus Prophetis tradita respuissent, in grauiâ, atque diuturna incommoda lapsi sunt. Quid verò valeat cōiugatarum vocum copulatio, *iratus iracundia*, docuimus pluribus ad illud Cant. 1. *Osculetur me osculo.*

29.

Conuertimini ad me, & ego conuertar ad vos.] Hæc verba sæpe audiuit populus antiquus à Prophetis. Ioël. cap. 2. *Conuertimini ad me in toto corde vestro.* Sed hîc breuiter quærenda duo; alterum, cur hoc loco præcedere dicatur Dei conuersionem hominis conuersio; cum communiter Theologi tradant à Dei conuersione præcurrente, habere hominē vt conuerti possit ad Deum; & ideo Thren. vltimo dicitur. *Conuerte nos Domine, & conuertemur.* Alterum est, cum Propheta loquatur ad eos, qui iam ex captiuitate redierant in Ierusalem, operamque dabant instaurando templo; cur monet vt cōuertantur, quasi tunc desides inue-

terascerent in peregrino solo, & de templo, sacrisque curam prorsus abiecissent? Alteri dubio respondet Tridentinum sess. 6. cap. 5. his verbis. *Cum dicitur in sacris literis; conuertimini ad me, & ego conuertar ad vos, libertatis nostræ admonemur* (quia nimirū possemus non conuerti, sicut statim dicitur de his, qui vocati sunt; & non audierunt, neque attenderunt ad me dicit Dominus.) *Cum respondemus; conuerte nos Domine ad te, & conuertemur, Dei nos gratia praueneri consue-mur.* Et sanè hoc loco illud *conuertimini*, vox est Dei ad homines iam conuersi, mouentisque ad studium salutis: hortatur tamen homines vt se quoque ad ipsum conuertant, quo plura in eos, ac maiora conferat beneficia.

Alteri dubio dupliciter occurri potest: nam populus ille, etiā iam reuocatus in patriam, & segniter se gerebat in rerum sacrarum instauratione, vt colligitur ex Aggæi cap. 1. & id, quod ex Babylonicis morib. peregrinum contraxerat, nondum omnino deposuerat; atque adeò cōuersus ad Dominum omnino, id est, ex toto corde non fuerat. Iubet ergo Dominus, vt vetera deponat, noua meditetur, & vnum in omnibus intueatur Deum, si modò velit illum habere rerum suarum custodem, & curatorem.

Siue quia, vt diximus ad illud Act. 10. *in veritate comperi*, ex Scripturæ consuetudine cum actio noua, ac prima significari videtur, illa noua non est, sed veteris continuatio, confirmatio, aut augmentum. Vide Salmeronem Proleg. 15. Regula 30. quomodo Ioan. 2. Discipuli credidisse dicuntur in Chana Galilææ, quia ibi nouo miraculo confirmata est fides; iam enim antè crediderant, neque enim aliter il-

31.

Regul.
Interdum
videtur
actio noua,
quæ veteris
continuatio,
aut augmentum
est.

Dei conuersio ad nos, præcedit nostram cōuersionē ad Deū.

lum essent secuti. Et Genes. 15. *Credidit Abraham Deo, &c.* quando speravit ex mortuis membris nasciturum filium; crediderat tamen multo antè, quando exiuit è patria; ad Heb. 11. *Fide obediuit Abraham in locum exire, quem ignorabat.* Sic illud Eccl. 18. *Ne verearis usque ad mortem iustificari;* & Apoc. ultim. *Qui iustus est, iustificetur adhuc.* Sic ergo hoc loco id tibi videtur velle illud; & ego conuertar, id est, perseverabo in benefaciendo, & pluribus cumulabo donis, si vos conuertimini, id est, perseveratis in officio, aut etiam crescit.

32. *Ne suis sicut patres vestri, ad quos clamauerunt Prophetae & priores.* Quàm saepe Prophetae clamauerint, futurumque prædixerint & vrbis excidium, & populi captiuitatē, videbit facilè qui vel leuiter attigerit Prophetas, qui ærumnosum illud tempus antecesserunt. Qui verò increduli diuinis oraculis non solum in sua sibi impietate obstinatò persisterunt, sed etiam cœlestium minarum præcones malè mulctarunt, suis tandē infortuniis edocti cognouerunt Prophetarū voces pondus habuisse diuinæ auctoritatis. Vide caput extremum 2. lib. Paralip. vbi ostenditur quæ poena sit consecuta antiquorum infamiam, qui Prophetarum verba cum fanna, & sibilo excipiebant.

33. *Patres vestri vbi sunt? & Prophetae nunquid in æternū viuunt?* Quantum referat hocne, an illo modo distinguantur voces, vide Salmeronem Proleg. 9. quinq. 1. can. 26. Hic ego sic orationem distinguo, vt non eodem patres, & Prophetae pertineant. Quare interrogationis notā pono post, *vbi sunt*, iuxta distinctionem Hebræorū, qui ibidē adhibēt *Athna*. Deterret autem Zacharias sui tēporis Hebræos parentū exēplo, qui cū

magnò numero septuagesimo ante reditū anno in captiuitatē, & prædā esset abducti Babylonē, ibi omnes post variā, & in singulos dies deteriorem fortunam in exilio extincti; & procul à parentum sepulchris in alieno solo computruerūt; fortè, vt de illorum duce Ioachim dicitur Ierem. 22. sepultura asini sepultri. Quasi dicat: vbi sunt patres vestri, qui inania putabant Prophetarum verba, nempe in Babylonia consumpti, quo se venturos non putabant. Est autem verisimile ex tanta multitudine quæ in prædā auecta est, paucos admodū in patriā rediisse, cū longum septuaginta annorum spatiū, & dura apud Barbaros ministeria, vel ferrea pectora frangere potuerint. Rediisse tamen aliquos certum est ex Aggeō c. 2. *Quis ex vobis*, inquit, *est derelictus, qui vidit domum istam gloriā suā primā? & quid vos videtis hanc nunc? nunquid non ita est, quasi non sit in oculis vestris?* Et clariùs lib. 1. Esdræ cap. 3. *plurimi eorum de Sacerdotibus, & Leuitis, & Principes patrum & seniores qui viderant templum prius, cū fundatum esset, & hoc templum in oculis eorum, flebam voce magna.* Hos verò non fuisse in magno numero, indicat Propheta cū dicit; *Patres vestri vbi sunt?* quasi iam non sint. Et Aggeus suprà, *Quis ex vobis est derelictus?* nam cū pauci sunt, reliqui ex Scripturæ more nulli existimantur.

Secundò, deterret Iudæos, comminatus eis defuturos esse Prophetas, qui Dei mādāta ad ipsos perferant; quod sanè grauissimi doloris causā, & maximi supplicij momentum habet. Et sanè, vt suprà dixim⁹ n. 16. ab hoc tēpore vsq; ad Ioannē, id est, ad Noui Testamēti Prophetas fuerūt suprà 500. annos. Certè nō fuisse Prophetas Machabæorū tempore cōstat 1. Mach. c. 4. vbi de altarijs

Pauci ex his, qui abducti sunt ex Ierusalē, ex captiuitate redierunt.

34. A tēpore Zachariæ defecit Prophetia vsque ad Euangelij tēpora.

altaris profanati lapidibus nihil statuunt, donec veniret Propheta, quæ ea dere consulerent.

35.
 Graue
dammum
si desit
Dei ver-
bum.

Hic dubitare non nemo posset, an hoc loco sermo sit de Prophetis falsis, qui fraudi fuerunt populo nimium credulo, dicentes nunquam futurum, vt Hebræi ab Assyriorum Rege abducerentur captiui. Ita vt sensus sit, falsos esse Prophetas, qui & ipsi iam perierunt, neque viuunt adhuc parentes, quos ipsi inani spe, & promissione lactabant. Quare cum in vita sua id, quod ab eiusmodi Prophetis promissum erat, non acceperint, neque victuri sint, vt aliquando accipiant, consequens est, vt falsos illos fuisse fateamur. Et in hanc partem magis inclinat Ribera, & tenet Hieronymus, Interlinearis, & Lyra: sed placet magis, vt de veris Prophetis sermo sit. Et ita tenet Theodoretus, Montanus, Palacios vterque, & probat Hebræorum interpunctio, vt diximus; maximè quia de falsis Prophetis in hoc capite sermo nullus, de veris multus. Et est sensus satis accommodatus personæ loquentis: ac si admonitus à Deo Zacharias instare iam tempus, in quo defutura esset Prophetia, admoneat alios, vt nunc audiant Dei oraculum ex ore suo, quod iam pene futurum esset postremum: quia multis post annis longum erit Prophetarum silentium. Vide infra cap. 6. vbi dicitur requieuisse spiritus Prophetæ super Chaldaeos, id est, cessasse.

36.

Potest etiam aliter locus hic exponi, si de veri Prophetis accipias. Obière iam Prophetæ, per quos parentibus vestris illa denunciati quæ apud Babylonios captiui pertulerunt; sed viuunt verba mea quorum nec apex vnus iocanis excidit. Quia licet extincti iam Prophetæ minus

comprehendere potuerint parentes vestros; comprehenderunt tamen illos, & mea decreta, & intentata per Prophetarum ora veraces minæ. Quod ipsi vel inuiti fateri coacti sunt: & ideo statim dicunt. *Sicut cogitauit Dominus exercituum facere nobiscum, &c.*

Veruntamen verba mea, & legitima mea, quæ mandauit seruis meis Prophetis, nunquid non comprehenderunt patres vestros? Vox veruntamen, Heb. ~~pe~~ non solum aduersatiua est, sed etiam continuatiua, & affirmatiua. Sed etiamsi aduersatiuè sumatur, commodum habet sensum, illum nempe, quem extremum adduximus.

Hic obserua, iisdem verbis denunciare Zachariam sui temporis Hebræis diuina præcepta, quibus antiquiores Prophetæ parentibus denunciarunt. Vt enim Zacharias sapius vsurpat, *dicit Dominus exercituum*: sic Prophetæ priores, vt Zacharias ipse docet, *clamabant*, inquit, *Prophetæ priores, dicentes: Hæc dicit Dominus exercituum*; & parentes ipsi iam comminationis diuinæ pondus experti dicunt. *Sicut cogitauit Dominus exercituum facere nobiscum, &c.* Vt hinc discant posteri eadem sibi cum parentibus infortunia subeunda, quando iisdem verbis & mandata tradita, & minæ propositæ sunt.

Neque vacat mysterio, quod toties Propheta eum à quo mandata denunciat; vocat Dominum exercituum. Vt enim obseruauit Chrysothom. 1. in epist. 2. ad Corint. & Oecumenius in cap. 1. ad Ephes. attribui Deo solent varia nomina iuxta id quod exigat materia, cuius gratiæ diuinum auxilium imploratur. Nam quemadmodum Gentiles, qui ex variis effectibus varios sibi Deos finxerunt, eosque implorant ad ea, ad

37.

39.

Nomina
Deo va-
riè acc6-
modata
pro rerū
opportu-
nitate.

quæ existimantur aliquid habere numinis; Martem ad bellum, Apollinem, & Æsculapium ad valetudinē, Cererem, & Bacchum ad victum, &c. sic Deum, qui omnia ista obit munera, & multo plura, quàm exco- gitare potuit Gentilium cæcitas, eo imploramus nomine, quod nostro maximè vsui, & temporis accommo- datum est. Modò appellatur *lux*, & *salus*. Pl. 26. *Dominus illuminatio mea, & salus mea*: modò *virtus*, & *fortitudo*, modò *Deus misericors, clemens, & Pa- ter totius consolationis*, modò *petra*, & *refugium*: quia conuenienter his no- minibus pro rerum opportunitate alia, atque alia obit ministeria. Sic ergo in Aggæo singulis propè præ- dictionibus, in Zacharia sapissimè Deus vocatur exercituum, quia ex- citabant populum hi Propheta ad instaurandum, & moliendum opus à potentissimis hostibus impeditū; quare bellator nominatur, & potēs, cuius virtuti omnis succumbat po- tentia mortalium. Vel certè cum mi- netur Propheta his, quibuscum lo- quebatur grauius incommoda, qua- lia parentes olim passi fuerant, vt ostendat hæc posse inferre Deum contra omnium Gentium potentiā, atque conatus, Deum appellat exer- cituum.

40. *In die vigesima, & quarta undecimi mensis Sabbath.*] Eodem nempe an- no, mense ab eadem visione tertio. Certum est solere Deum, & verbis loqui, & rebus: sicut Ægyptij signis quibusdam hieroglyphicis suas co- gitationes obscure quidem, signifi- canter tamen expromunt. Quæ si- gna, quia verborum sustinent pon- dus, & vices, verbum etiam vocan- tur: sicut etiam propter communem vsum verba ipsa vocantur visiones, quod non tam verborum, quàm imaginum est. Vide Isaiam cap. 1. 2.

& 13. vbi diuina oracula verbis pro- posita *visiones* appellantur.

Ad Zachariam filium Barachia, filij Ado, dicens.] Participium hoc diffi- cilem reddit huius loci sententiam, neque enim conuenire potest cum Zacharia, quia in diuerso casu est, neque cum verbo Dei: quia diuinū verbum non dixit quod proximè adiungitur. *Vidi per noctem*, &c. Sed sunt omnino verba non Dei loquē- tis, sed Prophetae narrantis, quo tē- pore, & loco obscurum illud spectrū viderit. Quare alij aliter vertunt. Pagninus *dicendo*: sed est æquè ob- scurum. Varablus; *in hunc modum*: sed non satis exprimit vim, atque vsum vocis Hebraicæ *למור* *Lemor*. Ego verò accommodatè ad phrasim Hebraicam, eodem omnino sensu cum vulgata, sed fortasse clariùs, ita puto conuerti posse; *ad dicendum*, vel, *vt diceret*: quia illud *למור* non tam infinitiuus est, quàm gerundiū accusatiui, quod satis ostendit *La- med* verbo præpositum; licet termi- natio illa alios etiam vsus habeat in Hebraica lingua, hoc sensu: Visio- nem vidit, aut verbum audiuit Za- charias, vt eo doctus, vel instructus doceret ad alios. Nisi maius, illud *di- cens*, sic accipere, vt sit idem quod *de- stinatum*, seu, *directum*; & tunc quæ proximè succedunt non sint quasi persona patiens (vt Grammatici lo- quuntur) illius participij *dicens*, sed aliquid ab eo separatum, in hanc sententiam: *Factum est verbum ad Zachariam directum*: deinde explicat quodnam fuerit verbum illud, seu visio; nam visionem dici posse ver- bum nuper diximus.

42. *Vidi per noctem.*] Quia obscura est hæc visio, ideo quibusdam vide- tur oblata fuisse per noctem, à cuius tenebris aliquid etiam caliginis assu- meret hæc visio. Sed cōiectura leuis; multa

41.

Regul. I
Visio non
ideo ob-
scura est,
quia in
nocte ob-
lata.

multa enim per noctem oblata sunt, quæ tamen nihil habuerunt obscurum, ut de Iosepho Virginis sponso liquet, qui bis noctu admonitus est verbis ipsa pomeridiana luce clarioribus. Accepere item noctu responsum Labā, & Abimelec: alter ut mirius ageret cum Iacob, alter ut uxorem redderet Abrahamo. Verisimilius longè est, ut putat Hieronymus, Theodoretus, Haimo, & Ribera; nocturno tempore significari criminis statum Hebræorum, qui vel apud Chaldaeos relegati morabantur, vel qui ad patrios fines reuocati, à finitimis tamen hostibus bello lacerati, & nouo Regis Persarum decreto ab ædificando prohibiti, nihilo tutius, aut liberius in suo, quam alij in peregrino solo degebant. Ut enim hieroglyphicæ notæ alia designabāt, sic etiam nocturnum ipsum tempus, suas quoque partes agebat in hac visione hieroglyphica. Est autem visitatum, ut tempus, & locus rerum per speciem, atque visionē significandarū, naturis, atque statibus accommodentur. Quare qui nunc apparet inter myrteta noctu, quia iam ex parte respirabat populus à Babylonica seruitute, ille idem in Sina, aspero, ac senticoso monte in spinoso rubo, eodēque ardenti visus est, quia tunc populus idem in Ægypto sub duro Pharaonis imperio pungebatur spinis, & urebatur tribulationum igne.

Reg.
Tempus,
& locus in
quo oblata
visio,
aliquid
designat.

43. Greg. 2. lib. Mor. cap. 2. aliam indicat causam, dū docet, per *noctem* significari prosperitatem, quæ non est diu duratura. Quare 3. Reg. 3. Salomoni noctu data est sapientia, quia citò illā, vel amissurus erat, vel peccatis obscuraturus grauissimis. Sic etiam in nocte hīc promittitur Hebræis felicitas, vel libertas, quæ non esset in longa sæcula duratura.

Nam illa eadem gens, quæ tunc ex dispersione collecta diurnæ seruitutis iugum excusserat, grauius à Romanis, & inclementius accepta, multas orbis regiones ereptis ex incendio reliquiis constrauit: & templum illud secundum, ad cuius motionem tanta animi aueritate ferebantur, multo maiori ruina per Romanos, quam per Chaldaeos antea primum excisum est.

Et ecce vir ascendens super equum rufum.] Communis est Hebræorum sententia, ut inquit Hieronymus, cum quo omnes penè alij consentiunt, virum hunc esse Michaëlem, qui custos olim Synagogæ fuit. Dan. 10. sicut nunc est Ecclesiæ. Nam statim, qui modò dicitur *vir*, *Angelus* vocatur, qui etiam orat pro populo Dei. Tam verò equus, quàm myrtis peramœnus locus, & præsentem populi statum, & affulgentem felicitatem portendūt. Equus quidem, quia velox est, velocitatem indicat imminentis iam à Deo, & à Rege Persarum beneficij; & idem ultionem designat, quam Deus iam in Chaldaeos moliebatur. Sicut etiā Apo. 6. *insidēti in equo rufo datū est, ut sumeret pacē de terra, & ut inuicem se interficerent.* Et in hoc Propheta cap. 6. Chaldaeos adumbrant equi rufi, sanguinarios utique, & bellatores, ut vbi explicat Hieronymus. Et Dominus Isai. 63. tinctis vestibus, & rubris venisse dicitur de Bosra, qui populos in furore suo calcauerat.

41.
Michaël
Synagoge
custos.

Arias Montanus virum equo insidentem rufo, Alexandrum Magnū esse putat, qui Babylonicas vires fregit, & subiugauit; & illos, qui aliorum colorum equos conscenderunt, opinatus est esse Reges, qui Alexandro sublato, alias, atque alias tam ampli Imperij partes susceperunt. Sed singularis est ista sen

45.
Alexan-
der parū
Iudæis
fauit.

sententia, neque Iudæorum temporibus, aut argumento capitis huius accommodata. Agitur enim hîc de libertate, atque splendore Iudæorum, cui nihil opis attulit Alexander, quia quo tempore florere cœpit, iam res Iudaica non instaurata solum, sed etiam aucta, atque ornata erat: neque quicquam à Chaldæorum potentia offensionis imminabat Iudæis, cui occurrere debuerit Alexander, qui suo etiam tempore nihil attulit aut opis, aut solatij. Est ergo aliquid aliud, quod statim magis aperiemus.

46.

Et ipse stabat inter myrteta.] Heb.

חֲדַסִּים *Chadasim*. L x x. transferunt, inter duos montes umbrosos, id est, habentes umbrosas arbores, id est, densarum frondium; hoc enim modo describitur myrtus. Et sanè Leuit.

23. *myrtum* vertit Chaldæus, ubi vulgatus vertit, *lignum densarum frondium*.

Esther
vocata
Ediffa à
myrto.

Ab hac arbore creditur vocata fuisse Ediffa Regina Esther, à pulchritudine, quia myrtus arbor est pulchra, & ideo à gentibus Veneri consecrata, & ab ea Myrtea, seu Murtia vocata, id est, formosa, seu Ediffa. Porro myrti in profundo erant, siue sit aquarum profunditas, ut communiter omnes accipiunt, & explicat vocem מַצְלָה *Mesulah*, siue depressa vallis, quod videtur voluisse Septuaginta, qui vertunt, *inter duos montes*. Vallem autem illam humidam, & palustrem fuisse oportet: nā in eiusmodi plerunque provenire solent myrti. Isai. 41. *Ponam desertum in stagna aquarum, & terram inuiam in rivus aquarum: dabo in solitudinem cedrū, & spinam, & myrtum*. Chaldæus transfert, *in Babylonem*. Et reuera Babylon depressior est, & quasi in profundo: ut docuimus in Comment. super Isai. in illud cap. 13. *super montem caliginosum*. Maxime si editiorem lo-

cum, ubi sita est Ierusalem, intueare. Et ideo ascendisse dicuntur Hebræi ex captiuitate. Oblata est ergo Prophetæ in hac visione Babylon in loco profundo, quia & ipsa profunda est, & palustris, quippe quam influit, & circumfundit Euphrates. Quo situ status ærumnosus ostendebatur eorum qui reliqui erant in Babylonico tractu. Sed oblata visio est inter myrteta, vel quia viri erant non pauci sancti, ac nobiles, qui solari poterant afflictæ populi mœrorem, ut dicit Hieronymus; vel quia iam sese ostentabat ab exilio liber, & expeditus reditus in patriam.

Et post eum equi rufi, varij, atque albi.] Multa in hac visione obiecta

fuere Zachariæ, quæ impediunt maximè, & obscurant huius loci sententiam. Obiectus est, qui primus equum rufum ascenderat, quem esse Michaëlem ex omnium penè sententia iam antea diximus. Fuit etiam Angelus alius, qui in Zacharia loquebatur, qui videtur fuisse Angelus Zachariæ familiaris, qui occulta illi, atque obscura reuelabat, quæque vocare possumus spiritum Prophetæ, seu Prophetiæ, ut Hieronymus putat, & Athanas. epist. ad Serapionem. Nam hic, ut statim subditur, suggerebat Prophetæ, quid esset populo dicturus. Neque aliter accipiunt hunc locum Aug. tom 3. in Enchiridio capite 59. & Greg. libro 28. Moral. capite 6. imò ex hoc loco quidam colligunt, intra Prophetam fuisse ipsius Angeli substantiam, qui interior loquebatur. Quod non obscure indicat Gregorius suprâ, & illud, *in me*, satis declarat: neque enim est in accusatio, ut putavit Albertus; nam Hebraicè est אֲנִי. L x x. vertunt *in me*, quod omnino aliquid sonat nō

47.

Angelus
Prophetæ
familiaris,
siue
qui illi
Prophetæ
aderat.

alla

allapsum foris, sed inclusum interiorius. Erat igitur Angelus bonus in Zacharia ad illum modum, quo malus esse solet in obsessis corporibus. Nam quod Angeli tam boni, quam mali illabantur in humana corpora, docet S. Tho. 2. 2. d. 8. art. 5. quod sane dicendum necessario, iuxta illorum sententiam, qui Angelorum operationem coniunctam esse censent cum illorum substantia.

48.
In equis
Imperia
significa-
ta.

Qui verò sint equi rufi, albi ac varij, non omnes eodem explicant modo. Arias Montanus qui primum equitem putabat esse Alexandrum, hos existimat esse Reges illos, qui extincto Alexandro, in variis tanti Imperij partibus successere. Sed communiter alij quatuor orbis Imperia designari putant, quorum ingenia optimè diuersis equorum coloribus adumbrantur; licet in explicandis Regnis, accommodandisque coloribus non omnes consentiant. Hieronymus refert Hebræorum sententiam, qui commutato ordine à Zacharia proposito, in albis equis Medos intelligunt, & Persas; qui posteriores Assyrii Iudaicum populum humanius tractauerunt, quia sub ipsis fuit soluta captiuitas, & instaurata Ierusalem cum templo. In variis autem Macedones, quia ex illis quidam beneuoli, atque benefici, quidam insensissimi fuerunt. In rufis Romanos, qui omnino sanguinarij deleuerunt cum ipsa ciuitate ac templo genus quoque antiquissimum Iudæorum. Sed Hieronymus aliter accipit: ita ut in rufis Assyrios, & Chaldæos agnoscat, quorum alteri decem tribus, alteri deinde reliquas duas egere captiuas. In albis autem, & variis Medos, & Persas, quorum aliqui clementes fuerunt, ut Cyrus, & Darius, alij crudeles, ut Cambyfes, qui

G. Sanctij Comm. in Zachar.

& Artaxerxes. Et in hunc ferme modum accipiunt Haimo, Dionysius, Albertus, & alij. Neque de Romanis existimo in hac equorum varietate quicquam adumbratum: neque enim tunc admodum erant potentes, quia quo tempore oblata est Zachariæ harum rerum species, adhuc sub Regibus erat Romana potentia: neque præterea ab alijs quicquam metuebantur, quos perturbatione, & metu vacuos esse iubebar Propheta. Et eandem ob causam existimo nihil hic agi de Macedonum potentia, quia eo tempore nec dum erat nata, imò neque cognita: quia cum Philippo pene nata, & cum Alexandro filio aucta quidem ad miraculum, sed cum ipso breuiter extincta est.

Veri mihi similis videtur, hoc equorum spectro designari populos, qui vel antea populum à patriis astitum sedibus oppresserant, vel nunc etiam à seruitute respirare non patiebantur. Nam licet Cyri edicto in urbem redierint, ut dicit Esdras lib. 1. cap. 2. *quadraginta duo millia trecenti sexaginta exceptis seruis eorum, & ancillis*; adhuc autem multi erant reliqui in Babylone, quos vel itineris molestia, vel res auctior in externa regione, ut obseruauit Bonauentura de processu religionis cap. 30. à redeundo retardarunt. Quorum multi deinde vario successu cum Esdra cap. 8. lib. 1. & cum Nehemia cap. 1. eiusdem teueri sunt. Hi verò qui erant Hierosolymis quo tempore hæc à Zacharia dicebantur, non erant neque metu, neque periculo liberi: nam extincto alienissimo tempore Cyro, suffectus eius loco Cambyfes, sublata facultate ædificandi templi à parente concessa, res rationisque Iudeorum omnino turbauit, neque dum renouata fue-

49.
Equire-
gna desi-
gnant Iu-
dæis in-
sensu.

ratà Dario, vt liquet ex Esdra lib. I. cap. 5. & 6. Quare omnes Iudæi sub huius Prophetiæ tempus aliquid durum patiebantur, quidam in Babylone captiui, alij iam in patriam reuocari nihilo minus à Samaritis, & à finitimis populis vexabantur.

50.
Verisimi-
lius est de-
signari po-
pulos va-
rie in Iu-
dæos affe-
ctos.

Quamuis ergo, vt plerique pu-
tant, verisimile sit in equis quatuor
notari gentes, de quibus suprà Hie-
ronymus: tamen, vt dixi, verisimi-
lius mihi est, quod etiam placuit
magis Riberæ, notari gentes, quæ
aliquo modo in Iudæorum genus
afficiebantur, quarum aliqua pacata
erant, atque beneuolæ; aliqua
verò contra Iudæos, vt de Samari-
tis diximus, adhuc aliquid hostile
tentabant. Cum enim in varias Pær-
sarum, Medorumque prouincias
essent dispersi, fortasse in 129. nam
tot in Imperio suo continebat
Assuerus, Esther c. 1. & ad Bospho-
rum vsque alegati, vt est in Abdia,
verisimile est in tanta gentium loco-
rumque diuersitate plurimos esse,
qui Iudæorum vicem miserati, illos
amplecterentur humanius, & hi
equorum candore designantur. Plu-
rimos item, qui illorum commodis
inuiderent, & durius acciperent,
quos adumbrat rubeus, atque san-
guineus color: & in his erant Sama-
ritæ, qui eo tempore acerrimè ad-
uersabantur Iudæis in murorum fa-
bricamentis. In varijs autem desi-
gnari opinor eos populos, in quibus
homines non omnes beneuoli, aut
secus, sed quod in magna multitu-
dine vsu plerunque euenit, partim
amico, partim infenso animo affi-
ciebantur. Quodd verò non vnum
Regnum in vno colore significetur,
eo mihi persuadéo præter alia, quia
non vnus, aut alter equus rufus, aut
albus visi commemorantur; sed

vnus coloris multi. Et post eum, in-
quit, equi rufi varij, & albi. Deinde
qui illis infidebant, dicuntur per-
ambulasse terram; & respondiße
omnem terram habitari, & quiesce-
re; vnde inferri optimè potest, ad-
fuisse tunc coram Michaële cœle-
stis militiæ Principe multarum pro-
uinciarum Angelos custodes, qui-
bus id negotij datum, vt suam quis-
que prouinciã beneuolam reddat
genti Iudææ.

Hinc colligo quàm aptè Michaël
sedeat super equum rufum; quasi
pugnaturus contra gentes, quæ po-
pulo sibi in tutelam dato aduersa-
bantur; neque minùs rufus, id est,
acer Michaël ad propugnandum;
quàm alij ad oppugnandum, extin-
guendumque populū. Pacata verò di-
cuntur omnes gentes, quia iam illas
ita fregerat Michaël, vt nihil contra
Iudæos amplius mutirent, vel quia,
iuxta Scripturæ morem id factum
esse dicitur, quod propè est vt fiat,
vt diximus Cant. 1. n. 14. Et hoc vi-
detur mihi probabilius: quia non-
dum erat pacatus Rex Pær sarum
Darius, quando hæc obiecta fuere
Zachariæ: vt faciliè colligitur ex Es-
dra, qui cap. 5. propheta sic tradit Za-
chariam quando impeditum opus
fuerat à finitimis hostibus: cap. verò
6. pacatus fuisse dicitur, imò impen-
sè benignus. Ex quo sit verisimile
nationes alias Pær sarum Regi sub-
iectas; in quibus agebat captiuus
populus, mutato iam animo, atque
studio Darij, ipsas quoque ad Regis
imitationem, cuius ad exemplum
totus componitur orbis, mutasse
quoque consilia, meliusque deinceps
de Iudæorum salute cogitare
cœpisse. Accedit quodd Angelus orat
Deum, vt tranquillitatem afferat
afflictæ populi fortunæ: cui si om-
nia expedita forent, aut pacata, non
erat

51.
Michaël
strenuus
in defen-
dendo po-
pulo.

erat cur tanto opere contenderet orando.

52. ^{Angeli} ^{provin-} ^{ciarū tu-} ^{telares.} Hinc observa, ut iam tandem ex hoc profundo myrteto emergamus, illos qui equis insidebant, Angelos esse illarum provinciarum tutelares, qui equorum coloribus notabantur. Nam provinciis singulis suos præesse custodes docet Theologi ex Daniele cap. 10. Ideo verò sedentes videntur inducti, quia quemadmodum strenuus, atque robustus eques; rei que equestris non imperitus equum præferocem, & indomitum, cui insidet, mansuefacit tandem, & reluctantem cogit parere frænis: sic etiam Angeli, qui præsunt, & quasi insident regionibus eruentis, & immitibus, illas & domant, & leniunt, obsequentesque reddunt diuinæ voluntati.

53. Deinde observandum, licet hæc quasi in Babylone oblata fuerint Zachariæ, ut ex Chaldæo diximus, qui pro eo, quod vulgatus habet; *in profundo*, ipse vertit, *in Babylone*, quem è recentioribus multi sequuntur; non tamen tunc Zachariam fuisse in Babylone, sed in illam spiritu potius, quam corpore fuisse deductum: sicut contra Ezechiel spiritu è Babylone in Hierosolymam abreptus est. Spectabat itaque in Ierusalem Propheta, quod in Babylone geri videbatur: sicut etiam in Tragædiis plerunque accidit, quæ ita exhibentur, exempli gratiâ, in Romano theatro, ut Athenis, vel Troiæ spectari fingantur. Quod enim Zacharias fuerit in Ierusalem, ex ipso docemur, qui sæpe ad Zorobabel loquitur, & ad Iesum filium Iosedech, & dicit expressè Esdras lib. 1. cap. 5. Visi sunt autem Angeli, qui Iudæorum causa laborabant, in profundo, siue fluminis, quod ad

Myrteti
in profun-
do optimè
explicat
statū Iu-
dæorum.

utramque oram pulcherrimis vestiebatur myrtis, siue vallis, iuxta Lxx. versionem, qui vertunt, *inter duos montes umbrosos*. Quo spectro optimè declarabatur præsens Iudæorum status: nam sic erant in profundum depressi, ut illis suaue aliquid aspiraret, & amœnum obtenderet myrtorum species, atque fragrantia. Erant enim in alienis sedibus, sed inter myrtos, id est, inter Prophetas, virosque sanctos, putà Nehemiam, & Esdras, qui pro ipsis apud Deum, & terræ Principes satagebant, ut multi volunt; vel certè inter Principes ipsos terræ, qui iam faciles, atque beneuoli suæ benignitatis mitiorem auram afflabant.

Ad extremum observa, quando à Hierosolymis Iudæi propter immania scelera abducti sunt Babylonem, in fluminum Babylonis litore fuisse salices, steriles nempe arbores, quæ ideo à Græcis *ὠλεστικαί*, id est, *frugiperdæ* dicuntur. Pl. 136. *In salicibus in medio eius suspendimus organa nostra*. Post peccatum enim pœnitentia & opportunum, & salubre medicamentum est; cuius optimum symbolum, & organorum silentium, & aquarum profunditas, & diuturnæ lacrymæ: hoc enim indicat illud, *ibi sedimus, & fleuimus*: & salicum natura, nam aspectu in amœnæ sunt; & gustari amaræ, ut notauit Virgil. Ecloga 1.

54. Pœnitentia ad lætitiā adducit peccatorem, qui in mœre fuit.

Salices carpeis amaras. — Quare in pœnitentia nihil est dulce præter lacrymas, neque memoria aliquid versat præter Sionis amissæ lugubrem historiam. Sed ubi iam peracta pœnitentia est, emergenti è fluminis profundo aluco occurrunt non iam frugiperdæ, atque amaræ salices; sed myrti speciosæ ac lætæ, quæ antiquam sterilitatem, & squal-

lorem satis cumulatè compensant.

55. *Et dixi: Quid sunt isti Domine mi?*] Verba sunt Prophetæ ad Angelum, qui in ipso loquebatur; non cum eo, qui visus fuerat inter myrteta, nam si cum isto, non sanè dixisset: *Quid sunt isti?* sed, *qui estis?* Neque enim minùs erat obscurum, quis esset primus ille, quàm alij, qui statim cum illo equestres aduenère, & rogatus familiaris Angelus statim respondit.

56. *Ego tibi ostendam.*] Existimat Dionysius Carthusianus ab Angelo, cuius ministerio Deus Zachariæ futura ministrabat, formari in spiritu, & imaginatiua facultate Zachariæ imagines quasdam, & species rerum futurarum. Quare licèt Angelus, qui inter myrtos erat, Zachariæ responderit, aperueritque quod scire vehemèter studebat, & deinde alij, qui rufis, albis, atque variis quis insidere videbàtur, nihilominus præstitit familiaris ille Angelus, quod promiserat, quando per illas imagines, quibus voces etiam dedit, reuelauit quod opertum fuerat Zachariæ. Hæc mihi neque satis aptè, neque admodum expedite dici videntur; & aduersantur communi fere aliorum Interpretum sententiæ, qui in primo Michaëlem, in aliis diuersarum gentium Principes, & custodes agnoscunt. Neque hæc sententia videtur omnino probari ipsi Dionysio, qui statim de spectris illis, quasi de Michaële, & custodibus Angelis verba facit. Dicendum ergo est, Angelum siue custodem, siue, ut ita dicam, prophetalem (nam sicut Principibus, qui non solum sibi, sed commissis etiam suæ fidei prouinciis viuunt, duo tribuuntur Angeli: sic etiam verisimile est Prophetis, qui ad aliorum quoque salutem dati sunt, duos item assignatos esse

spiritus) præstitisse optimè, quod promiserat, quia quæ obscurè dicta sunt ab aliis Angelis, ipse declarauit.

Et respondit vir, qui stabat inter myrteta.] Angelus hîc non respondet ad interrogata Zachariæ, sed simpliciter loquitur. Respondere enim in Scriptura non semper est interrogatis satisfacere, ut fert Latinorum vsus, sed interdum sermonem ordiri nemine percontante. Exempla sunt plurima; Matth. 11. *Respondens Iesus dixit; confiteor tibi pater:* & cap. 12. *Respondērunt ei quidam de Scribis, &c. Domine volumus à te signum videre.* cap. 17. *Respondens autem Petrus, dixit ad Iesum: Domine bonum est nos hic esse.* Et statim sine dubio illud, *Respondērunt*, nihil aliud est, quàm *dixerunt*, quia Angeli cùm locuti sunt, interrogati non fuerāt ab Angelo Domini; id est, à Michaële; & in hoc capite plura sunt exempla. Vel certè dici posset cum Ribera, respondisse Michaëlem alteri Angelo, qui signis ostendebat cupere se visionem intelligere. Sed placet prior explicatio, iuxta quam historia quædam proponitur obscura, quæ deinde ab Angelo familiari clariùs exponitur, ut constat.

Isti sunt, quos misit Dominus, ut perambulent terram.] Id videtur agere Michaël, ut auctoritatem conciliet aliis spiritibus: nam ipsi de se statim locuti sunt; ut magis persuadeatur, confirmeturque ad optimè sperandum animus Zachariæ, dum testimonium audit illorum, qui à Domino missi fuisse dicuntur.

Et responderunt Angeli Domini.] Hîc respondere, pro loqui simpliciter usurpatur: neque enim vlla præcesserat interrogatio. Dixerunt itaque Michaëli peragrasse se omnē terram, illamque pacatam esse, & omnino quie-

57.
Reg.
Responder,
idē quod
dico.

58.

59.

quie-

quiescere. Ex his Zachariæ verbis quidam existimant, quo tempore hæc Prophetæ oblata sunt, cōmunem fuisse pacē in toto terrarū orbe. Quod sanè verum non est; nam ut Orosius lib. 2. cap. 8. aliquos motus, & bella commemorat, quæ in hoc tempus inciderunt, id est, in extrema Regum Romanorum tēpora. Neque à bellis otiosus fuit Darius Histaspis, cuius anno secundo auditum fuit hoc Zachariæ vaticinium, ut refert Iustinus lib. 2. in fine. Quare verius puto, ideo dici vniuersam terram esse pacatam, non quidem in omnes, sed in Iudæos, quorum causa laborabat Zacharias, & Michaël Synagogæ custos, & quod spectabat tota visio. Neque vniuersam omnino terram, sed illam, quæ illorum Angelorum curæ, atque tutelæ credita erat, & in qua dispersi morabantur Iudæi, iuxta ea, quæ diximus Act. 2. ad illud, *ab omni natione, quæ sub cælo est*. Ut enim docet Hieronymus in illud Isai. c. 13. [*Disperdam omnem terrā.*] Idioma est, inquit, *Scriptura sacra, ut omnem terram illius significet prouincia, de qua sermo est*. Exempla sunt obuia; præter hæc duo Actuum, & Isaiæ accipe aliud Lucæ 2. *Exiit edictum à Cæsare Augusto, ut describeretur vniuersus orbis*; nempe subiectus Cæsari. Aliud habes infra c. 5. *Maledictio, quæ egreditur super faciem omnis terra*, nempe Palæstinæ. Seu certè adeò esse propè, ut res Iudæorum turbidæ componerentur, ut iam propacatis, & tranquillis haberi potuerint, iuxta dicta nuper num. 52. Ex quo apparet Michaëlem Ducem esse, & Principem aliorum tutelarium Angelorum, cui nēpe generalis hominum custodia credita est, quandoquidem ad illum referunt alij custodes Angeli quid in variis prouinciis re-

rum fiat. Et ita canit Ecclesia in eius festo, dum vocat *Principem militia Angelorum, & animarum suscipiendarum prefectum*,

Et respondit Angelus Domini, & dixit: Domine exercituum usquequò tu non misereberis Ierusalem?] Hic quoque, respondit, idem significat, quod dixi: neque enim vlla præcesserat interrogatio eius, cui respondere potuerit. Videtur autem iam abiisse equestris illa visio, quæ erat in myrteto, quia iam tantum audiuntur verba Angeli, qui in Zacharia loquebatur; neque hæc verba ad Angelos, sed ad Dominum exercituum referuntur. Occasionem verò sumpsit ex pace, & tranquillitate regionum illarum, quæ propediem futura sperabatur, intentis in eam curam Angelis, ut si quid oriretur impedimenti, remouerent, ut populo turbato, atque oppresso pacem, & veniam peteret.

Iste iam septuagesimus annus est.] Incidimus in nodū, in quo expediendo illustrium Doctorum ingenia laborarunt; quo nempe tempore impleti fuerint 70. anni quibus duraturam Hebræorum captiuitatem prædixit Ieremias cap. 25. & cap. 29. Cum cæperint, inquit, impleri in Babylone 70. anni, visitabo vos &c. & reducam vos ad locum istum. Farētur communiter Doctores impletū esse spatium à Domino definitū anno primo Cyri, quia tunc soluta captiuitas est, & facta est Iudæis reuertendi facultas. Quod faciliè comperies si tēpora Chaldæorum Regum accuratè dinumeres. Anno primo Nabuchodonosor abduxit captiuum Regem Ioachim, & cum eo Daniele, & plures alios; quod liquet ex Ieremia cap. 25. Verbum, inquit, quod factum est ad Ieremiam de omni populo Iuda in anno 4. Ioachim filij Iosia Regis Iudæ; ipse est annus primus Nabuchodo-

60.

61.

Quo tempore impleti 70. anni captiuitatis,

Michaël dux aliorum Angelorum tutelariū.

nosor Regis Babylonis. Sed Danielis cap. 1. captus fuisse dicitur Ioachim anno primo Nabuchodonosor. Anno, inquit, *tertio Regni Ioachim Regis Iuda venit Nabuchodonosor Rex Babylonis in Ierusalem, & obsedit eam, & tradidit Dominus in manum eius Ioachim Regem Iuda.* Ex quib. locis simul cōpositis palam fit anno primo Nabuchodonosor cœptam esse Iudeorum captiuitatem. Neq; est cur quemquam commoueat, quòd primus annus Nabuchodonosor incidisse dicatur in quartum Ioachim Ierem. 25. & Dan. 1. tertio anno Regni sui dicatur Ioachim traditus in manus Nabuchodonosor; ex quo videri posset Nabuchodonosor nōdum iniisse Regnum: id enim nasci potuit ex Scripturæ consuetudine, quæ annos nondum completos solet præterire, & interdum numerare pro integris. Vide Salmeronem Proleg. 9. quinquag. 1. can. 30. & vt omittam exempla alia, hoc vnum sit pro multis. Regnasse dicitur Dauid 2. Reg. 5. septem annis, & sex mensibus in Hebron super Iudam, & triginta tribus annis super omnem Israël, & Iudam: & tamen ibidem regnasse traditur 40. annis, à quo numero sine dubio exclusi sunt sex menses, qui prius cum 7. annis computati fuerant: & 3. Reg. 2. vbi etiam 40. annis regnasse scribitur in Hebron, dicitur obtinuisse regnū 7. annis, vbi sex menses omittuntur, qui prius fuerant expressi. Vide infra n. 66.

Reg.
Anni nō.
dum cō
pletio mit
ti solent
interdū;
interdum
pro inte
gris nu
meratur.

Iuxta hanc regulam non est difficile conciliare Ieremiam, qui quarto anno Ioachim, cum Daniele, qui eiusdem Regis anno tertio obsessam fuisse dicit Ierusalem: nam secundus annus inceptus Nabuchodonosor, qui non est à Ieremia numeratus, concurrere potuit cum

anno quarto Ioachim tantum inchoato, qui à Daniele præteritus, quia non integer, & à Ieremia quasi esset integer, numeratus est. Nam Prophetis ex Scripturæ consuetudine liberum fuit aliter, atque aliter numerare.

Cœpit ergo captiuitas anno primo Nabuchodonosor, quem in Regno vixisse 45. annos satis ex Scriptura constat: quia anno 8. Regni sui obsedit iterum Ierusalem, & secum abduxit in Babylonem Ioachim filium Ioachim. 4. Reg. 24. Mortuus est autem anno 37. post transmigrationem Ioachim. 4. Reg. 25. Nam eo anno Euilmerodach subleuauit Ioachim è carcere, *anno quo regnare cœperat*, id est, primo, eodem nempe, quo pater mortuus est. Ex quo fit omnino planum à prima captiuitate, de qua sine dubio loquebatur Ieremias, ad mortem Nabuchodonosor intercessisse 45. annos. Quot annos regnauerit Euilmerodach, nihil ex Scriptura certum. Hebræi 23. existimant in Seder Holam, quos communiter sequuntur Recentiores. Balthasar autem 3. regnauit annos, vt scribit Dan. cap. 8. Quòd si hos omnes ad summam vnā colligas, plenum deprehendes septuagenarium annorum numerum. Quòd verò vnus redundet annus, ex eo accidit, quia imperfecti aliqui anni in tot Regum temporibus pro integris adhibiti sunt.

Quòd verò exactis tribus his Regibus soluta sit captiuitas, primo videlicet anno Cyri, probatur liquidò ex Ieremia cap. 27. *Et seruiem ei (Nabuchodonosor) omnes gentes, & filio eius, & filio filij eius, donec veniat tempus terra eius*, id est, donec Babylon capiatur, quod accidit tempore Balthasaris, qui fi
lius

62.

Captiui-
tas cœpit
primo an
no Nabu-
chodono-
sor.

63.

lius fuit filij Nabuchodonosotis. Quare audiendi non sunt externi aliqui historici, qui Reges alios obtrudunt ante Persarum Imperium, in quibus est Metasthenes, & Iosephus lib. 10. Antiq. cap. 12. & lib. 1. contra Appionem, & Berosus, quem ibidem citat, & complures alij. Neque horum opinioni, aut errori potius fauet Hieronymus in cap. 5. Danielis, ubi aliorum sententias recitat potius, quam probat. Nam ibi non semel Nabuchodonosor proauum fuisse dicit Balthasar: at in cap. 27. Ierem. aperte dicit Balthasarem nepotem esse Nabuchodonosor. Et sanè Commentarios in Ieremiam scriptos esse post operam datam Danieli, ipse fateatur Hieronymus in Prologo super Ieremiam. Quare si prius secus sentire visus est, postea sententiam mutauit.

Accedit quòd iisdem verbis quibus à Ieremia prædictus est captiuitatis terminus, prædictus quoque fuit Babylonici Imperij finis. Ierem. 25. *Seruient, inquit, omnes gentes istæ Regi Babylonis 70. annis; cùmque impleti fuerint 70. anni, visitabo super Regem Babylonis, &c. & super terram Chaldaeorum; & ponam illam in solitudinem sempiternam.* Quod verò idem fuerit Cyri. Regni apud Babylonios exordium, & captiuitatis dimissio, præter Ieremiæ vaticinium liquet aperte Esdr. 1. cap. 1. 2. Paralip. cap. ultimo, & Dan. 9. qui anno primo Darij impletum esse scribit 70. annorum spatium à Ieremia prædictum. Darius autem ille cum Cyro simul regnauit, cuius erat auunculus: sicut ibi patet. Est tamen hæc difficultas maxima, cùm iam pridem delituisse Chaldaeorum Imperium, & tertius à

Cyro regnaret Darius filius Histaspis, sub quo hæc Zacharias vaticinatus est, quo modo nunc ab eodem dicatur annus esse septuagesimus? Variè ab auctoribus tentatus hic nodus. Quidam illud, *iste septuagesimus annus est*, cum interrogatione legunt hoc sensu. Istène est septuagesimus annus, tandiu nobis speratus? Siccine promissa complēs, quæ in hunc annū nobis reseruasti? Quid prodest laxata captiuitas? quid facta templi instaurandi facultas, si templum adhuc exustum perseuerat? Et hoc satis dici videtur verisimiliter. Fortasse septuagesimus annus apud Hebræos in Prouerbum abierat, qui tantū sibi felicitatis ab eo anno pollicebantur, & pro libertate sumebatur; sicut tempus serui operæ constitutum, & emeritæ mercedis terminus à seruis pro libertate ponitur. Quare qui ad festum S. Petri, vt in Hispania plerunque fit, annuam operam locaret alteri, non incongruè sanctum Petrum, aut eius festum libertatem vocaret suam; & ita dicitur vulgo seruulorum quocunque tempore finiatur opera locata. *Oy hazemos sã Pedro ò sã Iuan.* Et tunc sensus est idem qui superior, nempe; hæccine est promissa nobis libertas? Aliæ sunt siue solutiones, siue fugæ huius difficultatis: sed placet vehementer sententia Ribera, quā immelito nobilis quidam scriptor nostri temporis durius accipit, quæ sanè difficilis non est, si accurate diuersa tempora captiuitatis obserues.

Primò anno Regni sui Nabuchodonosor obsedit Ierusalem, vt vidimus ex 4. Regi 24. & Dan. 1. & ab illo tempore numerari diximus annos 70. captiuitatis. Tunc verò desolata non est Ierusalem, non ille instaurator, sed

Istæ ver-
bis prædi-
cta capti-
uitatis so-
lutio & fi-
nis Impe-
rij Baby-
lonici.

63.

64.

65.
Septuagesimus annus non ab aduētu Nabuchodonosor, sed ab exi-
tu vrbe hoc loco
numerā-
tus.

imò relictus est Ioachim, qui & Iechonias, tributarius tamen à Nabuchodonosor. Anno deinde octauo non dum tamen perfecto, vt apparet, quia, qui octauus vocatur 4. Reg. 24. idem septimus dicitur Ieremiæ cap. 25. quia cùm imperfectus esset postremus annus, ex vsu Scripturæ vel omitti, vel numerari potuit, iuxta ea, quæ diximus suprâ n. 62. Anno itaque octauo, nondum tamen completo, rediit Nabuchodonosor in Ierusalem, abduxitque secū Ioachim, neque tunc vrbs est excisa, aut templum exustum; quin relictus est Sedechias Regis captiui patruus eius loco. Anno verò nono Sedechiæ, & 17. Imperij sui rediit Nabuchodonosor, & secundo deinde anno, id est, 2. Sedechiæ, & 19. sui Imperij cepit, vastauitque Ierusalem, & templum succendit, vt constat 4. Reg. 25. & Ierem. 52. Hoc ergo anno dici potest desolata ciuitas; nam ante illud tempus erepta erat ciuitati præda, ac splendor potius, quàm ipsa incendio tradita. De hac vltima vastitate, & captiuitate loquitur hoc loco Zacharias, vt tradit Theodoretus in capite nono, Danielis, vbi conciliat Ieremiam, & Esdram cum Zacharia, dum dicit illos à primæ captiuitatis initio ducere 70. annos; hunc à nouissima obsidione, qua funditus ciuitas, & templum deleta sunt. Eusebius in Chronico sub Olympiade 58. duplicem etiam distinguit septuagenarium numerum, & captiuitatis primæ, qui sub Cyro, & desolationis extremæ, qui sub Dario finitus est. Quam etiam distinctionem adducunt Hebræorum magistri, & expressè traditur in Chronico abbreviato Hebræorum, vbi anno septuagesimo Imperij Babylonici rediisse dicitur Zorobabel, id est, solutam esse ca-

Aliter
70. anni
Ieremiæ,
aliter se-
ptuagesi-
mus Za-
chariæ
numera-
tur.

ptiuitatem, & septuagesimo anno ab exciso tēplo, id est, decimo octauo anno Imperij Medorum ascendisse Esdram. Neque aliter conciliari possūt illi, qui modò anno primo Cyri completos esse tradunt annos 70. modò anno secundo Darij; vt est Hieronymus, qui in Proæmio Commentarij super Aggæum, & in cap. 4. Ezechielis terminum statuit sub Dario: vbi apertè dicit ab excidio templi ad secundum annū Darij produci annos 70. At verò super Ieremiam cap. 25. & cap. 29. ineunte Cyri Imperio, annos illos definit. Quam etiam sententiam ostendere videtur Zacharias ipse, aut Angelus, qui in ipso loquebatur. Nā quasi admonitus ab illis qui dixerāt, omnia Regna terræ habitari, & esse in pace; dixit, *vsquequò in non misereberis Ierusalem, & urbem Iuda, quibus iratus es? Iste septuagesimus annus est.* Ac si diceret: cùm reliquæ ciuitates habitentur, pacatæque sint, cur patetis tamdiu ciuitatem hanc nostram esse deletam? vsquequò non misereberis Ierusalem? nempe vt ædificetur; ecce septuagesimus annus est, ex quo deleta est. Et quasi ad Angelum votum respondeat Dominus, Itaque subdit. *Domus mea edificabitur in ea, &c. & perpendicularum extendetur super Ierusalem.* De vno itaque tempore agit Ieremias, quod impletum est anno primo Cyri; de altero verò Zacharias, cui finem attulit secundus annus Darij. *56. Nunc videndū quomodo à tempore vrbisque desolatione ad annum secundum Darij interiecti fuerint anni 70.* Alij aliter computant hæc tempora; sed iuxta ea, quæ suprâ dicta sunt, non est difficilis explicatio, si 70. annis detrahas 19. Nam anno primo Nabuchodonosor primum capta est ciuitas: deinde anno eiusdem

56.
Quandiu
regnavit
Cyrus.

Non om-
nino exci-
sum est
templum
secundū
quando
constru-
ctum fuit
tertium
ab Hero-
de.

Ant. cap. 14. Et sanè si de hoc tertio templo sermo esset, nihil hinc contra nostram sententiam oriretur impedimenti. Sed hoc nullo modo credo verè dici posse, quia vt ex Iosepho constat suprà, templum illud Herodis decem annis absolutum est. Neque quod Iosephus prodit, à fundamentis fuisse secundum templum excisum, & à fundamentis tertium excitatum, credo verum esse. Nam Christus in secundum templum à Zorobabele constructum ingressus est: hac enim ratione Deus per Aggeum cap. 2. consolatur eos, qui dolebant secundum templum longè distare à gloria, & amplitudine prioris; quia ingressu Messiae in illud templum multo gloriosius futurum erat, quàm quòd tot expensis, atque annis ædificauit Salomon. *Quis in vobis*, inquit, *est derelictus qui vidit domum istam in gloria sua prima? & quid vos videtis hanc nunc? Nunquid non ita est quasi non sit in oculis vestris? Et nunc confortare Zorobabel, dicit Dominus, &c. & veniet desideratus cunctis gentibus; & implebo domum istam gloria, dicit Dominus exercituum, &c. magna erit gloria domus istius nouissima, plusquam prima.* Quòd si nihil extaret eius templi, quod excitabat Zorobabel, quando Christus templum est ingressus, quid haberet aut momenti, aut consolationis illa ratio ab Aggeo proposita? Et quidem Aggeus lib. 1. cap. 25. tradit templum ab Herode nō tam esse de nouo conditum, quàm ornatum, & immenso sumptu, & exquisito decore. Quare sine dubio Ioan. 2. sermo est de templo hoc Zorobabelis. Neque difficile est in extruendo illo templo, adducendoque in illud ornamentum, & gloriam, quam

habuit Christi tempore 46. annos fuisse consumptos. Nam primum ab anno primo Cyri, vt liquet 1. Esdræ cap. 3. adificari cœpit templum, & absolutum est anno Darij 6. Esdræ cap. 6. Quare ab inchoata fabrica ad ipsius perfectionem anni fluxère 20. vt ex eo patet quod diximus num. 67. Deinde non parum temporis positum est à Machabæis in instaurando, ornandoque eodem templo, ad cuius munimentum construxerunt turrin, quæ deinde Antoniana vocata fuit, vt tradit Iosephus libr. 15. cap. 14. A Simone verò Oniæ filio, qui octauus Pontifex fuit post captiuitatem, quantum operæ positum sit in ornando, atque amplificando templo, tradit non solum Iosephus libr. 12. Ant. cap. 2. sed etiam Ecclesiasticus cap. 50. *Simon*, inquit, *Oniæ filius Sacerdos magnus, qui in vita sua suffulsit domum, & in diebus suis corroborauit templum; templi etiam altitudo ab ipso fundata est, duplex adificatio, & excelsi parietes templi.* Videtur autem necesse non paucos annos in hac structura, seu instauracione fuisse consumptos, quia templum prius erat humile. Esdræ. 1. cap. 5. nempe cubitorum 60. altitudinis: neq; permissum est, vt maiora fundamenta iacerentur, quàm quæ illius altitudinis molem sustinere possent. Quare & fundamenta corroborauit, ne moli maiori succumberent, & deinde templi duplicauit altitudinem.

Adde his annis tempus quod Herodes in eodem templo illustrando consumpsit; neque enim (vt nuper diximus) tam nouum construxit, quàm instruxit vetus. Consumpsit autem annos 10. auctore Iosepho. Quare difficile non est existimare, in eo templo quod

Christus vidit, ædificando, atque illustrando positos esse annos 46.

72. Ex quibus videtur non admit-
tenda alia solutio, quæ placuit
nonnullis, neque ignobilibus au-
ctoribus. Origeni tom. 12. in Ioan-
nem; Ekio in fine capitis primi Ag-
gæi; Lyrano in Ioannem supra, &
Riberae hîc, & libro 1. de templo
cap. 26. qui dicunt non admodum
laborandum esse quid vulgus il-
lud hominum ignobilium, qui co-
lumbas vendebant, dixerit, rerum
etiam suarum ignorantissimum:
neque videri mirum, si Iudæorum
hæc imperita turba, aut fallatur, aut
fallere hoc loco velit, cum alij
magis periti in rebus valde notis
multa falsa dixerint. Hæc itaque
solutio, ad quam ultimò, vbi nullum
aliud effugium apparet, confugere
solemus, necessaria non est, quia, vt
vidimus, ex variis temporibus, qui-
bus opera data est ornando, atque
amplificando templo, totum illud
46. annorum spatium impleri po-
tuit.

73. *Et respondit Dominus Angelo.* Hîc
ostenditur diuinæ providentiæ mo-
dus, quæ per superiorem potestatem
alios illuminat, sicut Princeps
per legatos sibi subditos homines.
Ex quo constat quanti facere de-
beamus Angelos, qui diuinæ vo-
luntatis nobis nuntij sunt, & inter-
pretes.

74. *Verba bona, verba consolatoria.* Bona, inquit Hieronymus, de futuro-
rum promissione; consolatoria de
præsentium necessitate. Quæ verò
illa fuerint, explicatur statim. Porro
in Scriptura *verbum bonum* multa si-
gnificat, eaque ad voluptatem, feli-
citatemque accommodata, eadem
propè, quæ *benedicere*. Quare visita-
tum est apud profanos, *dicere bo-
na verba*, id est, bene alicui precari.

In Deo autem qui alteri precari
nihil potest, cum bona omnia aliis
largiatur, dicere bona verba, est,
bona promittere, seu conferre. Por-
rò *bonum* idem esse quod *gratum*,
perspicuum est ex cap. 8. Esther, vbi
בון ponitur, vbi vulgatus habet, *si
placet Regi*. Et ibidem vbi vulgatus,
si Regi placeo. Heb. *si bona ego*; & Ge-
nes. 19. *Si bonum est in oculis vestris*.
Econtra verò *non bonum* significat
græue, & *molestum*, quæ ratione etiam
malum pro incommodo, atque in-
fortunio sumitur; & in hunc sensum
accipiendum illud Ezech. 21. *dedi
eis præcepta non bona*, id est, quæ non
placuerunt.

Zelus sum Ierusalem, & Sion zelo 75.
magno. Hæc sunt verba consolato-
ria, & bona, quibus Dominus dolo-
rem abstergit mœrenti Prophetæ.
Heb. קנא *Kanà*, quod *dolorem* signi-
ficat; sed *admixtum ira*. Qui. n. zelo
tangitur, ita dolet alicui accidisse in-
fortunium, vt etiam indignetur ei,
à quo profectum est. Dolet ergo Deus
tandiu, tamque durè vexatum esse
populum Hebræorum, succenset-
que grauitèr Chaldæis, quod tantum
licere sibi putauerint in alienum po-
pulum. Porro illa coniugatorum repe-
titio, *Zelo zelatus sum*, magnam ha-
bet epitasim, vt docuimus in illud
Cant. 1. *Osculetur me osculo.*

Super gentes opulentas. Hebraicè 76.
סאנאנים *Saananim*. Quæ vox *quietum*
sonat, & *pacatum*. L x x. transtulerunt
superpositas, iuxta illud Psal. 65. *impo-
sisti homines super capita nostra*. Ille
verò gentes sunt, quæ supra ab An-
gelo quiescere dicebantur, in sum-
ma nimirum rerum abundantia;
quas Dominus populo suo impo-
suerat, vt per illas quasi per flagel-
la castigatum, ad meliorem men-
tem reuocaret.

Quia ego iratus sum parum, ipsi verò
adiu

Reges, & potentes instrumēta Dei ad correctionem, non ad exitiū.

adiuuerunt in malum.] Causam reddit Dominus, cur ita grauiter gentibus opulenti, pacatisque succenseat: quia cum non tam hostili, quam paterno animo, ipse rebellem populum castigare voluerit, non ut perderet, sed ut corrigeret, in illudque consilium quasi administram, & sociam assumeret gentem Chaldaam: ipsa tamen hostili animo adeo dure muletauit, ut voluisse videatur non tantum patriam libertatem, & commoda omnia eripere, sed etiam sanguinem, & vitam expetere. Voluit quidem Deus aliquod malum infligere nimium iam insolenti, ac lasciuienti populo, atque ideo à patriis eiectum sedibus in seruitutem dedit genti Chaldae. Et si quid aliud, quod malum videri poterat, cogitauit, eò spectabat, non ut deleteret, sed ut seruaret, non ut repelleret, sed ut magis amplecteretur. Adiuuit tamen non piam, paternamque curam Dei opulenta illa, atque effera natio, sed in malum, id est, addidit ad ea incommoda, atque infortunia, quae Deus inflixit, plura alia, à quibus abstinuisset, & animus mitis, & paternus amor, & quasi Deus de illorum tantum strage, atque exitio cogitaret: sic ipsi ad stragem, & exitium quicquid habuerunt virium contulerunt. Quemadmodum, ut dicit Hieronymus, si pater in filium ingenuum paedagogo potestatem dederit, ut illum corrigat, castigetque moderate, atque opportunè, ut in officio, pudore, atque obseruatiā contineat, ipse verò omnibus horis sauiat, concidat flagris, ac tandem perimat. Aut si sanandus agrotus commenderetur Chirurgo, ipse verò, & arte, & potestate abusus, illum aut plus æquo excruciet, aut omnino mutilet, aut debilitet;

Index, & Rector videant quid sibi à Domino permisum.

is sanè dignissimus est, qui nō minore supplicio ab irato parente puniatur. Similis huic querimonia est in eandem Babylonem Isai. 47. *Iratus sum super populum meum, contaminaui hereditatem meam, & tradidi eos in manu tua, non posuisti eis misericordiam, super senem aggrauasti iugum tuum valde, & dixisti: in sempiternum ero domina.* Et 2. Paralip. c. 27. Obed Propheta dixit filiis Israël, qui de Iuda prædam magnam asportauerant. *Ecce iratus Deus patrum vestrorum contra Iudam, tradidit eos in manibus vestris, & occidisti eos atrociter, ita ut ad cælum attingeret vestra crudelitas.* Et Ps. 68. *Quem tu percussisti, persecuti sunt.* Percutere paternæ curæ est; persequi hostilis animi. Hunc verò locum optimè explicuit Dominus ipse Isai. cap. 10. *Va Assur virga furoris mei, & baculus ipse est, in manu eius indignatio mea: & post pauca. Ipse autem non sic arbitrabitur, & cor eius non ita aestimabit, sed ad conterendum erit cor eius, &c.* Locus optimus contra eos, qui cum sint cum publica potestate, dum suo furori, aut stomacho indulgent, seuerius animaduertunt in reos, quam æquitas, aut humanitas patitur.

Reuertar ad Ierusalem.] Quasi iam pœnarum satis dedisset Ierusalem, consilium dedit Deus de eius instauratione, & ait extendendum esse perpendicularum, id est, ædificandam esse non festinatò, & raptim ex obuia materia: sed ex arte, & per otium.

Effluent bonis.] Ea erit bonorum abundantia, ut capere illa nequeat murorum ambitus. Metaphora sumpta est aut à vase, aut stagno: quod ubi plenum est exundat, diffunditque foras, quod continere non possunt pro rerum abundantia angusta spatia. Hūc respexit cap. 2. ubi

Isai. 47.

2. Paralip. 27.

Ps. 68.

78.

79.

dicatur habitatum iri sine muris Ierusalem præ multitudinem hominum. In multis codicibus est, *affluent*, & ita habet Sixtianus, eodem quidem sensu, sed illud videtur dici significantius.

80.

Cornu
pro for-
titudine,
& regno.

Etece quatuor cornua.] Hic iam alia se offert species oculis Prophetæ, quatuor nempe cornua, quibus exagitati sunt viri Iudæ, & Israël, & è suis regionibus ventilati. Porro satis notum est in Scriptura *cornua* significare fortitudinem, metaphora sumpta ab animalibus, quæ instructa cornibus terrori aliis, atque exitio sunt. Quare exaltare cornua, est potentiam extollere; contrà verò frangere, est illa minuere, atque debilitare. Ps. 64. *Cornua peccatorum confringam, & exaltabuntur cornua iusti.* Et quia magna est in Rēgibus potentia, fit ut cornū sumatur pro Regno. Eccles. 47. de David. *Exaltavit in æternum cornu eius.* Exempla sunt obuia. Sed obscurum est, quanam sint hæc cornua, quibus exagitatus est, ac ventilatus populus Dei. Multi quatuor esse Regna putant, à quibus diuersis temporibus variè tentata est Iudæorum fortuna, putà Chaldæorum, Persarum, Græcorum, & Romanorum. Veruntamen longè probabilius est, de aliis hic esse sermonem: neque enim quid passus, sed quid passi fuerint Iudæi, ostenditur hic Zachariæ. Nam de cornibus agitur, quæ ventilant iam, non de his, quibus permissum est, ut in futurum ventilent. Neque hic tantum agitur de duabus tribubus, sed de toto Israël. *Hec sunt,* inquit, *cornua, quæ ventilauerunt Iudam, & Israël, & Ierusalem;* sed Israël, id est, decem tribus, nihil passus est à Græcis, & Romanis: item quia illi fabri, de quibus statim, ideo venerunt, ne amplius cornua illa

nocere possent; sed Græci, & Romani nocuerunt multo postea Iudæis; & Romani ad extremum multo grauius, quàm vnquam Chaldæi. Dicendum ergo videtur cum Theodoro, at Cyrillo, quos Ribera sequitur, & tradunt aliqui ex Hebræis, in his quatuor cornibus designari totidem orbis partes, à quibus populus Hebræorum vel tentatus, vel iactatus fuit; nempe à Meridie, Idumæos, & Ægyptios, quorum illi adiuuere Babylonios contra Ierusalē. Psal. 136. *Memor esto Domine filiorum Edom in die Ierusalem, qui dicunt; excidite, excidite usque ad fundamentum in ea.* Hi verò paulo ante excidium Ierusalem sub Iosia tempus grauius affligerunt Iudæos. 4. Reg. 23. & 24. ab Occidente Palæstinos, ab Aquilone Assyrios, ab Oriente Ammonitas, & Moabitas. De his agit eodem propè modo, atque ordine Sophonias cap. 2. vbi ob eandem causam puniendos esse dicit.

Quatuor fabros.] Quinam fuerint hi fabri, non explicat textus. Pro *fabro*, Heb. est *חָרָס* *Charas*: vtraque verò vox *artificem* significat, varium tamen pro materiæ varietate. Apud Isai. cap. 44. *ferrarium* sonat, quia adiungitur *בַּרְזֶל* *Barzel*, id est, *ferrum*; & paulo post *lignarium*, quia subiicitur *עֵצִים* *Esim*, id est, *lignorum*. Sed hic ex adiunctis ferrarius intelligitur. Ideo enim venisse dicuntur, ut conterant cornua illa, utique ferrea, quæ prius Dei populum ventilant. Formaturi ergo veniebant alia longè fortiora, quæ priora debilitarent, ac frangerent. Aderant autem cum instrumentis ad opus illud ferrarium accommodatis, malleo putà, incude, lima, &c. Neque enim aliter Propheta cognosceret illos esse fabros. Dura sanè videtur hæc metaphora

Quatuor
cornibus
quatuor
orbis par-
tes desi-
gnantur.

81.
Faber cō-
mune
multis
artibus
nomen.

Hebrai

Micheæ.
4.

3. Reg. 22.

Hebraicæ consuetudinis ignaris, maximè in Prophetis, qui symbolis sæpe loquebantur: quo altius, diutiusque hærent in animis oracula, quæ ab oculis transmissa, maiorem vim accipiunt, quàm ab auribus. Cornua, ut diximus nuper, potentia, ac roboris sunt signa illa ex ære fingi ad significandam potentiam, vimque maximam ad profligandas inimicas acies satis exploratum. Micheæ. 4. *Surge, irruera filia Sion, quia cornu tuum ponam ferreum, &c. & comminues populos multos.* Et 3. Reg. 22. pseudo-propheta Sedecias, qui ut Regibus Iuda, & Israël victoriam ab hostibus paratam ostenderet, fecit sibi cornua ferrea, & ait. *Hæc dicit Dominus: his ventilabis Syriam donec deleas eam.* Quare pro externa vi, quæ vires discussit Israëliticæ, cornua obiciuntur ferrea, quibus indicat Deus futuram iterum in Israël virtutem ad frangendos hostes, idque admodum breui, quod indicant fabri intenti iam operi cudendo. Hi fabri Angeli sunt, ut inquit Hieronymus, Theodoretus, & Cyrillus, illi fortasse qui Ierusalem, & præcipuis ciuitatibus præerant.

42.
Mal in
auctorem
suum re-
lata.

Hæc consentaneè ad textum Hebraicum, vulgatæque versionem. Lxx. aliter reddunt, iuxta quorum versionem sensus est paululum ab hoc diuersus. Si enim illi, *ἐξουαι αὐτὰ εἰς χεῖρας αὐτῶν*, id est, *ut exacuant ea in manibus eorum.* Sic vertit Latinus Interpres Græci textus. Ego potius verterem, *in manus*, quia ita sensus ibi indicatus melius explicatur, & ita exigit ratio grammatica. Theodoretus significat, ab Angelis sic esse externarum nationum rationes turbandas, ut illa eadem cornua, id est, arma, quæ ad populi Dei cladem; atque exitium distrinxerant,

in se ipsas conuertant; & ea ratione poenas dent quàm acerbæ, & sua immanitate dignissimæ: id enim est exacuerne cornua, non quidem contra Israël; alioqui verba Angeli non essent bona, atque consolatoria: sed in eos, à quibus populo Hebræorum accidit tam longa, duræque calamitas. Porro *manus*, sumi pro hominibus, satis est notum, aut pro viribus, ut *manus Ioab*, pro ipso Ioab. 2. Reg. 12. *Nunquid manus Ioab tecum est?* Sic exacui cornua in manus eorum (ut nos vertebamus) est idem atque contra eos. Cur verò Lxx. verterint *in manus*, ea videtur esse causa, quia ubi vulgatus reddidit *per singulos viros*, Heb. *כָּפִי אִישׁ* *Cephi is*. Vbi *כָּפִי* notam similitudinis accepit, & adiunxit *פֶּה* *Peh*, de cuius significatione, atque usu mox agemus. Lxx. putauerunt esse vocem vnâ simplicem *כָּפִי* *Caph*, quæ *manum* significat, & in statu syntactico, ab alio nomine vno tantum differt puncto, neque Hieronymi tempore differebant; quia tunc nondum erant excogitata puncta.

Per singulos viros.] Heb. *כָּפִי אִישׁ* *Cephi is*. Phrasis est Hebraica paulo obscurior, quæ variè à variis exponitur. Ribera nimium affixus literæ vertit, *secundum os viri*, id est, quantum quisque voluit. Tanta enim erat illarum gentium potentia, ut Iudæi resistere non valerent. Os verò pro voluntate sumi docuerat Osee 10. n. 37. Sed exempla, quæ ibi adducit, ut cum tanti viri pace mihi liceat, non satis probant; neque fortasse sensus illius loci est, quem ipse adducit. Quem ut tandem ostendam, explicabo duarum illarum vocum proprietatem, & vim. *כָּפִי is*, id est, *vir*, apud Hebræos indefinitè pro quolibet, aut quocunque, idque frequen-

83.

Reg.
Vir inde
unitè po-
nitur pro
quolibet.

quentissimè. Cant. 3. *vnus cuiusque gladius*. Hebraicè, *vir gladius*: & cap. 8. *vir affert pro fructu eius mille argenteos*, id est, *quicumque*. Præterea illud פִּי *pi*, siue id propriè contingat, siue figuratè, & hoc meliùs, significat *mensuram*, *proportionem*, & *modum*, vt 4. Reg. 2. vbi vulgatus: *fiat in me duplex spiritus tuus*. Hebraicè פִּי שְׁנַיִם בְּרוּחְךָ *pi sinim beruchacha*, id est, *mensura duorum*, vel, *duplex in spiritui tuo*. Eodem sensu ponitur Deut. cap. 21. & infra cap. 13. num. 8. interdum verò vsus habet præpositionis, *iuxta*, aut *secundum*, & plerunque assumit, aut ל *Lamed*, aut כ *Caph*. Exod. 16 num. 21. pro eo, quod vulgatus habet, *colligebant autem singuli quantum sufficere poterat ad vescendū*. Heb. לֶפֶי אָכְלוּ *lepi oclo*, id est, *iuxta comedere cuiuslibet*. Num. 6. n. 21. vbi noster, *iuxta quod mente deuouerat*. Heb. כִּפִּי נִרְדּוּ *chephi nirdo*, id est, *iuxta votum eius*. Exempla alia passim occurrunt.

Ex his, meo iudicio, non obscurè colligitur huius loci sententia. Illud ergo per singulos viros sic expono; pro *vnus cuiusque mensura*, aut *facultate*, vel, *iuxta id, quod quisque poterat*. Ad verbum, pro *mensura*, siue, ad *mensuram viri*. Non itaque significat fecisse Israëliticæ gentis inimicos quantum illis libuit; sed quantum potuerunt; ita vt facultas potius defuerit ad nocendum, quàm voluntas. Neque ideo malè vertit Hieronymus, cum ita reddit. *Hæc sunt cornua, quæ ventilauerunt Iudam per singulos viros*; significat enim Regiones illas per cornua significatas; quantum potuere iuxta singulorū virorum, vel vnus cuiusque viri facultatem ventilasse Iudam. Quomodo hæc Lxx. conuerterint, explicuimus num. præcedenti.

Sed est adhuc dubium, an singuli illi viri pro quorum facultate; ac mensura, & vt ita dicam, capacitate, vastata fuit Iudæa, sint Hebræi; hoc sensu, vt quantum facultatis, aut opum cuiuslibet eripi potuit, sit ereptum: aut quantum iniuriæ pro cuiusque conditione inferri potuit, sit illatum. Vel certè sint inimicæ gentes; ita vt ex hostibus quantum pro sua quisque facultate, ac libidine incommodi, aut iniuriæ afferre potuit, tantum attulerit: nam vtramque explicationem admittit verborum vis, & ordo. Vtrumque contigisse in captiuitate, atque vrbs excido, satis notum in Scriptura. Sed credo hîc de mensura, & conditione Hebræorum agi potius, quàm aliarum gentium; & ita sentit Hieronymus, & in eam partem inclinat Ribera, & indicat quod sequitur: *nemo eorum leuauit caput suum*; sine dubio Hebræorum; nam illorum calamitas iam præcesserat, aliorum verò futura prædicitur. Quemadmodum verò Hebræorum genti, vel in ciuitatis excidio, vel sub Babylonicæ seruitutis iugo ereptum fuerit, quantum eripi potuit, docet Ieremias in Threnis, maximè cap. vltimo, vbi significat Iudæos in quolibet statu, ordine, ac sexu subisse ignominiam, atque iniuriam in eo, quod cuiuslibet maximè præcipuum, atque decorum fuit. *Mulieres*, inquit, *in Sion humiliauerunt*, & *virgines in ciuitatibus Iudææ*. *Principes manu suspensi sunt*; *facies senum non erubuerunt*. *Adolescentibus impudicè abusi sunt*: & *pueri in ligno corruerunt*, *senes defecerunt de portis*, *iuuenes de choro psallentium*. Neque mortuis honorem sepulturæ exhiberi patiebantur, vt de Assyriis constat Tob. cap. 1. & 2. qui ideo sanctus senex vitæ pericu

Quid Iu-
dæi à
Chaldæis
passi fue-
rint.

periculum adiit, quod interfectos fratres sepelisset; & de Babylonis Ierem. 7. Et erit morticinum populi huius in cibos volucribus coeli, & bestis terra, & non erit qui abigat. Sed neque mortuorum ossibus, qui iam diu tumulati fuerant, parcitum est: nam illa effossa sunt de sepulchris, & per ludibrium, & ignominiam in loca aperta, & fordida proiecta. Ita praedixerat Ierem. cap. 8. In illo tempore, ait Dominus, eiciet ossa Regum Iuda, & ossa Principum eius, & ossa Sacerdotum, & ossa Prophetarum, & ossa eorum, qui habitauerunt Ierusalem,

de sepulchris suis. Et expandent ea ad Solem, & Lunam, &c. non colligentur, non sepelientur, in sterquilinum super faciem terra erunt. Et hoc ipsum re ipsa fuisse completum scribit Baruch cap. 2. Statuisti verba tua, quae loquutus es in manibus puerorum tuorum Prophetarum, ut transferrentur ossa Regum nostrorum, & patrum nostrorum de loco suo: & ecce proiecta sunt in calore Solis, & in gelu noctis. Ex quibus constat ab omnium ordinum hominibus siue viuis, siue mortuis non abstinuisse Chaldaeos.

G. Sanctij Comm. in Zachar.

f

ARGVMENTVM

SECVNDI CAPITIS

ZACHARIÆ.



Sicut precedenti capite in tertia visione verba audiuit Zacharias consolatoria de instauranda Ierusalem, & templo, perdendisq; hostibus, quorum manibus antea afflictus fuerat, atque deleta res Iudaica: nunc id quàm ocyssimè futurum discit Propheta alia visione. Nam vt ostendat Deus nihil iam esse impedimenti ab hostibus, & omnia esse ad fabricam expedita, & prompta, obicit Propheta speciem cuiusdam præfecti fabricorum cum mensorio funiculo vt metaretur spatia, in quibus esset instauranda ciuitas. Deinde Angelus quidam superior Angelo, qui Zacharia aderat, edicit, vt de rebus futuris Prophetam instruat, quas ipse deinde populo proponat. Quarum hæc est summa, eam futuram ciuium multitudinem, vt plurimi extra mœnia habitare cogantur: quibus tamē Deus pro mœnibus erit. Quare veniant statim è Babylonia exules, neque metuant futurum sibi ab hostibus impedimentum, quos Dominus malè mulctabit, dabitque prædam iis à quibus antè prædam abstulerāt. Denique sanctificaturum Dominum possessionem suam, in eaque sicut prius habitaturum esse gloriosè.

CAPVT II.

PARAPHRASIS.

1 **E**T leuavi oculos meos, & vidi: & ecce vir, & in manu eius funiculus mensorium.

2 Et dixi, quò tu vadis? Et dixit ad me: vt metiar Ierusalem, & vi

1 **S**tatim sub hæc oblata est mihi species alia consolatoria. Vidi enim quendam quasi magistrum, & præfectum fabricum cum fune mensorio.

2 Qui à me rogatus quò tenderet, respondit, sibi metiendam esse Ierusalem, explorandūque funiculo, quanta

quanta esset longitudo eius, & latitudo.

3 Ecce autem Angelus mihi familiaris, qui quæ in me loquebatur, egredi visus est. Cui alius occurrit superior Angelus, à quo Angelus, qui loquebatur in me, mandatum accipit, ut his me verbis doceret, & instrueret.

4 Adest iam tempus longè benignius Solymitanæ vrbi, quæ sic abundabit ciuibus, ac iumentis, ut cum tantam multitudinem nequeat continere murorum ambitus, extra mœnia quantumuis lata plurimi habitare cogantur.

5 Neque illis, quibus extra mœnia habitare continget, ab hostium vi, atque insidiis aliquid timendum est: nam ego illis pro muro igneo aduersus inimicorum vim, & insidias oppositus, non solum tutos; sed etiam gloriosos præstabo, & ego in medio populi gloriosus ero.

6 Ergo quando iam omnia expedita sunt ad reditum, & propè est ut in patrio solo habiteris perquam commodè. O vos, qui in Babylone durum traxistis exilium (neque enim mihi sermo est cum illis, qui aliis in locis extorres habitant; dispersa quippe est tribus Iuda in quatuor ventos) vos, inquam, properate iam è Babylone, sic enim Dominus iubet.

7 Propera, inquam, Sion de Ba-

Videam quanta sit latitudo eius, & quanta longitudo eius.

3 *Et ecce Angelus, qui loquebatur in me, egrediebatur, et Angelus alius egrediebatur in occursum eius.*

4 *Et dixit ad eum: curre, & loquere ad puerum istum, dicens: Absque muro habitabitur Ierusalem præ multitudine hominum, & iumentorum in medio eius.*

5 *Et ego ero ei, ait Dominus, murus in circuitu, & in gloria ero in medio eius.*

6 *O, ô fugite de terra Aquilonis, dicit Dominus: quoniam in quatuor ventos cæli dispersi vos, dicit Dominus.*

7 *O Sion fuge, quæ habi-*

tas apud filiā Baby-
lonis, quia hæc dicit
Dominus exercituum.

8 Post gloriam misit me
ad gentes que spolia-
uerunt vos: qui enim
tetigit vos, tangit pu-
pillam oculi mei.

9 Quia ecce ego leuo
manum meam super
eos, & erunt præda
iis qui seruebant sibi;
& cognoscetis quia
Dominus exercituum
misit me.

10 Lauda, & latare fi-
lia Sion: quia ecce ego
venio, & habitabo
in medio tui, ait Do-
minus.

11 Et applicabuntur gē-
tes multe ad Domi-
num in die illa, &
erunt mihi in popu-
lum, & habitabo in
medio tui: & scies
quia Dominus exer-
cituū misit me ad te.

bylone, Domino iterum, atque iterū
iubente.

8 Dominus exercituum, inquit
Angelus mihi familiaris alterius no-
mine, quem superiorem esse dixi, id
mihi negotij dedit, vt postquam te,
ô Sion, in tuam sedem reuocatam
gloriosam reddidero, cogitationem
meam, atque vires conuertam ad
perdendas gentes, à quibus vexata,
atque spoliata es. Tam enim amat te
Dominus, vt compungi putet pu-
pillam oculi sui ab eo, qui aliqua ra-
tione tetigerit, ac violauerit te.

9 Ecce ego iam leuo manum meā
in gentes tibi hactenus infensas, effi-
ciamque breui, vt præda tibi sint qui
opimam, atque multiplicem abs te
prædam abstulerunt. Tunc autem
cognosces, ô Sion, missum me à Do-
mino fuisse, cum proximis rerum
prædictarum euentus fidem facturum
sit certam promissioni meæ.

10 Lauda ergo Sion diuinam in
te benignitatem, & exulta; quia ecce
ego, dicit Dominus, ad te clemens, &
misericors redeo, vt habitem, sicut
olim ante captiuitatem in medio tui

11 Neque erit numerus exiguus
in te, sed magni fient ad te vnde-
cūque concursus; quos ego tanquam
meum mihi populum amplectar. Et
iterum, atque iterum affirmo in me-
dio tui futurum mihi proprium do-
micilium, & tunc scies, ô Sion, esse
me à Domino missum.

12 Et possidebit Dominus Iudam partem suam in terra sanctificata: & eliget adhuc Ierusalem.

13 Sileat omnis caro à facie Domini: quia consurrexit de habitaculo sancto suo.

12 Possidebit Dominus Iudam populum sibi, ut quondam, sic etiam nunc est multis electum. Non ut hactenus in Babylone, regione execrabili cum ignominia: sed in Ierusalem multis à se modis sanctificata, cum gloria.

13 Paucaat ergo Dominum omnis caro: quia Deus, qui in medio populi habitat, ex medio populi bellator consurget contra eos, qui aut ipsi, aut eius populo hostes esse volent.

COMMENTARII IN CAP. II. ZACHARIÆ PROPHETÆ.



1.



T leuari oculos meos, & vidi.] Leuare oculos attentionem significat, maximè vbi res obiecta est, nō tam oculis; quàm cogitationi, vt in somnis vsu euenire solet. Sed credo tã hñc, quàm superiori capite spectra sic esse proposita Prophetę, vt videri potuerint, imò & necesse fuerit oculos in ea habuisse intentos.

2.
An hæc
Prophetia
historicè
de Ierusa-
lem intel-
ligenda,
vel de Ec-
clesia.

Antequam capitis explicatio-
nem aggredior, explorandum, at-
que exequiendum est, an hæc Pro-
phetia historico, ac literali sensu in-
telligenda sit de Ierusalem, vel certè
de Ecclesia propaganda, atque am-
plificanda posterioribus Euangelij
temporibus: nam quòd mystico, &
allegorico sensu in Ecclesiam secū-
dum istud caput conueniat, nemo
dubitauit. Res sanè grauis est, expli-
catique dignissima. De Ierusalem
accipiunt Theodoretus, Cyrillus,
Albertus Magnus, Dionysius, Hu-
go. Et planè idem videntur sentire
qui in simili omnino causa, id est, in
Ierusalem restituta sermonem esse
putant historicum de Ierusalem:
mysticum verò de Ecclesia; qua de
re nos multis egimus in Proœmio
cap. 40. Isaia. Hi verò sunt præter
illos, de quibus nuper, S. Thomas,
Adamus Pinus in Isaia m sæpe,
Theodoretus in illud Baruch. cap.
5. *exue ie Ierusalem stola luctus*. Iansenius in concordia cap. 8. ad illud,
vox clamantis. Toletus in illud Lu-
cæ cap. 4. *spiritus Domini super me*, an-
notat. 32. 33. 34. Maldonatus in ca-
dè verba. Gabriel Vazquez in anno-
tationibus ad c. 9. ad Rom. n. 29. Vi-

de totum Proœmium citatum, vbi
de hac re pluribus. De Ecclesia verò
Hieronymus. Philastrius hæresi de
funiculo mētorio. Lyranus, & Ema-
nuel Sa: & omnium acerrimè Ribe-
ra, qui satis eruditè quæstionem tra-
ctat. Et primùm regulam tradit sanè
optimam ex Augustino lib. 3. de do-
ctrina Christiana cap. 10. & 11. qui
docet quando sensus aliquis histo-
ricè, quando allegoricè sumendus
sit. *Quando ea (inquit) quæ dicuntur,*
proprie accipi possunt, vt verba sonant,
nec quid habet absurdi contra veritatem,
aut contra sanã fidei, morumve doctrinã,
tunc ille sensus est historicus, sin autem
maiora sint, quàm vt possint illi rei conue-
nire, de qua dicuntur, querendus est alius
sensus occultior, atq; sacratior, qui quan-
uis spiritualis videatur, historicus tamen
est. Quare licet Ps. 71. in titulo præferre vi-
deatur argumentũ de Salomone; verum
quoniã quadã sunt, quæ propter magni-
tudinẽ suam in Salomone conuenire non
possunt, cõstat de alio Salomone filio Da-
uid, scilicet Christo, historicè esse intelligẽ-
dum. Quare (inquit) si quis ostendere po-
terit quæ dicuntur in hoc capite, omnia ve-
rè facta esse in vrbe Ierusalẽ, sine dubio
mibi probabit illum esse historicũ sensum:
sed quia id ostendi non potest, quia longè
grandiora sunt, superest, vt de Ecclesia
felicitate interpretemur post saluarem
Christi aduentũ. Deinde probat mul-
ta eorum, quæ dicuntur, non posse
conuenire in Ierusalem, licet pluri-
ma conueniant. Et probat ex quo-
rundam Hebræorũ sententiã, qui (vt
tradit Hieron.) cùm viderent supe-
rioribus sæculis nō fuisse completa,
quæ hoc Zachariæ vaticinio prædi-

cta

Et a sūt, illa ad Messiaē tēpora retulerūt. Deinde ostēdens dū totū caput explicādo decurrit, multa esse, quæ ad terrestres Ierusalem amplitudinem & structuram aptari non possunt.

Discede equidem inuitus ab eo, quem & plurimū obseruo, & cuius diligentiam, atque eruditio- nem magni facio, & puto multo esse probabilius historicum sensum de terrestri Ierusalem institutum esse potius, quā de mystica; id est, de Ecclesia. Quo enim modo verba essent bona, & consolatoria, quæ nunc dicuntur ab Angelo, si mœrorem ex animo Prophetæ non eximerent, quo tuncangebatur molestissimè? At vt constat, non erat tunc Propheta sollicitus de Ecclesia, cuius fortasse cogitatio neque mentem subiecit, sed de sua Ierusalem, quam euerfam dolebat, & cuius instaurandæ tempus aduenisse dixerat. Septuagesimus enim annus non excitandæ, propagandæque Ecclesiæ destinatus erat, sed ædificandæ, atque habitandæ Ierusalem. Rursus quemadmodum in capitis explicatione Ribera probat esse multa, quæ non faciliē venient in structuram, maiestatemque Ierusalem, sic nos in capitis decursu probare conabimur omnia posse ad vrbs Solymitanæ molitionem, & dignitatem aptari. Quæ si assequimur, probabimus Ribera hunc historicum esse sensum: neque enim ille cum Augustino quicquam amplius requirit id ergo suis locis agemus. Nunc ad textum.

4. *Et in manu eius funiculus mensuræ.* Species hæc est ciuitatis struendæ, & habitus architectorum, qui vbi aliquid ex arte politum, ac firmum moliri student, prius rem totam per otium metantur, & definiunt. Similis species, & in idem cō-

filium obiecta fuit Ezechieli cap. 4. *Ecce vir; &c. & funiculus lineus in manu eius, & calamus mensura in manu eius.*

Et ecce Angelus, qui loquebatur in me, egrediebatur, & Angelus alius egrediebatur in occursum eius, & dixit ad eum. Ex hoc loco, aliis que similibus probant Theologi Angelos inter se loqui: quo modo verò id faciant, longa disputatio est. Vide S. Thom. 1. p. q. 107. & ibidem Interpretes: neque desunt alibi etiam exempla manifesta. Apoc. 7. *Angelus vnus clamabat ad quatuor Angelos, dicens: Nolite nocere terra, & mari, &c.* Et in Prophetiis Danielis, & Michæ Angelorum locutiones occurrent. Porro tertius ille Angelus, qui egressus est, vt Angelum Zachariæ familiarem illuminaret, ac doceret, superior erat aliis: vt enim ex Dionysio cap. 5. de cœlesti Hierarchia docent Theologi, superiores Angeli non illuminantur ab inferioribus. Vide S. Thom. 1. p. q. 106. art. 3.

Loquere ad puerum istum. Illuminat nunc superior ille spiritus Angelum Zachariæ, vt idem postea Zachariam illuminet, illuminaturum deinde Israëlitas alios. Porro hîc *puerum* non puto esse nomen ætatis, sed ministerij, quod aliquando in Scriptura reperitur, maximè vbi aliquid adiungitur, cui subesse videtur ille, qui vocatur puer; vt Lucæ cap. 1. *in domo David pueri sui*: & Act. 4. *Aduersum sanctum puerum tuum lesum.* Et Gen. 24. seruus Abraham, qui senior dicitur, & toti domui præfectus, puer etiam vocatur; neque verò puerili ætati tantum negotium permitti debuit. Neque hîc deest aut nota, aut ratio ministerij: nam futurus est Zacharias minister Angeli, per quem diuinum de instauranda ciuitate consilium Iudæis annunciat. Cur ergo vox *puer* La-

Angeli inter se loquuntur.

5.

Puer non semper ætatis nomen, sed aliquando ministerij.

Reg. *Quædam ætatis nomina naturam indicant ministerij.*

tina,

tina, & Hebraica נַזַּר *naar*, *seruum* significet, & *iuuenem*, ea ratio est; quia in ea ætate plerunque homines subire solent aliorum seruitia, aut ministeria: nam ætas grandior alieno potius indiget ministerio, quàm apta sit aliis præstare suum. Sicut Sacerdos, etiamsi iuuenis sit, presbyter dicitur, id est, senex: quia senes vel soliti sunt obire, vel apti sacro illi obeundo ministerio. Hinc ergo fit, vt seruus prouectioris ætatis, quique senex merito vocari posset, dicatur puer, vt nuper vidimus de seruo Abraham. Exemplum est aptum apud Hispanos, *moço*, quæ vox tam cadit in puerilem ætatem, quàm in senilem, & grauem, modò alterius seruituti sit ad dicta. Alij ideo putant Zachariam senem puerum vocari, quia talis esse videtur cum Angelis, ante quos tunc erat, comparatus, sicut discipulus rudis coram magistris sapientissimis, aut infirmus, & tener coram robustissimis, aut ætate grandis coram iis qui longissimo æuo maiores sunt, pueri dici solent. Ita Glossa interlinearis, & Hieronymus infra ad illud, *ô, ô fugite*; quem sequuntur plerique alij ex Interpretibus, Haimo, Hugo, Albertus, Dionysius. Ribera existimat *puerum* hîc ætatis esse nomen: cuius sententiæ alij quoque subscribunt. Sed quod diximus, placet multo magis; tum quia sic satis explicatur aptè vox *puer*; tum quia senem rediisse Zachariam ab exilio docent Dorotheus in synopsi, & Isidorus, & quod magni apud me momenti est, Martyrologium Romanum sexto die Septembris.

6. *Absque muro habitabitur Ierusalem.*] Hunc locum putat Ribera nullo modo in terrenam, id est, typicam Ierusalem conuenire posse:

quia ciuitas hæc muro septa fuit ab Esdra; imò (vt tradit Iosephus) triplici. Ex quo concludit de mystica, id est, de Ecclesia esse accipiendum; cuius amplitudo nullis est definita spatiis. Sed nos videamus quemadmodum hoc quoque quadrare possit in Ierusalem. Et sanè si cum Lxx. legas: *frugifera habitabitur Ierusalem à multitud'ne hominum, & iumentorum in medio eius*; nihil hinc oritur difficultatis. Nam Regio illa, quæ propter absentiam, exiliūque cultorum infrequens erat, ac vasta, propter multitudinem tamen eorum, qui ab exilio redibunt, & iumentorum, quorum opera ad subigendos agros utilis est, rebus omnibus ad vsum, splendoremque ciuium necessariis abundatura dicitur.

Sed neque à translatione vulgati quicquam incommodi est nostræ sententiæ, primò si ita interpretèr. Muniatur quidem muris Ierusalem, & ideo, vt vides, cum funiculo mensorio visus est tibi Angelus, qui spatia consideret, & metetur, per quæ circumducenda sint mœnia. At sic ego adero custos, & vigil ciuitati, vt etiam sine muris tutò habitari possit. Et ideo subdit: *Et ego ero ei, ait Dominus, murus igneus in circuitu.* Neque sensus iste contortus est, aut expressus vi, si Scripturæ consuetudinem obserues; in qua id fieri dicitur, quod aptum est vt fiat, & aliquis id facere, quod vt faciat facultatem, aut auctoritatem habet. *Qua ratione dicitur Iob. 9. Qui præcipit Soli, & non oritur*; id est, præcipere potest Soli ne oriatur, & ipse parebit: & Matt. 12. *Viri Niniuia venient in iudicio cum generatione ista, & condemnabunt eam*; id est, condemnare poterunt. Exempli plura sunt apud Salmetonem Proleg. 20. quinq. 2. can. 12.

7.
Regul.
Id fieri
dicitur
quod aptū
est vt fiat,
& id facere
aliquis,
quod vt
faciat potestatem
habet.

Secun-

8. **Reg.** **Et causa- lis.** Secundò, obseruandum coniunctionem (&) non semper coniungere extrema, sed interdù causam reddere, vt docuimus Act. cap. 7. ad illud, & semini eius. Exempla sunt obuia. Gen. 14. *Melchisedech Rex Salem proferens panem, & vinum; erat enim Sacerdos Dei.* Heb. & ipse Sacerdos. Gen. 20. *Morieris propter mulierem, quam tulisti; habet enim virum.* Hebrai. & ipsa habet virum. Isai. 54. *Ecce iuratus es, & peccauimus, id est; quia peccauimus.* Erit ergo sensus huius loci iuxta hæc: *Habitari poterit absque muro ciuitas, quia ego murus in circuitu.* Quòd si (&) copulatiuam coniunctionem esse velis, sensus est facilis. *Habitari sine muro potest Ierusalem, & quia erit multitudo hominum, & iumentorum in ea, vt possit quantamcunque hostium multitudinem sustinere, & frangere; & quia illi ego adero quasi murus igneus.*

9. **Magnus ciuium numerus futurus dicitur in Ierusalè.** Sed est alia commodior explicatio, ac magis obuia, si dicas tantam futuram ciuium multitudinem, vt, quia tot homines ciuitatis septa capere non poterunt, extra mœnia multis aut domos, aut tabernacula construere necessarium sit. Sumpserat, credo, metator ille, atque architectus Angelus spatia satis laxa ad ciuitatis fabricã. At ergo alter Angelus, tantum illud spatium, quantum esset, futurum tamen angustum pro ciuium multitudine. Quod dixit multo antè Isaias cap. 45. n. 19. *Quia deserta tua, & solitudines tuae, & terra ruina tua nunc angusta erunt praehabitatoribus.* Porro illud (absque) idè esse aliquando quod extra, vel prater, satis in Scriptura frequens; neque enim semper negat, seu excludit, sed aliquando aliquid addit ei, quod prius affirmarat. Iosue 17. *Et ceciderunt funiculi Manasse absque terra*

G. Sanctij Comm. in Zachar.

Galaad, & Basan trans Iordanem, id est, prater terram Galaad, quam iam possidebant; & Iud 8. Fuit pondus postalatarum in aurum mille septingenti auri sicle absque ornamentis, & monilibus, & prater torques aureas camelorum. Vbi illud (prater) quod sequitur, satis indicat quid valeat (absque) quod antecessit: & vtroque Heb. est לְבַד lebad: & Cant. 4. absque eo quod intrinsecus lateat: & Cant. 6. absque occultis tuis, non significat abesse à sponsa illud, quod intrinsecus lateat, sed vltra illud quod in ipsa erat eximum, adesse etiam alia. Quam etiam dicendi phrasim familiarem habet Hispanus, dum dicit: *Tengo tanta renta sin loque herede, o espero de mi Padre, & similia.* Sic etiam hoc loco dicuntur Iudæi prater illud spatium, quod complexus est murorum ambitus, habituri quoque aliqua domicilia extra mœnia. Non itaque negatur hîc murorum circumscriptio, sed ciuium abundantia prædicitur. Quod etiam Hebraica vox multo magis ostendit, quæ sic habet פְּרוּזַת חֵשֶׁב יְרוּשָׁלַם perazoth teseb Ierusalaim, quæ sic ad verbum reddo: *Ierusalem, id est, ciues Hierosolymitani, habitabit, (nā חֵשֶׁב teseb, vox est actiua) vicos, vel ea, quæ murata non sunt.* Hæc verò sunt, aut illa, quæ ciuitati sunt adiuncta, vt suburbia, vel paululum ab ea remota, vt quæ pagi Latine, Hispanè dicuntur aldeas, quæ filia ciuitatis vocantur, & quasi eius membra sunt. Vtrumque habitarunt Solymitani ciues; neque enim tantum quod erat vastum, vacuumque ciuibus intra antiqua mœnia, sed etiam proxima ciuitatis loca occupauerunt.

10. Ea enim multitudo è captiuitate rediit, vt cogi non potuerit intra mœnia quantumuis laxi spatii ab Angelo metatore descripta. Nam (vt tradit Iosephus lib. 11. Ant. cap. 4.)

virorum, præter aliam imbellem, atque promiscuam turbam, fuerunt quatuor millia millium, & sexcenta viginti octo millia dūtaxat ex tribu Iuda & Benjamin. Quid ergo mirum si Ierusalem, id est, ciues extra mœnia egressi præ multitudine, & suburbia proxima, & pagos etiam remotos impleuerint? Quod aperte docuit Nehemias cap. 11. vbi ex eo numero, qui ab exilio rediit, decimā tantum partē habitasse traditur in Ierusalem: & cum prius vno numero clauderetur ciuitas, vt ex Nehemia liquet cap. 2. 3. & 4. deinde alij muri constructi sunt, quibus nempe populus, qui extra mœnia degebat, tutus esset ab inimicorum iniuria. Quare Machab. 1. cap. 4. mons Sion ædificatus dicitur, & in eius circuitu murali, atque firmæ turres excitæ. Denique Iosephus lib. 6. de bello cap. 6. triplici muro circumdatam esse ciuitatem scribit, & ibidem docet partem quandam fuisse mœnibus nudam, quia exuberans habitatoribus ciuitas paulatim extra mœnia serpebat. Quare partem illam Agrippa mœnibus cingere aggressus est, & opus ab eo inchoatum Iudæorum studio postea perfectum fuit. Illa verò pars recens tunc mœnibus inclusa Bezetha dicta est, id est, noua ciuitas. Quia postquam mœnibus septa est, quæque antè optimè *בֵּרְזֶתְהָא* perazoth dici poterat, id est, vicus absque muro, postea ciuitas dicta est; noua tamen, comparata antiquæ ciuitati iam olim mœnibus vallatæ. Ex his habes quomodo locus hic nihil contineat, quod non aptissime cum Ierusalem terrestri conueniat.

Quibus
mœnibus
cincta Ie-
rusalem.

II.
Deus cu-
stos, & de-
fensor Ie-
rusalem.

Et ego ero ei, ait Dominus, murus igneus.] Ne fortè perturbaret Prophetam, partem aliquam ciuium murorum præsidio nudā obiectam

videri inimicorum iniuriæ, ait Dominus se illi ciuitatis parti, & cæteris etiam ciuibus futurum pro muro. Igneum verò dicit, vel quia Angelos præficiet vrbis custodiæ, qui Ps. 103. dicuntur *ignis vrens*: & 4. Reg. 6. Samariam igneis curribus esse vallatam, nihil aliud esse existimatur, quàm vigili, & sedula Angelorum custodia esse munitam; de qua Isai. 62. *Super muros tuos Ierusalem posui custodes*. Vel certè in igneo muro singularis indicatur custodia, atque protectio, quæ quamfirmissima est illi, quæ Deus cauit ne ullus in Paradisum introiret. Nam quemadmodum Deus custodem Cherubim cum igneo gladio in aditu constituit, sic etiam nunc igneum murum promittit. Quòd si, vt Abulensis putat, & Lyra, & historia scholastica, gladius igneus Cherubim, ignis erat instar coronæ Paradisum ambiens, nihilo infirmior custodia Ierusalem promittitur, quàm olim Paradiso data est. Mirus sanè amor Dei in populum suum, mira prouidentia, quam agnoscebat Dauid, cum canebat Ps. 124. *Montes in circuitu eius, & Dominus in circuitu populi sui*: ac si diceret, non tam montium ambitu, quàm Domino custode tutam futuram esse Ierusalem. Et Isai. cap. 26. *Vrbs fortitudinis nostra Sion, Saluator ponetur in ea murus, & antemurale*.

Et in gloria ero in medio eius.] Heb. *לְעָבֹד* lecabod. Fortasse significatiùs, & clariùs, in gloriam, id est, ero Hierosolymæ non solùm tutelæ, atque custodiæ, sed etiam honori: reddam enim illam non solùm tutam, sed etiam illustrem. Mihi pene certum est, illud in gloria, actiue sumi, id est, afferam gloriā populo, in cuius medio ego habitauero. Neque aliter intelligunt Lxx. qui vertunt *εἰς δόξαν*, qui loquendi modus actionem indicat.

12.
Deus or-
namentū
populi
sui.

dicat. Quomodo scire dicimus, *ero tibi in scandalum, foveam, inieritum*, id est, afferam tibi scandalum, non patiar abs te. Quod si passivè sumas, ut magis indicat vulgari translatio, hoc sensu: ero gloriosus, seu glorificatus in medio populi; erit sanè verus sensus, quia instaurato templo, renouatissimeque sacrificiis glorificatus Dominus fuit in Ierusalem: sed non satis congruit cum toto textu, qui de commodis agit Ierusalem, neque cum Hebraica, Græcæque phrasi, quæ significat non tam inde Deū sibi gloriā accipere, quā suo populo præstare. Fateor Hieronymum accipere hoc passivè dum sit exponit; & Dominus in medio eius versetur in gloria: & eodem modo accipit. Lyranus. Vtramque significationem admittit Dionysius Carthusianus; dicit enim, *glorificabor per latræ cultum ab inhabitantibus eam (Ierusalem) erōque eis in gloriam, corda ipsorum letificando, & ipsos magnificè exaltando*. Reliqui tamen omnes activè accipiunt, Theodoretus, Cyrillus, Haimo, Vatablus, uterque Palacios, Ribera. Neque ab hoc sensu omnino excludimur per illum ablativum in gloria, qui, licet rarò, vsum tamen illum interdum habet.

13. O, ò fugite de terra Aquilonis, quoniā in quatuor ventos cæli dispersi vos. Locus hic probat nostro Ribera historicum huius capituli sensum esse de Ecclesia. Neque enim Israëlita de quatuor orbis partibus, in quas dispersi fuerant, in suos fines collecti sunt: decem quippe tribuum exilium solutum fuisse nullibi constat. Sed hic ipse locus contrarium mihi persuadet: cur enim si Evangelij temporibus omnes vocandi, quos in alias, atque alias partes egere varij casus, & rerum discrimina, iubentur illi tantum in patriam redire, qui

erant in Babylone? nam hæc Solymitanam urbem ab Aquilone respicit: aut cuius ratio redditur, cum adiungitur, *quoniam in quatuor ventos dispersi vos*? Respondet Ribera, Babylone hoc loco pro mundo summi cum suis diuitiis, & voluptatibus, qui Sanctos semper insectatur, & vexat. Sed mihi hoc videtur valde durum, tum quia scire in hoc Propheta de Babylone propriè sermo fit, & de Hebræa gente, quæ ex Babylone rediit: quare, nisi causa premat grauior, ad figuratam orationem confugere necesse non est. Adde quod licet Evangelij temporibus Babylon pro mundo sumatur, idque Sanctis frequens in ore sit, tamen Prophetarum tempore in vsum non erat, quod ego viderim. Accedit quod hic cum Sion loquitur, quæ habitare dicitur apud filiā Babylonis. i. Babylone; sed reliquæ tribus neque in Babylone erant, neque nomine Sion comprehenduntur.

Sensus ergo est, meo iudicio, satis 14. expeditus, etiam si de tribubus omnibus sit intelligenda Prophetia: In quatuor cæli ventos, ò genus Israëliticum, dispersi vos, sed ex omnibus filiam Sion (in qua etiam intelligitur Benjamin, ut statim dicemus) ad libertatem ex Babylone redire iubeo. Sed est mihi verisimilis sermone hic esse tantum de tribu Iuda, & Benjamin, quia hæc quoque variis bellorum euentibus in quatuor mundi partes distractæ sunt. Docet hoc apertissime Ezechiel c. 5. qui cum ageret de tribu Iuda, & Benjamin, illas in tres partes distribuit. Tertia, inquit, pars peste morietur, & fame consumeretur in medio sui: & tertia pars tantum in gladio cadet in circuitu tuo: tertiam verò partem tuam in omnem ventum dispergam. Omnis autem ventus quatuor venti sunt,

Babylon
Prophetarum
tempore non
videtur
sumpta
pro mundo.

Dux tribus
in
quatuor
mundi
partes
disperga.

de quibus hîc Zacharias , qui ad locum Ezechielis alluisse videtur.

Porro hoc impletum esse in ob-
sidione Ierusalem constat Ierem.
cap. 4. & 5. Thren. vbi pellis exusta
fuisse, sicut clibanus à facie tempe-
statum famis; & quidam fame extra-
buisse dicuntur; & 4. Reg. 25. obses-
sa ciuitas fuisse duobus annis, & fa-
mes praualuisse traditur. De fuga,
atque exilio in varias partes constat
ex 4. Reg. suprâ, vbi ab exercitu
Chaldæorum dispersi sunt plurimi,
qui captum à Babyloñis Sedeciam
Regem deseruerunt, in varia nempe
loca, quæ Scriptura non nominat.
Deinde post vastitatem Ierusalem
populus qui reliquus fuerat à cæde,
cuique præfectus fuerat Godolias à
Nabuzardan , metu Chaldæorum
profugit in Ægyptum; & licet ex
Scriptura expresse de aliis regionibus
non constet, dubium tamen
non est ex Ezechiele suprâ, in omnes
ventos populum fuisse dilapsum.
Neque enim instante vindique hoste
credibile est, Iudæos diu deliberaſſe
de loco perſugij, neque importunam
eſſe viſam ad ſalutem regionem, quæ
ſe primùm aperuiſſet ad fugam.

15.

Ex ea verò multitudine variè di-
ſperſa ſoli redierunt, qui abducti ſunt
Babylonem, vt ſentit Hieronymus
in illud Ezech. cap. 11. *Præterea loque-
re*: dicit enim ex illis, qui diſperſi
ſunt ex Iudæis; non rediſſe, qui ab-
ierunt in Ægyptû: imò neq; eos, qui
cum Sedecia capti ſunt; id verò præ-
dictum eſt ab Ezechiele ſuprà cap. 5.
dum iubetur tertiam partem capil-
lorum, qui diſpergendi ſunt in om-
nem ventum, ligare in pallio. Nam
hi ſunt, vt dicit ibi Hieronymus, qui
è captiuitate redierunt: reliquos
enim diſſilauit ventus nunquam in

ſuum locum aggregandos.

O Sion fuge, quæ habitas apud filiam 16.
Babylonis.] Hæc verba per epexege-
ſim viſitatam in Scriptura explicant
quæ proximè præceſſerunt. Sed hîc
explicandum occurrit, quare ſolùm
ab exilio vocetur Sion, id eſt, Iuda,
cùm etiam ſimul reuerſa fuerit tri-
bus Benjamin. Et primùm, etiamſi
Sion non pertineret ad Benjamin,
de quo ſtatim pluribus; tamen nouũ
non eſt, vt in Iuda tribus quoque
Benjamin intelligatur: nam 3. Reg. 3. Reg. 11.
cap. 11. dicitur ſola tribus Iuda ſecu-
tura Ieroboam. Sic enim Aias Pro-
pheta ad Ieroboam. *Ecce ego ſcindam*
Regnum de manu Salomonis, & dabo
tibi decem tribus; porro vnâ tribus re-
manebit ei propter ſeruum meum Da-
uid: & cap. 12. *Nec ſecutus eſt quiſ-* 3. Reg. 12.
quam domum Dauid præter tribum
Iuda ſolam. Et lib. 4. Reg. cap. 17. 4. Reg. 17.
Iraſque eſt Dominus vehementer
Iſraëli, & abſtulit eos à conſpectu ſuo,
& non remanſit niſi tribus Iuda tan-
tummodò. Sed quòd in tribu Iuda
etiam intelligatur Benjamin, ſatis
conſtat 3. Reg. 12. nam cùm præ-
ceſſiſſet, ſolam tribum Iuda adheſiſſe
Roboam, ſtatim ſubditur. *Venit au-*
tem Roboam Ieruſalem, & congrega-
uit vniuerſam domum Iuda, & tribum
Benjamin centum quadraginta millia
electorum: & 2. Par. cap. 11. de Ro-
boam dicitur; *Imperauit ſuper Iudam,*
& Benjamin. Et duæ tribus non ſo-
lùm ante captiuitatem, ſed etiam
poſtea ſapiſſime in Scriptura inue-
niuntur coniunctæ.

Cur verò ſola tribus Iuda ſecuta 17.
dicatur Roboam, eam cauſam eſſe
putat Carthufianus, quia Iuda vltro;
& ſtudioſè amplexa eſt Roboam
contribulem ſibi; ſed Benjamin
non tam ex animo, quàm neceſſa-
riò, quia permixta erat tribui Iuda.

Abulen

Cur tri-
bus Ben-
jamin no-
mē sum-
pserit à
Iuda.

Abulensis quæst. 14. in cap. 11. libr. 3. Reg. existimat ideo Benjamin appellari Iuda, quia illi tribui se adiunxit. Interlinearis putat, quia principalis esset tribus Iuda, ideo ad suum nomen traxisse tribus alias, nempe Leuiticam, & Benjaminicam. Ego aliam rationem inuenio, cur Benjamin cum tribu Iuda coaluisse, & ab ea sumpsisse nomen videri poterit. Nam de tribu Leui, quæ per omnes tribus erat dispersa, & quæ certam interra promissionis sortem nacta non sit, alia ratio est; sed nunc de Benjamin nobis quæstio est. Notum est ex libr. Iudic. cap. 20. & 21. tribum Benjamin sic esse concisam, vt ex ea sexcenti tantum viri reliqui fuerint, & omnes ciuitates, ac viculos incendio conflagrasse. Quare cum tribus alia & ciuibus abundarent, & vrbibus, hæc verò his omnibus spoliata; & propter infandum scelus ignobilis; nullo iam numero habebatur. Quare sub id temporis, quo hæc scripta sunt, sic audiebat tribus illa malè, atque ignominiosè, vt eo se nomine 1. Reg. 9. Saül Regno iudicaret indignum. *Numquid non filius Iemini ego*

Tribus
Benjamin
exigua a-
liquando,
& igno-
bilis.

sum (id est Benjaminita) *de minima tribu Israël, & cognatio mea nouissima inter omnes familias de tribu Benjamin? quare ergo locutus es mihi sermonem istum?* Hinc existimo exiguam illam tunc, & obscuram tribum vulgò Hebræorum amisisse nomen, & sumpsisse à nobilissima tribu, cui se propter viciniam adiunxerat, & cui erat ciuitas Regia Ierusalem, quo tempore hæc scripta sunt, communis, vt mox dicemus. Et licet tempore Roboam tribus illa frequens esset non solum hominibus, sed etiam vrbibus, quia tamen olim eo redacta est, vt tribus

dici non debuerit, cum aliis composita, retinebat tamen antiquum nomen, quod in aliis rebus etiam mutato priori statu fieri videmus; vocabaturque eodem nomine, quo alia nobilior, & copiosior familia. Neque id proprium est tribui Benjamin, vt in sua tenuitate nomen sumeret à potentiore tribu, sed commune cum aliis. Nam cum ex aliis quoque tribubus plurimi sese adiungerent ad tribum Iuda ante captiuitatem per Assyrios, & cum eadem tribu plurimi quoque ab exilio rediissent, vt dicemus infra cap. 8. numero 27. omnes tamen vocati sunt Iudæi relicto gentilitio nomine.

Hæc quidem ratio satis apparebat grauis, cur in Sion quæ vocatur ab exilio, tribus quoque Benjamin intelligatur: sed est alia, meo iudicio, non inepta, quæ ex ipso situ Ierusalem sumpta est; quæ ædificata fuit in ipsis Benjamin, Iudæque confiniis, ita vt ad vtramque tribum pertinuerit. Quare qui Sion ab exilio reuocat, Iudam omnino reuocat, & Benjamin. Quòdenim Ierusalem ad Benjamin pertineat, constat ex cap. 18. Iosue. Pertinuisse quoque ad Iudam liquet ex eodem Iosue cap. 15. *Habitabit, inquit, Iebuseus cum filiis Iuda in Ierusalem vsque in presentem diem.* Et iisdem verbis dicitur Iud. cap. 1. *Habitabit Iebuseus cum filiis Benjamin in Ierusalem vsque in presentem diem.* Quòd verò templum ad Benjamin pertineat, probat illa Hebræorum traditio, vt refert Hieronymus de traditionibus Hebraicis, qui illud Gen. 49. *Benjamin lupus rapax mane comedet prædam, & vespere diuidet spolia;* de templo accipiunt; in quo mane à Sacerdotibus immolantur hostiæ, - in vrbibus, inquit, Gen. 49. 10.

Gen. 49.

& vespere distribuuntur. Et ita putat Chaldaeus, & fauet benedictio Moyſis Deut. 33. vbi Benjamin in thalamo Domini futurus eſſe dicitur, id eſt, in templo, vt etiam Chaldaeus exponit. Quare eodem ſpectant benedictiones Iacobi, & Moyſis, nempe ad id, quod erat in Benjamin maximè pretioſum. Quòd verò templum pertineat etiam ad Iudam, indicat Plal. 77. *Repulit tabernaculum Ioseph, & tribum Ephraim non elegit: sed elegit tribum Iuda, montem Sion, quem dilexit, & edificauit sicut unicornium sanctificium suum.* id eſt, templum. Et hoc ipſo capite infra: *Possidebit Dominus Iuda pariem suam in terra sanctificata, & eliget adhuc Ierusalem.* Videntur itaque templum, & ciuitas ad vtramque tribum pertinere, quia pars per ſynecdochem pro tota ciuitate, ac templo ponitur. Et quemadmodum quia funiculus Iudæ ductus eſt per fontem Solis; & per fontem Rogel, Iosue cap. 15. & per eosdem fontes funiculus Benjamin, Iosue cap. 18. verè vterque fons diceretur ad vtramque tribum pertinere. Sic etiam quia linea vtriusque tribus per latus Iebus, & vallis Hennon ducebatur, vt conſtat ex cap. 15. & 18. Iosue, Ierusalem quoque communis erat vtrique tribui. Exiſtimo autem antiquam Ierusalem quæ parua erat, fuiſſe in tribu Benjamin, ſed poſtea latè amplificatam occupaiſſe partem illam, quæ erat intra funiculum Iudæ.

19. Illud deinde obſeruandum, ter ex Babylone vocari filiam Sion. Nam prius dicitur, *O, ô fugite de terra Chilonis*: deinde, *ô Sion fuge.* Geminata vox vim adhibet magnam, & ſtimulos, cùm virgemus aliquid; & communiter contentionem, & ſtudium ſignificat in quacumque materia; aut alicuius affectus, ſiue doloris, ſiue voluptatis pondus im-

Regul.
Vox ter
reperita
multum
dicitur
mag-
nam, aut
ſtudium
ingens ſi-
gnificat.

portat magnum. Quòd ſi ter repetatur, maximum, idque communiter indicat numerus ternarius. Exempla ſunt obuia: & valdè accommodatū in multitudine, Eſther cap. 8. verſ. 9. nam vbi vulgaris legit. *Centum viginti ſeptem prouinciis*; textus Hebraicus ter repetitio nomine habet, *prouinciam, prouinciam, prouinciam.* Et Apocal. 8. magnum dolorem indicat *va* ter repetitum. *Va, va, va habitantibus in terra.* Et ſponſa Cant. 4. ter vocatur è Libano. Sic etiam hîc (*ô*) repetitum vrget grauiter Iudæos in exilio deſides. Quòd ſi Babylonia mundi ſymbolum eſt, ſanè quàm aptiſſimè ter homines ex illo vocantur, quod per tria Religionis voia ſit. Et qui in mundo viuunt, atque ibi inueteraſcunt, iure pluſquam optimo ter lugeri poſſunt.

Post gloriam miſit me ad gentes.] Hieronymus hanc vocem Saluatoris eſſe putat, qui omnipotentem ſe ab omnipotente Patre miſſum eſſe dicit. Idem Euſebius de Demonſtr. Euang. cap. 16 & plerique a'ij. Eſt quidem hoc ſatis probabile: neque tamen ſi loquatur Chriſtus, ſermòque ſit de gentium conuerſione, crediderim ideo ſermonem non eſſe de captiuorum reditu, inſtaurandaque Ierusalem. Nam in Scriptura ſæpe contingit vt ex hiſtoria, quæ typus eſt, migratio fiat ad veritatem, id eſt, à litera ad ſpiritum, ab vmbra, & figura ad Chriſtū. Exempla ſuppeditabit Iſaias non pauca; cap. 7. *Ecce virgo concipiet & pariet*: & cap. 10. *Reliquia conuerſentur, reliqua inquam Iacob ad Deum fortem*: & cap. 11. *Egredietur virga de radice Ieſſe*; cùm prius de rebus ſui temporis verba faceret, & ad eandem poſtea referat ſermonem; ſic etiam nunc agit Propheta de Ierusalem inſtauranda, & quia illa Eccleſiæ quædam

20.

Regul.
Aypoſe
pe ad ve-
ritatem
transla-
tus ſer-
mo.

quadam vmbra est, inserit istud de Ecclesia vaticinium. Sed sanè existimo nequè hoc modo locum istum de Ecclesia explicari oportere: nam primùm hîc loquitur ille, quem priùs Zacharias appellauit Angelum, & quamuis Angelus saepe personam Christi representet, vt Theologi docent, & nos pluribus docuimus in cap. 7. Act. veluti in rubo, in dispositione legis; in lucta cum Iacob, &c. non tamen ideo necesse est, vt quæ hîc dicuntur, omnia ad Ecclesiam referantur. Nam ex Theologorum sententia Christo tribuntur illa omnia, quæ cum temporalia sint, ad animæ tamen salutem pertinent, qualia sunt euocatio filiorum Israël ex Ægypto, inductio in terram promissionis; de quibus Iudas Epistola canonica. *Quoniam Iesus populum de terra Ægypti saluans, secundo eos, qui non crediderunt perdidit.* Et nunc libertas ex captiuitate Babylonica, & templi, ciuitatisque renouatio, quia hæc maximè iuuare poterant: atque fouere studia pietatis; & ideo meritis Christi, ac curæ tribuenda. Iure ergo Christus dicit se missum, vt hæc præstet; quia hoc suarum partium negotium est.

Quæ ad salutem animæ pertinet, Christo tribuenda.

22.

Hæc mihi difficilia non videntur; sed dicam aliquid audacius, non tamen sine fundamento, nisi mea me fallit coniectura. Nempe illud, *post gloriam misit me*, & reliqua ad finem vsque capitis ab Angelo dici, non à Christo, aut in Christi persona. Quod præterquàm quòd expeditum habet sensum, & sine offensione vlla, optimè cum superioribus consequentia componit. Et primùm si Christus, aut in eius persona, aut nomine Angelus loqueretur, non subderet: *quia hæc dicit Dominus exercituum.* Quæ vox non tam

est suo nomine dicentis aliquid, aut alienam personam representantis, quàm referētis quid alius, aut velit, aut dicat. Existimo ergo primū, hæc ab Angelo, Dei scilicet nuncio, esse proposita: deinde illud, *quia hæc dicit Dominus exercituum*, non ad ea, quæ sequuntur referri, sed ad ea, quæ proximè antecesserūt. Non vt sensus sit, quòd Dominus dixerit se missum à Patre; sed quòd Angelus auctoritate Domini cōfirmauerit; quod antè prædixerat, hoc sensu. Fuge Sion de Babylonia, quia hæc dicit Dominus exercituum, nempe vt fugias. Sic verò hæc esse accipienda, indicat earum partium, quæ in ipsa denunciatione sunt, similitudo; cuiuslibet enim parti subiicitur: *dicit Dominus*, vt vides, *ô, ô fugite de terra Aquilonis*, dicit Dominus: *quoniam in quatuor ventos cœli dispersi vos*, dicit Dominus: *ô Sion fuge, quæ habitas apud filiam Babylonis*, quia hæc dicit Dominus exercituum. Et hîc finitur tota clausula. Deinde incipit Angelus de seipso loqui, cūm dicit; *Post gloriam misit me*, &c. quod necessariò dicendum est, si editionem vulgatam, maximè quam nunc emendatam habemus, cum textu Græco, atque Hebraico, & cum aliis etiam Latinis codicibus non paucis cōponere velimus. Sic enim vulgatus: *Qui tetigerit vos, tangit pupillam oculi mei.* Alij verò pronomen habent tertriæ personæ, *oculi sui*, vel, *oculi eius*. Quare si pupilla est oculi Dei, omnino non loquitur Deus, sed Angelus, alioquin non dixisset *in eo*, id est, *oculi eius*, sed *in eni*, id est, *oculi mei*. Noster autem Interpres, vt alibi saepe, sensum potius securus est, quàm verba.

Post gloriā misit me ad gentes. Hæc verba Angeli sunt, qui in sua loquitur, non in Christi persona, qui duplici

23.

plici ratione à Babylone populum in patriam vocat; & quòd gloriosus erit populus ad illud vsque tempus desertus, & vacuus, & quòd pericula maxima, & clades imminet Regionibus illis, in quibus captiui degunt: quæ effugere non poterunt, si se cū peregrinis hominibus, Deòq; inimicis implicuerint. Illam verò gloriam variè explicat auctores, qui negant hīc esse sermonem de Christi gloria excitati à mortuis, & ad cœlos assumpti. Hebræi de Romanorū gloria intelligunt, id est, postquam Romani totius orbis Imperium obtinuerint. Alij de Imperij Persici gloria accipiunt, vt Pagninus. Alij post annunciatam gloriā præstadā populo Dei, de qua prius dictum fuerat: *Et in gloria ero in medio eius*, annunciantam esse cladem populi, quibus Iudæi antè seruierant. Ita Hugo, & Arias Montanus.

24. Mihi hoc loco magis probatur, quod Alberto quoq; Magno visum est, gloriam hīc esse illam, qua Deus populū ornauit suū, instaurata vrbe, & excitato templo, vbi Deus habitaret in medio populi. Vbi enim hæc essent perfecta, Angelus, quo hortatore hæc suscepta sunt, iturū se dicit ad gentes alias, vt iniuriā, ac vim illatā populo Israëlítico vlcisceretur. Quomodò verò id acciderit, quæ ratione mulctatæ fuerint gētes malè olim in Iudæos animatæ, constat ex libris Machabæorum. Certè contra inimicos populi Dei sæpe dura prædicta sunt à Prophetis. A Ierem. c. 47. 48. 49. ab Ezech. cap. 23. & 26. & idem nunc facit Zacharias. Porro illud, *misit me*, pro futuro sumitur, quod apud Prophetas familiare est, maximè cū aliquid propè est vt fiat, vt diximus ad illud Cant. 1. *Introduxit me*: nisi malis ita interpretari, *misit me*, id est, in mandatis dedit

mihi, vt ad gentes eam.

25. *Qui enim tetigerit vos, tangit pupillam oculi mei.*] Hinc planè, meo iudicio, constat de vltione, ac supplicio illarum gentium potiùs esse sermonem, quàm de conuersione ad fidem. Hanc enim rationem reddit Angelus, quòd grauiter ferat vexari suos non secus atque si quis oculi sui pupillam compungat. Sed hoc non tam beneuolentiam cōciliat ad misericordiam, quàm furorem acuit ad vindictam. Cæterum vt nuper obseruauimus, in textu Græco, Hebraico, Chaldaico, & nōnullis Latinis codicibus, non est *oculi mei*, sed *ipsius*, aut *sui*. Sed si Angelus in sua persona loquatur, & non repræsentet alienam, sensus est idem, qui à nobis suprā propositus: si hæc verba Christi esse statuamus, alius erit sēsus, sed qui plenè indicet non hīc à propitio Deo de conuersione gentium agi, sed ab irato de illarum exitio. Ait enim eos, qui populo suo molestiæ aliquid afferunt, in se ipsos graue aliquid infortunium moliri; & quod ipsi vulnus Iudæorum corporibus, aut fortunis infligunt, in rem sibi maximè gratam, qualis est oculorū pupilla, esse conuertendum. Ita Cyrillus. Cæterum pupillam Prouerbiali specie sumi pro re maximè chara, quæque maiori studio custoditur, constat ex Deut. 32. & Psal. 16. ad quæ loca videtur allussisse Zacharias. Pupilla verò lesa deformitatem affert, & cæcitatem, extremamque miseriam: quale enim gaudium habebit, qui cœli lumen non videt? Iob. c. 2. Tale verò sibi malum struit, qui contra Dei amicos aliquid machinatur mali.

26. *Quia ecce ego leuo manum meam super eos.*] Leuare manū in Scriptura multa significat; de quibus hīc Ribera: hoc verò loco duo videtur indi

Leuare manum, iuramenti signum

indicare, vel iuramento confirmare non impunitas fore populo Dei inflictas à gentibus contumelias, & plagas, sed sumendum esse supplicium. Nam leuare manum iuramenti signum, & pondus obtinet. Gen. 14. Deut. 32. Exod. 6. vel certè manū extendere idem est quod manum habere armatam, & intentam ad plagam. Et hoc placet magis, quia & frequentius in Scriptura, & rebus accommodatum magis. Ps. 73. *Leua manus tuas in superbias eorum.* 2. Reg. 20. *Homo de monte Ephraim leuaui manum suam contra Regem David.* Porro non differendas esse illarum gentium pœnas, ostendit illud, *leuo*, in præsentī tempore. Sic enim explicare solemus rem futuram, imminentem iam tamen.

27. *Et cognoscetis, quia Dominus exercituum misit me.*] Hæc etiam verba Angeli sunt, qui ex rerum, quæ prædicuntur euentibus fidem facit Prophetiæ suæ. Ex quo infero hoc loco sermonem non esse de gentium cōuersione: nam signa non solum certa, sed etiam proxima esse debent, ita ut videri possint, aut cognosci ab iis qui ad aliarum rerum expectationem vocantur. Alioqui ab his, qui audituri erant hæc à Zacharia postea, nisi signa apparerent, in dubium merito vocari poterat Angelica, vel Prophetica fides. At gentium cōuersio quæ poterat signum esse iis, quibuscum Zacharias loquebatur, qui nūquam illam essent visuri, cūm contigerit supra quingentos annos à tempore Zachariæ?

28. *Lauda, & latæ filia Sion.*] Hæc etiam Angeli verba sunt Dei nuntij, atque ipsius promissa referentis, ut docet quod statim subditur: *Dicit Dominus, & applicabuntur gentes multe ad Dominum.* Neque hoc ad gentium cōuersionem pertinere existimamus. *G. Sancti Comm. in Zach.*

stimo; sed ad multitudinem, quæ ædificato templo, dedicatōque ex Iudæorum gente ad urbem confluit, id est, postquam Deus habitare cœpit antiquo suo more in Ierusalem. Quemadmodum verò hoc impletum fuerit, tradit Esdras lib. 1. cap. 8. Quod verò hîc de Gentili populo sermo non sit, indicat adiectiuum illud, *multæ*. Nam absolutè nomen, *Gentes* pro paganis, & his, qui à populo Dei alieni sunt, vsurpatur; si verò aliquid addas, tam de Iudæis, quàm de nationibus aliis intelligitur. Neque si de gentibus externis accipias, necesse est ut de cōuersione earum ad fidem intelligas. Nam externi populi, & maiestate templi, in quo Deus præcipuè colebatur editis grauibus ibi suæ præsentiae testimoniis, & Iudæorum felicitate commoti, & Religionē Iudæorum amplectebantur, quod facturum se profitebatur Antiochus Machab. 2. cap. 9. & voti, & pietatis ergo templum obibant, & munera deferabant amplissima. Quod David multo antè cecinerat Ps. 67. ubi postquam de hostibus debellatis egisset, subiecit: *A templo suo, quod est in Ierusalem, tibi offerent Reges munera.* Vide Commentaria nostra in illum locum.

Et possidebit Dominus Iudam partem suam in terra sanctificata.] Hic iam Ribera nobiscum sentit, agique putat non de Ecclesia, sed de Iudæis; & ita planè videtur esse dicendum: & est sensus facilis; Possidebit Dominus Iudam populum sibi è multis electum, non in execrabili terra Babylonis, ubi antea fuerat in ignominia, sed in terra Iuda multis à se modis illustrata, & sanctificata, maxime templo, id est, habitaculo sanctificationis suæ. Et ideo subditur: *Et eliget adhuc Ierusalem;*

Reg.
Gentes absolute pro
Gentilibus:
cum addito pro aliis etiam
populis
sumuntur.

29.

quia rursus in Ierusalem constituet sibi domum ubi habitet, sicut antea. Nam illam & spoliatam ciuibus, & exustam incendio Babylonico abiectis omnino videbatur. Quo modo verò in *Iuda* intelligatur quoque Benjamin diximus supra nu. 16.

30.
Silentium
obseruan-
tiae, & ti-
moris si-
gnum.

Sileat omnis caro à facie Domini.] Valdè hæc significanter dicuntur à Propheta. Nā filere in Scriptura significat inter alia ita aliquē domitū esse alterius potentia, ut se commouere non audeat, neque contra illum leuiter, aut obscure quicquam mutire, & ob id ipsū reuereri, & colere. Nam huiusmodi silentium obseruantia, & timoris significatio est. *Iob. cap. 29. Videbant me, &c. Principes cessabant loqui, & digitum superponebant ori suo: & 1. Machab. 1. de Alexandro. Et siluit omnis terra in conspe-*

ctus eius: & Iudith cap. 11. sic ad Holophernem. Habebis omnem populum sicut oves, quibus non est pastor; & non latrabit vel unus canis contrate. Et olim cum Sacerdos prodibat sacrificaturus, Diaconus præibat dicens, *Sileat omnis humana & mortalis caro, steteque cum metu, ac tremore.* Habes in Liturgia Iacobi, non longè à principio. *Heb. DM chas*, quod, ut dicit Hieronymus in cap. 1. Sophoniæ, interiectio est silentium imperantis, qualis apud Latinos *st*, & apud Hispanos *Chiton*. Rationem reddit, *quia consurrexi de habitaculo sancto suo*; id est, quia est in medio Ierusalem, quasi Dux in arce, unde abi gat, sternatque insultantes hostes. Quo argumento vsus est Habac. cap. 2. *Dominus in templo sancto suo, sileat à facie eius omnis terra.*

ARGV

ARGVMENTVM

TERTII CAPITIS

ZACHARIÆ.



Alia nunc obiicitur visio Zacharia, quæ Iesu Seruatoris passionem, & eius fructum porrendit. Visus est enim Iesus Sacerdos filius Iosedech cum veste sordida ante Angelum Iudicem, qui Dei ipsius personam referebat. Qui licet vehementer obnitente, & accusante Satana, depositis sordibus gloriosam accepit cydarim, & stolam mundam. In qua umbra illustris quedam lux proponebatur; nempe in Iesu Sacerdote Iesus Seruator. Qui cum prius esset instar lapidis rudis, & impoliti, postea tamen à Domino attentissimè calatus pulcherrimus euasit. Ex qua calatura id consecuta est terra, ut secunda pace, quod antea non poterat, frueretur.

CAPVT III.

PARAPHRASIS.

1. **E**t ostendit mihi Dominus Iesum Sacerdotem magnū stantem coram Angelo Domini: & Satan stabat à dextris eius, ut aduersaretur ei.

2. Et dixit Dominus ad Satan: Increpet Dominus in te Satā: & increpet Domi-

1. **D**ostendit mihi Dominus visionem aliam consolatoriam, nempe Iesum Sacerdotem filium Iosedech, qui reus astabat coram Angelo, qui diuinam referens personam, ludicem agebat, cui ut aduersaretur, à dextris adorabat Satan.

2. Cum vrgeret causam Satan, & Iesum Sacerdotem vehementer premeret, neque fas esse diceret, cum peccatum populi, cuius personam sustinebat Sacerdos, nondum esset

satis expiatum, instaurari Ierusalem, respondit Angelus: Increpet te Dominus, Satan, quando tam iniquè Sacerdotem increpas: te; inquam, Dominus increpet, qui Ierusalem, contra cuius fabricam tantopere niteris, sibi ex omnibus elegit. An aliquid præterea pœnarum expetendum putas ab infelici populo, ac Sacerdote; neque satis arbitraris dedisse supplicij eos, qui quasi vstulatum lignum, & tantum non redactum in fauillam, sumpti sunt ab incendio?

3 Stabat autem Iesus coram Angelo squallidis amictus vestibus.

4 Tunc Angelus, qui Dei nomine Iudicem agebat, ad eos, qui quasi administri aderant, sic est locutus. Auferte iam quicquid in Sacerdote squalloris est. Et ad Sacerdotem conuersus inquit: Ecce abstuli abs te sordes, quas, quia ex iniquitate adhæserunt tibi, iniquitatem voco, & indui te mutatoriis, id est, lautis, atque pretiosis vestibus.

5 Et iterum ad ministros conuersus ait: Ponite cydarim, Sacerdotalē nempe mitram super caput Iesu Sacerdotis. Illi quamprimum ad præcipientis imperium, cydarim expediunt, imponuntque capiti, & splendentibus amiciunt ornamentis.

6 Neque recessit Angelus donec imperata complerentur; qui denunciauit

nus in te, qui elegit Ierusalem: nunquid nō iste torris est erutus de igne?

3 *Et Iesus erat indutus vestibus sordidis: & stabat ante faciem Angeli.*

4 *Qui respondit, & ait ad eos, qui stabant coram se, dicens. Auferte vestimēta sordida ab eo. Et dixit ad eum: Ecce abstuli à te iniquitatē tuam, & indui te mutatoriis.*

5 *Et dixit: Ponite cydarim mundam super caput eius, & posuerunt cydarim mundā super caput eius, & induerunt eum vestibus.*

6 *Et Angelus Domini stabat, & contestabatur*

batur Angelus Domini Iesum dicens.

7 *Hæc dicit Dominus exercituum: Si in viis meis ambulaueris, & custodiam meam custodieris, tu quoque iudicabis domum meam, & custodies atria mea, & dabo tibi ambulantes de his qui nunc hic assunt.*

8 *Audi Iesu Sacerdos magne, tu, & amici tui, qui habitant coram te, quia viri portendentes sunt: ecce enim ego adducam seruum meum Orientem.*

9 *Quia ecce lapis, quem dedi coram Iesu, super lapidem unum septem oculi sunt. Et ecce ego calabo sculpturam eius, ait Dominus exercituum, & auferam iniquitatem*

ciauit Sacerdoti solenni formula, ac contestatione dicens.

7 *Vt custodiret vias Domini, eiusque præcepta seruaret, si modo vellet dignitatem illam Sacerdotalem sibi esse perpetuam. Cuius id erat proprium, ut domum Dei, id est, populum Israeliticum iudicaret, & custodiret templum, & quæ ad eius sanctitatem, & munus pertinebant, curaret. Quæ ut sanctè & ritè, & minori cum molestia fierent, promissæ daturum se aliquos, qui ad ea procuranda semper assisterent, ex eorū numero, qui tunc aderant, & quibus ad suprâ dicta ministris utebatur.*

8 *Audi iam, ô Iesu Sacerdos, tu, & qui tecum sunt, viri Prophetæ, qui huius oraculi futuri sunt annunciatores, & testes, rem omnino magnam, & quam adumbrant ea, quæ in hoc admirabili spectro oblata sunt: ecce enim ego adducam seruum meum, germen electum, nempe Iesum Seruatorem.*

9 *Sicut tu, ô Iesu Sacerdos, post exilij sordes nunc cum stola, & cydari gloriosè splendes, sic Iesus Seruator, cuius tu typus es, ex alio non dissimili squallore pulcher fiet, atque gloriosus. Viden' ut lapis iste (obiectus erat lapis rudis, scaber, neque dum antè perfectus) impositus est, & reprobatus ab omnibus? sed hic à Deo artifice summo, magno studio calabitur. Super illum enim septem oculi sunt, id est, attentio ma-*

gna in eius cælaturam intenta. Quo
verò tempore cælatus fuerit lapis il-
le, die vna, qua videlicet finietur cæ-
latura, auferetur iniquitas terre; sicut
abs te nunc iniquitas ablata est.

10 Tunc affulgebit terræ pax vsq;
ad eò securam, vt quod antè non lice-
bat, mutuo se amici ad otium, & de-
licias inuitent, qui tunc sub vite,
ac sic dies festiuos, ac geniales
agent.

*terræ illius in die
vna.*

10 *In die illa dicit Do-
minus exercituum,
vocabit vir ami-
cum suum subter vi-
neam, & subter fi-
cum.*

COMMENTARIJ IN CAP. III. ZACHARIÆ PROPHETÆ.



I.
Iesus iste
non fuit
Seruator
noſter, ſed
filius Io-
ſedeſch.

Et ostendit mihi Dominus Iesum Sacerdotem magnum stantem coram Angelo Domini.] Multa sunt in hoc capite obscura, explicatūque difficultia. Imprimis quis sit iste Iesus, cuius ad dexteram aderat infensus Satan: nam sunt qui Christum esse affirmant. Orig. homil. 9. in Leuit. & hom. 14. in Lucam. Tertullianus aduersus Iudæos in fine. Ambros. lib. 3. de fide cap. 4. Chrysost. hom. 5. ex variis in Matth. Greg. lib. 2. Mor. c. 20. Lactantius lib. 4. c. 14. Hieron. in illud Psal. 109. *Sede à dextris meis.* Alij Iesum Sacerdotem filium Iosedeſch; Cyrillus, Theodoretus, Beda in Epistola Iudæ ad illud, *cum Michaël Archangelus.* Euthym. in illud Psalm. 103. *Diabolus stat à dextris eius:* & omnes pene Hebræorū Magistri, quos Lyranus sequitur, & plerique è recentioribus, Haimo, Hugo, Carthusianus, Albertus. Sed conciliari possunt hi Patres, si dicamus istos fuisse locutos de sensu historico, illos verò de mystico: & ita tradunt aliqui expressè; Eusebius 4. de demonstr. c. ult. Iustin. Martyr Dialogo cum Tryphone ad finem. Hieronymus hîc, & fusiùs lib. 2. contra Iovinianum. Aug. lib. 12. contra Faustum. Theodoretus hîc. Quòd verò hæc de Christo Iesu historicè intelligenda non sint, probant multa, quæ nisi absurdè, atque impiè de Christo cogitari non possunt; vt quòd Angelus à Iesu iniquitatem abstulerit, monueritq; vt in viis Do-

mini ambulet; quòd illi promissus sit Seruatoris aduentus, & alia quæ obseruabit faciliè attentus lector.

At, inquit aliqui, quo tempore hæc à Zachariâ dicebantur, iam erat Iesus filius Iosedeſch & Sacerdotio, & vita functus. Quod cum aliquibus Hebræorum sentit Mōtanus, multisque persuadere contēdit. Sed rationes non admodum vrgent, in quibus refellendis, aut infirmendis non moror, ne operam perdam. Satis in præsentia sit, ostendi posse post hæc tēpora vixisse Iesū filiū Iosedeſch, quod ex hoc Propheeta demonstrari potest non difficile. Nam cap. 6. Zachariâ dicitur: *Sumes aurum, & argentum, & facies coronas, & pones in capite Iesu filij Iosedeſch Sacerdotis magni.* Hæc verò dicta sunt quarto anno Darij, secūdo, vt reor, anno post hæc tempora, aut non multo minùs: imò & vixisse anno sexto Darij ex eo liquet, quia templum absolutum est eo anno, Esdræ lib. 1. cap. 6. sed fuisse absolutum à Iesu, & Zorobabel docet Ecclesiasticus cap. 49. qui de illis ita loquitur. *Qui in diebus suis edificauerunt domum, & exaltauerunt templum sanctū Domino, paratum in gloriā sempiternā.*

Sed est adhuc, quod obijciant: nā non apparet, quænam iniquitas auferri potuerit ab hoc Iesu Sacerdote significata in veste sordida. Si dicamus iniquitatem esse populi, quæ portare Sacerdos debet, licet portat nomina filiorum Israël, & pro illis orare; nihil dicemus alienum ab

2.

3.

Quæ iniquitas Iesu filij Iosedeſch.

ab usu Scripturæ. Sed erant etiam peccata propria huius Sacerdotis, quia, ut ex Aggæo constat, peccarat populus, neque exigua pars culpæ ad Sacerdotem pertinebat, cum populum à peccato corrigere debuisset. Accedit quod Esdræ lib. 1. cap. 10. filij Iesu Sacerdotis narrantur vxores duxisse alienigenas: imò idē fecisse quoque istum Iesum tradūt non solum Hebræi, sed etiam Hieronymus lib. 2. contra Iovinianum; qua in re docet illum typum fuisse Christi. Præter hæc non video quid obiici possit aliud contra nostram sententiam.

4. Sacerdos
populum
repræsen-
tat & in
eum po-
puli pec-
cata redū-
dant.

Adde huc, quod Sacerdos, si vltus ex toto populo, personam sustinet maximè publicam, eo præcipuè tempore in quo Rex non erat inter Iudæos. Atq; ideo commodè totius populi status in eo proponitur: ut enim in sacrificio pro peccato Sacerdotis offertur vitulus, quemadmodum pro totius populi peccato Leuit. cap. 7. quia quodā modo totus populus in Sacerdote est, & in Sacerdote peccat; aut Sacerdos potius in omnib. peccat, quia ipsius peccatum ad aliorum quoque perniciem grassatur; ita etiam si qua persona sordidum populum repræsentare potest, maximè sordidus Sacerdos. Itaq; indicat Cyrillus. Existimo ergo quod in Sacerdote magno videbat Isaias, id etiam tunc accidere in Hebræorum populo. Erat enim adhuc sordidus, quia neque dum omnino ex captiuitate erutus; & illa Hebræorum pars, quæ ab exilio redierat, nondum erat à superioribus exilij incommodis renouata; emergebat iam quidem ex afflictâ fortuna, neque respirare videbatur solum ab ignominia, & seruitute, sed etiam aspirabat ad dignitatem, & gloriam; aderat tamen Satan, id

est, occurfus malus, qui inchoatū, atque incitatum illum morabatur cursum. Nam, ut ex Esdra constat, prima illa tēpora à Babylonico reditu, plena fuerunt insidiarum, atque perturbationis, ut necesse fuerit inceptum opus ad secundum annum Darij, in quo nunc res agitur, interrūpi. Aderat enim à dextris populi in templi, atque murorū fabricam incumbētis Satan, id est, Samaritæ, de quibus Esdras cap. 3. & 4. qui populum arguerent, inhiherētque studium gloriosi laboris: sed nihil proficiunt scelerata consilia, & ardens odium in gentem tot iam annis, & incommodis exhaustam. Nam Iesus Sacerdos tādē vestem candidam accipit, & cydarim, & illustria sui muneris ornamenta, id est, populus ad priorem amplitudinem, & splendorem reuocatur. Hanc sententiam indicant Beda in epistolam Iudæ, Albertus, Hugo, & Interlinearis, dum dicunt impediri hīc reditum captiuorum. Hæc existimo præcipuè proposita fuisse Zachariæ; sed sunt adhuc multa obscura.

Satan stabat à dextris eius. Quid sit esse à dextris alicuius, diximus pluribus in Actis Apost. cap. 2. hīc verò à dextris variè exponitur. Hieronymus sententiam refert Hebræorum, qui ideo putant à dextris Iesu stare Satān, quia vera illi crimina obiiciebat, nempe quod vxorem duxisset alienigenam. Et huius ea videtur esse ratio; quia potiore partem obtinebat in ea accusatione; nam dextra fortius aliquid, & maius significat, ut dicit Greg. lib. 20. Mor. cap. 20. Facit ad hanc sententiam quod Augustinus docet ad illud Psalm. 108. *Et diabolus stet à dextris eius.* vbi diabolus esse à dextris ideo putat, quia pecca

peccator opera diaboli habuit dextra. i. operibus Dei prapofuit. Et fauet huic explicationi; quia in iudicio cuius speciē habere videtur hæc Iesu Sacerdotis siue accusatio, siue contradictio, quia à dextris est, superior est. Quod indicatur nō obscure statim cum dicitur, *constituo super eum peccatorem*, id est, fac ut peccator, id est, Satan in iudicio superiores habeat partes. Quod hemistichio sequenti per epexegetim explicuit suo more David, dum addit, *cum indicatur, exeat condemnatus*. Hæc quidem expositio vera est: nam siue spectemus tempora ante captiuitatem, condemnari meruit populus, & iure optimo longa seruitute multatus est; si verò tempus, quo seruitia dura in exilio subiit, dignissimus fuit, qui nunquam libertatis lucem aspiceret: nam & vxores habuit alienigenas, & alienis etiam moribus vixit: neque multo melior fuit ad patriam reuocatus, quo tempore hæc dicebantur à Zacharia, ut ex Esdra constat, Aggeo, & Malachia, qui, ut putat Hieronymus, sub hæc tempora prophetauit. Dignus ergo erat rebellis ille populus, si merita spectes, qui in alieno solo captiuius moreretur, atque ideo Satan à dextris stabat, id est, superior erat in causa. Sed populus, qui meritis à Dei iustitia exigere non poterat reditum, impetravit tamen à misericordia; & ita in suo Sacerdote audit ab Angelo, *ut in visis Dei ambulet*.

6.
A dextris
est Satan
cum no-
bis impe-
dimento
est.

Sunt sanè ista verissima, & satis consentanea temporis articulo, sed est fortasse magis apra sententia, quā tenet Bēda in epistola Iudæ, Albertus, & Hugo, Interlinearis, & alij. Nempe ideo Satan esse à dextris Sacerdotis, quia Iudæorum fœlicitati

G. Sanctij Comm. in Zachar.

cum inuideret, Angelorum, & piorum ex eo populo consiliis aduersabatur: nam Satan per impios in Babylone, & per Samaritas in Iudæa Hebræorum consilia, rationesque turbabat; neque quicquam sinebat expedire, aut cum magno studij, operæque pretio administrari. Ut enim amicus à dextris est, ut iuuet, & protegat, quomodo Psalm. 15. dicitur. *A dextris est mihi ne commouear*: & Psalm. 108. *Astui à dextris pauperis, ut saluam faceret à persequentibus animam meam*; sic inimicus est à dextris, ut quod in nobis firmitus est, & magis ad laborem idoneum, turbet, & debilitet. Quod sanè per Samaritas faciebat Satan, qui & manus dissoluebat artificum, & opus inchoatum nouis quotidie rationibus morabatur.

Et dixit Dominus ad Satan. Qui-
dam ex Hebrais Angelum esse putant eum, qui nunc vocatur Dominus, quos è recentioribus aliqui sequuntur, Albertus, Stunica, Montanus, Gabriel Vasquez 1. 10. in 3. p. S. Tho. disp. 112. cap. 4. Neque id mihi videbatur difficile, nisi viderem contrā stare omnium ferme Interpretum consensum, quod ut probarem, iis ego rationibus adducebar. Primum, quia, ut cōmuniter Theologi docent, & nos multis probauimus in c. 7. A. & Angelus sæpe in Scriptura Dei personam repræsentat, & eius loquitur nomine. Secundò, quia toto capite, ut constat, loquitur Angelus: quare eidem hæc quoque verba videbantur esse tribuenda. Neq; reliqua cōmodè Deo adscribi posse, & fatentur omnes, & textus non obscure docet. Neque multum hæc verba differunt ab eis, quibus apud Iudā Michaël Archangelus diabolum increpuit. Acce-

7.

i.

dit quòd si Deus in ea visione oblatuſ eſſet Zachariæ, potiùs Sacerdos coram Deo ſtare diceretur, quàm coram Angelo: ſtat enim reus corà Iudice potiùs quàm coram patrono. Neq; ſi loqueretur Deus, videbatur dicturus in tertia perſona; *increpet te Dominus*. Sed diceret Propheta potiùs increpatù fuiſſe à Domino Satan. Adde ad extremũ, quòd Angelus in hoc capite multa dicit, quæ non minùs Deo tribui poſſe videbantur, quàm illa, de quibus nobis modò quaſtio.

Hæc mihi grauiã videbantur, vt exiſtimarem loqui hæc Angelũ populi Iudaici tutelari; neque occurrebat vlla ratio, quæ in contrariã partem admodũ vrgeret. Sed quando huc inclinat omniũ pene Doctõrũ cõſenſio, nos etiam cum iſtis idem amplectamur. Et ſanè nomen יהוה *Iehoua* ineffabile, pro quo hîc *Dominus* ponitur, attribui Angelis nõ ſolet. Adde quòd hæc in viſione oblata ſunt Zachariæ, quaſi ita fieret, vnde repræſentatio quædã erat, & vt ita dicã, figurata actio; neque enim ibi Ieſus Sacerdos erat; ſed eius ſpecies. Quare licet totũ illud Angelorum miniſterio peractũ ſit, fieri potuit vt per Angelos obiiceretur Zachariæ Dei aliqua ſpecies, ſicut per eoſdẽ propoſita eſt Satanæ, & Sacerdotis. Nequetũc obſtare videtur illa ratio, quæ communiter adducitur, quòd diuinã maiestatem non deceat adedò familiariter agere cum hominibus, cùm Angeli ſint illi, qui figuratam illam actionẽ exhibent, in qua etiam imago quædam eſt Dei loquentis. Idem tenet cum aliis Interpretibus Bellarminus lib. 1. de Chriſto cap. 5.

8. Agitur ergo nunc Ieſu Sacerdotis cauſa coram iudice Deo, & populi, cuius partes Ieſus, vt pote Sacer

dos ſuſtinebat. Cui aderat Angelus, qui cum illo ſimul de populi reditu, atque ſalute laborabat. Pugnabat contrã acerrimẽ Satanã, ad quem Dominus, qui ſupplicem, & ſordidum Ieſum intruebatur, ait, *Increpet Dominus in te*. Qua voce fregit Satanæ vires adedò potenter, vt nullũ poſtea reliquum fuerit impedimẽtum, quominus inchoatum opus ſine offenſione ad exitum vſque perduceretur. Quod ſignificat tam ſubita mutatio in Sacerdote facta; nam qui modò ſordidus erat, & ſicut torris ab incendio raptus, repentẽ mundis veſtibus ſplendet cum cydari, ac reliquo ornatu Pontificio.

Increpet Dominus in te.] Qui hîc putant loqui Deum, cùm iſtis non admodũ faueat tertia perſona, reſpondent interdum Deum de ſe ipſo loqui, quaſi de alio à ſe diuerſo loqueretur, ex vſu Scripturæ, iuxta Hebræorum phraſim. Qua ratione Num. cap. 24. hæc Balaam de ſe ipſo. *Dixit Balaam filius Beor, &c. & Salomon de ſe Eccleſ. cap. 1. Dixit Eccleſiaſtes.* De Deo quamplurima ſunt exempla. Gen. 19. ita Deus, *Scio quòd præcepturus ſi (Abraham) filiis ſuis, & domui ſuæ poſt ſe, vt cuſtodiant viam Domini, id eſt, meam.* Num. 12. *Si quis fuerit inter vos Propheta Domini (i. meus, in viſione apparebo ei. Et ſtatim de Moyle. Ore enim ad os loquor ei, & non per enigmata, & figuras Dominum videt, id eſt, me. Et ſunt hæc omnino certa, & nos pluribus docuimus Cant. 2. ad illud, Adiuvo vos. Erit ergo ſenſus: Ego Dominus, qui hîc ſũ, increpabo te. Increpabat, credo, Satan Ieſum Sacerdotem, dum accuſationem premeret, & ad ſupplicium poſcebat; in illum verò Deus, ſine, vt probabile putabamus, Angelus increpationem retorquet, & minas.*

9. Regul. Interdum aliquis de ſe tanquã de tertia perſona loquitur.

Porro

10. Porro pro *increpet*, est futurū, quod pro imperatiuo saepe sumitur, significatque cum potestate, & oburgatione imperare eo vultu, vocisque seueritate, vt aliquem deterreat, ac præcipientem abigat. Increpare verò in aliquem Hebraismus est, quem saepe imitatur noster Interpres. Iisdem, credo, verbis Hebraicis vsus est Michaël cōtra diabolū in Epistola Iudæ, cū dixit: *impelet tibi Deus*; vbi alij legunt, *increpet*. Sed est sensus omnino idem: nam verbum *גַּבְהַר*, *imperare* significat; sed seuerè & propositis minis, qualiter fieri solet in exorcismis. Et in Græco est *ἐπιτιμῶναι*, quod *increpare*, vel *connitari* valet.

11. *Qui elegit Ierusalem.*] Hinc constat quid Satane propositum fuerit, dum staret à dextris Iesu, nempe non tã vt illi aduersaretur, quàm vt ædificationem Ierusalē impediret. Cui Deus dicit, frustra illum allaturum esse moras vrbis, templique ruinis excitandis. quãdo ipse statuisset electam sibi Ierusalem, ad pristinam gloriam restituere.

12. *Nunquid non iste torris est erutus de igne?*] Rationem reddit cur malè malum absterreat demonem, quia si peccauit Iesus Sacerdos, aut populus in Sacerdote significatus, satis iam pœnarum vterque dedit, cū ex incendio longo non aliter ereptus sit, quàm lignum, quod ex igne vstulatum euadit. Quæ dicendi forma satis indicat ærumnosam vitam inedia, laborèque confectam, qualem lamentabatur Ieremias Thren.

4. *Denigrata est super carbones facies eorum:* & cap. 5. *Peltis nostra quasi clipeus exusta est à facie tempestatum famis.* Iisdē propè verbis vtitur Amos cap. 4. *Facti estis quasi torris raptus ab incendio.* Dicit ergo Deus satis exhaustum esse pœnarum ab eo populo;

neque esse cur Satan diuinam iustitiam ad durius aliquod supplicium instimulet. Vel certè cū ipse promiserit Pl. 67. eis qui inter medios cleros dormierint, vnde contraxerint, & in vestibus sordes, & nigrorem in facie, consequens esse vt veluti nix dealbentur, fiantque similes argenteæ columbæ in pallore auri, quod consecutus est Iesus, qui detractis indumentis squallidis, mundis induitur, & cydari splendet.

Stabat ante faciem Angeli.] Implorans, vt videtur, eius opem in eo cōflictu: & quia illius preces, & verba præcesserant, commodè subditur.

Qui respondit, & ait ad eos, qui stabant coram se.] Respondit vtique superior ille Angelus, qui causam Iesu, & Iudæorum agebat, qui communiter creditur esse Michaël; & conuersus ad alios inferiores Angelos imperat, vt auferant vestimenta sordida, & iterum ad Iesum conuersus dicit auferendam esse ab eo iniquitatem.

Ecce abstuli à te iniquitatem.] Satis vstitutum est in Scriptura, vt peccatum sumatur pro peccati pœna. 2. Machab. cap. 12. *Sancta, & salubris est cogitatio pro defunctis exorare, vt à peccatis soluantur*, id est, à pœnis pro peccato debitis. 1. Petr. 2. *Peccata nostra ipse pertulit in corpore suo super lignum:* & Zachar. cap. 14. *Hoc erit peccatum Egypti, & hoc peccatum omnium gentium.* Huic affine est, quòd etiam peccatum pro sacrificio, aut oblatione pro peccato sumitur: nam illud quodam modo pœna peccati est. Quare Christus peccatum pro nobis factus esse dicitur 1. Cor. 5. & Osee 4. *Sacerdotes populi peccata comedunt*, id est oblationes pro peccatis. Cū ergo sordes illæ, & squalor in captiuitate contracta, quæ ablata sunt per Angelos à Sacerdote

13.

14.

Regul.
Peccatum,
& iniquitas
pro peccato
torā pœna,
& purificatione.

Iesu, propter iniquitatem prouenerint, ex usu Scripturæ ab Angelo vocantur iniquitas.

15.
Mutatoria
quid.

Et indui te mutatoris.] Mutatorias vestes Montanus Pontificias interpretatur, quia illæ communes non erant, sed peracto sacrificio deponerantur. Adducitque illud Leuit. 16. *Deposuitque vestibus, quibus prius indutus erat, cum intraret in Sanctuarium, relictisque ibi lauabit carnem suam in loco sancto, indueturque vestibus suis.* Sed licet Pontificio cultu indutus fuerit Iesus; quod tamē adeo certum non est, non tamen existimo mutatorias vestes esse Pontificias: quia has videtur statim accepisse post cydarim; sed mundas, & pretiosas, quales nobilē iam, & ingenuum tanti populi præsidem decebat. Neque enim mutatoriarum vestes sacræ sunt, sed mundæ, & lauræ, quibus homines in festis vtuntur, deponuntque & mutant, cum profectis diebus ab otio, atque munditia se rursus ad laborem expediunt. Certē Naaman 4. Reg. 5. Sacerdotalia vestimenta non tradidit Giezi, cum vestes mutatorias duplices dedit. Neque Deus cum à filiabus Sion ablaturum se minatur mutatoria Isai. 3. de cultu agit, instruendumque Pontificio. Septuaginta pro mutatoris habent *poderem*, id est, vestem ad talos usque demissam.

16. *Ponite cydarim mundam super caput eius.*] Cydaris est Sacerdotalis mitra, de cuius forma multis Iosephus lib. 3. Ant. cap. 8. & Hieronymus epistola ad Fabiolam de veste Sacerdotali. Vide etiam Riberam lib. 3. de templo cap. 8.

17. *Angelus Domini stabat, & contestabatur, &c.*] Aderat Angelus donec omnia complerentur, quæ futuram Domini salutem portendebant. Edicebat tamen Sacerdoti publica, at-

que solenni forma, vt viam Domini custodiret, si modò vellent dignitatem illam sibi esse perpetuam. Quod in Sacerdote, vt diximus, suo quoque modo populo denunciabatur, cuius splendor tandiu steterit, quandiu ipse, neque à data fide, neque à Domini voluntate defecit. Hic obserua quomodo Angelus in persona Domini loquatur, viasque Domini suas esse dicat. Ex quo verisimile fit, quod antea suspicabamur, priora verba Angeli esse, non Dei.

Et custodiam meam custodieris.] Visitatum est apud Hebræos adhibere accusatiuum verbo cognatum, qui plerumque significat id, quod continet, aut indicat, aut circa quod aliquo modo versatur actio. Abac. 3. *Audiui auditionem tuam*, id est, vocem, quæ auditur. Gen. 8. *Odoratus est Dominus odorem*, id est, rem odoriferam. Isai. 8. *timorem eius ne timeatis*, id est, minas, aut arma. Psalm. 115. *laudauerunt laudem eius*, id est, facta laudabilia. Si hoc loco, custodire custodiam Dei, est Dei obseruare præcepta, quæ ideo tradita sunt, vt obseruentur. Eadem dicendi forma reperitur Leuit. 18. *Nā vbi vulgatus habet, custodie meam mandate.* Heb. est, *custodie custodiā meā*; & Num. 18. vbi vulgatus, *Excubabunt Leuitæ ad præcepta tua.* Heb. & Septuaginta, *custodient custodias tuas.*

Tu quoque indicabis domum meam.] Non solum hæc visio de Iesu Sacerdote, totoque populo oblata est Zachariæ, sed etiam de Iesu Domino nostro Seruatore, vt mox constabit. Monet ergo Angelus Iesum Sacerdotem, vt legem Dei custodiat, cuius obseruantia ergo pollicetur iudicaturum illum in domo Domini, & in atriis eius futurum esse custodem. An verò his verbis significetur vniuersalis admi-

18.
Regul.
Accusati-
uus verbo
cognatus
id inter-
dum signi-
ficat, cir-
ca quod
aliquo
modo ver-
satur ac-
tio.

19.

In Sacer-
dote à ca-
pitulato
summa
potestas.

ministratio Reipublicæ Israëlita, qualem ante captiuitatem Reges habuerunt, vel tantum rerum sacrarum, quarum cognitio ad Sacerdotes pertinebat, non facile iudicatu est: quia tempora ab hoc Iesu ad Machabæos vsq; valde sunt obscura. Sed est verisimilius à Babylonica libertate summam potestatem penes Sacerdotes fuisse. Ita Iosephus lib. 11. cap. 4. *Penes Pontifices, inquit, fuit summa auctoritas, donec Assamonæorum (id est, Machabæorum) gens mutato rerum statu Regnum obtinuit.* Fuisse quoque Machabæos Sacerdotes satis constat ex eorum libris. Et lib. 20. cap. penultimo idem Iosephus. *Iesus Iosedech filius, & eius posterii quindecim vniuersi vsque ad Regem Antiochum Eupatorem statum Reipublicæ popularem rexerunt.* Cuius rei vestigium aliquod est in lib. Iudith, vbi Sacerdos magnus rem videtur administrasse bellicam. Neque contrā facit, quia hīc non populum iudicaturus esse dicitur, sed domum; quia domus sumitur pro populo Israël. Num. 2. *At non talis seruus meus Moyses, qui in omni domo mea fidelissimus est.* & Ierem. 12. *Reliqui domum meam, dimissi hereditatem meam.*

20. *Et dabo tibi ambulantes de his, qui nunc hīc assistunt.*] Quidam ita vertunt, *dabo tibi vias inter stantes istos.* Ita R. David, & illum secuti nonnulli ex recentioribus, Pagninus, Varablus, Montanus; quod etiam sequitur Chaldaeus. Qui huius loci talem esse putant sententiam; futurum nempe vt, si legem custodiat, functus iam & munere, & vita ambulaturus sit inter eos, qui ibi aderant; aderāt autem Angeli. Itayt non solum temporalia bona promittat, id est, summam auctori-

tatem in Israël, sed etiam aeterna. Diuersa translationis causa fuit, varia notatio punctorum: nam eadē litera aliter, atque aliter notata alium, atque alium sensum reddunt. Si ita legas, vt nunc habet textus Hebraicus מְהַלְכִים *mehalechim*, ita dicendum esset, vt recentiores illi volunt cum Rab. David. Sed Hiëronymus, & Lxx. legunt absque dubio melius, מְהַלְכִים *mehalechim*: quem nos sequimur, quemque antiqui Patres secuti sunt. Promittit ergo Michaël Angelorum militia præfectus Sacerdoti maximo, ex Angelorum numero aliquot, qui illi adsint, tueanturque ab iis incommodis, quæ Principi viro, summamque rerum obtinenti ab externis, atque domesticis hostibus imminere solent. Ex quo constat iis qui præsunt, non vnum Angelum; sed plures in custodiam dari.

Audi Iesu Sacerdos magne: tu, & amici tui, qui viri portendentes sunt.]

21.

Hebraicè מוֹשֵׁי מוֹפֵת *anse mopheth*, id est, *viri portenti.* Quæ verba varias translationes, & sententias admittunt, sicut etiam nostra translatio. Nā viri portēti dici possunt, vel quia ipsi futuris sæculis portentō futuri sunt, & typo rei alicuius. Qualis sine dubio fuit Iesus Sacerdos, qui Iesum Seruatorē adūbrabat: vel quia Prophetæ erant portendentes signis, & in typo prædicentes futura. Nam qui Christi typi sunt, qualis hīc Iesus, Prophetæ dicuntur: neque aliter à Christo Abel dicitur Prophetæ: Lucæ 8. vbi dicit sanguinem omnium Prophetarum exquirendum esse à sanguine Abel, &c. & ita placet Hiëronymo in illud Ezech. 4. *Si comedent filij Israël:* & sequitur Haïmo, Albertus, Dionysius, & Ribera,

Angelus
principū
aut pro-
vinciarū.

Qui typus
fuerunt
Christi,
Prophetæ
dicuntur,
vt Abel.

sentiunt ergo, vel hos viros dari in signum rerum futurarū, vel his reuelari illa mysteria, de quibus statim, vt illa postmodum futuris sæculis annuncient.

22.

Alij putant hos vocari viros portenti, seu portendentes, ita vt vox illa *portenti* sumatur passiuè, non tam vt ipsi futuri sint aliis porteto, quàm accepturi à Domino portenta, & signa, quæ obseruant, & desiderant. Ita Rab. Dauid, Vatablus, Montanus, & Lyra; & his non valdè dissimilia Cyrillus, & Theodoretus. Et videntur id velle Lxx. qui vertunt *τερασκοπόται*, id est, *prodigiorum speculatores, & obseruatores*. Quod quidem à Iudæorum ingeniis non abhorret, qui signa quærunt, vt Christus dixit, & Deus accommodatè ad illorum naturam vltro signa offert. Regi Achaz per Isaiam cap. 7. In hac parrem magis inclinabat animus, nisi in aliam conspirasset omnium pene sententia: & illud *portendentes*, quod vulgatus adhibuit, magis ad edentes signa, aut prædicentes futura, quàm ad instructos de futurorum euentu pertineret.

23:

Hoc tempore qui Prophetæ in Iern. salem.

Erant autem cum Iesu Sacerdote, quo tempore moliebatur vrbs, templique fabricam, aliquot Prophetæ, Aggeus, & Zacharias, vt liquet ex eorum vaticiniis, & Esdræ i. cap. 5. Fuit etiam Malachias, vt dicit Hieronymus, & Eusebius in Chronico, & Clem. lib. i. Stromatū; fuit quoque Iesus ipse, & Zorobabel, qui si minùs verbis, rebus tamen, & typo prophetauerunt. Imò, si credimus Hebræis, vt refert Lyra, etiam aderant tres pueri, qui in fornacem Babylonicam coniecti fuerunt. Neque cum hac expositione Septuaginta seniorum pugnat translatio: nam *τερασκοπόται* si accentus est in antepenultima, non tam si-

gnificat quòd ipsi portenta specularentur, quàm quòd aliis pro portento conspiciendi proponantur. Sicut alia verbalia nomina composita quæ antepenultimam acuunt, quod norunt, qui Græcè mediocriter sciunt. Neque si *τερασκοπόται* sint, qui signa capiunt, aut vident, ideo non sunt Prophetæ; ideo enim signa vident, non vt silentio premant, sed vt annuncient aliis. Quare Prophetæ Videntes appellantur, & à Prophetia Visio dicitur, & Prophetarum epitheton est.

Ecce ego adducam seruum meum Orientem.] Ad audienda verba hæc dignissima, quæ gemmis notentur, & lapillis, animo iubetur esse attento Iesus Sacerdos. Quæ miror ab aliquibus erepta Christo ad Zorobabel esse detorta; in quibus sunt Hebræi iuniores, & quidam ex Catholicis, & in his Theodoretus, & Eusebius lib. 4. de demōstr. cap. vltimo. Cui, si cætera conueniant, quomodo illud, *adducam*, aptè quadrabit, cum iam adductus fuerit Zorobabel? Quando quæso Zorobabel quasi lapis calatus à septem oculis? Est ergo hic sermo de Iesu Seruatore, vt communiter omnes, & Chaldaus apertè, qui vertit *Messiam*. Hoc itaque certum, de nomine plus negotij est. Pro Oriente Heb. est *שמך Semach*, quod *germen* significat: quod per (*Oriens*) videtur optimè redditum; quia illa, quæ pululant, & germinant, oriri dicuntur. Complures metaphoram à Sole: non à plantis petitam esse credunt. Quibus hoc persuadet, & nomen *Orientis*, quod non tam plantis, quàm Soli accommodari videmus: & Lxx. vertunt *ἀνατολή*, quo nomine vsus est Lucas cap. i. *Visitauit nos Oriens ex alto*. Quòd de Sole esse intelligendum suadet, quod

24.

Christus dicitur Oriens.

Prophetæ dicti vi-
dentes.

quod statim sequitur; *illuminare his, qui in tenebris, & in umbra mortis sedent.*

25.
Orientis
metapho-
ra non à
Sole, sed à
plantis.

Multum sanè momenti habet tot Patrum auctoritas, à quibus discedere audacis est animi, non tamen possum non abire in aliorum sententiam, qui à plantis similitudinem ducunt, non à Sole. Quod satis indicat vox Heb. *סמך Semach*, quæ de Sole nullo modo, de plantis optimè, imò solum dici potest. Et ita omnes, præter Hieronymum, *Germen* interpretantur: imò Hieronymus ipse non rarò. Isai. 4. Ierem. cap. 23. & 33. Quare dubitandum non est apud Hieronymum idem valere (*Germen, & Oriens.*) Quod apertè docet infra cap. 6. ad illud, *Ecce vir, cuius nomen est Oriens.* vbi Heb. *סמך Semach*. Ait enim (*Oriens*) significare *ἀνατολὴν, ἀναφύειν, βλάστημα*, id est, *germen*, quia ex se repente succrescet, & ex radice sua in similitudinem germinis pullulabit. Verba sunt Hieronymi, vbi tribus nominibus germen significantibus, quid sentiret, expressit. Neque quicquam addidit, quod esset Soli affine, vel claritati.

26. Neque vox *ἀνατολή*, qua Lxx. sunt vsi, quicquam incommodat; nam licèt *orientem Solem* sæpe significet, non tamen rarò plantarum ortum, aut germinationem: imò propriè *ἀνατέλλειν* de plantis dicitur, & per metaphoram ad alia traducitur, vt scribit Suidas. Et, vt omittam externos, Scriptura plurima nobis suppediabit exempla. Psal. 103. vbi nos habemus, *producens fœnum iumentis*: & Hieronymus, *germinans herbam*. Lxx. habent *ἐξαντέλλων*: & Ierem. 23. vbi Hieronymus, *suscitabo David germen iustum*. Lxx. legunt *ἀνατολὴν*. Quare Ribera putat in illo Lucæ 1. *Visitauit nos Oriens ex alto*, vsurpari (*Oriens*) pro germine, quia

putat ad hunc locū allusū esse: neque ob stare quod statim subditur id quod proprium est Solis; *illuminare his qui in tenebris, &c.* quia putat ex vna metaphora migrationē factā esse ad aliam; quod in Scriptura est frequens. Quid dicendum sit de hoc loco Lucæ, nihil hîc moror, sed illud certum esse credo, neque infrà apud Zachariam cap. 6. sermonem esse de Sole, sed de germine. Cuius sententiæ sunt quotquot hîc pro Oriente, *Germē* reddunt: sunt autem, vt dixi, omnes præter Hieronymum. Tenent præter hos Ribera, Montanus, Vatablus, Legionensis lib. de nominibus Christi, titulo, *Pimpollonica*, Viegas Apoc. cap. 1. sect. 8. Quàm verò sæpe Christus *germen* dicatur, vel mediocriter versatis in Scriptura notum est.

27. *Quia ecce lapis, quem dedi coram Iesu.* Alia nunc vtitur similitudine, qua confirmat animos eorum, qui variè iactati excitare languentem spiritum non poterant, vt magnum aliquid sperarēt rebus iam pene collapsis. Docuerat venturum esse germen de quo priùs Isaias cap. 11. *Egredietur virga de radice Iesse*, quæ Regem, Ducemque populi designabat ex radice Dauid, quæ variis incommodis videbatur excisa; vnde excitandum toties dicitur germen Dauid; nunc alia similitudine, quia de templo construendo agebatur, ostēdit quanta futura sit templi maiestas, & amplitudo, cuius futurus erat Iesus Seruator lapis angularis. Agit verò de Ecclesia ex Iudeis, Gentilibusque cōflata, quos vnus lapis studiis, moribusque disiunctos arētē copularet. De quo lapide Isaias 28. *Ecce ego mittam in fundamentis Sion lapidem probatū, angularem, pretiosū, in fundamento fundatum.* Huius autem lapidis typus erat, & exemplar Iesus

Iesus filius Iosedech, prius quidem in vestibulis sordidis : deinde verò cum stola munda, & Pontificia cydari in templi fabricam sedulo incumbens.

28. *Super lapidem unum septem oculi sunt.*] Incidimus in locum difficillimum, in quo variè auctores, & se ipsos torquent, & à se vicissim variè distrahuntur. Montanus duos hîc lapides videt: alterum de quo prius, quo significatur etus templi fabrica, atque duratio, quam tunc urgebant Principes à captiuitate iam reuerfi: alterum verò non manu factû, id est, Christum, siue eius Ecclesiam, quæ altiori quodam consilio, & septem oculis in eam intentis constructa est.

29. Alij communiter vnum lapidem esse putant, sed adhuc variè explicant. Quidam illum esse credunt, qui cap. 4. dicitur stanneus in manu Zorobabel; & illi septem accommodant oculos, de quibus suo loco dicemus: Sed interim si hanc explicationem admittamus, sensus esse posset non ineptus; nempe, lapidem illum stanneum, id est, perpendicularum, aut aliquam regulam, seu mensuram tectonicam habere supra se septem oculos, quia magnus artifex Deus magno consilio, & summa attentione totum opus metatur, atque definit. Sed sunt multa, quæ minùs cum hac expositione congruunt.

30. Alij oculos in lapide statuunt, ita ut lapis oculatus sit: sed hi etiam variè: nam quidam septem Spiritus sancti dona hîc esse putant, & in his est Hieronymus, Rupertus, S. Thom. in cap. 5. Apoc. & alij non pauci. Alij septem spiritus, de quibus Apoc. cap. 5. & infra cap. 4. sed in re obscura, atque impedita di-

cam quod mihi magis videtur ad veritatem.

Et primum arbitror vnum tantum esse lapidem, & in eo significari Iesum Seruatorem. Neque quisquam est, qui aliter sentiat præter Montanum. Per lapidem verò significari Christum notius est, quàm ut multis à nobis probari debeat. Existimo autem ostensum esse Zachariæ ante faciem Iesu Sacerdotis lapidem impositum, & rudem, qualis erat ille, qui reprobatus sæpius tandem factus est in caput anguli, & qualis ille Dan. 2. qui excisus sine manibus statuam deiecit. Deinde verò ostensum esse Prophetæ lapidem illum futurum esse pretiosum, iuxta illud Isai. 28. *Mittam in fundamentis Sion lapidem probatum, angularem, pretiosum.* Reddit deinde rationem quomodo, aut qua specie futurus sit pulcher, atque pretiosus lapis ille, dum dicit: *super lapidem unum septem oculi sunt.* De quorum oculorum instructu, ac lumine quid statuam, nihil planè compertum est.

Mihi valdè videtur probabile, quod alij sentiunt, oculatum esse lapidem; eosque septem oculos, septem esse Angelos, qui in variis metaphoris dicuntur assidere Christo, tanquam eius voluntatis administri. Facit ad hæc non dissimilis loquendi modus, quo in Apocalypsi Ioannes vsus est, ubi in septem oculis totidem sine dubio intelliguntur Angeli. Crebræ autem sunt allusiones in Apocalypsi ad hunc Prophetam, & dicendi modus non dissimilis. Sed de hac re agemus pluribus sub finem cap. 4. ad illud. *Septem isti oculi sunt Domini.* Ex quibus huic sententiæ plus accedet probabilitatis.

31.
Iesus in lapide significatus.

32.

Sed

33.
Septē ocu-
li pro at-
tentione.

Sed nunc magis mihi videtur expeditum, si septem oculi pro attē-
tissima consideratione sumantur,
magnōque consilio. Septem enim
pro multis, & oculos pro attentio-
ne vsurpari solere, nemini, credo,
dubiū est. Erit ergo huius loci sentē-
tia; summo studio, ac cura celandū
esse rudem illum & impolitum la-
pidem, qui oblatas est Zachariæ.
Quod probat id, quod statim sub-
ditur: *Ecce ego calabo sculpturam eius;*
quia Dei oculi pro septem, id est,
pro infinitis sunt.

34.

Vsitatum est inter Prophetas,
vt in hoc nostro sepe obseruauimus
& in Isaia sapissimè, vt quoties in
eo quod proponitur, aliqua appa-
ret Christi umbra, aut temporis
Euangelici, auocetur sermo ab hi-
storia, & typo, & ad Euangelici tē-
poris mysteria traducatur: quod in
hoc rerum articulo spectare licet.
Obiectus fuerat Iesus Sacerdos
squallidis lacerisq; vestibus, quales
retulisse videri potuit ex longo, du-
rōque seruitio; quibus depositis as-
sumpta Pontificia stola, & veste mū-
da, illustris repētē visus est, & vene-
ratione dignus. Hæc species, & no-
men ipsum Sacerdotis satis adum-
brabat Seruatorem Iesum. Nam si-
cut ille sordidus prius, & abiectus,
deinde verò lautus, & gloriosus vi-
sus est, sic Christus deposita illa spe-
cie, quā è nostro squallore cōtraxe-
rat, perfunctus iā acerbissimā mor-
te gloriosissimū apparuit. Hoc idē
alia similitudine ad maiorem rei fir-
mitatem, & lucem iterum exprimi-
tur, in lapide prius imposito, & rudi,
deinde magno studio, & singulari
artificio mirificè cælato. Fuit qui-
dem Iesus Seruator lapis ille par-
uus, quē vidit Daniel cap. 2. excisum
sine manibus, qui deinde creuit in
montem magnum despectus in ho-

G. Sanctij Comm. in Zacha.

minū oculis, quādiu in terris man-
sit in mortali statu, qui deinde cæl-
atus est à Deo septem oculis, id est,
magno studio in eā curam intento.
Prius flagris, spinis, & clauis, sicut
etiam lapis qui primū durē versari,
tundi, ac solui videtur ab artifi-
ce, qui tunc reprobatus videri po-
tuit hominum iudiciis; deinde ad
gloriam, dū illa, quæ prius videban-
tur ad ignominiam inflicta, decori
fuerunt & pulchritudini. Actandē
ea ratione super lapidē tanto artifi-
cio, curaque ex cultum fundata fuit
Ecclesia, id est, templum aliud illu-
strius eo, in quod tūc Iesu Sacerdo-
tis incumberebat industria. Quod
impleuit vniuersam terram; sicut
paruulus ille lapis, de quo Daniel,
magnum creuit in montem.

Septuaginta vertunt, *Ecce ego fo-
di foueam.* Aquila, *sculpam aperituram
eius.* Eodem, ferme modo Symma-
chus, & Theodotio: & est sensus
idem, sed magis explicatus. Nam
lapis ille ita prius videbatur scul-
ptus, vt dissipatus potiùs, & defor-
matus apparuerit, quàm cælatus, &
pulcher. Sed illa vulnerum vestigia;
atq; foramina, & sinus ex plagis re-
lictī, quæ aperturæ, & foueæ vocari
possunt; ita fuerunt à summo artifi-
ce, & à septem ipsius oculis illumi-
nata, vt nihil humani oculi vnquā
viderint, neque ad aspectum præ-
clarior, neq; ad gloriam illustrior.
Deus itaque fodit foueā, quia per-
cussit Christum. *Isai. 53. propter scelus
populi mei percussit eum:* sed cælauit il-
lum, quia excitauit à mortuis, & per
Passionem gloria, atque honore
coronauit.

*Et auferam iniquitatem terræ illius
in die vna.* } Dixerat nuper ablatam
esse iniquitatem à Iesu Sacerdote,
id est, à populo in Sacerdote repræ-
sentato; vbi iniquitatem esse diximus

k

Quomo-
do in la-
pide adu-
bratus
Christus.

35.

36.

fordes illas, quas propter iniquitatem in exilio contraxerat. Quæ tamen à populo non vno, sed multis postea dieb. ablatae sunt: nā adhuc multi Hierosolymis aberant; nequidum his qui à Babylonia redierant, omnia libera erant ac soluta. Quare in Iesu Seruatore, id est, in huius vmbra corpore, ac veritate hæc intelligenda sunt, non in Sacerdote filio Iosedech: quia nullus fuit dies, qui simul ab omnibus sordes absterferit. In Iesu verò Seruatore longè secus: nam vbi vltima manus accessit exculpando lapidi, quod in morte accidit, vnus, atq; idem dies & Christo sculpturæ, & vitæ, & mūdo iniquitatis, & exilij finem attulit. Qua verò ratione sublata dicatur iniquitas terræ, cum tamen post Christi mortem plurima quotidie flagitia pullulent, disputant Theologi, docentque sufficienter esse à Christo prouisum, quò omnis deleteretur iniquitas, modò homines diuinū illud beneficium dignè velint suscipere; & eo sensu dici posse Christo moriente mortuum quoq; fuisse peccatum, & hominem veterem eodem, quo Christus ligno, crucifixum. Neque hic loquendi modus alienus est à Scriptura, quæ id dicit ab aliquo fieri, qui vt faciat, dignus atque idoneus est, vt pluribus ostendimus in illud Act. cap. 23. *De spe, & resurrectione moriuorum ego iudico*. Et sunt in Scriptura locutiones aliquot huic non dissimiles. Isai. 33. *populus qui habitat in ea, auferetur ab eo iniquitas*. Et Ecclesia canit in vigilia Natiuitatis Domini, *crastina die delebitur iniquitas terra*.

Quomodo vna die iniquitas à Christo sublata.

Regul. Id ab aliquo dicitur fieri, qui vt faciat, dignus & idoneus est.


37.

Vocabit vir amicum suum subter vineam. Quauis populus ille sub hæc tempora pacem nactus fuerit, tutò-

que potuerit sub vite, & ficu securū otium agere: hæc tamen multo melius in tempus conueniunt Euangelij, in quo omnium rerum abundantia, veraque tranquillitas, & nūc maximè, & aliis Scripturæ locis sæpe promittitur. De Euangelio igitur, & spiritali pace præcipuè sermo est: quia à bellis ille populus post hæc verba otiosus omnino nō fuit, imò nūquam magis, neque maiori cum incōmodo vexatus est. Eisdem pene verbis vsus est Micheas cap. 4. *Sedebit vir sub vna vineam suam, & sub ficu suam; & non erit qui deturbeat*. De eadē pace loquitur Isai. 2. *Osc. 2*. Amos cap. vltimo. Esse autē sub ficu, aut vite, vulgaris est, & Prouerbialis Hebræorum forma, quæ securam indicat quietem: nam vbi infensi sunt hostes, aut latrones vicini, nemo per otium, aut quietem audet in agris morari. Prouerbiū autem natum est ex Hebræorum consuetudine, quibus vsitatum est vites, & ficus ferere, quibus solum Hierosolymitanum, vt pote petrosū, & asperum, aptius est; & arboribus quàm segeti idoneum magis. Porro quā totus ille tractus abundet vitibus, docet ipsum vinearum nomen toties repetitum. De ficuum abundantia, ac nobilitate illud argumēto est, quòd massæ ex illis fiunt in vsum totius anni. Abigail 1. Reg. c. 25. inter alia munera obtulit Dauid ducentas massas caricarum, & eidem Siba seruus Miphiboseth 2. Reg. 16. centum massas palatharum, quod est omnino idem. Fructus verò ficuum ibi esse suauissimos, constat ex parabola, seu apologo de oliua, ficu, vite, & rhammo, qui refertur in lib. Iudic. cap. 9.

Esse sub vite, & ficu, Prouerbiū.

Ficus in agro Solymitano frequē.



ARGUMENTVM

QVARTI CAPITIS

ZACHARIÆ.



O Blato aureo candelabro, cui ex oleario vasculo, quod in summo stipite erat, in septem lucernas per totidem fistulas, seu infusoria olcū infunditur: & quod ex aurea materia duo oliuarum rami à dextra, læuæque amplectuntur, ac calami, significat Propheta provenire non à Zorobabel, aut ab alia Iudaici populi virtute, ut templum instauraretur Solymitanum, & res Iudaica moliori loco sit. Deinde varia impedimenta, qua multis ex locis ostendebantur, sublata iri demonstrat. Tandem, ut breui absoluendam esse templi constructionem significetur, ostenditur Zorobabel cum tectonico perpendiculo, quasi iam urgeat opus, & formam edificij camentariis præscribat. Ad extremum explicatur quid portendant septem lucernæ, & dua oliuarum spica qua obiectæ fuerunt: illæ affixæ; hæ verò insculptæ in candelabro.

CAPVT IV.

PARAPHRASIS.

1 **E**T reuersus est Angelus, quiloquebatur in me, & suscitauit me quasi virum, qui suscitatur de somno suo.

2 Et dixit ad me; Quid tu vides: Et dixi; Vidi, & ecce candelabrum aureum totum, & lampas eius super

1 **C**Um ab aliis visionibus aliquid intercessisset moræ, rediit ad me Angelus mihi familiaris, & me attentum, & vigilem esse fecit, perinde atque si e somno dormientem excitasset.

2 Rogatus ab eo, quid vidissem, respondi, obiectum mihi esse candelabrum ex auro solido, in cuius fastigio, id est, in lenticula, quæ in summo esset candelabri stipite, lampas erat. In capite verò candelabri, id est,

in summa parte scapi, cui erat imposita lenticula cum summa lampade, septem visebantur lucernæ in coronæ modum subiectæ oleario vasi, siue lenticulæ: quibus ex lenticula per septem infusoria, seu canales, qui lucernas cum lenticula coniungebant, oleum influebat.

3 Huic verò lenticulæ cui imposita erat summa lampas, & quam septem lucernæ, quasi ex eius fundo pululantes coronabant, insculptæ erant ex auro duæ oliuæ, altera à dextris, altera à sinistris lampadis, quæ lucebat in summo.

4 Tunc ego dubius quid sibi vellet tam illustis, atque argumentosi candelabri species, oraui Angelum, qui mihi loquebatur, me ut de illius artificio, ac significatione doceret.

5 Quod ipse fecit postquam intellexit nihil de candelabri portento mihi esse exploratum.

6 Ait igitur ad me: Hoc signo hieroglyphico, quasi sermone suo alloquitur Deus Zorobabelem Ducem populi, cuius hic est sensus. Quemadmodum candelabrum hoc, in quo ciuitatis, & templi vmbra quædam est, oleo abundans quod continet affatim, funditque lenticula, & tot lucernis instructum, tam latè splendet, ut vides, sine vlla Zorobabelis opera, aut populi labore, sed tantum mea virtute, atque confi

caput ipsius, & septem lucernæ eius super illud: & septem infusoria lucernis, quæ erant super caput eius.

3 Et duæ oliuæ super illud: una à dextris lampadis, & una à sinistris eius.

4 Et respondi, & aio ad Angelum, qui loquebatur in me, dicens: Quid sunt hæc Domine mi?

5 Et respondit Angelus, qui loquebatur in me, & dixit ad me; Nunquid nescis quid sunt hæc? Et dixi: Non Domine mi.

6 Et respondit, & ait ad me, dicens: Hoc est verbum Domini ad Zorobabel, dicens: Non in exercitu, nec in robore; sed in spiritu meo, dicit Dominus exercituum.

7 *Quis tu mons magne coram Zorobabel? in planum: & educet lapidem primarium, & exæquabit gratiã gratiæ eius.*

8 *Et factum est verbum Domini ad me, dicens.*

9 *Manus Zorobabel fundauerunt domum istam: & manus eius perficient eam: & scietis quia Dominus exercituum misit me ad vos.*

10 *Quis enim despexit dies paruos? &*

consilio: sic etiam non tam Zorobabelis opera, ciuitas, & templum, quàm meo consilio, atque virtute instaurabuntur.

7 Et nunc agente me, dicit Dominus, ô mons magne, qui te Zorobabelis consiliis, atque studiis opponis (siue Dæmon sit, qui grauiter fert ad Dei gloriam aliquid institui, siue Babylonij, aut Samaritani, qui vrbis, templique fabricam morantur & impediunt) quantumcunque tumeas, & in altum efferaris, redigeris in planum. Quare cùm iam, ô mōs magne, impedimenti nihil afferre possis, rem Zorababel eò deducet fauentibus iis, qui prius aduersabantur, vt imponat primarium, id est, summum lapidem, qui extremus est in ædificando, & ædificio toti speciem, & firmitatem præbet. Neque minor erit gratia templi à Zorobabele constructi, quàm eius quod à Salomone prius excitatum est.

8 Rursus loquutus est Dominus ad me, docuitque futurum, vt domus illa, quæ priori non esset inferior, breui absolueretur.

9 Eadem (inquit) manus Zorobabelis, quæ primum demisit fundamenti lapidem, imponet extremum, & perficiet opus. Tunc verò non erit quod ullus vestrūm dubitet me misum esse à Domino exercituum

10 Et quis est qui diem illum despexit, in quo templi huius, quod humile, aut quod ignobile futurum

videbatur, fundamenta posita sunt? Ecquis qui vndecunque oboriri impedimenta contemplatus, nunquam putabat fore, vt ad summū hæc perduceretur fabrica? Ecquis acclamationes, quæ in prima magnorum operum molitione esse solent festiuæ, permixtas esse videt perturbatione, ac luctu? Ecce illi lætabuntur, & videbunt in manu Zorobabel perpendiculum tectonicum, quo per otium templi fabricam metabitur, atque describet, & quietè, ac securè descripta ingenio, opere perficiet.

Postquam Angelus aperuit mihi, quid in vniuersum sibi vellet candelabrum aureum, iam speciatim explicat alias candelabri siue partes, siue ornamenta. Et imprimis septem lucernas totidem Domini oculos esse dicit, id est, septem Angelos, qui toti mundo præsident, quique propter datum sibi à Domino ministerium oculi dicuntur Dei. Et nunc quasi collectis totius mundi viribus adiutores sunt Zorobabeli ad templi molitionem.

11 Cùm iam doctus essem de toto candelabro, & specialiter de septē lucernis, reliquum erat, vt de duobus oliinis, quas cælatas esse dixi in candelabro, ab Angelo docerer.

12 De illis ergo Angelum percōtatus, cùm primū nihil mihi respondisset, iterū vrgeo, ac rogo, quid essent duæ illæ spicæ, aut rami oliuarum, qui ex rostris candelabri assurgunt, id est, ex ea parte stipitis, quæ lenticulam sustinet, & vnde erumpunt

lætabuntur, & videbunt lapidem stanneum in manu Zorobabel.

Septem isti oculi sunt Domini, qui discurrunt in vniuersam terram.

11 *Et respondi, & dixi ad eum: Quid sunt duæ oliuæ istæ ad dexteram candelabri, & ad sinistram eius?*

12 *Et respondi secundo, & dixi ad eum: Quid sunt duæ spicæ oliuarum, quæ sunt iuxta duo rostra aurea, in*
qui-

quibus sunt suffusoria ex auro?

punt suffusoria, seu fistulæ, per quas oleum in lucernas infunditur?

- 13 Et ait ad me dicens:
Nunquid nescis quid
sunt hæc? Et dixi:
Non Domine mi.

13 Cùm omnino negarem nosse
me quænam esset duarum oliuarum
significatio.

- 14 Et dixit: Isti sunt
duo filij olei splen-
doris, qui assistunt
Dominatori vniuer-
sæ terræ.

14 Respondit Angelus, in illis oli-
uis expressos esse duos ordines, qui
vngi oleo, ac designari solent, Re-
gium nimirum, & Sacerdotalem. Qui
cùm vni, aut alteri regioni, aut mini-
sterio præsunt, vniuersæ terræ Domi-
natoris administri sunt.

COM

COMMENTARI II IN CAP. IV. ZACHARIÆ PROPHETÆ.



Ncidimus in locum, qui diu optima torfit ingenia, neque tamē è multis explicatio est vlla, quæ curioso, ac studioso lectori omnino satisfaciat. Nos ex omnibus aut cōflabimus, aut amplectemur vnam, quæ si non vnde quaque vera sit, dabimus tamen operam, vt proximē ad veritatem accedere videatur.

- I. *Et reuersus est Angelus, qui loquebatur in me.*] Apparet ex his aliquid temporis intercessisse inter hanc, & superiorem visionem. Neque si Angelus hic tutelarior est Zachariæ, existimandus est recessisse, sed nouo quodam afflatu ad futuram visionem Prophetæ animum excitauisse. Neque alienum est à Scripturæ consuetudine, vt aliquid dicatur fieri, cum factum esse declaratur. Aderat quidem semper cum Zacharia tutelarior Angelus, sed cum ad illud vsque temporis vestigium præsentia suæ non edidisset sensibile aliquod indicium à superiori Prophetia, iuxta communem hominum sensum, & loquendi modum, à quo Scriptura nō abhorret, recessisse putabatur: rediit verò cum certum præbuit suæ præsentia testimonium. Si verò Angelus sit alius, qui Zachariæ, quatenus Prophetæ aderat, quique spiritus Prophetiæ dici potest, hic sanē abesse potuit, quia cum Prophetia habitus non sit, sed Deidonium, quod aliquando abesse à Propheta solet, vt communiter docent Theologi, nihil mi-

rum si à Propheta recesserit, reuersusque fuerit, cum adesset iam à Deo noua species, quæ vt Prophetæ cognitionem non effugeret, necessarium erat vt instrueretur, & confirmaretur ab Angelo.

Et suscitauit me quasi virum, qui suscitatur à somno.] A somno suscitari se dicit, vel quia in alta eorum, quæ viderat, contemplatione defixus erat, neque aliter quàm qui alto immersus est somno, à se totus abierat: vel quia præ cœlesti, atque prophetico splendore reliqua tenebrarum instar obtinent, in quibus qui dormit, iacere existimatur.

Et ecce candelabrum aureum totum.]

Mirum est quot Doctorum, atque Interpretum oculos istius candelabri splendor perstrinxerit. Adsit vtinam nobis illuminator Spiritus, in cuius ipse imagine proponitur, vt eius nos & formam spectare, & quid portendat cognoscere, ac declarare possimus.

De lampade, quæ supra caput esse dicitur, res est satis obscura, neque admodum inter se consentiunt Interpretes. Heb. est גִּלְגָּל *gulab*, quā Pagninus *lēniculam*; Tigurina *discum rotundum* interpretatur. Neque aliter videtur de vocis significatione sentire Hieronymus, qui alibi *lēniculam* conuertit, & ita appellari censet columnarum capita (de quo statim.) Si ita statuas, in summo candelabro nulla spectatur lampas, sed tantum rotundum illud, & concuum corpus, quod summum occupat stipitis caput:

Reg.
Aliquid
fieri dicitur,
cum factum de
claratur.

Angelus
Prophetiæ
non semper
adest
Prophetæ.

caput: neque plures erunt, quàm septem lucernæ, ad quas è lenticula per canales oleum deriuatur. Neque admodum vrget vox (*lampas*) quam pro *lenticula* vulgatus adhibuit, quia sæpe res contenta pro continente sumitur per metonymiam; atque ideo *lampas* pro vase; in quo lucere solet *lampas*, vsurpatur. Quomodo sæpe apud profanos auditur *anea lampas, argentea lampas, & similia*. Quare qui ita hunc locum exponeret, nihil diceret aut contra Hebraicum textum, aut contra vulgaram translationem. Et quidem Hispanorum vulgo vas illud, quod pro lucernis comparatum est, *Lampara* vocatur. Sed quoniam in aliam explicationem cum Hieronymo, & Cyrillo incumbunt complures alij, & ita conuertunt Lxx. nos quoque cum pluribus sentiamus, & ad 7. lucernas summam adhibeamus lampadē, ad quam ea, quæ deinde sequuntur, attemperemus.

2.
Candelabrum hoc diuersum ab eo, de quo Exod. cap. 25.

Quod ad candelabri formam spectat, mihi certum est non esse eandem, quæ Exod. c. 25. describitur: tum quia ibi multa sunt, quæ in hoc candelabro Propheta non vidit, ut lilia, spherula, & scyphitum quia ibi 7. erant lucernæ; hic verò 8. iuxta translationem vulgati. Qui præter summam lampadē, quæ est in summo stipitis seu lenticula fastigio, de quo statim, septem alias adiungit. Illic sex calami, in quibus totidē lampades sunt, egrediuntur, è lateribus candelabri, ternæ è quolibet latere: sed in hoc nostro septem lucernæ sic sunt superiori, ac mediae subiectæ, ut illæ ambiant instar coronæ. Ita putat Montanus, & Ildorus Clarius. Reliquæ, ut credo, apertæ sunt, illud verò probandum corone in modum dispositas esse, lucernas subiectas priori & pullulantes à lateribus.

G. Sancti Comm. in Zachar.

In summo stipite, id est, in capite candelabri lampadem esse dicit vulgatus. Pro *lampade* Heb. est *למנא* *guloth*, quæ Hieronymus multis in locis vertit *lenticulam*, id est, vas sic appellatum à figura rotunda, quod etiam alibi significare putat *capita columnarum*, ab eadē rotunditate. 3. Reg. 7. n. 41. & 42. Significat etiam *fontem*, seu, *scaturiginem* Iosue c. 15. & Iud. 1. Nā ubi vulgatus habet: *Da mihi irriguum superius*, in Hebraico textu est *למנא גולות*, id est, *aquarum scaturigines*. Ex his non est difficile coniectare, quid sit *lampas* illa, seu *lenticula*, quæ est in capite candelabri, quæ sanè & ad speciem pulchra, & ad vsum commodissima est. Præstat enim candelabro id, quod capitellum columnæ: & quia *lenticula* vas est, & plenum olei, & quasi *scaturigo*, & lucernam fouet, quam habet supra se, quæque *lampas* dicitur, & ad septem lucernas, quas habet subiectas, & quasi erumpentes è fundo ipsius, oleum transfundit: & ideo tot habet infusoria, quot sunt lucernæ. Infusoria autem voco non olearia vasa, seu *lenticulas olei*, quæ sint veluti alligata singulis lucernis, ut multi volunt; seu foramina, per quæ à vase aliquo supra candelabrum, & ab eo separato oleum in lucernas influat; sed vel canales, vel fistulas, quæ à lenticula fundo, seu à scaturigine ductæ oleum ad lucernas transmittunt; coniunguntque illas, cum ipsa lenticula, non secus atque colum alia membra cum capite connectit. Pro *infusoriis* Heb. est *נרנא*, quod non tam significat vas, in quo aliquid continetur quàm id, per quod aliquid communicatur, & transfunditur. Quod nos iuxta xxi. Hebraicæ vocis, videre possumus *ענא* *canalis*, seu *infundibulum*.

3.
Lucernæ in candelabro instar coronæ.

Neque difficile facit hæc sententiam,

4.

Reg.
S. et in-
terdum
idē quod
iuxta si-
gnificat.

quoddam tam infusoria, quam lucernæ, & lampas, seu lenticula esse dicuntur non in capite, nempe candelabri; sed super caput: nam siue vocem Hebraicam *lybhal*, siue Latinam *super* consideres, utraque sapissime ponitur pro *in*, seu, *iuxta*. Exod. 16. *Quando sedebamus super ollas carniū.* Num. 26. *Locutus est super Iordānem ad Iericho:* & Psal. 23. *Fundavi terram super aquas:* & Psal. 136. *Super flumina Babylonis ibi sedimus.* In quibus locis *super*, idem est quod *iuxta*. Erant igitur lucernæ super caput candelabri, cui summa lampas, quæ erat in lenticula, seu scaturigine, infederat, sicut sphærola, seu capitella esse dicuntur in columnarum capitibus 3. Reg. cap. 7. Ex quo apparet illam candelabrorum formam, quæ nostris temporibus frequens esse cœpit, & de quorum inuentione, atque arte aliqui sibi valde placent, non uari non esse, sed à Deo summo artifice iamdudum oblatam Zachariæ. Neque enim existimo aliam esse candelabri figuram, de qua nunc laboramus, nisi quoddam hoc tempore laucioribus hominibus in usu esse cœperunt, vnum, aut alterum ellychnium habent; hoc tamen propheticum septem lucernis instruitur, & coronatur, præter illam, quam in summa lenticula fuisse diximus.

Sed obiiciet aliquis plures videri fuisse canales, siue fistulas, quam lampades, seu lucernas, quæ, ut diximus, pullulant ex lenticulæ fundo. Illæ enim septem sunt, infusoria verò, si textum consulas Hebraicum, multo plura: ubi enim vulgatus legit *septem infusoria*, Hebr. textus habet *שִׁבְעָה מְזֻזִּים* *sibbāh mēzūzīm*,

id est, *septem, & septem*, quæ geminatio, aut numerum duplicat, ita ut quatuordecim numerentur fistulæ, aut numerum distribuit, ita ut septem, & septem idem sit quod septena. Si priori modo accipias, duæ fistulæ cuilibet attribuuntur lucernæ, quia lucernæ septem sunt; fistulæ verò seu canales quatuordecim. Si posteriori, septem infusoria oleum cuilibet suppeditant lucernæ. Ego primum opinor nullo modo canales hic esse quatuordecim, quia, utcuq; sit de alio quouis idiomate, apud Hebræos (quod ego viderim) geminatum nomē siue numerale sit, siue aptū distributioni, nunquā numerū duplicat, sed distribuit: non enim *duo, duo*, siue *duo & duo*, quatuor significant; sed multitudinē in binarios plures distributam; quomodo Marcus cap. 6. ubi vulgatus, *vocauit duodecim*, & cœpit eos mittere binos; Græcè est *δύο δύο*, i. *duos duos*: at ut vides, plures erant quam quatuor. Genes. 7. plurima ingressa sunt arcam animalia munda, quæ tamen ingressa sunt septena, id est, in septenarium numerum digesta, quæ Hebraicè dicuntur, *septem septem*, & ex immundis plura quàm quatuor: at ingressa dicuntur, aut ingredi iubentur eodem cap. vers. 2. & 9. *duo & duo*, id est, *binæ*. Neque obstat ad hanc distributionem si media intercedat coniectio: habemus enim in Scriptura exemplum non paucum, in quibus coniunctione media geminatum nomen distributionem ordinatam significat. Facit ad hoc exemplum, quod modò produximus Genes. 7. *duo & duo*. Vide quæ diximus ad illud Mal. cap. 27. *congregabimini* *וְיִקְרְבוּ* *et* *וְיִקְרְבוּ* id est, *singuli*.

Sed illud difficilius, quomodo singulis

gulis lucernis septena non sunt addita rostra, infusoria, seu canales; nā, ut diximus, vox alicuius numeri geminata numerum illum sapius distribuit: at nemo dixit præter R. Salom. & Mont. tantam vel affingi, vel appendi singulis lucernis canalium multitudinem. Non nemo cogitare posset in antiquis codicibus non fuisse geminatum *סִבְחָה* *sibbah*: neque id temerè, quando neque à vulgato neque ab aliquo ex antiquis Interpretibus, quod ego viderim, additum est aliquid, quod vocis geminationi respondeat: qui verò vocem illam in translatione geminant, recentiores sunt. Sed si demus antiquissimis etiam temporibus iteratam esse vocem illam, non tamen inde necessariò fit, numerum illum septenarium sibi distributū esse, quod planè viderunt Septuaginta, & vulgatus, qui simpliciter non *septena* reddidère, sed *septem*. Et hoc mihi omnino videtur esse dicendum cū omnibus aliis, vno aut altero excepto, ut etiam voluit, qui pro *septem septena* conuertunt. Tunc autem, ut Vatablus putat, affirmationis gratiā iteratur illud *septem*, in hunc modum. *Septem lucernæ super illud, septem inquam, sunt, & septem infusoria lucernis ipsis*: ita ut septem secundo loco positum referatur ad lucernas; aut certè sit quædam anadiplosis satis in Scriptura frequens, quæ vocem iterat, aut ornatus tantum gratiā, aut cum aliqua etiam epicali, ut Jerem. cap. 2. *Foderunt sibi, cisternas, cisternas dissipatas*. ubi in cisternis secundo loco positis aliquid proponitur considerandum aliùs. Quasi diceret; non erant cisternæ solidæ, quæ collectam aliunde pluuiam conseruarent; id enim minùs haberet stu-

poris, sed erant disiectæ, atque rimosæ. Tale est illud *Isaia c. 40. consolamini, consolamini*: & illud *Psalm. 136. Exinanite, exinanite*. Sic ergo nunc hic erit sensus cum epitasi: *septem sunt lucernæ, septem inquam, quare satis splendoris erit. Aut si septem ad infusoria referas, septem, septem inquam, sunt infundibula, singula singulis lucernis, quare satis erit olei ad fouendam flammam*. Hæc in re dubia, atque coniecturali iudici posse videntur non abs re.

De figura minùs, credo, difficile, de significatione difficillimum explicatū est. Hieronymus sanè ingenuè fatetur in fine capituli non omnino sibi placere, quæ ibidem docuisset. Hæc; inquit, *ut quimus*, & *ut nostri ingeniosi vires ferre potuerunt, loquuti sunt*; & *Hebræorum, & nostrorum varias opiniones breuiter perstringentes*. Si quis melius, imò verius dixerit, & nos libenter melioribus acquiescemus. Et, ut iam ad rem accedamus, quidam hîc putant de præsentis rerum Iudaicarum statu esse visum hanc. Ita Lyra, & Doctores Hebræorum, ut dicit Hieronymus; alij de Ecclesia, & hi sunt ex Catholicis plerique.

Candelabrum typus Reip. Iudaicæ, & Ecclesiæ.

Ego hîc cum Theodoro mihi persuadeo vtrumque significari in candelabro, & statum Iudaicæ præsentem, typicè tamen; & Ecclesiæ, quæ præsertim inædificatur hæc species. Quia verè in templo construendo, atque exornando illa contigerunt, quæ in hoc spectamus candelabro; sed illa eadem multo illustriora contemplamur licet in Ecclesiæ. Vnde ergo candelabrum typus est templi; rei-

que publicæ Iudæorum ex captiuitate ad pristinam gloriam reuocata; sic templum, atque Respublica restituta typus est Ecclesiæ. Nunc de Iudaica; post verò de Christiana Republica videamus.

7. Dissiparat Dominus nobilissimum templum, sustulerat ex eo aurum, aut obscurarat, iuxta illud Threnor. 4. *Quomodo obscuratum est aurum, mutatus est color optimus; dispersi sunt lapides Sanctuarij?* Extinxerat candelabrum, quod instar Solis quoquersus radios in omnes partes diffundebat. Quod multo antè qui candelabrum conflauit, Salomon prædixit Prouerb. 23. *Lucerna impiorum extinguetur: & leuitem. 25. Perdam ex eis vocem gaudij, & vocem latitiæ, & lumen lucernæ.* Nunc verò Deus quicquid obscuritatis est, & squaloris in auro, detergit, & ideo ex auro solido producit candelabrum, & accendit lucernam, neque vnā, aut alterā, sed octo, illisque à lenticula, seu scaturigine iugi oleum præbet.

8. Quod proximum est vt fiat, significari, aut dici iam esse factum; notum est in Scriptura, & nos multis ostendimus in illud Cant. 2. *Introduxit me Rex.* Cum ergo propitio iam Deo, & impensè fauente Iudæorum rebus; quamcelerrimè templi fabrica esset absoluenda, sexto nimirum anno Darij, proponit iam signum perfecti templi, aureum candelabrum cum octo lucernis, & suo, & lucernarum lumine longè, latèque collucens. Candelabrum autem non solū templi omnium nobilissimi, sed totius

Iudaicæ gentis esse signum, docuit Imperator Titus, qui in triumpho de Iudæa capta candelabrum inuexit eius gentis insigne, quod nunc etiam in antiquo fornice Romæ visitur. Et vt suū genus profiterentur Iudæi apud exterarum gentes (quod etiam factum putō apud ipsos domi) lucernas habebant liliis insculptas, qualia efficta erant in aureo templi candelabro: sic enim Persius Satyra quinta cum de festis ageret Iudæorum.

— At cum
Herodis venere dies, vntæque fenestra

Disposita pinguem nebula vomuere
lucernæ
Portantes violas.

Vides quemadmodum Iudæi candelabro sibi familiari, violis, id est, liliis instructo suū sibi genus, & sacra profitentur.

9. Illa ergo lenticula, quæ supra candelabrum est, & in medio lucet, summa lampas, Deus est, cuius Spiritu, vt statim dicetur, non ab industria, aut robore Zorobabelis, vim habet, ac splendorem totum illud opus. Ab eo enim habent, vt splendeant subiectæ lucernæ, quia ab ipso oleum habent. Septem verò dicuntur, vel quia in illis adumbratur templum, cuius candelabrum septem tantum lucernas habuit; aut quia septenarius numerus multitudinem indicat, aut excellentiam. Futurum autem splendorem populi maximum post exilij tempora, & sæpe clamarunt superiores Prophetae, & hic noster proximè, cum dixit capite 21. *& in gloria ero in medio eius.*

Hieronymus ex Hebræorum mente alium adducit eius candelabri

delabri sensum; qui in eo legem intelligunt, quibus etiam lampas, quæ in extremo fastigio fulget, Christus est, qui caput est legis, & totum illuminat mundum. In septem lucernis totidem Spiritus sancti dona; in septem infusoriis significari putant illa dona per legem ad homines derivari. Duas autem oliuas legem interpretantur, & Prophetas.

10.

Candelabrum Ecclesiæ typus.

Hæc de Iudæorum Republica.

De Ecclesia variè. Interpretes, &

Patres accipiunt. Anastasius Episcopus Nicenus in quæstionibus

in Scripturam quæst. 52. candelabrum B. Virginem esse putat, quoniam

materiæ expertem lucem gestavit Deum incarnatum. Verum communiter alij in candelabro Ecclesiam agnoscunt. Cyrillus, August. hom. 8. in Apoc. (si forte opus

illud Augustini est) & non potius Tichonij; & viri Ecclesiastici antiqui, ut refert, & sequitur Hieronymus. Lampas media Christus esse

putatur, ita Hieronymo referente, veteres Ecclesiæ magistri; item Hebræorum multi: eodem modo Cyrillus, qui eò refert illud Isaia

62. *Propter Sion non tacebo, & propter Ierusalem non quiescam, donec egredietur ut lumen iustitia mea, & salutare meum ut lampas accendatur.*

Idem Anastasius supra. Dicitur autem perquam bellè Christus lampas illa sublimior, quia & ipse caput est Ecclesiæ, neque infusorium

habet, per quod ab aliis oleum mutuatum accipiat; cum in se habeat, vel potius ipse sit olei perennis

quædam scaturigo. Effundit autem in lucernas, quibus vallatur circum, & coronatur Ecclesia; quia

ab ipso iusti, ut luceant, habent; de cuius plenitudine omnes accipiunt. In septenario numero mul-

ti significantur, nempe quotquot Dei gratiâ, & sibi ipsis splendorem accipiunt, & Ecclesiam illustrant. Septem autem infusoria, seu fistulae, aut canales Sacramenta sunt, per quæ vis illa vivifica, qua iusti & vivunt, & lucent, ad ipsos illabitur. Hæc quæ à me paucis comprehensa sunt, ab aliis pluribus explicantur, quæ prudens omitto, quia neque difficilia sunt, neque obscura.

Et duæ oliivæ super illud, una à dextris lampadis, & una à sinistris.

Prius de figura agemus, situmque oliuarum, deinde de significatione ipsius. Oliivas non esse supra candelabrum, ut aliqui volunt, tanquam

aliquid ab eo diversum, sicut neque lenticulam, in cuius summo lampas est, mihi maximè videtur probabile. Neque contrà facit quòd dicuntur esse super illud, id est, caput candelabri; quia vel *super*, pro *iuxta*

ponitur, ut nuper vidimus; vel certe erant super scapo, id est, in summo scapo, aut stipite candelabri, cui proximæ erumpébant septem

lucernæ, quæ ex lenticulæ fundo pullulabant, inter quas posita esse dicuntur oliivæ duæ: deinde lenticulæ hærebant, in qua erat

oleum pro lucernis omnibus; quod promptum habemus ab ipso textu: *Et duæ oliivæ super illud, una à dextris lampadis, & una à sinistris eius.* Ex quo colligo lenticulam non dici

caput, sed extremum illud stipitis, in quo lenticula est, sicut capitellum, seu epistylium in columna.

Deinde verisimilius est oliivas non esse obiectas Zachariæ in propria ac naturali specie cum glauca fronde, cum nigris, aut pallentibus baccis; sed ex aurea materia,

11.

Oliivæ non separatæ à candelabro.

12.

Verisimile est oliivas non esse obiectas Zachariæ in propria specie, sed expressè in candelabro ex aurea materia.

quale totum erat candelabrum, ita ut pars essent ipsius, & ornamentum: sicut vasa pretiosa cæleri solent, aut includi illustri aliquo, atque ingenioso emblemate, quod plerunque usum ostendit operis cælati. Ut si in mulctali vasculo capram, aut pastorale signum inculpas. Quare in poculis, vasculisque vinariis cæleri solent illa, quæ vel vini naturam indicant, vel quæ ipsius vim frangunt, & ab ebrietate liberant. Martialis lib. 8. Epig. 50. in phiala vitem depingit, quæ vinum gignit. Theocritus Idyl. 1. hederam, quæ ab ebrietate vendicat, & Baccho sacra est. Anacreon in poculo, absque dubio ex sui temporis consuetudine, Ode 17. cæleri iubet vites, & racemos. Vide Gellium lib. 19. c. 9. De eodem poculi emblemate est Epigramma in 2. lib. Epig. Græcorum. Virgilius in poculo utrumque coniunxit, hederam, & vitem; sic enim Eclog. 3.

——— *Pocula ponam*

*Fagina, calatum divini opus Aloy-
medontis,*

*Lenta quibus facili torno superad-
dita vitis;*

*Diffusos hedera vestit pallente co-
rymbos.*

Sanè Trebellius Pollio in Claudio ad finem inter dona numerat vascula huiusmodi emblemate cæлата. *Misi, inquit, ad eum discum corymba-*

*tum argenteum librarum 20. lanceam
argenteam pampinatam librarum 30.
pateram argenteam hederatam libra-
rum 20. Vasa autem aquaria pisci-
bus cæleri solita probat, illud Mar-
tialis lib. 3. Epig. 26.*

Artis Phidiææ toreuma clarum,

Pisces affricis, adde aquam, natabunt.

Legisse me memini Sacerdotes Isidis initiari solitos hausto lacte & poculo mammillato, id est, instructo, ac cætrato mammillis, quæ illius poculi usum, & liquorem ostenderent, ut est mihi verisimile, in quo tamen loco non succurrit. Sic ergo in candelabro lucernis instructo, cui necessarium oleum, & in lenticula, quæ vas olearium est, aptissime expressæ sunt oliuæ, à quibus oleum exprimitur, sicut vinum à vite. Neque admodum verisimile est, cum illud candelabrum, quod Exod. 25. describitur, lilis, scyphisque mirifico opere sit excultum, item alia vasa sacra non pauca, hoc candelabrum in quo & templum & Iudæorum status iam melior portendebatur, aliquo ornamento, siue emblemate caruisse. Vocantur verò oliuæ, qua ratione qui mare æneum sustinere videntur, dicuntur boues, & quæ Pontificiæ vestis fimbrias instruunt, malograna, & quæ parietes templi pingunt, palmæ vocantur; cum tamen sint earum rerum imagines.

Stipes



a. Stipes seu scapus candelabri. *b.* Caput stipitis supra quod est lenticula. *c.* Pars summa lenticulae, ubi est summa lampas. *d.* Lampas summa. *e.* Septem rostra seu canales ex fundo lenticulae, per quos ad lampades derivatur oleum. *f.* Septem lampades. *g.* Duæ oliuæ quæ ex duobus rostris asurgunt, ad utrumque latus summae lampadis.

Dice

13.
Quid dicitur
oliuæ si-
gnificent
in popu-
lo Iudæo-
rum.

Dicemus hîc, licet antefuum locum, doctrinæ, & claritatis gratiâ, quid sibi velint hæ duæ oliuæ adiunctæ candelabro; & vt prius in lampade, atque lucernis fecimus, quid in Iudæorum nouo statu prius, deinde quid in Ecclesia portendat, exploremus. Sanè rogatus Angelus sic respondit obscure Zachariæ, vt perrenuem ab eius responsione, seu oraculo lucem habeamus. Ait enim in extrema capitis parte: *Isti sunt duo filij olei, qui assistunt Dominatori vniuersæ terræ.* Et primùm obscurum est, quid hi filij olei; actiuene sumantur, an passiuè, id est, an ipsi recipiant oleum, & vngantur illo, aut gignant, infundantque aliis: nam vtrumque indicat hæc loquendi forma.

14. Et vt de Hebræorum Republica prius agamus, communis est Hebræorum sententia, hîc per duas oliuas intelligi Iesum Sacerdotem, & Zorobabel Ducem; alterum ex Leuitico Sacerdotali genere: alterum ex Regio; nam vtrumque vngi solere satis in Scriptura frequens. Dicuntur autem oliuæ, aut quia vincti sunt oleo, aut quia ipsorum opera, ac ministerio Deus splendere fecit populum antè in exilij, atque obliuionis tenebris obscurum. Vt enim lucernæ ab oleo habent, vt luceant, & quodammodo viuant; sic populi splendor in lucernarum corona significatus ab oliuis, ex quibus oleum exprimitur, emicat, & fouetur.

15.

Christus
à Zorobabel, & Iesu
adumbratus.

Sed huic expositioni videtur ob stare, quodd lenticulam Christum esse diximus, qui in subiectas sibi lucernas oleum infundit: sed oleum prius in oliuis est, deinde in vasculis oleariis, vnde videri posset à Zorobabele, & Iesu Sacerdote sumptis-

se Christum oleum, potiùs quàm eisdem communicasse. Huic difficultati, quæ sanè leuis non est, sic occurrì posset; vel à duabus oliuis, quæ genus Regium, & Sacerdotale designant, Christum adumbrari, qui Rex est, & Sacerdos, & Regum, ac Sacerdotum maximus, qui vnctus est ea plenitudine, vt vas dicatur oleo vsquequaque, & quacunque diffuens; septem implens lucernas, id est, infinitas, iuxta septenarij numeri proprietatem; imò totus sit oleum effusum. Quod, vt in Canticis diximus, valet illud; *Oleum effusum nomen tuum.* Vbi ex Scripturæ consuetudine, sponsi nomen pro sponso vsurpari posse docuimus. Vt autem figura, atque vmbra obscure aliquid, atque improprie indicat, sic oleum obscure tectum, atque inclusum in oliuarum baccis, præsertim si in aurea materia figuratæ sunt, pretiosum verè oleum in aureo exundans vasculo significant.

Vel sanè oliuæ duæ, quicquid habent olei, à lenticula, cuius fundo affixæ, & quasi radicatæ sunt, per radices hauriunt (sicut naturales plantæ succum trahunt à terra) quasi lenticulæ oleo sint irrigatæ. Neque enim sine causa oblati in ea visione sunt Prophetæ rami, seu stipites oliuarum pullulantes ex ea parte candelabri, vnde prodibant infusoria, per quæ oleum transfundebatur ad lucernas. Sic enim textus: *Quid sunt duæ sspice oliuarum, quæ sunt iuxta duo rostra aurea, in quibus sunt suffusoria ex auro? Optime verò in oliua designantur Pontifices, & Reges: vt enim oliua illo nobili, atque dulci succo ita sibi pinguis est, vt tamen aliis quoque suauem illum; ac pinguem liquorem communicet, sicut*

16.

A Christo
alii Sacer-
dotes, &
Reges o-
leum ac-
cipiunt.

etiam

etiam mater ita plena habet vbera, vt ex illis lac infans exugat: eodem modo Doctores, & quialii quoquo modo præsunt, instillare aliis debent, quam accepere à Deo olei pinguedinem.

17.

Hi duo filij olei, Iesus Sacerdos, & Dux Zorobabel, assistere dicuntur Dominatori vniuersæ terræ. Vbi videri alicui posset, quod etiam cuiusdam Hebræorum magistro placebat, Dominatorem vniuersæ terræ esse Persarum Regem. Neque deest aliqua species, quæ Iudæum illum in eam cogitationem, seu errorem potius inducere potuerit: quia Regis Persarum ea erat in reliquas etiam gentes potestas, vt ad illum auxilij gratiâ confugerent, quibus à Potentioribus, aut vis, aut periculum immineret. Quare ab Osea capit. 5. & iterum capite 10. *Rex vltor* vocatur Assur. Quod

Rex Persarum dicitur vltor.

si Assyriorum Rex vltor appellatur, multo magis Persarum Rex Darius, qui Assyriorum Imperio non solum Babylonicas vires, sed etiam Persicas, ac Medicas adiunxit. Sed hoc magis probatur ex verbis Cyri, qui apertè dicit se dominatorem vniuersæ terræ, Esdræ libro primo capite primo. *Omnia, inquit, Regnatera dedit mihi Dominus.* Accedit quod pro Dominatore non est מלך *Adonai*, quod de Deo dicitur: sed מלך *Adon*, quod tam ad hominem pertinet, quàm ad Deum. Huic ergo Regi, & dominatori terræ assistere dicuntur hi duo, quia apud eum in magno sunt loco, & gratia, atque eius ope aliis esse possunt ornamento, & solatio erecto templo, & instaurata vrbe, & hostibus, qui ædificationis opus morabantur, aut deletis, aut submotis, aut tandem ad

G. Sanctij Comm. in Zachar.

pacem, fœdusque traductis.

Nihilominus puto in hoc candelabro nullum Regi Persarum esse locum, quia hæc altiora sunt, quàm quæ in personam illam conueniant. Quid enim Regem illum summam esse lampadem dicamus, quæ à se fouetur, & lucet; & ex qua alia omnia vt luceant, habent? Maximè quia Apocal. cap. 11. vbi sine dubio ad hoc caput allusum est, Princeps, ac Dominator vniuersæ terræ Deus est. Est ergo Dominator iste Christus, cui astant duo illi Hebræorum Principes, tanquam magnorum operum administri. Nam assistere alicui, ex Scripturæ vsu, ministrare est: & cap. 3. suprâ eum ad ministros loqueretur Dominus, ad illos dixisse scribitur, *qui stabant coram se.* Reges ergo, & Sacerdotes ministri sunt Dei, per quos diuina potentia maxima quæque præstat in humanis. Hi verò si modò velint sanctè datas sibi partes implere, assistere debent, expectarèque à Domino quid, quòue modo aliquid factum esse velit.

Sed iam ex vmbra ad lucem, 19. & à typo ad veritatem candelabrum vocemus. De Ecclesia hîc sermo præcipuus est, quam adumbrat templi, vrbisque instauratio, & de fidei populo ad fidem, & meliorem statum adducto, cuius symbolum est Iudæorum genus à Babylonica seruitute, & sordibus ad antiquam libertatem, & gloriam vocatum. In hoc verò candelabro aureo planè, & imitè quoquoque usus lucem diffundente duæ oliuæ sunt; sed non omnibus eadem. Quidam, vt Hieronymus refert, Eliam esse putant, & Moysen,

19. Candelabrum Ecclesie vmbra.

Quidam
in duabus
oliis ag-
noscunt
Eliam, &
Enoch.

qui Christo in aureo candelabro
fulgenti, id est, in transfigura-
tionis gloria astiterunt: alij vtrum-
que Testamentum; alij Eliam, &
Enoch: neque ibi Hieronymus quid
sibi magis probetur, ostendit. Cy-
rillus populos esse putat Genti-
lem, & Iudaicum ad Ecclesiam
aggregatos. Albertus, Petrum, &
Paulum, quorum alter circumcisio-
nis, alter præputij minister fuit. Ple-
rique eò inclinant ut Eliam, & Enoch
esse statuunt; probarique putant li-
quidò Apocal. cap. 11. vbi Ioannes
spectasse videtur hunc locum. Cum
enim ibi de extremis Ecclesiæ, mun-
dique temporibus ageret, hæc in-
quit: *Et dabo duobus testibus meis*
(supple, spiritum meum) *& pro-*
phetabunt diebus mille ducentis sexa-
ginta, amicti saccis. Hi sunt dua olivæ,
& duo candelabra in conspectu Domini
terra stantes. Gracè pro candelabris
est *λυχναι*, quæ non tam candelā-
brum significat, quàm lucernam. Et
quanvis neque Ioannes tradat, qui
sint testes isti, neque auctores eà de
re inter se conveniant, communiis
tamen opinio est esse Eliam, &
Enoch, quos Dominus vitios ad-
huc ad instaurandam grævem il-
lius sæculi ruinam reseruat. Et nos
pluribus ostendimus in caput 3.
Actorum, vbi explicuimus cur Iu-
dicij dies dicatur *restitucionis*. Vide
Riberam, & Viegas, sanctum Tho-
mam, Aretham, & Bedam, omnes
in capite 11. Apocal. & Suarez 2.
tomo in 3. partem disputatione
55. sectione 2. Gregorium homilia
12. in Ezechielem; & Riberam
hic. Qui omnes, & cum his è
junioribus alij in oliis duos il-
los testes Eliam, & Enoch agno-
scunt.

20.

Res sanè obscura, & cui con-
spiciendæ, atque illustrandæ ne-

cessaria est aurei candelabri diui-
na lux; quæ ut mihi adsit, etiam,
atque etiam oro. Licet illud de
duobus testibus Elia, atque Enoch
non sit improbable, & si quos
speciatim, illos maximè designet
olivarum umbra; suspicor tamen
aliud sibi velle magis commune,
quòdque non solum ad postre-
ma Ecclesiæ tempora, sed etiam
ad vniuersam, totamque Eccle-
siæ administrationem pertineat.
Quare existimo in oliis designa-
ri, qui in Scriptura vngi con-
sueverunt, quibusque Deus ad
sua Ecclesiæ gubernationem, ani-
marumque bonum præsertim vti-
tur, quales Reges sunt, Sacer-
dotes, & Prophetæ. Nam & hos
quoque vngi in Actis docuimus,
ut probat Elias, qui iussus est loco
sui Prophetam Eliseum ungere. 3.
Reg. 19.

Optimè verò eiusmodi viri oli-
vis comparantur, quia ab illis
nihil nisi oleum exprimitur, quo
& leniantur vulnera, & sanan-
tur. Neque quod habent suavi-
tatis, & succi tam habent sibi,
quàm aliis, ipsi quorum vsus li-
benter effundunt. Quare David
optimi Regis præclara forma oli-
væ dixit se esse similem Psalmo
51. Fündunt verò oleum, quia
oleo rigantur, & ideo in cornu
filio olei plantati sunt. Isai. 5. Qui
locus *filii olei* dicitur, quia oleo
pinguis, & quasi rigatus est. Mihi
hoc locò maximè verisimile est,
eandem esse significationem arcæ
cum duobus Cherubim ex mate-
ria oleagina assistentibus, & len-
ticulæ cum lampade in eius sum-
mitate lucentē cum duabus oli-
vis. Nam sicut Deus ex propi-
tatorio reddebat oracula, atque
adeò inter Cherubim (qui scien-

21.
Probabi-
lius in dua-
bus oliis
Reges, &
Sacerdo-
tes signifi-
cari.

tæ

tia multitudinem significant, ut docet Hieronymus in capite 10. Ezechielis ad finem; & epistola 103. ad Paulinum) sedere dicitur, quia ibi oraculis edendis suae sapientiae documenta praebet. Et quia haec doctrina ab eius quoque clementia nascebatur, Cherubim de lignis oliuarum erant fabrefacti. 3. Regum capite 6. Sic etiam quia in lenticula, quae summo capite ardenti lampade fulgebat, Christus figuratur, qui & ipse fulget, & à sua misericordia alij habent ut fulgeant, inter duas oliuas collocatur, quae & misericordiae signa sunt, & ut in aliis splendor foueatur, materiam praebent. Hi verò Sacerdotes sunt, & Reges illi quidem, quia eorum *lubia custodiunt scientiam*. Malachiae 2. Hi autem, aut quia leges ferunt, aut ab aliis laxa, ut integrè seruentur, sedulo laborant. Per utrosque verò Deus alios illuminat, ac regit, instillatque oleum, ut per illos, atque ex illis deinde ad alios transmittat. Hi nempe sunt, qui oleum vendunt, ut dicit Origenes, & auctor imperfecti in Matthaeum capite 25. quos quia non inuenerunt virgines fatuae extinctis lampadibus, à nuptiali conuiuio, atque deliciis repulsae sunt. Et quia isti interdum neque oleum habent, quia licet plantati in cornu filio olei, id est, in Ecclesiae medulla, & proximi lenticula oleo redundant, aliquid magis amant, quam oleum; idcirco, pro dolor! in terra tanta est diuinarum rerum ignoratio, tam ignota misericordia, tam frigida charitas, ne dicam extincta.

22. Cum ubique & semper emicare debeat haec lux, maxime vbi

anteceßere tenebrae. Quod ardens hoc candelabrum satis ostendit, quod tunc octo lucernis late fundit fulgentissimam flammam; quando sublato templo, & extincto candelabro septuaginta annorum intervallo longissimae noctis tenebras discussit. Et ideo accommodatè ad hunc locum, in quo pene cæcus, & mortuus Hebraeorum populus lucem intueri, ac respirare coepit, Elias, Quo modo Elias, & Enoch & Enoch duae oliuae, & duo candelabra esse dicuntur Apocal. capite 11. quia idem pene praestiterunt mundo magna ex parte ab Antichristo decepto, atque seducto, quod candelabrum hoc aureum populo à Babylonico exilio redeunti. Quod enim Iesus Sacerdos, & Zorobabel praestiterunt in populo reuocando, id Elias, atque Enoch in restituenda extremi saeculi ruina. Et ita explico Sanctos, qui oliuas in hoc candelabro descriptas Eliam esse dicunt; & Enoch: neque enim illos speciatim designari puto, sed cum optimè expleuerint, quod facere debuerunt, qui generatim in oliuis significantur, commune illud symbolum aptè duobus illis testibus accommodant. Quae ratione etiam Ioannes Baptista, sicut lucerna ardens, & lucens dicitur, sic etiam oliua dici non immeritò possit. Sicut etiam qui Euangelicam lucem, & Sacramenta in Regiones barbaras induxerunt, quia & Euangelij lucem circumferunt, & diuinæ misericordiae oleum instillant. Certè Ecclesia duobus fratribus Ioanni, & Paulo, in Antiphona ad Magnificam accommodat. *Isti sunt, inquit, duae oliuae, & duo candelabra lucem ante Dominum.*

Hoc est, verbum Domini ad Zorobabel, dicens.] Rogauit Propheta quid portenderet candelabrum antea descriptum. Respondet Angelus verbum esse Domini, qui interdum signis hieroglyphicis loquitur, non aliter quam verbis. Deinde explicat quis sit illius candelabri, id est, sermonis hieroglyphici sensus.

23. *Non in exercitu, neque in robore.]* Quemadmodum candelabrum, & lucem habet, & oleum sine vlla Zorobabelis opera, sic templum, & ciuitas, quæ Babylonicus furor euerterat, cuius symbolum candelabrum est, non tam Zorobabelis robore, ac studio, quam agente Deo instaurabuntur, & in eam redibunt amplitudinem, à qua prius exciderant.

24. *Sed in spiritu meo, dicit Dominus exercituum.]* Spiritum sumi pro voluntate, atque animo, siue studio, ac fauore, satis notum est. Ait ergo Dominus per Angelum, illustrem illam tanti operis molitionem non esse virtutis, aut industriæ Zorobabelis, sed fauoris, ac voluntatis diuinæ. Si verò de Ecclesiæ longè admirabiliiori fabrica accipias, docet Angelus non esse humanæ artis, aut industriæ, sed bonitatis Dei, qui spiritu suo duas oliuas fecundas fecit olei, quod in communem vsum effunderet, id est, Apostolos, & Doctores alios Euangelicos animauit. Neque enim opus illud tantum volentis est, & currentis, sed miseren-
tis, atque agentis Dei. Huc facit illud Iud. 7. *Multus tecum est populus, nec tradeitur Madian in manu eius, ne gloriatur contrame Israël, & dicat; meis viribus liberatus sum.*

25. *Quis tu mons magne coram Zorobabel? in planum.]* Loquitur de Zorobabel afflato iam, atque instructo Spiritu diuino, id est, omnipotenti

virtute corroborato, cui nihil est arduum, nihil, quod non statim aut cadat, aut frangatur. Et quidem si de templo sumas, atque vrbes, non restitit mons magnus Darius; imò potius suam, eamque non mediocrem opem ad perficiendum contulit. Neque vis illa hostilis, quæ fabricam aut impediabat, aut morabatur, quicquam potuit contra armatam diuinitus Zorobabelis manum. Si de Ecclesia, neque mons magnus diabolus, neque tyranni rerum domini, qui & montes videbantur ita aut sua, aut aliorum opinione sublimis, vt fastigio cælum putarentur attingere, vel habere diuinam aliquam potentiam, seu diuinæ proximam, qui verè portæ sunt inferni, aduersus Ecclesiam prauaauerunt; aut contra diuinæ legis præcones, quos cœlestis impleuit, atque legauit Spiritus, quicquam nisi inani conatu sunt moliti.

Quod ad vsum nominis pertinet, notum est in monte intelligi solitos magni nominis Principes, iuxta illud Abacuch 3. *Contriti sunt montes seculi, incuruati sunt colles mundi: & Isai. 40. Omnis mons, & collis humiliabitur.* Et quidem Rex Babylonis mons pestifer vocatur Ierem. cap. 51. Quod verò etiam diabolus mōs dici possit, docet hic Hieron. ex aliorum sententia Matth. 17. *Vnde cum à lunatico Apostoli Damonem expellere non possent, causam à Domino seiscitari audiuim.* Amen dico vobis, si habueritis fidem sicut granum synapis, dicetis monti huic, transi hinc, & transibit: & nihil impossibile erit vobis. Hoc autem genus non eucitur, nisi per orationem, & ieiunium. Mons ibi diabolus accipitur. Hæc Hieronymus. Huius verò rei illustre habemus exemplum in eo conflictu, quem inuit Dauid adolescentulus,

26.
Mons magni principem indicat.

Matth. 17.

belli-

belliquerudis cum vastâ molis Gigante, & ab adolescentia sua belatore; ubi exiguus lapis à fundâ coniectus vastissimum illum montem in planum redegit; quod ita contigit, quia Dauid instar Zorobabelis non in exercitu, neque in robore, sed in spiritu Dei congressus est.

27. Cæterum cum addidit, in planum; metaphoram persecutus est: nam cum sternuntur montes, nihil extuberat, sed omnia sunt plana, nisi maius hîc planum pro valle sumere, quod fecit Chaldæus. *Quale tu*, (inquit) *cum Zorobabele reputaris Regnum solidum, nonne sicut vallis?* Septuaginta vertunt, *ut corrigas*. Et quidem à radice *וַיִּסְּרֵם* iasar vtrumque deduci potest. Neq; admodum diuersus est sensus: nam corrigere non poterit, aut moderari res Iudaicas, qui stratus est virtute diuina, & coarctatus solo. Porro nota interrogationis ponenda est post Zorobabel, hoc sensu: ô mons magne, quid tu coram Zorobabel? Deinde additur, *in planum*, ac si dicat, non eris mons, sed locus planus, & depressa vallis: Et ita nunc distinguunt Biblia à Sixto correctâ.

28. *Et educa lapidem primum.*] Si de statu templi, rei que publicæ Iudæorum sermo sit, sensus est non difficilis, quem amplectuntur Doctores Hebræorum. Primarius lapis Hebraicè *אבן הראש* *eben ha-rosh*, id est, *lapis capitis*, seu *capitalis*: quia caput est totius ædificij, & extremus in opere construendo. Quasi dicat: consummabit Zorobabel nemine impediendo inchoatum opus. Sia autem de Ecclesia, sensus est. Imponet Dominus summum angularem lapidem Christum Iesum, super quem

cap. 3. septem oculos fuisse dixerat. Dicitur verò Christus lapis primarius, & quia primus in Ecclesiæ fundamento positus est, & quia summus est in opere; quique non solum ornat, sed etiam munit, & continet totum ædificium. Vtrumque dixit Petrus 1. epist. cap. 2. *Ad quem accedentes* (Christum) *lapidem vivum, &c. & ipsi tanquam lapides vivi super ædificamini*. Ecce fundamentum: deinde. *Ecce pono in Sion lapidem summum angularem, electum, pretiosum*. Ecce caput. Fundamentum est igitur, & fastigium, alpha, & omega, principium, & finis. Vide de hac re plura in cap. 4. Aduert ad illud, *lapidem quem reprobauerunt*.

29. Septuaginta vertunt, *lapidem hereditariis*, qui sensus paulo diuersus est, non tamen incommodus. Iuxta quam versionem *lapis* pro templo, aut etiam vrbe commode videtur sumi posse; qui tunc educitur quando excitatur, & erigitur. Dicitur verò lapis hereditatis Domini, quia illum locum præcipue ex omnibus elegit sibi in hereditatem Deus, iuxta illud Psalm. 78. *Venerunt gentes in hereditatem tuam, polluerunt templum sanctum tuum*. Porro iuxta hanc translationem verisimile est, lapidem hereditatis esse illum, qui excitari solet quasi signum, & titulus, quo ager alicui vindicatur, qui vindiciæ posset appellari, vulgo Hispanorum, *Coto o mojon*: aut quo ager ab agro discriminatur, quemque non immerito limitarem, seu terminalem appelles; qualis erat, qui apud Romanos dicebatur terminus. Vide quæ diximus capite 9. ad illud; *Quia lapides sancti lenabuntur super terram eius*. Educi ergo

lapidem illum primum iuxta hæc, erit locum illum, qui desertus videbatur, rursus notari, & designari à Deo terminali, aut vindicali lapide tanquam maximè propriam Domini possessionem. Sicut locus ille, ubi lapis à Iacob erectus est, *Bethel*, id est, *domus Dei* vocatus fuit Genes. cap. 28. quasi pro cultu Domini destinatus.

30. *Et exequabit gratiam gratia eius.]*
 Variè locus hic exponitur, neque sanè facilis explicatu est. Hebr. *pro exequabit*, est תשאוב *tesuorb*, quod verbum non est, sed nomen in plurali numero, quod à radice שׁוׁא *Saua* quidam interpretantur *clamores*, seu *acclamationes*. In his est Rabbi David, Pagninus, Vatablus, Montanus, & alij ex iunioribus, hoc sensu. Cum Zorobabel primum summumque lapidem posuerit, qui totius operis fabricam absoluit, erunt acclamationes lætæ, quales excitari solent in theatris, publicisque conuentibus, cum aliquid lætum, diuque desideratum excipitur: tunc enim clamare solent spectatores, *feliciter*, aut quid simile. Sic ergo populus, cum viderit templo summam manum, & summum lapidem imponi, clamabit, *Gratia, gratia sit illi lapidi*, id est, *feliciter lapis ille sit positus*. Est quidem expositio hæc satis accommodata, neque aliena ab Hebraico textu, quem nunc habemus; sed recedendum non est à vulgata, quæ habet *exequabit*, & si magis Grammaticaliter explicare velis, *aqualitates*. Tunc verò non tam deducitur à שׁוׁא *Saua*, quod *clamare*, quam à שׁוׁב *Sauab*, quod *equare* significat. Est autem notum Hebraicæ linguæ vel mediocriter peritis solere & &

in vicissim inter se commutari. Quare Lxx. tam hoc loco, quam Iob. cap. 36 eandem vocem vertunt *aqualitates*: neque puto, siue hoc, siue illo modo legas, sensum esse admodum diuersum. Nam ea equalitas est in gratia, gratia verò est festiua acclamatio.

Sed adhuc, si de Iudæorum statu locum interpretemur, sunt expositiones variæ, quæ tamen omnes aliquid inueniunt in hoc tempore simile alicui beneficio, seu gloriæ, quæ ante hunc temporis articulum præcesserunt. Dionysius Carthus. conferri putat hîc cum Cyro Darii, quia non minùs liberaliter, ac benignè hic inchoatum opus absolui iubebit, quam ille priùs inchoari iusserat. Seu certè dici posset tam liberalem futurum esse Deum in ornandis, fouendisque posteris post exilij Babylonici squallorem, quam fuit in eorum parentibus, quos post longam seruitutem ex Ægypto, quasi in sinu, velut nutrix ad destinatam sedem, id est, ad suam hæreditatem, & templi maiestatem adduxit. Aut certè, quod mihi probatur magis, posterius templum cum prioris amplitudine, & gloria componitur, ut dixit eodem omnino tempore Aggæus capit. 2. *Ma-ior erit gloria domus istius nouissima, plusquam prima*. Qua verò ratione posterius templum prioris amplitudinem exæquet, diximus supra ad cap. I. n. 71.

Hæc de præsentis Iudæorum statu. De Ecclesia verò, spiritualique templo construendo alia est, neque difficilis magis, neque minùs accommodata significatio. Ribera, qui ut in oliuarum umbra latere putat Eliam, & Enoch, consequenter putat

31.

32.

De Ecclesia
sic itatu.

rat Prophetam hîc spectare tempora Antichristi, cuius cladem, & vastitatē restituet Dominus per illos. Vt autem copiosa gratia fuit, quā in principio Deus effudit in gentes; quas ad Ecclesiam collegit, sic in fine non minor erit gratia, quam in Iudæos tunc ad Ecclesiam vocandos effundet. Sed, ut dixi, plura sæcula, & beneficia respicit illa oliuarum species, & consequenter hæc Prophetia. Quare aliter locus explicandus, & quidem variè.

33.

Æquat
gratia gra-
tia, quia
Christus
implet fi-
guras, &
Prophe-
tias.

Primum dici posset, tempore Euangelij ex æquandam esse gratiam primarij lapidis gratiæ superiori, quia Christus gratias omnes, id est, Prophetias, & figuras, quarū ipse finis erat, impleuit, sicut vas vacuum æquari dici potest ab eo, quo impletur; & à templo ichnographica descriptio, & promissio à fide iam præstita.

34.

Sive be-
neficia
collata in
populum
Hebræū.

Deinde dici secundo posset, æquatam esse superiorem gratiam, quia Christus proportionem altiori quodam modo seruata æquauit in Ecclesia beneficia omnia, quibus Hebræum populum antea complexus est. Neque enim aliquid est, quod iactare de Dei in suam gentem beneuolentia possit antiqua Iudæorum familia, quod non in suo ordine cumularum magis commemoret Ecclesia.

35.

Christus
suo in-
gressu re-
plum ab-
soluit, &
impleuit.

Quod si de templo sermo sit, quod videtur satis verisimile, significat Deus posterius templum à Zorobabele cōstructum, licet materia, atque arte multo sit inferius eo, quod extruxit Salomon, futurum tamen multo glorioſius propter primarium illum lapidem, quem educet Zorobabel, quemque septem oculis in illum intentis Dominus cælauit. Eduxit autem

illum Zorobabel, quia ex eius genere natus est Christus, & ideo educus à Zorobabel dici potest, forma apud Latinos vsitata, quae eodem pene sensu dicunt *natos educere*. Christus ergo templum illud ingressus fabricam illam ad eius vsq; aduentum semper inchoatam, & rudem suo ingressu compleuit; non aliter atque pretiosus liquor vacui vasis complet spatia, aut gemma annuli cavitatem, & sinum, quia ad gemmam includendam magno consilio ab artifice relictus est. Quod satis apertè dixit Aggæus cap. 2. qui à Christi ingressu tantam tribuit gloriam posteriori templo, ut longè sit inferius prius à Salomone constructum.

Quod si pro *exæquabit*, legas, *acclamationes*, optimè illæ in hunc lapidem primarium conueniunt. Nam cum primum de monte, id est, de Virginis vtero sine manibus excisus est, id est, sine virili opere, festiuæ Angelorum voces acclamarunt; *Gloria in excelsis Deo*: & deinde obuiam effusus Hebræorum populus, cum ipsis etiam infantibus, cum festis ramis, stratisq; honoris ergo vestibus triumphalem in modum exceperunt cum hac acclamatione omnium gloriosissima; *Osanna filio David*.

36.

Manus Zorobabel fundauerunt domum istam, & manus eius perficient eam.] Non diu differendā esse promittit templi consummationem, neque posterorum curæ, & pietati relinquendam, sed ab illo vltimam manum imponendam dicit, qui primam adhibuit. Adhibuerat autem cum primum sub Cyro ab exilio rediit, deinde post aliquot annorum ab hostibus Iudaici nominis interpositam moram, sexto anno Darij, id est, ut putat Iosephus lib. 11.

37.

lib. 11. Antiquit. capit. 3. anno nono postquam intermissum est opus. Ego diutius puto iuxta ea, quæ diximus cap. 1. numero 71. Hic sine dubio de templo sermo est; quod verum est etiam de Ecclesia, quæ à Christo, cuius erat umbra Zorobabel, edificari cœpta, & consummata est.

38. *Quis enim despexit dies paruos?*] Riberat *dies paruos*, tempora interpretatur Antichristi (cuius Regnum durabit ad tempus, & tempus, & dimidium temporis, id est, ad duos annos cum dimidio) in hunc sensum. Quis illorum quibus eius temporis acerbiteratem videre contigit, parui fecit, aut non grauitertimuit Antichristi vires? has tamen comminuet Christus, &c. Sed ut alibi diximus, hæc se ad longiora sæcula diffundunt.

39. Et primum notandum est, pro *paruos dies*, Heb. esse כטנת Ketanoth, quod sonat ad verbum, *diem paruarum*, putà acclamationum, aut plausuum. Et videtur allusum ad תשואות Tesuoth, quod *acclamationes* significat ex Hebræorum, recentiorumque sententia; & iuxta hæc sensus est: Quis crederet ad tantam venturum amplitudinem templum, in cuius fundamentis tam tenues fuerunt acclamationes? Fuisse verò paruos clamores, & exiles, ex eo fit verisimile, quia res Iudaica nimis erat angusta, & templi molitio valde impedita. Neque templi fundamenta magnam aliquam molem pariebantur iuxta Cyri Edictum lib. 1. Esdræ cap. 6. & ideo in his qui antiqui templi gloriæ, & amplitudinis meminerant, largus fletus excitatus est. Sic enim Esdras lib. 1. cap. 3. *Omnis quoque populus vociferabatur clamore magna in laudando Dominum,*

eo quòd fundatum esset templum. Plurimi etiam de sacerdotibus, & Levitis, & Principes patrum, & seniores, qui viderant templum prius cum fundatum esset, & hoc templum in oculis eorum, flebant voce magna. Et multi vociferantes in letitia eleuabant vocem: nec poterat quisquam agnoscere vocem clamoris latantium, & vocem fletus populi.

Sed quia illud de clamoribus non adeò probabamus, ut amplecteremur verba vulgati, illud, *dies paruos*, seu, *dies paruarum*, aliquid exile, & tenue esse dicamus. Quod satis est apud Hebræos vsitatum, qui cum genere neutro careant, pro illo substantiuè adhibent femininum, ut pluribus ostendimus ad illud Psalm. 67. *Dum discernis cœlestis Reges super eam*; in hanc sententiam: *Despexit dies paruarum rerum*, id est, in quibus omnia exigua videbantur. Noster autem interpretes paruos dixit dies per metonymiam, quia tempus nomen interdum accipit ab iis, quæ fiunt in tempore; vnde diem lætum, aut tristem vocamus, aut etiam vacuum, quia in eo triste aliquid, aut lætum, aut quia in eo nihil omnino factum est: sic diem magnum vocamus extremi Iudicij diem, quia magna sunt, quæ extremum illum diem manent. Ad hunc ergo modum dies parui vocari possunt in quibus instaurari cœpère templi ruinæ; quia quæ illo tempore parata erant, aut expectari poterant tot vrgentibus malis, exilia videbantur.

Quæ de templo dicta sunt, illa eadem accommodatè cadunt in Ecclesiam; quæ à paruis orta principiis, & à piscatorum primum ignobili ordine, atque imperito,

40.

Regul.
Tempus
pro his,
quæ fiunt
in tempo-
re.

&c

& exiguo numero congregata totum orbem impleuit; & quod est in terra opibus, nobilitate, atque sapientia eximium, complexa est.

41. *Quæ magna sunt, caplerū. quæ ē parvis iniis orta.* Hic obserua, quæ magna fuerunt, eorum pleraque in Scriptura exigua prius fuisse, atque contempta; voluit nimirum Deus ostendere habere à sua bonitate, ut magna essent, quibus, ut ab aliis magni fierent, nihil inesset proprium. Sic Moysen ex fiscella scirpea in Nili carectis; sic Gedeon ex area, sic Iosephē carcere, sic Saül ab asinis, sic Dauid ab ouibus, Mardocheum ab ipso pene patibulo ad Regiam, seu Regiæ proximam dignitatem euexit. Sic modò è tenui Iudæorum, atque afflictò statu templum in tantam altitudinem sustulit. Sic Ecclesiam (quam instar illius sponsæ inuenit, quæ in obsceno puerperij sanguine volutabatur, cuique iam morituræ dixit humanissimus sponsus, *Vine*, Ezech. cap. 16.) ex Chananæo patre Cethæaque genitrice progeneratā, id est, ex gentibus maiori ex parte collectam ornauit, atque extulit ad Regium nomen. Id enim est quod Paulus dixit ad Ephes. cap. 5. *Viri diligite uxores vestras, sicut & Christus dilexit Ecclesiam; & se ipsum tradidit pro ea, ut illam sanctificaret, mundans eam lauacro aquæ in verbo vitæ.* Vbi sine dubio allusum est ad cap. 16. Ezech. & *verbum vitæ*, respicit illud *vine*, quod est in Ezechiele.

42. *Et videbunt lapidem stanneum in manu Zorobabel.* Quod tempore hæc oblata sunt Propheta interruptum fuerat opus: neque enim, ut diximus, à Dario facta facultas erat interrupta pertexendi. Quare agro erant animo Iudæi, quia & incommodè habitabāt, & pro angustissimo templo exigua videbantur non tam fundamenta, quàm umbra. Hos ergo

G. Sanctij Comm. in Zachar.

consolatur Propheta dum ostendit Zorobabelem cum stanneo lapide, quasi qui fabris formam præscriberet, modumque adificandi, aut laborantes vrgeret, aut illis certè instrumenta porrigeret camentaria. Porro stanneum lapidem esse perpendiculum, quo fabri altitudinem explorant, & examinant, communis pene sententia est. Neque lapidis nomen contrā facit: nam esse etiam mensuram architectonicam colligitur nō obscurè ex Isai. c. 38. in quo vbi vulgatus habet; & *extendetur super eam mensura, ut digatur ad nihilum, & perpendiculum in desolationem*, Hebr. est *אבן eben*, sicut in hoc capite. Et sanè lapidem pro mensura sumi, aut pondere. v.g. libra, vncia, &c. quibus rerum grauitatem, aut momēta examinamus, liquet ex Deut. 25. nam vbi vulgatus legit. *Non habebis in sacculo diuersa pondera, maius, & minus.* Heb. est; *Non sit in sacculo tuo lapis, & lapis*: & statim vbi vulgatus. *Pondus habebis iustum, & verū.* Heb. *lapis integer, & iustitia sit tibi.* & 2. Reg. 13. Leuit. 19. & Prou. c. 20. pro pōdere, & bilanci-bus lapis ponitur. Puto autē in Scriptura lapidem non solum significare id quod sonat; sed etiam pondus ex quacunque materia. Quod satis indicant, quæ à me modò dicta sunt; nam pondera, quæ ad stateram adhibemus, ex metallo esse solent, non ex lapide; quia cum ex eo aliquid facilè deteratur, iusta esse non possent, præsertim in ea Regione vbi ferri magna copia est. Deut. 8. *Cuius lapides ferrei sunt, & de montibus eius aris metalla fodiuntur.* Et in cantico Moysis qui prius dicitur lapis; *descenderunt in profundum quasi lapis.* statim dicitur plumbum, *demersi sunt sicut plumbum*: & statim cap. 5. quod à vulgato dicitur *talentum plumbi*. Hebr. est *אבן העופרת eben haophereth*,

Lapis stanneus perpendiculum rectum cum.

Lapis pro pondere cuiuscunque metalli.

id est, *lapis plumbeus*. Vt ergo *lapis* pro libra sumitur, quæ rerum pondera indicat; sic etiam pro libra, aut libella ponitur, quæ pro fabricorum perpendicularo non rarò vsurpantur: maxime quia materia ipsa stannea satis ostendit ad alium vsum in re tectonica accomodari non posse.

43.

Quidam putant sermonem hîc esse de lapide primario, qui futurus est caput ædificij, allusumque putât ad illud de reprobo lapide, qui deinde factus est in caput anguli; quia בִּדְדַל *badal*, à quo בִּדְדִל *bedul*, id est, *stannum*, deducitur, *separare* significat. Quasi lapis separatus, & reiectus nobilissimum ædificij locum occupaturus sit. Ita Ribera cum aliis quibusdam. Arias Montanus putat consuetudinem esse, vt in magnificis ædificijs Principes, & primum lapidem in fundamentis iaciant, & ad absoluendum opus imponant extremum; ex qua consuetudine natam existimat illam execrationem Iosue cap. 6. de instauratione Iericho. *In primogenito suo fundamentum illius iaciat, & in nouissimo liberorum ponat portas eius*. Sed vnde hanc consuetudinem acceperit, non video, neque adductum testimonium admodum probat. Nam ille facere aliquid existimatur, & cõmuniter dicitur, qui, vt aliquid fiat autor est: & qui iacturus dicitur vrbis fundamenta, ille idem dicitur vrbem ædificaturus eodem textu verborum. Non aliter ergo fundamenta iacit, quàm ædificat; ædificat autẽ non Princeps, sed Principis sumptibus, & imperio camentarij. Maxime quia non dicitur Princeps ille extremum positurus lapidem, sed portas ciuitatis positurus.

44.

Sed sit sanè hoc verum. At quis in constructione templi antiqui audiuit stannei lapidis nomen, ad quem

sit allusum in nouo? aut quæ species, aut firmitudo in stanno, vt tantam molem claudat, atque contineat? De perpendicularo facilius intelligo, quod etsi fabrilis potiùs manui, quàm Principis conueniat, tamen in Principis manu fabricis, ac toti populo proponitur, porrigiturque, vt intelligant sublatum iam esse quicquid afferre moram poterat ædificio. Quo symbolo ad significandum adesse iam ad ædificandum maturitatem, quid poterat esse magis idoneum?

45.

Septem isti oculi sunt Domini, qui discurrunt in vniuersam terram.] Qui suprà oculatum lapidem esse putât, eundem etiam esse credunt, qui modò lapis esse dicitur stanneus. Sed iam probabilius ostēdimus esse perpendicularum. Nihilominus eisdem hîc, atque illîc oculos esse puto; scilicet oculos Dei vigilantissimos, atque attentissimos, vt illîc cælando lapidi angulari Christo, ita hîc regendo perpendicularo in manu Zorobabel: vt quemadmodum prius Salomonis templum adamussim diuinam, id est, ad exemplar præscriptû à Deo constructum est, sic etiam hoc posterius ad exemplar à Deo propositum construatur. Sed adhuc est difficile quinã sint illi oculi septem: nam communiter septem existimatur Angeli, qui Dei mandata ad gentes perferant, & vt impleantur, dent operam. Nam ideo Domino assistere dicuntur, vt ad eius vigilent voluntatem, & nutum. Quod verò septem Angeli præcipui sint, quorum sedulitati, ac fidei rerum humanarum administrationem commiserit Deus, & docent Theologi, & ex Scriptura faciliè constat. Ex Apoc. cap. 1. 8. 15. 16. 17. & Tobia c. 12. vbi dixit Angelus; *Ego sum Raphaël Angelus, vnus ex septem, qui astamus ante Dominum*. Hi ergo septem spiritus oculi

Septē Angeli principes oculi Domini

Qui oculi
Regum.

oculi dicuntur Domini, sicut Diaconi oculi sunt Episcopi, & exploratores oculi Ducis, & urbium Præfecti, consiliarij, & Iudices oculi Regis. Sanè apud Persas Magistratus erant, qui dicebantur *oculi Regis*; & alij, qui *Regis aures*. Vide Hesychium in voce βασιλέως ὀφθαλμός; & Suidam in voce ὀφθαλμός βασιλέως; qui etiam appellantur Episcopi, ut iidem docent. Ut ergo Deus per Angelos loquitur; & verba Angeli, ac facta, verba, & facta dicuntur esse Dei, ut pluribus ostēdimus in cap. 7. Actū, sic etiam per Angelos videre dicitur Deus, & Angeli Dei dicuntur oculi, qui discurrunt per uniuersam terram. Et vidi Agnum stantem tanquam occisum habentem cornua septem, & oculos septem, qui sunt septem spiritus Dei missi in omnem terram.

46.

Siue autem hīc sermo sit de septenario numero, siue de innumera multitudine, quæ in septenario continetur ex Scripturæ consuetudine, ut volunt aliqui ex Gregorio hom. 25. in Euangelia, non incommodat expositioni, quam & suprà adduximus ad illud, *super lapidem unum septem oculi*, & quæ magis hīc placet, quæ de studio, ac vigilantia agit, quam Deus adhibet ad templi fabricam. Nam siue per septem hos spiritus, & lapidem cælet, & perpendiculum moderetur; quia hi oculi Dei sunt, septem Dei oculi meritò dici possunt, intenti utrique curæ. Hæc verò magna esse ostenditur, quando ad unum opus omnes quasi vires totius orbis administrationi destinatæ colliguntur: sicut etiam ad formandum hominem maior quædam attentio collata videtur Gen. 3. *Faciamus hominem*; &c. Et ob hanc, puto, causam Eccles. c. 20. oculi avari dicuntur esse septemplexes: quia nimis attenti sunt ad lucrum.

Cur cum lapide stanneo septem ponantur oculi, dixi quod mihi visum est vero magis affine; addam tamen explicationem aliam, quæ videri alicui fortasse poterit à sensu, textūque sermonis non aliena, quæque mihi non parum arrideret, si auctorem haberem aliquem, quem sequerer. Puto ergo hos septem oculos non pertinere ad stanneum lapidem, sed ad candelabrum, quod diximus præter summam lampadem, in qua Christus adumbrabatur, septem lucernis fuisse coronatum. Ut enim satis liquet, refert se hīc Angelus ad candelabrum, de quo prius egerat, in quo lucernas esse diximus, & oliuas. In lucernis docet intelligi septem Angelos, qui totam terram obeunt. Nec aliam ob causam puto à Propheta postea tantum esse questum de oliuis, nisi quia iam ab Angelo expositum fuerat, quid sibi vellet septem illæ lucernæ. Tunc verò dicendum est septem lucernas esse septem Angelos totius mundi præfides: aut Angelorum nomine intelligi Apostolos, seu Apostolicos viros, quorum copiosus numerus in septenario numero significatur; per quos caput Ecclesiæ Christus suæ familiæ, id est, Ecclesiæ prouidet: quos circum se, & sibi coniunctos habet, quibusque ad lucendum per infusoria oleum impertit.

47.

Septem
oculi vi-
dentur
ad cande-
labrum
pertinere

Ex hoc mihi valdè probabile est, ut obseruauimus suprà cap. 3. septem oculis instructū esse lapidem, id est, oculatum esse, aut iuxta se septem oculos habuisse. Nam, ut hoc eodem capite diximus num. 4. *super aliquādo iuxta* significat: quare super lapidem unum dici possunt esse septem oculi, quia iuxta lapidem illum sunt. Siue ergo septem oculi in ipso lapide inclusi sint, siue circa illum dispositi, in eis septem spiritus significari

48.

satis est verisimile, quia aliis in locis, ubi eadem propè est verborum forma, septem omnino spiritus exprimi certum est: nam sicut Christus hîc qui lenticula est, & lampas media ac summa in candelabro, septem habet lucernas, quæ sunt septem Angeli; & Apoc. cap. 1. 2. & 3. in dextera habere dicitur septem stellas, quæ expressè septem Angeli commemorantur. Hæc verò tria oculi, stella, lucerna, appositiissima Angelorum, atque Doctorum symbola sunt. Hæc mihi de oculato lapide satis videntur probabilia, & haud scio an magis problem; quàm quæ ibi diximus. Sed hæc alij iudicent.

Quid sunt due olivæ istæ.] Quod ad situm, & significationem oliuarum spectat, iam à nobis suprâ expositum est num. 11.

49.

Quæ sunt iuxta duo rostra aurea.] Cætera quæ supererant ex hoc capite iam sunt explicata; illud superest explicandum, quid sint rostra aurea. Heb. צנחרות בני ביד *santeroth*; quorum postremum nomen non alibi reperitur. Communiter existimatur esse canalis, seu fistula, per quam oleum defluit in lucernas. Commode noster vulgatus vertit *rostra*, & Septuaginta *μυξήσπες*, id est, *nares*: nam utraque prominent, & apta translatione vasis accommodantur. Sunt autem in vasis rostra, vel nasi partes illæ, per quas aliquid effunditur.

In quibus sunt suffusoria ex auro?]

50.

Heb. pro suffusoriis est מריקים *merikim*, quod participium potius est, quàm nomen, conuenitque cum rostris, id est, canalibus. Neque obstat quòd צנחרות *santeroth*, quòd canales, vel rostra esse diximus, formam habeat fœmininam, & מריקים *merikim* generis sit masculini: quia non rarò apud Hebræos adiectiuum, aut verbum masculinum generi fœmineo accommodatur, & contrà. Vide Pagninum in arte lib. 2. cap. 3. ubi plurima adducit exempla. Immò צנחרות *santeroth* generis esse masculini mihi certum est; quia illud שני *sene*. i. *duo*, quod adiunctum habet, masculini generis est: alioquin dicendum esset שתי *sethe*. Neque video quo alio ex loco possit fuaderi contrarium. Est ergo sensus: oliuæ duæ, siue duæ spicæ, aut rami oliuarum, quod idem est, sunt iuxta duos canales, seu fistulas, ex septem, quæ subiectæ sunt aureæ lenticulæ. Quæ fistulæ euacuant aurum, id est, lenticulam auream, dum ad fouendas lucernas oleum exugunt ex lenticula, transmittuntq; ad lucernas. Textus Hebraicus habet מעליהם *mealehem*, id est, *desuper se*. Ex quo intelligitur quo modo canales illi subiecti sint lenticulæ, nempe ex eius fundo pululantes, quando super se habent oleum, quod euacuant à lenticula, & ad lucernas transfundunt.

ARGVMENTVM

QVINTI CAPITIS

ZACHARIÆ.

IN volumine, seu longa charta, quam volentem vidit Zacharias, didici parata esse grauisima supplicia, his præsertim qui furto onerati sunt, aut delibuti periuriis. In altera visione amphora, cuius os obstruitur talento, ostenditur futurum esse tempus, quando impleta à Iudeis impietatis mensura, daturi sint pœnas & duras, & longas in Babylone, id est, in exilio, & carcere, & omni prorsus ærumnarum genere.

CAPVT V.

PARAPHRASIS.

1 **E**T conuersus sũ,
& leuavi oculos meos: & vidi, & ecce volumen volans.

2 Et dixit ad me: Quid tu vides? Et dixi: Ecce ego video volumen volans; longitudo eius viginti cubitorum, & latitudo eius decem cubitorum.

3 Et dixit ad me: Hæc est maledictio, quæ

1 **E**Um primùm species illa candelabri secessit, ad aliud spectrum oculos conuerti: & vidi volumen volans, id est, explicatam chartam ferri per aërem.

2 Et rogatus ab Angelo, quid viderem, videre me respōdi volumen, siue pellem ingentem in aëre volantem, longam viginti cubitis, & latam decem.

3 Cùm ego quid esset in eo volumine scriptum non assequer, ab

Angelo didici contineri in eo maledictionem, id est, diuinæ seueritatis supplicia, seu potius fulmina, quæ in vniuersam terram inuehuntur; in eos præsertim, qui aut furaces habent manus, aut linguam periuram. Qui iuxta ea, quæ in eo volumine notata sunt, iudicium subibunt.

4 Educam volumen illud, dicit Dominus, oneratum minis, & irruet in eorum domum, qui aut aliena rapiunt, aut mendacio suo diuini nominis sanctitatem prætendunt. Quod sanè citò egressurum non est ab ea domo, quam furta, atque periuria contaminauerunt: sed in illa sic bacchabitur diu, vt nihil in ea reliquum faciat à vastitate, non ligna, non lapides, non denique prioris status nuda vestigia.

5 Egressus rursus Angelus iussit me oculos iterum ad spectum aliud conuertere, contemplari quæ quid esset, quod nouum tunc mihi proponebatur.

6 Cùmque rogasset, quidnam illud esset, quod intuebar, respondi amphoram mihi egredientem videri.

Noram quidem ex forma illam esse amphoram, quid tamen portenderet ignorabam: quare Angelus ea me cura, & ignoratione liberauit. Dixit enim amphoram illam oculum esse eorum, id est, Iudæorum, qui morantur in terra: aut quia sup-

plicio

egreditur super faciem omnis terræ, quia omnis fur, sicut ibi scriptum est, iudicabitur: & omnis iurans ex hoc similiter iudicabitur.

4 Educam illud, dicit Dominus exercituum: & veniet ad domum furis, & ad domum iurantis in nomine meo mendaciter: & cōmorabitur in medio domus eius, & consumet eam, & ligna eius, & lapides eius.

5 Et egressus est Angelus, qui loquebatur in me: & dixit ad me, leua oculos tuos, & vide quid est hoc quod egreditur.

6 Et dixi: Quidnam est? & ait: Hæc est amphora egrediens.

Et dixit: Hic est oculus eorum in vniuersa terra.

7. Et

pliciorum acerbitas, quibus afficiuntur aliquando Iudæi, tanquam oculus gentibus proderet Iudæorum peccata, quæ aliter in tenebris laterent abstrusa : aut quia eò intentus est Iudæorum oculus, ut amphoram illam, & mensuram peccatorum impleant, cuius complementum statim ultio consequetur diuina.

7 Et ecce talentum plumbei portabatur, & ecce mulier una sedens in medio amphoræ.

7 Vix dum ab Angelo hæc acceperam, cum se mihi rursus aliud obiicit visum. Ferebatur enim seorsum ab amphora massa plumbea ingens; visa autem est mihi emergere, extrareque ex medio amphoræ quædam mulier.

8 Et dixit: Hæc est impietas. Et proiecit eam in medio amphoræ, & misit massam plumbeam in os eius.

8 Quam esse impietatem doctus sum ab Angelo. Etiam si in amphora esset illa mulier, extabat tamen, & eminebat capite: non enim iacebat omnino, sed sedebat intus. At Angelus illam sic intrò proiecit, ut nihil eminere foras. Et ne esset vlla emergendi facultas, plumbeo talento, quod proximum esse diximus, os eius obstruxit.

9 Et leuavi oculos meos, & vidi: & ecce duæ mulieres egredientes, & spiritus in alis earum, & habebant alas quasi alas milui; & leuauerunt amphoram inter terram, & cælum.

9 Cum primum iniquitas in mediam amphoram coniecta est, & occlusa plumbeo talento, ne vllum inde pateret effugium; ecce offertur mihi noua visio. Videre quippe visus sum duas mulieres miluinis instructas pennis, quibus inerat spiritus, id est, quæ velocissimo volatu ferebantur, quæ corripientes amphoram, inter cælum, & terram sublimem asportauerunt.

10 Et dixi ad Angelum, qui loquebatur

10 Tunc ego Angelum, qui loquebatur in me, quemque in rebus obscuro

obscuris ducem habebam, & magistrum, rogavi quonam gentium à mulieribus aueretur amphora, in qua latebat impietas: ille verò respondit in Babylonem rapi, id est, in durum, longumque carcerem. Nam ex proximo Hebræorum exilio Babylon Prouerbiali figura carcer appellabatur. Et quia in exilio, & carcere diutissimè quasi in proprio domicilio futura est, ideo ei in Babylone ædificatur domus, & basis extruitur, cui amphora insideat.

in me. Quò ista deferunt amphoram? & dixit ad me, ut ædificetur ei domus in terra Sēnabar, & stabiliatur, & ponatur ibi super basem suam.

COM

COMMENTARII IN CAP. V. ZACHARIÆ PROPHETÆ.



1.



*Euui oculos meos, & vi-
di.* Indicat Propheta è
cælo habuisse oracu-
lum, & non à spiritu
Pythonico. Nam spiritus iste, quia
terræ immersus, de terra loquitur.
Isai. 29. *Erit quasi Pythonis de terra
vox tua, & de humo eloquium tuum
mussabit.* Spiritus è cælo deterret
à peccando, incitat ad instauran-
dam Ierusalem, Deique domiciliū,
spiritus Pythonicus de terrenis lo-
quitur, eoque confert consilia
sua.

2.

Quæ pec-
cata in po-
pulo Iu-
daico.

Et ecce volumen volans.] Non vni
tantum materiæ alligatus est Pro-
phetarum spiritus, sed varia prædi-
cunt eo etiam tempore, cum ad alia
intentos habent & animos, & vo-
cem. Et sanè in aliarum etiam re-
rum edendis oraculis, ad Christum
migrationes interdum fieri docet
sæpe hic Propheta, & Isaias quàm
sæpissimè. Dictum nuper fuerat de
Hebræorum colligenda fuga, in-
staurandisque damnis, quibus ab
hoste Chaldæo obsidionis, & ex-
pugnationis tempore, & longo 70.
annorum tractu affecti sunt; sed
quia in tanta turba, tamque nuda
ab humanarum rerum subsidio,
multi aut nimium prouidi, aut pa-
rum verecundi, ita studebant aua-
ritie, vt ab aliorum opibus non co-
hiberent furaces manus: qui etiam
dum in lucrum habent intentum
animum, non admodum horreret
periurij nomen, ideo Deus illos
proposito supplicio à scelere de-

G. Sanctij Comm. in Zachar.

terret. Neque verò hæc tantum
erant crimina, quæ Dominus po-
pulo suo obiiciat, aut puniat, vt ex
Aggæo constat, & Malachia, per
quos sub id tempus Dominus po-
pulum grauitèr incusat; sed voluit
Deus, vt inquit Hieronymus, per
furtum, atque periurium ostende-
re peccata omnia, quæ sunt contra
Deum, & contra proximum. Sed
hæc fortasse duo crimina tunc, &
immoderatiùs, & inuerecundiùs
admittebantur.

Est autem volumen non liber 3.
compactus ex multis paginis, qua- ^{Volumen}
lis communiter hoc tempore, sed ^{quid.}
vel multæ chartæ adglutinatæ in
longitudinem, quæ instar telæ cu-
iusdam circum bacillum conuol-
uuntur; vel pellis oblonga, cuius-
modi vsus nunc apud Sinas, & Ia-
ponios frequens. Aquila, & Theo-
dotio verterunt Græcè διφθέρα: de
qua multa fabulosè poëtæ, qui ex
hoc Zachariæ loco, & ex Ezechie-
le cap. 2. videntur expressisse, sicut
ex aliis Scripturæ locis non pauca.
In illo enim volumine Ezechielis,
sicut in hoc Zachariæ, scriptæ sunt
*mina & lamentationes, & carmen, &
væ.* Nam in ea diphthera à Ioue ef-
se scripta dicunt & hominum sce-
lera, & eorum destinata supplicia,
in quam intuens Iupiter existima-
batur in scelera ibi notata animad-
uertere. Vnde natum Prouerbiū:
ὁ Ζεὺς κατέϊδε ἐ χρίνας εἰς τὰς διφθέρας.
i. Serò Iupiter diphthera inspexit. Quod
in eos iactatur, quilibet serò, ali-

quando dant pœnas admissi sceleris.

4. Septuaginta pro volumine, legunt *Pro volumine, alii qui falces legunt.* *falcem*, sicut etiam Græci, ut Chrysostomus, Cyrillus, Theodoretus. Varię translationi locum dedit vocis Hebraicę similitudo. Falx enim מגל *maghal* dicitur, volumen autem מגלה *meghilah*, ut reperitur nunc in Hebræo. Porro מגל *maghal* non tam significat *falcem messoriam*, quàm *putatoriam*, vel *securim*. Quod si ad verbum textum Hebraicum interpretêre, non admodum aliena sunt à falce, quæ eo loco dicuntur: nam ubi vulgatus habet *iudicabitur*, Hebr. est ניקה *nikah*, id est, *succisus est*, quod proprium est falcis, maxime putatorię. Neque, credo, alienum erat ab antiquis, sicut nostro etiam tempore aliquando factum, ut in gladio, aut alio bellico instrumento seu apparatu symbola, aut notas inciderent earum rerum, quas, dum bella fumerent, animo designassent. De clypeis notum est. Pausanias lib. 5. tradit in clypeo Agamemnonis fuisse expressum Leonis caput cum hac inscriptione; *Hic pavor hominum*. Neque longè hinc abludit quod in vita Marij tradit Plutarchus, in bello Cimbrico Marij, & Catulli milites in telis suorũ Ducum inscripsisse nomina. Inscribi solitos esse gladios tradit Hugo in illud Isai. 49. in sensu morali. *Posuit os meum quasi gladium acutum*; non tamen probat, quasi res sit certa, & omnibus explorata. Sanè Cedrenus in clypeis militum inscriptum esse dicit nomen ciuitatis, quæ bello periebatur: sic. n. ille anno Christi 208. *Amermumnas militibus mandat, ut quivis scuto suo Amorium inscriberet; quo innuebat se Amorium aggredi velle*. Neque alio sensu accipiendum esse existi-

Arma inscribi solita.

mo illud Apoc. 19. & in femore eius scriptum *Rex Regum*, &c. ubi femur sumo aut pro astrictiori veste, quæ femur tegit, aut pro gladio, qui femoris in bellatore viro ornamentum est. Neq; enim admodum apparet verisimile, aut decorũ, ut qui eo loco obiiciebatur Ioanni tanquam Dux victor, & expeditus ad pugnam, femur haberet nudum, & punctum quibusdã quasi seruilibus notis. Quare potius existimo sicut in vestimento, sic etiam in gladio summi Regis habuisse inscriptionem. Sic nos hunc locum Apoc. accipimus in illud Cant. 7. *iunctura femorum tuorum*. Et sicut 4. Reg. 13. sagitta salutis dicitur contra Syriam, sic puto in aliis telis aliquid simile fuisse scriptum. Sicut ille, qui Philippo Macedoni oculum exculpsit, sagittæ suæ hoc ipsum inscripsit, ut tradit Solinus cap. 14. & Plutarchus in Paral. Effet exemplum optimum, si modò verum, quod scripsit non tam Philo Iudæus, quàm Pseudophilo, qui optimo auctori falsum parrum supposuit: ille enim in eo libro, qui inscriptus est, *Antiquitates Biblicę*; tradit Dauidẽ cũ congressurus esset cũ Goliath, in lapidibus, quos è torrente sumpsit, scripsisse nomina Patriarcharum, & Dei. Sed ille non satis suam probat fidem. Idem inuenio in Paraphrasi Chaldaica manuscripta, quæ seruatur in Bibliotheca Complutensi. Ad hunc ergo modũ verisimile est, in ea falce inscripta fuisse illa supplicia, atque iudicia quæ refert Propheta. Ad quam existimo in Testamento Nouo allusum esse Matth. 3. cũ dicitur. *Iam securis ad radicem arboris posita est*; & Apocal. 14. ubi falx pro supplicio ponitur, *Mitte*, inquit, *falcem tuam, & meti, quia venit hora*

Matth. 3.

Apoc. 14.

ut metatur. Græcè *μέτρεται*; quæ vox, ut ex eodem capite constat, non solum ad messem pertinet, sed etiam ad vites. Nihilominus multa alia sunt, quæ magis probant volumen esse, quàm falcem.

6. *Longitudo eius 20. cubitorum: & latitudo eius 10. cubitorum.*] Ex hac proportionem satis indicatur non esse falcem. Cur verò volumen eius dicatur esse magnitudinis, variæ à variis afferuntur causæ. Rab- bini quidam tantam esse putant magnitudinem, quia ex templo credunt egressum fuisse volumen illud; tantæ enim magnitudinis erat antiqui templi porta. Ita R. Da- uid, quem sequitur Lyra, & Sixtus Senensis libro secundo Bibliot. v. *volumen volans*; & indicat Burgen- sis. Sed ista sunt mera Iudæorum fig- menta: nam licet Zachariæ ætate templum extaret antiquum, vnde constat egressum ex templo volu- men? Certè Zachariæ non visum est egressum, sed volans, cum ocu- los non in templum, sed in cælum eleuasset. Effet quidem sensus ad mores non inutilis, quia inde Deus indignatus magis ad puniendum exiit, ubi plura extant ad salutem beneficia. Quare volumen de San- ctuario egressum videri potuit, quia iudicium incepit à domo Dei, & supplicium de Sacerdotibus, Deo- que maximè cōiunctis hominibus sumptum est prius, deinde volat per vniuersam terram. Sed, ut dixi, etiamsi hæc ad plausum sint, nō ta- men ad textum.

7. Hieronymus in denario nume- ro prospera nunciari putat; in vice- nario, qui ex duobus constat de- nariis, aduersa. Itaque in his nume- ris aliquid est *πλοκισμῶν*, id est, la- tra sociantur tristibus; quia ad hoc

Deus corrigit, ut emendet, & bene- faciat. Cur verò his numeris ali- quid insit vel prosperum, vel ad- uersum, rationem hīc non reddit Hieronymus; ostendit tamen (ut notat Ribera) Ezech. cap. 24. in denario significari clementiam, & causam reddit infra cap. 8. ad illud *apprehendent decem homines*; his ver- bis. *Iota litera, ex qua sumit exordium Saluatoris nomen, non solum apud He- braeos, sed etiam apud Græcos denarium numerum significat.* De vicenario, quod triste aliquid, & infaustum indicat, in illud Aggæi 2. *& siebans viginti*, probat: quia Iacob seruiuit viginti annis, & quia Esau hunc numerum amabat; ideo misit ad eū Iacob eo numero munera non pau- ca. Cōiectura satis videtur infirma.

Burgensis volumen illud putat esse Talmud, quod volans dicitur, ^{8. Ta'mud Hebræorū} quia nullum habet stabile funda- mentum; & maledictio, quia eius doctrina execrabilis est. Et quia de templo, sacræque doctrina egredi videtur, dicitur habere mensuram longitudinis, & latitudinis templi portæ. Designat tamen domos, ad quas peruenit, quia extremam ani- mabus, corporibûsque cladem af- fert. Vide quæ ibi adducit Burgen- sis de inuentione Talmud, & deu- terosibus, seu traditionibus, & de lege bis data, semel in lapidibus, iterum voce tantum, quæ quasi per manus ad posteros tradita fingi- tur. Quæ lex, seu legis somniata tra- ditio, infinitas pene nugæ, & deli- ramenta excogitâdi genti cæcæ, & errandi cupidæ occasionem dedit, vel potius hinc gens illa umbram quæsiuit, quam suis erroribus præ- tenderet.

Ribera ideo existimat designa- ^{9. Mensura penarū} ri longitudinem, & latitudinem,

quia ibi proponitur & peccatorū multitudo, quæ latitudo est: & longitudo, quæ fuit in peccando diuturnitas, & obstinatio. Et similiter in eodem volumine maledictiones scriptæ sunt in eadem mensura: quia supplicia grauissima sunt, & eorum æterna duratio. Mensuram autem in pœnis esse iuxta scelerum modum dicit Isai. cap. 28. *Et ponam in pondere iudicium, & iustitiam in mensura: & Deut. 15. Pro mensura peccati sui & plagarum modus.* Hoc indicant amphora, & talentum, de quibus statim, quorum altera mensura est, alterum pondus. Et hæc mihi sententia probatur magis. Nō lōgè hinc abit Chrysostomus, qui in ea mensura indicari putat malorum magnitudinem, & per volantem falcem (nam sic ille legit cum Lxx.) velocissimū vltionis cursum designari hom. 15. & 26. ad populum.

10.
Maledictio
quid

Hæc est maledictio, quæ egreditur super faciem omnis terræ. Maledictio in Scriptura condemnatio est, siue sententia contra impios lata: nam & Matth. 5. damnati maledicti vocantur. *Discedite à me maledicti.* In Deo enim idem est maledicere, ac malè alicui facere, vt probat ficus ex maledictione arida. Porro hîc non credo minas ad vniuersam terram pertinere, sed ad Israëliticam, vt censent Cyrillus, Rupertus, Dionysius, & Ribera; licet Theodoretus, & è recentioribus quidam aliter sentiant: sed non obscurè indicatur in sequentibus. Nam maledictio contra illos dicitur scripta, qui in Dei nomine iurāt mendaciter; at soli sunt Iudæi, qui in Dei nomine iurāt, quia hi solum Deum norunt. Neque hîc sententia quicquam incommodè est, quòd

super faciem omnis terræ dicitur egressa maledictio, quia omnis terra de illa intelligitur; de qua sermo est, vt pluribus docuimus ad illud Actor. 2. *Ab omni natione, quæ sub cælo est.* Vide quæ diximus suprâ cap. 5. n. 59.

Quia omnis fur sicut ibi scriptum est, indicabitur. In textu Hebraico ad verbum. *Omnis furans ex hoc sicut ipsum succisus est; & omnis iurans ex hoc sicut ipsum succisus est.* Noster vulgatus eundem sensum clariùs expressit. Hoc volumen scriptum esse existimatur intus, & foris, sicut illud Ezech. 2. in quo erant lamentationes, & carmen, & vā. In altera facie erant peccata, in altera peccatorum pœna, vt putat Sixtus Senensis libro secundo, verb. *volumen*. Vatablus, & alij in vtraque facie idem scriptum esse existimant, ita vt ab omnibus legi vndecunque possit. Hic liber ex eorum numero esse videtur de quibus Dan. capite septimo. *Iudicium sedet, & throni positi sunt, & libri aperti sunt: & Apocalyp. 20. Et libri aperti sunt, & iudicati sunt mortui ex iis, quæ scripta erant in libris, secundum opera eorum.* Heb. non est indicabitur in futuro, sed in præterito נִקָּב *nikab*, id est, *succisus*, vel *deleus* est. Vnde quidam existimarunt sermonem hîc esse de peccatis iam præteritis, & longo supplicio multatis, in quibus est Albertus, & Dionysius, & alij quorum meminit Burgenfis, qui eorum sententiam optimè refellit. Sed neque nouum, neque rarum est in Scriptura præteritum pro futuro poni, vt latè docuimus ad illud Cantic. 1. *Introduxit me*; præsertim vbi quod prædicatur, breui futurum est; vt hîc contingit, ideo

11.

ideo enim volare fingitur volumē,
quia supplicium instat. Quare no-
ster Interpres secutus Hebræorum
consuetudinem, non malè red-
didit, *indicabitur.*

12.

*Educam illud etiam, &c. & commo-
rabitur in medio domus eius, & confir-
met eam.]* Affirmat Deus perfectu-
rum se, vt periuri, & fures re ipsa ex-
periantur, quæ in eo volumine de-
creta sūt sceleribus supplicia. Quod
sanè citò transiturum non est ab ea
domo, quam sibi parauit periurium
& rapina, sicut hospes; sed tanquā
dominus, sic inueterascet diu, vt
nihil ibi reliquum faciat à vastitate,
& incendio; non ligna, non lapi-
des, non denique prioris gloriæ nu-
da vestigia. Vide Chrysost. hom. 15.
& 19. ad populum. Et est sanè miri-
fica exaggeratio diuinæ vindictæ,
quæ sic grassatur in sceleratorum
domo, sicut ignis in arida materia.
Quod etiam Eccles. cap. 23. scribi-
tur, *Vir multum iurans implebitur ini-
quitate, & non discedet à domo illius
plaga.* Accommodat autem se di-
uinus spiritus hominum consuetu-
dini, qui in magnis criminibus, præ-
sertim vbi læsa maiestas est; ita do-
mos sternunt, complanantque so-
lo, vt ex eis nihil sit reliquum, præ-
ter scelerum monumenta. Eo con-
silio domus impiōrum à Domino
subuersæ sunt, & quasi seminata
sæle, vt patet in Pentapoli, in qua
durat adhuc diuina maledictio, à
qua sterilis est, & infelicis soli rē-
gio olim vber, & amœna sicut Pa-
radisus Dei. Deleuit Dominus
propter peccata hominum mun-
dum torum; eorum nempe do-
mum; & inductis aquis, quasi in-
perso sæle; sterilitatem induxit;
plurimum certè ademit vbertatis
antiquæ, vt notauit Abul. in cap.
9. Iud. q. 45. & Psalm. 106. *Posuit*

Peccati
supplicium.

*terram frugiferam in salsuginem à ma-
litiis inhabitantium in ea.* Et eodem
consilio secutus illōrum temporum
consuetudinem Abimelech. Iud. 9.
vrbem Sichimorum, quæ Regium
iugum excusserat, non solū dele-
uit, sed etiam seminauit sæle. Quod
fieri in criminibus maiestatis læsæ
docuit ibid. Abul. Et, vt propius ac-
cedamus, domū suam Dens, id est,
quam suo nomini, & cultui conse-
crarat, propter peccata hominum
euertit, & vt ita dicam, seminauit
sæle. De Silo constat Ierem 7. *Spelun-
ca latronum facta est domus ista, in qua
inuocatum est nomen meum. Ite ad do-
mum meam in Silo, vbi habitauit no-
men meum à principio; & videre quid
fecerim ei propter malitiam populi mei
Israël.* Templum à Salomone con-
structum, vt euersum fuerit, reda-
ctumque in syluam, & vt Thren.
cap. 5. dicatur factum vulpium lati-
bulum, satis constat. Fuit enim ibi
per multos annos commorata Do-
mini maledictio. Thren. 2. *Repulse
Dominus altare suum, maledixit sancti-
ficationi suæ, tradidit in manu inimici
muros iurium eius.* Et rursus cap. 4.
*Succendit ignem in Sion, & deuorauit
fundamenta eius.* Et hoc ipsum tem-
plum, de quo nunc Zacharias, in
cuius fabricam tantopere omnium
pene Iudæorum sedulitas incum-
bit, sic est deletum, vt, quod
Christus prædixit Matth. 24. non
sit relictus lapis super lapidem, adeo
seminatis, vt ita dicam, funda-
mentis sæle, vt cum sæpe impro-
borum impietas templum erigere
eo situ tentauerit, nihil tamen
promouerit; quia in imis etiam
fundamentis hærebat diuina ma-
ledictio.

*Vide quid est hoc, quod egredi-
tur.]* Obicitur Prophetæ species
alia; quæ egredi ideo dicitur,

quia mouebatur, seque spectantis oculis offerebat, qua ratione in Dramate descena egredi in poscenium dicuntur Actores, & mihi ad hominum conspectum.

13. *Amphora quid.* *Hæc est amphora egrediens.*] Heb. **אֶפְחָה** Ephah, quæ mensura est aridorum capiens modios tres, vt dicit Hieronymus in cap. 5. Isaïæ, à qua voce deductum videtur Hispanicum nomen *fanega*. Et ita vertit translatio antiqua Hispanica. Hic autem generaliter pro quauis mensura ponitur, & ideo Lxx. adhibuerunt generale *mensura* nomen. Quod aliis sæpe locis facit vulgatus. Amos 8. *imminuamus mensuram*. Heb. **אֶפְחָה** Ephah.

Micheæ 6. Ezech. 4. & hoc ipso loco in Commentariis Hieronymus, dum dicit. *Amphora seu mensura*. Vt ergo Ephah, quia notum est mensuræ genus, per synecdochem pro mensura ponitur; sic (vt puto) qui amphora mensura est omnium notissima, communissimaque, pro qualibet mensura tam aridorum, quam liquidorum vsurpatur.

14. *Oculus quid.* *Hæc est oculus eorum in vniuersa terra.*] Septuaginta transtulerunt, *iniquitas eorum*; forsitan pro **עֵינֵם** enam, id est, oculis, legerunt **עוֹנָם** Auonam, quæ iniquitatem vallet; sed sensus aut idem est, aut non multum diuersus. Oculus autem hic variè sumi potest, vel passiuè, id est, pro scopo, in quem intenti sunt omnium gentium oculi; quia talis est iniquitas, &, quod de illa sumetur aliquando supplicium; de quibus postea, vt omnium ad se cogitationes, atque oculos rapiant. Qua ratione dicimus, *hæc est mea mens, cogitatio, consilium*: quia de ea re curo, cogito, delibero. Sic illa iniquitas

erit oculus terræ, quia in illam erunt omnium gentium oculi coniecti. Potest etiam hic oculus actiuè sumi, & hoc dupliciter; vel quia sicut oculus omnia aperit, quæ alioqui iacerent in tenebris demersa: qua ratione Sol oculus dicitur mundi, sic illa amphora gentibus prodit, quæ premebantur domesticis latebris, Iudæorum flagitia. Quia nisi dura, atque euidentis vindicta esset, celata essent magna ex parte Iudæorum peccata. Ita putat Hieronymus, & ideo infra amphora, quæ impietatem significat iudicio damnatam, iubetur poni super basim suam, vt sit in omnium conspectu. Hæc quidem satis probabilia, sed credo aliam esse huius loci sententiam, nempe omnium oculos, putà Iudæorum, ad malum esse intentos; quasi illis id vnum negotij datum sit, vt mensuram illam impleant iniquitate, vt Gen. 6. dicitur; *Omnis cogitatio ad malum intenta*. Quæ de re statim fusiùs numero vigesimo tercio.

Fortasse hic allusum est ad id quod suprà cap. 2. dictum est. *Qui enim tetigerit vos, tangit pupillam oculi mei*: & infra cap. 8. *Densest oculus Israël*. Quia Deus in suum populum intuetur, vt illi in minimis etiam paterna cura prouideat. Sed ingrato illi, ac stolido populo oculus est iniquitas, quia illam sibi propositam habet.

16. *Et ecce talentum plumbi portabatur.*] Sicut priùs Ephah, siue amphora pro mensura ponitur per synecdochem: sic nunc *talentum plumbi* pro quolibet pondere. Et ita statim dicitur *massa plumbea*, magis generali vocabulo, & paulo post **אֶבֶן עֹפֶרֶת** Eben hophereth, id est, lapis plumbeus, Hoc verò plumbeum talentum seorsum

seorsum portabatur ab amphora, ut apparet; quia statim impositum esse dicitur supra os eius.

17. *Et ecce mulier una sedens in medio amphora.*] Ita sedebat hæc mulier, ut cum pars inferior esset in amphora, superior tamen extaret. Alioqui quomodo sedere videretur in amphora, nisi aliquid illius eminceret? Hæc verò mulier, docente Angelo, impietas est, quæ optimè, ut inquit Cyrillus, mulieris habitu describitur; typus enim voluptatis est mulier, & infirmitatis. Omne autem peccatum committitur aut voluptate trahente, aut succumbente infirmitate. Idem pene Theodoretus, qui ideo peccatum existimat speciem mulieris referre, quia ex voluptate plurima nascuntur peccata. Hæc verò non sedebat supra talentum plumbi, ut putat Origen. hom. 6. in Genesimò & Hieronymus in illud Matth. 11. *Venite ad me omnes;* & in illud Ezech. 22. *Et factum est verbum Domini;* & alibi saepe. Qui, ut erant in Scriptura versatissimi, memoriter illa retulerunt potius quam exemplari consulto. Qui tamen ubi in loca illa inciderunt, expenderuntque attentius, aliter existimarunt. Nam Hieronymus hîc apertè dicit sedisse mulierem in amphora, & deinde aduenisse plumbeum talentum. Sicut etiam in epistola ad Paulinum septem lucernas vidit in candelabro Zachariæ; in proprio verò loco Zachariæ, ubi propius candelabrum consideravit, octo deprehendit lucernas.

18. *Neque est cur miremur in magnis viris, & opere in longo aliquando defecisse memoriam.* Neque enim semper, quæ erat illorum aculorum infelicitas, libris abundabam, quos consulerent, neque infirmam propè rerum copiam.

memoria contineri facile est. Adducit aliquot exempla Martinus Martinez Cantapetrensis libro 6. Hypotypos. cap. 1. ad medium; sed pleraque falsa, ut facillè constabit ei, qui authores consuluerit, qui erroris arguuntur à Cantapetrensi. Sed ut Aristotelem omittam, qui tribuisse dicitur 2. lib. Ethic. Calypso verba Circes, cum tamen aliter se habeat, certè ferendum non est duos errores admodum pueriles duobus Ecclesiæ luminibus, Augustino, atque Epiphanio adscribi à Cantapetrensi. Dicit enim Augustinum lib. de catechizandis rudibus tribuere natiuitati Iacob, & Esau, id quod Scriptura tradit de natiuitate Phares, & Zaram. Et Epiphanio lib. 3. hæres. Messalianorum errorem adhuc magis infantilem inurit: dicit enim Epiphanium tribuisse Mariæ matri Domini illa verba, quæ dicta sunt à Christo Mariæ Magdalenæ; *Nolime tangere.* Ioan. capite 20. quæ sanè longè aliter se habent. Neque video quomodo ex illis Augustini, atque Epiphanijs verbis in eam cogitationem venire potuerit Cantapetrensis. Hæc ideo admonui, ne quenquam decipiat Cantapetrensis, sicut me decepit aliquando.

Et proiecit eam in medio amphora.] 19. Id est, fecit ut tota includeretur in amphora; neque quicquam extaret eorum, quæ prius eminebant. *Medium* autem significare quod intus est, aut inter alia, satis vulgare in Scriptura; quo sensu dicitur lupus de medio gregis hædum rapere, cum extremum potius rapiat. Et mulier Sunamitis dicebat habitare se in medio populi sui, id est, inter suos. Sic hoc loco proiecta est mulier in medio amphoræ, quia intus conclusa fuit.

Et misit massam plumbicam in os eius.]

Vbi

Vbi impietas abstrusa fuit in amphoram, & ibi tota condita, massa illa plumbea, quæ prius vocata est talentum, os obstruxit amphoræ; neque liberum reliquit exitum, quâ pateret effugium.

20. In his, quæ de ordine literæ, descriptioneque visionis dicta sunt, minus est difficultatis; sed est omnino plurimum, in hoc cortice inuenire medullam. Id igitur agamus. Mihi primum videbatur agi hîc non de peccato, aut iniquitate cuiuspiam; sed de pœna, quæ iniquitatem consequitur. Quæ etiam iniquitas dicitur, vt obseruauimus suprâ capite 3. vbi à Iesu Sacerdote ablata scribitur iniquitas, id est, fordes propter iniquitatem ab exilio, seruilique ministerio contractæ. Hæc verò pœna & magna esse dicitur, quia mensuram complet; & diuturna, quia ore graui plumbi pondere occluso, quâ se excitet, nihil habet solum, ac peruium. Quia verò amphora delata est in terram Sennahar, quæ pars est Babylonis, indicari videtur calamitates, & ærumnas graues, atque diuturnas impendere Babylonis, qui Dei populo tam graues olim, & infensi fuerant. Neque inneniebam quid huic expositioni obiici posset, quod aut veritati repugnaret, aut textui. Sed quia aliò incumbunt aliorum sententiæ, nos quoque aliò cum ipsis abeamus.

21. Plerique hîc peccata indicari existimant, & eorum supplicia, sed planè variè: neque vllus est ferme, qui in explicando omnino cum alio consentiat. Quidam hîc de peccatis decem tribuum, captiuitatēque longissima, quæ post tot sæcula nondum est soluta, sermonem esse credunt. Sed quominus hæc vera esse putem facit,

quia amphora delata esse dicitur in terram Sennahar; sed decem tribus eò adductæ non sunt: dicitur enim 4. Reg. cap. 17. *Et transtulit Israël in Assyrios, posuitque eos in Hala, & in Habor iuxta flumini Gozan in ciuitatibus Medorum.* Tum quia non apparet quid contra decem tribus portendat, aut de illis demonstret extans prius mulier ab amphora, deinde inclusa opposito ad os plumbeo talento; quia iam decem tribus mensuram impleuerant, & dabant adhuc suæ impietatis pœnas. Quare alij, melius de duabus tribubus à captiuitate restitutis intelligunt; sed iidem etiam variè. Ego ne longus sim, parcens aliis sententiis, vel commemorandis, vel recensendis, dicam quàm potero breuissimè quod sentio.

Superiori visione proposita fuerant populo iam libero, peccata, quibus tunc immoderatiùs indulgebant, scilicet periurium, & furtum; in quibus alia etiam scelera contineri diximus: deinde quibus modis illa in auctorum caput expiaturus esset Deus. Idem penè significat in hac visione. Proponit quidem mensuram quandam, sed nondum plenam peccatorum, quia mulier sedebat, non iacebat in amphora, & nobiliori sui parte foras eminebat: neque dum plumbea massa amphoram occluserat, sed adhuc erat non nihil separata. Postea verò eò progressi sunt impietatis Iudæi, vt mensuram impleuerint iniquitate omnino in amphoram inclusa. Quod accidit quando ad cetera flagitia, Seruatoris quoque acerbissimam moxem addiderunt. Tunc verò in obscurâ amphorâ, id est, obsecratione cõiectâ, aut includi permisso opposito plumbeo operculo, neque

22.
Supplicia
ostenditur
duarum
tribuum.

Babilon
pro car-
cere, aut
exilio su-
mitur.

neque lucem hauriunt, neque puri spiritum de cælo ducunt. Mittuntur in terram Sennahar, id est, Babylonem, non quia in eam tantum prouinciam amandati: nam constat per totum orbem fuisse dispersos; sed quia duæ illæ tribus longum in ea prouincia, & durum exilium traxerant, & quæ ipsa illis Babylon carcerem, atque infortunium sonabat, dum Babyloniam audiunt, in carcerem se tetrum, atque ærumnosum mitti putant. Quemadmodum qui ex nostris Argerij, aut Constantinopoli captiui fuerunt, natali solo restituti, cum Argeriū audiunt, vincula audiūt, & quandā malorum Lernam; & ad solum nomen eius turbantur, atque horrent. Nō aliter atq; qui Barathri, aut Tulliani, aut latumiarū nomen accipiunt; nam vt hæc sordes sonāt, & vincula, sic etiam Sennahar, seu Babylonis appellatio. Hæc mihi expeditior visa est huius nodi solutio: nunc tādē singula accōmodemus, quod si assequimur, nihil erit quod curiosus lector à nobis amplius requirat.

23.
Amphora
pro men-
sura, quæ
vt implea-
tur, ex-
pletur.
Deus, vt
peccan-
tem pu-
niet.

Amphora per synecdochem pro mensura sumitur. Dum adhuc iniquitas fedit, non est plena mensura, neque in Babylonem expulsa; tunc eò adducitur, quando & totam occupat spatij latitudinem & plumbeo talento conclusa premitur Iudæorū iniquitas, id est, impij Iudæi. Constat ex variis Scripturæ locis, testimoniisq; Sanctorum, expectare Deum peccatorem, & tunc eum supplicij ignotam compleat scelerum mensuram. Ita hic Theodoretus, qui adducit illud Gen. 15. de completis iniquitatibus Amorrhæorum; & Gen. 6. ubi desinitum est mundo 120. annorum spatium, vt immisso diluuiō illum obrueret. Cyrillus eadem la-

G. Sanctij Comm. in Zachar.

tius. Iam quid mensura sit, inquit, videndum est: dicimus itaque natura bonum, & hominum amantem esse vniuersorum Dominum. Peccantes enim tolerat, & iniquè agentes sustinet, vniuscuiusque pœnitentiā expectans. Quod si quis etiam diu peccando processerit, supremamque Dei patientiam expertus fuerit, tunc denique pœnis subiicitur, & tam diuurna socordia pretereire nihil poterit, nec quisquam illum à pœna commissis eius pari eripiet. Quapropter Christus populo Iudæorum impotenti vefania ad quiduis nefarium ruenti inquit; Et vos implete mensuram patrum vestrorum. Mensura igitur, quæ apparebat, peccatorum populi in ipsum cumulatam multitudinem ostendebat. Hæc Cyrillus. Sed multo eadem clariùs, & significantiùs Augustinus de vita Christiana cap. 4. Esse certum, inquit, peccatorum modum, atque mēsuram Dei ipsius testimonio comprobatur; & quia unusquisque celerius, vel tardius, prout peccatorum suorum modum expleuerit, iudicetur, euidentissimè demonstratur. Quod postquam aliquot Scripturæ testimoniis, atque exemplis confirmauit, addit. Quo exemplo manifestissimè instrumur, & docemur singulos secundum peccatorum suorum plenitudinem consummari, & tandiu, vt conuertantur sustineri, quandiu cumulum suorum non habuerint delictorum consummatum. Idem pene Chrysostomus hōm. 4. in Matth. & Basilii in illud Isai. c. 1. Populo graui iniquitate. Vbi homines peccando eò deduci tradit, vt iam fiant immedicabiles. Vide etiā in eundem Isaiæ locū Cyrillū, ubi hoc etiā Zachariæ testimonium adducit. Ad aliquod, inquit, tempus, & mensuram tulit Deus contemptum delinquentis: cum autem ad plenitudinem, & maturitatem peccati notam sibi, ac perspectam iam perierint, supplicium irrogat.

24. Impleuerunt igitur Iudæi mensuram, cum Christum abiecerunt, egeruntque in crucem; & ideo Christus cum dixisset ab ipsorum parentibus occisos esse Prophetas, addidit: *Et vos implete mensuram patrum vestrorum.* Matth. 23. vbi alluisse videtur ad hunc Zachariæ locum. Ac si dicat: parentes vestri interfecistis Prophetis non exiguum peccatorum aceruum in mensuram congesse-
 runt; vos nunc interfecto Prophetarum Principe, imò Prophetarum scopo, mensuram implete. Locus hic admodum illustris est, & vehemens contra obstinatam peccandi consuetudinem.

25. *Et misit massam plumbeam in os eius.*] Ferream portam obiiicimus carceri, nequis inde effractis foribus effugiat. Puteo verò, vel lacui, qui saepe pro carcere est (vt probant Ieremias, & Daniel in lacum coniecti, & carcer Ioseph, qui fouea vocatur Sap. cap. 10. & Gen. 39. מַגְדָּל, id est, locus rotundus, qui à nobis, vt reor, communiter appellatur *Mazmorra*) graue imponebatur pondus, ne vltim inde captiuus haberet effugium; vt de se scribit Ieremias Thren. 3. *Lapsa est in lacum vita mea, posuisti lapidem super me.* Sic ergo in amplioram, quæ est instar putei, seu carceris, demersa est iniquitas, id est, gens iniqua, supplicij rea; quæ quia ibi diu futura est, lapide obstruitur, eoque plumbeo. Quare Christus Matth. cap. 23. vt significaret cladem, aut dispersionem populi Iudaici futuram esse diuturnam, vbi meminit impletæ mensuræ, subiiecit. *Ecce relinquetur vobis domus vestra deserta.* Est autem extremæ miseriæ symbolum iniquitas clausa, & quasi obfignata obstinatione, quæ non minus difficilè submoueri solet, quàm in-gens plumbi massa ab ore putei.

Et ecce duæ mulieres egredientes.] Prodit iam altera quasi scena prioris actus, duæ nempe mulieres, quæ amphoram corripunt, auehuntque in terram Sennahar. Cætera ex præcedentibus pene explicata sunt, quæ verò sint duæ istæ mulieres inuestigandum. Quidam hîc agi putant tam de duabus, quàm de decem tribubus Israël, & scæminas illas esse Oolam, & Oolibam, de quibus Ezechiel cap. 23. quæ ipso Propheta exponente Samariam significant, & Ierusalem. Sed hæc explicatio ideo non videtur admittenda, quia duæ istæ mulieres aliquid sunt ab amphora, & ab eo, quod in amphora conclusum est, diuersum. Gens autem Hebræa, vt diximus, in amphora in exilium extruditur; nisi dicamus aliquid à se ipso inuitum trahi. Adde quòd eodem tempore à duabus scæminis corripitur amphora, & in eundem locum deportatur, sed neque eodem tempore, neque in eundem locum abductæ sunt tribus omnes. Neque erat cur iterum dispergerentur decem tribus, quæ restitutæ non sunt.

27. Alij Dæmones esse putant, qui referunt iniquitatem in Babylonem, vt ibi domum habeat stabilem. Quod ideo futurum sperant, quia inde iam redeunt soluti à captiuitate Iudæi, quorum consuetudine, atque exemplo Babylonij discere potuerunt veteram Religionem. Et ideo aiunt à Principe Persarum Dan. cap. 10. Michaëlem prohiberi, ne Iudæos educeret ex Babylonia: quia videbat eorum exemplo repudiatum iri Dæmonum cultum in regione suæ tutelæ credita.

28. Aliis verò placet, quod mihi etiam probatur magis, in mulieribus illis designari Dæmones, aut specialia quædam peccata, quæ eò miseria-
 rum

rum infelix Iudaeorum genus deduxerunt. Quae tamen illa sint, prudēti cōiectura diuinandū est. Ribera excacationē putat, & indurationem: quod mihi etiam maximē placet, quia id non obscurē significat occlusa mēsurā plumbeo talento, Cēcitas quidem, quia ubi os obturatum est, nullum admittit amphora de cāelo lumen: obduratio verō, quia plumbum graue est, & quod ab illo prouenit impedimentum, non facillē vincitur.

29. Neque est quod huic sententiā obstrepat, quod in amphora inclusa dicatur impietas, neque videatur cōsentaneum, vt ab impietate mulctetur impietas, & ab vno, & altero vitio vitiorum vniuersitas rapiatur. Nam propriē in amphora peccata sola nō sunt, sed gens peccatrix, quae satis apertē exprimitur in muliere: neque enim populi Iudaici peccata exularunt in Babyloniam, sed quae peccatis immoderatē se tradidit gens Iudaica. *Iniquitatem* autem pro iniquis, & *impietatem* pro implis vsurpari satis vulgare est. Accedit quod רשע *risah* non solum *impietatem* sonat, sed *impietatem iudicio dānatam*, id est, condemnationem, & peccati pœnam. Ezech. cap. 18. *Filius non portabit iniquitatem patris, &c. & impietas impij super eum*, Heb. רשע *risah*, ubi sine dubio de peccati pœna sermo est. Quia respondet Dominus antiquae querimoniae, *Patres nostri comederunt vnam acerbam, & denies filiorum obstupuerunt*. Sed stupor dentium nō est impietas, sed eius pœna: & ideo subditur, *impietas impij super eum*, id est, stupor dentium super eum, qui vnam comedit acerbam. Impietatem itaque dānatam, imō gentem impiam addictā longo supplicio trahunt excacatio, & obduratio; quae tunc completa est quando post tot verborum, exem-

plorūque lucem Christum Seruatorem in crucem egit: quia ad illud vsque tempus Deus supplicium distulit, sederēque permisit in amphora, non iacere. Post verō excisa à Vespasiano vrbe iacuit prorsus in sordibus, atque in obliuione, quae si aeterna nō est, eius tamen modi est, vt aeterna videri potuerit.

Locus iste pro moribus illustris est, & grauis: nam qui sedet in amphora, id est, qui in peccatis pacem habet, propē est vt iaceat, id est, spiritum habeat compunctionis, & soporis; ita vt neque lucem aspiciat, neque ictum sentiat; & oppressus talento plumbeo obdurationis suae à miluini pennis rapiatur in terram Sennahar, ubi ad eius supplicium aedificetur stabilis, & aeterna domus.

Et spiritus in alis earum.] Potestatem diaboli intelligit Hieronymus, qui instigat, velocitatēq; addit pennatis mulieribus. Vitur autem Deus aliquando Dānone suae seueritatis administro, per quē diu exagitauit Saül; & per eundem verisimile est, quod Hieronymus putat, à Iudaico populo obstinata perfidiē pœnas expetiisse. Et facit huc quod *spiritus* saepe pro furore sumitur, vt Psal. 138. *Quo ibo à spiritu tuo?* & Isai. 30. *Spiritus eius velut torrens inundans usq; ad mediū colli ad perpendēdū gentes*. Quare dici posset spiritum, id est, irā Dei esse in alis mulierum, id est, Demonum, quia administri erant irati Dei. Sed mihi verisimilius, atq; simplicius videtur, dici posse per spiritū in alis celeritatem maximā indicari; neque spiritum hīc aliud esse prēter ventum. Erat ergo ventus in alis faeminarum, quia velocissimo volatu ferebantur. Neque alio sensu credo dici Deum ambulare super penas ventorum Psal. 17. & 103. nisi quia velocissimē currit, lustratque omnia, accommodatē ad hominum

30.
Spiritus
furor, &
ira.

Spiritus
velocitas.

sensum, qui summam velocitatem vento inesse putant. Vnde vulgare illud, *ocyor ventis*, Facit ergo spiritus in alis, quod ventus acer, qui inflat, atque impellit nauigij vela.

31. Et habebam alas, quasi alas milui.] Pro, *milui*, Heb. est *חַסִּידָה chasidah*, quæ vox variè redditur ab Interpretibus. Quidam ex magistris Hebræorum *ciconiam* reddunt, quia hoc nomen *misericiordiam* sonat; & ciconia misericordiæ, & pietatis in parentes symbolum est. Lxx. hoc loco *upupam*, alibi *herodium*, vt Psal. 103. Hieronymus secutus antiquos Hebræos *miluum* transtulit. Idem tamen Iob. 39. & Leuit. 11. vertit *herodium*. Hæ tamen volucres rapidum habent, & sublimem volatum; quod nobis satis est, vt intelligamus quare *חַסִּידָה chasidah* pennæ datæ sint mulieribus, nempe vt quàm velocissimè amphoram in Babyloniâ corripiant. Neque valdè laborandum est, quānam harum auiū sit *חַסִּידָה chasidah*, neque puto aliquid certum inueniri posse.

32. Hoc tamen ad mores valdè notandum, misericordiā Dei contēptam, & beneficia in ingratos collata solere acuerē diuinam iram; quæ quo magis se ab vliscendo cohibet, grauiore postea habet emissiones, & impetus. Expectarat diu *חַסִּידָה chasidah*, id est, *misericiordia* perfici-

dam gentem, vt aliquando resipisceret, sed diuinæ iustitiæ minister, à *חַסִּידָה chasidah*, id est, à misericordia contempta alas sumit, vt maiori celeritate supplicium sumat.

Vt edificetur ei domus in terra Sennahar.] Explicuimus suprà Babyloniæ hinc summi pro carcere, atque supplicij loco: nunc addendum diurnitatem supplicij indicari constructione domus, vbi statuatur tanquā in proprio domicilio amphora impietatis. Cū enim aliquis non diu futurus est in aliquo loco, sed tanquā hospes breui diuersaturus, domum non construit, sed ad hospitium commune diuertit, vt inde quamprimum aliò conuolēt. Quod si diu futurus, domicilium sibi stabile parat, vbi non solū viuāt, sed etiam consenescat, ac moriatur. Sic quia in terra Sennahar, id est, in carcere perpetuo habitaturus erat infelix ille populus, ædificatur illi domus, vbi ad finem vsque sæculi non tam viuāt, quā duram, atq; ignobilem mortem trahat. Eodē loquendi genere vsus est Ieremias cap. 29. ad filios transmigrationis. *Ædificate domos, & habitate, & plantate hortos, &c.* Mitto explicationes alias, quæ duriores mihi videntur: hæc mihi si non omnino soluta, minùs tamen impedita visa est.

32. Beneficia Dei contempta acuerunt diuinam iram.



ARGUMENTVM

SEXTI CAPITIS

ZACHARIÆ.



IN quatuor quadrigis, quas diuersorum colorum equi trabunt, quatuor Imperia significantur, quibus Dominus in rerum humanarum conuersionibus administris utitur. Deinde duabus coronis ex auro, argentoq; pro templi sumptibus oblato fabricatis, impositisq; Sacerdotis capiti, cui non solum Sacerdotales partes deinceps; sed etiam Regiæ permissæ sunt, Christi futurum in æternum Imperium designatur: & in Sacerdote Iesu, Iesus Seruator sic adumbratur perfectè, ut inter illos consilium pacis tradatur esse futurum: quia sic conueniet inter illos duos, sicut inter exemplar, & id, quod optimè ab eo expressum est, conuenire solet. Ad extremum cum consultum esset illorum memoria, qui aurum pro corona piè, ac liberaliter obtulerunt, aliam similitudinem proponit inter Iesum Pontificem, & Iesum Seruatorem. Nam ut ille templum edificauit Solymitanum, hominibus undecumque sumptus, operamque præstauit, sic Christus templum aliud excellentius construxit hominibus undecumque gentium eo concurrentibus. Id verò de Solymitano templo tunc futurum promittit, si illi, quorum maximè intererat, diuinis praeceptis audientes sint.

CAPVT VI.

PARAPHRASIS.

ET conuersus sū,
& leuaui oculos meos, & vidi:
& ecce quatuor quadrigæ egrediētes de medio duorum montium: & montes, montes ærei.

ET illa visione ad aliam me rursus, oculosque conuerti. Et vidi quatuor quadrigas, in quibus totidem orbis Imperia notabantur, de duobus montibus æreis prodeuntes, intra quos quasi intra claustra, & carceres tenebantur.

2. 3 Quadrigam primam equi trahabant rufi, secundam nigri, tertiam albi; quartam verò maculosi, & fortes. In prima Chaldæorum, in secunda Persarum, in tertia Græcorum, in quarta Romanorum Imperium designabatur.

4. 5 Dubitantem me de quadrigarum sensu sic Angelus affatus est. Istæ quatuor quadrigæ idem omnino portendunt, quod apud Daniele quatuor venti, nempe quatuor Imperia. Egrediuntur autem laxatis suo tempore montium claustris, ut se terrarum Dominatori sistant, eiusque imperata quàm occyssimè compleant.

6 De equis rufis nihil dictum ab Angelo; nam cùm Chaldæorum Imperium iam esset deletum, non erat cur de illo docendus esset Propheta: secus de aliis Equi ergo nigri, id est, Persicum Imperium, egressi sunt contra Aquilonem, id est, in Babyloniam, qua expugnata florere cœpit. Albi deinde, id est, Græcorum Imperium, eandem ingressi sunt viam. Quia debellatis Persis eodem loco, quo prius Chaldæum, Græcorum Imperium stabilitum est. At varij, id est, Romani, ad Austrum profecti sunt; quia Ægypto occupata, quæ è Græcorum Imperio videbatur esse reliqua, Romanorum Imperium constitutum fuit.

2. 3 In quadriga prima equi rufi, & in quadriga secunda equi nigri: & in quadriga tertia equi albi, & in quadriga quarta equi varij, & fortes.

4. 5 Et respondi, & dixi ad Angelum, qui loquebatur in me. Quid sunt hæc Domine mi? Et respondit Angelus, & ait ad me: Isti sunt quatuor venti cœli, qui egrediuntur, ut stent coram Dominatore omnis terræ.

6 In qua erant equi nigri, egrediebantur in terram Aquilonis: & albi egressi sunt post eos, & varij egressi sunt ad terram Austri.

7 Qui autem erant robustissimi, exierunt, & querebant ire, & discurrere per omnem terram.

8 Et dixit: Ite, perambulate terram, & perambulauerunt terram. Et vocauit me, & locutus est ad me, dicens. Ecce, qui egrediuntur in terram Aquilonis, requiescere fecerunt spiritum meum in terra Aquilonis.

9 Et factum est verbum Domini ad me, dicens.

10 Sume à transmigratione ab Holdai, & à Tobia, & ab Idaia: & venies tu in die illa, & intrabis domum Iosæ filij Sophonia, qui venerunt de Babylone. 11

Et sumes aurum, & argentum, & facies coronas, & pones in capite Iesu filij Iosedech Sacerdotis magni, & loqueris ad eum, dicens.

12 Hæc

7 Qui à variorum numero erant robustissimi, illi altiora mente complexi, ab aliorum societate diuulsi aliò proficisci, & per omnem terram discurrere moliebantur.

8 Narrauit deinde mihi Angelus, quid vniuersæ terræ Dominator astantibus ante se quadrigis imperarit. Ite, inquit, & lustrate terram. Quod ipse imperium statim amplexæ, terram peruagatæ sunt. Addit deinde Angelus mihi familiaris, vocatum se à Deo, à quo illa audiuit, quæ deinde mihi retulit. Ecce Persæ, ac Medi, qui ad Aquilonem egressi sunt, dolori, atque furori meo satisfacere: vlti sunt enim iniurias, quibus populum Iudaicum diu, ac durè vexauere Babylonij.

9 Hæc rursus ad me Dominus. 10 Sume, ô Zacharia, è domo Iosæ filij Sophonia, qui ex captiuitate redierunt, aurum, & argentum, quod ad templi sumptus oblatum est ab Holdai, Tobia, & Idaia. 11 Conflabisque ex eo coronas, quas impones capiti Iesu filij Iosedech Sacerdotis magni, dicēsque ei.

12 Hæc

12 Hæc dicit Dominus: Ecce iam aderit verus Imperator Christus: cuius nomen erit *Germen*: qui prodibit ab umbra, & typo Iesu Sacerdotis, qui duabus coronis redimitus, Sacerdotalē, ac Regium Christi dominatum ostendit.

13 Vt enim Iesus Sacerdos templum Solymitanum, sic Iesus Christus templum aliud longè nobilius ædificabit. Et sicut ille gloriosus sedebit in folio suo; & Regis, ac Sacerdotis munus obtinebit, ex quo fiet, vt iam Sacerdos à Rege non dissideat, quia vnus, idēque Rex erit, & Sacerdos; sic etiam ad eius exemplar, & typum, Christus Rex simul, & Sacerdos futurus est. Erit præterea consilium pacis inter illos duos, Christum nempe, & Iesum Sacerdotem, quia inter vtrumque bene conueniet, sicut inter umbram, & corpus, inter exemplar, & id, quod expressum est ab illo; quia, quod in umbra Iesus Sacerdos, id totum Iesus Seruator cumulatè complebit.

14 Neque sua quoque gratia, & honore carebunt illi, ex quorum auro, atque argento conflatae sunt coronae pro Pontificio capite. Nam eorum nomina coronis ipsis insculpta, in templo Domini munificentiae, ac pietatis ipsorum perpetui monumenti pondus obtinebunt.

15 Et vt appareat iterum quàm bene inter Iesum Sacerdotem, & Iesum Seruatorem conueniat, id est, inter figuram, & veritatem, quemadmodum qui modò procul sunt, non solum studiis, atque cōsiliis, sed locorum

12 Hæc ait Dominus exercituum, dicens: Ecce vir Oriens nomen eius: & subter eum orietur, & ædificabit templū Domino.

13 Et ipse extruet templum Domino; & ipse portabit gloriam, & sedebit; & dominabitur super folio suo, & erit Sacerdos super folio suo, & consilium pacis erit inter illos duos.

14 Et coronae erunt Helem, & Tobia, & Idaia, & Hen filio Sophonia, memoriale in templo Domini.

15 Et qui procul sunt, venient, & ædificabunt in templo Domini, & scietis quia Dominus exercituum misit

*misit me ad vos. Erit
autem hoc, si auditu
audieritis vocem Do-
mini Dei vestri.*

corum etiam spatiis vobiscum manus operamque coniungent ad templi fabricam: vnde etiam cognoscetis hæc à me non meo, sed diuinitus afflato spiritu prædici: sic etiam ad illud longè diuinius, atque illustrius templum, quod Christus excitabit, magna vndecunque populorū multitudo concurret. Hoc verò quod dixi de externis auxiliis ad Solymitanum templum ædificandum, ita demū vobis futurū esse vaticinor, si verbis meis fueritis ex animo audientes.

COMMENTARIJ IN CAP. VI. ZACHARIAE PROPHETÆ.



1.



Ecce quatuor quadrigæ.]

Audierūt Iudæi futurum, vt aliquando extorres à patriis sedibus in alieno solo inueterascerent. Quod ne casu, aut temerè euenisse crederent, ostendit Deus multo antè tanquam in vmbra totius orbis ad lōga tempora expressam formam, dum quatuor potentissima Imperia describit, & quæ, quòve ordine ab illis Iudaicus populus vel beneficia, vel incommoda habiturus sit. His enim suæ prouidentiae administris vitur Deus, qui ideo stare dicuntur coram Dominatore vniuersæ terræ, quia illorum viribus, ac potentia aliter, atque aliter temperatis, & delicta qunit, & aliqua etiam ex parte merita compensat.

G. Sanctij Comm. in Zachar.

2.

Communis omnium pene Doctorum sententia est, sicut Danieli cap. 7. in quatuor bestiis, & cap. 2. in statua ex variis metallis composita ostēsa sunt potentissima quatuor orbis Imperia, sic modò Zachariæ in quatuor quadrigis eorum ordinem, & proprietatem ostendi; vno excepto Paulo de Palacios. qui in quadrigis Angelos agnoscit, & Theodoreto, qui putat esse Dei ministros, qui quàm ocysimè Dei exequuntur mandata. Et quemadmodum post quatuor Imperia non diu permansura oblatum est Danieli Christi Regnum in æternum duraturum; sic nunc Zacharias post hæc Imperia, Christi quoque videt Imperium, non instar quadrigæ coniecturum suum curriculum veloci

In quatuor quadrigis quatuor Imperia significata.

Quadri-
garum in
bello vsus

fuga, sed cuius Imperij non esset in æternum futurus finis. Videtur autem ideo quadrigarum oblata species, quia, cum his olim res administraretur bellica, Imperij acquirendi, atque conseruandi præcipua fuerunt instrumenta. Harum Troianis temporibus vsus fuisse liquet ex Homero; & apud Chaldaeos multo ante hæc Zachariæ tempora docet Nahum cap. 3. vbi de Chaldaeis loquitur ciuitatem Ninivæ oppugnaturis. *Vox, inquit, flagelli, vox impetus rotæ, & equi frementis, & quadrigæ feruentis, & equitis ascendentis.*

3. *Egredientes de medio duorum montium, & montes, montes ærei.*] Hieronymus ideo putat montes æreos vocari, quia insuperabiles sunt, & nulla possunt vetustate consumi. Sed nescio quomodo huic expositioni minùs consonat, quia illa Imperia iam fluxere, & eorū aliqua satis veloci cursu. Alij ferreos montes dici credunt, quia durum fuit, & omnino ferreum illud genus hominum, cui cordi erat bellum, & sanguis: neque enim alio modo parta sunt Imperia. Sed fortasse accommodatè magis ad vsus quadrigarum, & naturam ventorum, quibus quatuor hæc Imperia assimulantur, per montes æreos explicantur quædā quasi claustra, quibus Deus illarum gentium feroces animos, & ardentes ad bella cohibuit. Nam quemadmodum carceribus in circo sustinentur equi, toto corporis nixu ad cursum gestientes donec signum certum ostendatur ab editore, sic illæ quadrigæ quasi reluctatæ diu, & ruptis repagulis tandem eluctatæ ad Imperij cursum prodierūt. Et de Cyro, qui in secunda quadriga significatur, apertè videtur indicare Itaias cap. 45. eadem propè forma verborum. *Aperiam* (inquit Deus de

Cyro) *coram eo ianuas, & porta non claudentur, &c. portas areas conieram, & vellest ferreos confringam.* Et sicut Deus ventos terræ, ac præcipuè motum cavitatibus, & quasi visceribus includit, qui deinde magno motu terram quatunt, & firmæ etiam molis ædificia prosternunt; sic Deus hæc Imperia, quæ deinde ventos vocat, in æneis montibus arcè continuit. Montes præterea cum ventis coniunxit Amos cap. 4. *formans montes, & creans ventum;* & Psalm. 134. & Ierem. 10. Deus dicitur *producere ventos de thesauris suis.* Thesauri verò loca significant recondita, vbi inclusa seruantur, quæ ita in nostra sunt potestate, vt quoties libuerit, vel vsui nobis futura fuerint, proferantur. Quare Deus ventos reconditos habet, quos pro sua voluntate, aut cohibet, aut quasi laxatis habenis in apertum educit, vt perficeret, turbentque, quæ fuerant antè tranquilla. Hinc, credo, sicut alia plurima ex aliis Scripturæ locis, poetæ occasionem sumpserunt, vt ventos montium latebris abdiderint, præficerintque Regem, qui illos suo arbitratu, & pro rerum humanarum commoditate regeret; vt ex Homero Odyss. 20. sumpsit Virg. 1. Æneid.

— *Huc vasto Rex Æolus antro
Lucentes venios, tempestatesque so-
noras*

*Imperio premit, ac vinculis, & carcere
frenat.*

*Ni faciat, maria, ac terras, cælūque
profundum*

Quippe ferant rapidi secum. —

Plura de his vbi de ventis statim sermo succedet. Eodem modo Iob c. 38. iniecit claustra mari, ne exundās Iob. 38. terram fluctibus obrueret. *Quis conclusit ostium mare, &c. circumdedit illud terminis meis, & posui vellest, & ostia: & dixi, Usque huc venies, & non proce-*
des

des amplius, & hic confringes tumentes fluctus tuos. Neque aliter cœlestibus aquis opposuit cataraclas, quibus ruptis, quasi summotis repagulis orbem deleuit.

4. *Et montes, montes arei.] Geminatio*

Gemina-
cio pro-
pria He-
bræorum.

hæc Hebræorum propria est, & familiaris. Latinus diceret; & montes erant arei. Sed in eo repetitionis genere epitalis est, quasi dicat: montes illi; non vt vulgares alij terrei, aut faxei, sed arei. Similes repetitiones occurrunt in Scriptura sæpe. Pl. 44. Virga directionis, virga Regni tui. & 67. Mons Dei, mons pinguis. Pl. 143. Dextera eorum, dextera iniquitatis. Ezech. 24. Dentes leonis, dentes eius. Dan. 7. Potestas eius, potestas æterna. Amos 2. Altitudo cedrorum, altitudo eius. Cant. 8. Lampades eius, lampades ignis.

5.

Quadrigæ hæc non erant sine vectoribus, licet eorum nulla hic mentio, vulgari Hebræorum phrasi, qui currus, & equos pro eorū ascensoribus vsurpāt. Maxime in re bellica, quia hi tunc nunquam ab ascensoribus vacui prodire solent. Quo etiam loquendi genere vtuntur Hispani in re castrensi, qui hastas pro hastatis, equos pro equitibus, tubam pro tubicine communiter vsurpant. Nisi fortè ideo sine viris quadrigæ Prophetæ oculis obitiūtur, quia non tam ab hominibus, quàm à belluis, id est, ab eis, qui ferinis essent moribus, trahebantur; vnde Dan. 7. belluis quatuor totidem Regna assimilantur.

6.

In quadriga prima equi russi.] Antequam ad rationem, coloremque quadrigarum accedo, obseruo, quæcumque hic à Prophetâ dicuntur, attemperatè ad populum Iudæorum esse intelligenda. Etenim variæ mundi plagæ ab Hierosolymitano situ ordinem, & nomen assument, vt docet hic Hieronymus, &

Compara-
tio cleru-
salem re-
gionis a-
liæ Aus-
tralis, aut A-
qui onas
sunt.

cap. 2. ad illud, de terra Aquilonis.

Quare Ægyptus, & mare ad Austrum pertinere dicuntur, & Babylon ad Aquilonem, quia Ægyptus ab Austro, & Babylon ab Aquilone Hierosolymam respiciūt: sic etiam quatuor orbis Imperia aliter, atque aliter appellari, alio item, atque alio colore notari solent, secundum quod alio, atque alio modo populum Hebraicum vel tractarunt humaniùs, vel duriùs. Sub his enim quatuor Imperiis aut fuere prius, aut futuri erant aliquando.

In quadriga prima Chaldæorum

Imperium intelligit Hieronymus, & cum eo alij pene omnes, quod à Nino cœpit, & in Balthasare finitum est: quia hoc cruentum fuit, & sitiens sanguinis. Arias Montanus à coloribus, quibus utebantur nationes hinc adūbratæ, notari dicit quadrigarum equos. Et quidē si hoc satis probari posset, non videbatur aut aliena, aut inepta ratio: sed non

7.
Imperiū
Chaldæo-
rum.

Colores
quarundā
nationum

video nationes in quadrigis expressas illis, maxime in acie, vltas fuisse coloribus, quibus quadrigarum equi notantur. Chaldæos quidem vltos fuisse puniceo colore, docuit Nahum cap. 2. *Clypeus fortium eius igneus, viri exercitus in coccineis; & Dan. cap. 5. Quicumque legerit scripturam hanc, &c. purpura vestietur.* Sed alia etiam nationes eodem in acie colore vestiebantur: nam de Cyro primo Persarum Rege tradit Xenophon libro 7. *Cyropædiæ statim in principio. Erant milites armati omnes armis iisdem, quibus Cyrus, puniceis tunicis, &c. & de Persarum Regibus vniuersè tradit Strabo lib. 15. & Q. Curtius lib. 3. De Græcis, maxime Lacademonibus tradit Ælianus de varia historia lib. 6. cap. 6. & Plutarchus de Instu. Lacædæ. Neque color*

ille puniceus nota erat Assyriorum, quia etiam hyacinthinis utebantur vestibus. ut ex Ezech. constat cap. 23. qui vestiri eos solitos esse hyacintho dicit. *Fornicata est igitur super me Olla, & insanivit in amatores suos, in Assyrios propinquantes vestibus hyacintho.* Sed nationes aliae non habuere colorem illum familiarem, qui in suis quadrigis propositus est: nam Romanis varius, & maculosus in usu familiari non erat; neque Persis niger. Graecis fortasse magis communis albus, ut notauit Cyrillus, qui ideo eos in albis equis designari coniecit. Sed nescio an alius color ipsis magis usitatus. Punicei certe meminit Homerus saepe.

8.

Imperium Persarum.

In quadriga secunda equi nigri.]

Hieronymus hic Persas, & Medos intelligit, & cum ipso omnes pene alij, quia eo ordine prodire videntur quadrigae, quo Imperia. Imperium autem Persicum Babylonico successit. Sed cur in umbra nigri coloris Persica potentia lateat, obscurum est. Est autem verisimile, ideo Persicum Imperium nigrum vocari potius quam rubrum, quia non tam effudit Iudaicum sanguinem, quod fecerunt Assyrij tot irruptionibus in Palaestinae fines, tot cladibus in gentem Israeliticam, quam metum mortis incussit, & aliis etiam modis horrore, atque mœrori fuit. Nam & exultantes gaudio, atque erectos spe excitandi templi, urbisque instaurandae, impedito opere à Cabyse, qui & Artaxerxes dicitur, & Assuerus 1. Esdrae cap. 4. mœrore contraxit: & Assueri Magni tempore, agente Aman, seuerissimo edicto extinguere omnino iussu est Iudaeorum genus. Haec atrox plus habent, quam ruboris, id est, plus mœroris, quam sanguinis. Et quidem propter haec duo Hieronymus, &

alij atrum esse dicunt Iudaeis Persarum Imperium.

In quadriga tertia equi albi.] Hic iam sese ostendit Graecorum Imperium, quod Alexander eripuit Dario, & primus omnium inuexit in Europam. Ita Hieronymus, & plerique alij. Hoc verò Imperium album fuit, quia principio beneficium in Iudaeos: Alexander enim clementer suscepit Iudaeorum genus, templumque Regia liberalitate ornauit, ut tradit uterque Iosephus; alter 11. Ant. cap. ultimo: alter lib. 2. historiae Iudaicae c. 6. Quod item alij Reges fecere, ut Ptolemæus Philadelphus. Et quanuis sub Antiocho, aliisque Regibus, ad quos Alexandro sublato pars aliqua pertinuit Graeci Imperij, variè iactata sit res Iudaica, illud tamen tempus neque longum fuit, neque admodum atrum, cum illustre fuerit, atque planè candidum plurimis, atque eximjis Machabaeorum victoriis.

Et in quadriga quarta equi varij, & fortes.] Hic omnium pene consensu exprimitur Romanorum Imperium,

à quibus non eodem modo Iudaicus populus acceptus. Nam Imperatorum aliqui non solum mites, sed etià benefici, ut Augustus, Tiberius, & Claudius; alij non alieni solum, sed etiam admodum infensi fuerunt, ut Caius Caligula, Vespasianus, & Adrianus. Quare non vno colore, sed diuersis huius quadrigae equi notati sunt. Heb. בְּרֻדִּים berudim, id est, grandinati, seu, minutis maculis instar graminis aspersi. Qua ratione metaphorā non admodum dissimili guttatum dicimus, quod maculosum, id est, notis guttarum instar distinctum est. Sic Martialis lib. 5. Epig. 104. aues Numidicas guttatas vocat: & Heb. תִּרְמִשִּׁי תִּרְמִשִּׁי tirmishi tirmishi instructus gemmis, dici-

9.
Imperium Graecorum.10.
Imperium Romanorum.

dicitur, quasi *guttur*. Qui à vulgato equi *fortes*, & Hebr. *וְיָמִין אֲמִימִין*, à Chaldaeo dicuntur *וְיָמִין אֲמִימִין* *Kuemanim*: quæ vox *confringētes*, seu, *irriturantes* valet, non dissimili sensu.

Eodem modo à Daniele cap. 2. & 7. Imperium Romanorum forte vocatū est. *Ecce*, inquit, *bestia quarta terribilis, atque mirabilis, & fortis nimis dētes ferreos habebat, comedēsq; atque comminuens, & reliqua pedibus suis conculcans.*

11. *Illi sunt quatuor venti cæli.*] Difficilis, & paulo minùs obscura est Angeli interpretatio, quàm fuit species oblata Zachariæ. Nisi fortè, quod mihi maximè visum est probabile, Angelus interpretationem referat ad visionem Danielis cap. 7. ubi in quatuor ventis ostensa fuerunt totidem Imperia, & res satis exposita fuerat Danieli, & genti Iudæorum, vt credibile est, non ignota. Quare idem videtur velle significare Angelus, qui in Zacharia loquebatur. Ac si dicat: Hæ quadrigæ idem sibi volunt, quod quatuor venti apud Daniele, de quorum significatione non dubitabat Zacharias.

12. Sed huic explicationi obstat quòd in quatuor ventis Danielis non videtur quatuor Imperia ostēdi, & in quatuor bestiis, quæ ex mari prodierunt. Vt enim ibi ait Hieronymus, quem plerique sequuntur, in quatuor ventis quatuor intelliguntur Angeli, qui totidem Gentibus præsumunt, qui inter sese pugnant, dum commissis suæ fidei provinciis salutem procurant. Nihilominus in ventis Imperia quoq; designari existimo, ea loquendi figura, per quam, aut pro consequētib; antecedentia, aut causæ pro effectibus adhibentur. Imperium antecedunt bella, & varij motus,

rerumque mutationes, ac vicissitudines, quæ optimè cum ventis comparantur, qui modò huc, modò illuc incitati marinos fluctus in diuersa propellunt. Neque sanè Imperia aliud amplitudinis suæ exordiū habuerunt. Ita pene Theodoretus, Vatablus, & Pereira in illum locum Danielis. Aptissimè ergo Angelus dicit quadrigas esse ventos, quia sicut ventis turbatum fuit mare, vt bestia prodiret, sic quadrigis, quæ bellici furoris instrumēta sunt, terra turbatur. Neque quadrigæ tam Imperia sunt, quàm instrumenta Imperij comparandi; sicut venti non tam bestię sunt, aut Imperatores, siue Imperia in bestiis expressa, quàm id, quòd turbato priùs mari ex fluctibus ad Imperium emerit. Hic verò Hebræorum more subauditur similitudinis nota, hoc sensu: Istæ quatuor quadrigæ sunt, sicut illi quatuor venti ostēsi Danieli. Hæc mihi in re adeò obscura videtur probabiliter dici posse, vt aliquid lucis tribuamus Angeli expositioni, quæ alioqui alicui videri posset otiosa, cum non minus obscuritatis habeat ventorum, quàm quadrigarum allegoria.

Qui egrediuntur vitem coram Dominatore omnis terræ.] Ne quis putet casu contingere, quæ in Regnorum administratione, ac gloria mutationes sunt, ostenduntur nobilissima illa orbis Imperia astare coram Imperatore summo, & ab eius pendere, vel minimo nutu, vt discant quo loco, tempore, atque ordine progressura sint. Et hoc significat stare coram aliquo, aut alicui assistere, quod ministrorum est. Reges verò quasi quadrigas falcatas, & præcipientes, aut ventos efferos, & vehementes; etiam sceleratos, & impios ministros esse Dei, constat.

13.
Homines
etiā pessimi instru-
menta sūt
Dei

ex Scriptura. De Rege Assyriorum Isai. 10. *Va Assur virga furoris mei, &c. in manus eius indignatio mea, ad gentem fallacem mittam eum, & contra populum furoris mei mandabo illi; ut auferat spolia, & diripiat pradam: & Ier. cap. 25. de Nabuchodonosor. Ecce ego mittam, & assumam universas cognationes Aquilonis, ait Dominus, & Nabuchodonosor Regem Aquilonis, seruum meum.* Ecce quomodo prima quadriga stat coram Imperatore Deo. De secunda quadriga, id est, de Persarum Rege, Isai. c. 45. *Hac dicit Dominus Christo meo Cyro, cui apprehendi dexteram, ut subiiciam ante faciem eius gentes, & dorsum Regum vertam.* Vbi indicat, quod initio capitis dictum est, educendam esse hanc quadrigam de montibus æreis. Addit enim, & aperiā coram eo ianuas, & porte non claudentur, &c. portas æreas conteram, & vestes ferreos confringam. De Romanis, id est, de quarta quadriga dicitur Matth. 22. *missis exercitibus suis perdidit homicidas illos, & ciuitates illorum succendit.* Fuit autem exercitus Romanorum, quo Dominus usus fuit ad illius populi puniendam perfidiam.

14. In ventis significati Dei ministri. Neque hinc solum Deus similes facit ventis seruos suos, sed alibi sæpe eadem vitur metaphora. Hoc sensu credo dici Deum ambulare super pennas ventorum Psalm. 17. quia per ministros veloces consultata exequitur sua: & apertius Psalm.

Psalm. 103. 103. *Qui ponis nubem ascensum tuum, qui ambulas super pennas ventorum. Qui facis Angelos tuos spiritus, & ministros tuos ignem vrentem.* Vbi ex sententia Hebræorum spiritus pro vento ponitur. Sic enim hunc locum accipiunt. *Qui spiritus, seu ventos facis tuos nuncios, eorumque ministerio pueris, ut tibi fuerit collibum.* Et fauet plurimum illorum sententia, quod de

rerum naturalium opificio, atque usu ibi sermo est. *Que sententia nonnullis etiam ex Catholicis placuit, ut Vatablo, & Iansenio.* Sed omnino eam conuellit Paulus ad Hebr. 1. qui de Angelis hunc locum intelligit: & ad Angelos (ait) *quidem dicit: Qui facit Angelos suos spiritus.* Sed nihilominus Paulus nostram sententiam confirmat: quia hinc Angelos suos cum ventis, & ministros comparat cum flamma ignis. Nam licet Gregor. homil. 34. in Euangelia, & Augustinus, Haimo, & Primasius in cap. 1. ad Hebr. ita interpretentur, ut spiritus sit naturæ nomen, Angelus officij; hoc sensu: qui eos qui natura sunt spiritus, facit Angelos, id est, nuncios suos. Sed communiter alij spiritus pro ventis sumunt, Angelosque dicunt ventis esse celeritate similes. Dionys. de cœlesti Hierar. cap. 15. Damasc. libro secundo de fide capite tertio. Theodoretus, & Euthymius, Genebrardus in eundem Psalmum, Basilii, Ribera, & alij in Epistol. ad Hebr. capite 1. Obseruat autem ibi optime Ribera, cum dubium est an aliquod nomen vim habeat subiecti, aut prædicati, id facile apud Græcos ex articulo cognosci posse. Nam illud nomē, cui articulus præponitur, subiectum est; adducitque aliquot exempla accommodata, ex quibus hic vnum, aut alterum apponam Ioan. 1. *Ei Deus erat Verbum* Græcè, *καὶ θεὸς ἦν ὁ λόγος.* Vbi (Verbum) articulum habet: & paulo post; & *Verbum caro factum est.* Nam Græcè dubium est, cum illud ἐπὶ vero tā carni, quā Verbo conuenire possit. Sed articulus præpositus Verbo docet illud esse subiectum. In hoc vero Psalmō nunc apud Lxx siue apud Paulum articulus non est cum (spiritus) sed cum (Angelos.) Quare hoc sub

Ad Heb. 1.

15. Regul. Quando in Scriptura nomen locum habet subiecti, quando prædicati.

subiectum est, illud prædicatum. Vbi etiam obserua hñc deesse notam similitudinis hoc sensu: Angelos suos facit sicut ventos.

16. *Humana-
rum rerũ
incon-
stia.* Hñc ad rem moralem nota, ventis esse comparata maxima Imperia, qui fremunt, inflāt, turbantque omnia; sed breuissimè confident, & euanescent. Excitant fluctus, naues, & nubes hinc inde propellunt, sed mox vis tota frangitur; neque quicquam à ventis reliquum est, nisi quod eorum strauit violentus furor. Quare stultus est omnino qui ventos sequitur, quos assequi non potest: neque si posset, tenere certè non posset diu.

17. *Qui egrediuntur, vt stent.]* Hebr. **מהיחזב** *mehiiafseb*, variè ab Interpretibus redditur. Pagninus & Vatablus vertunt, *à stando*: vulgatus, *vt stent*. Sed est eadem, aut parum diuersa sententia. Illi sumpserunt terminum à quo in hñc sensum: egressi sunt à stando, id est, ab eo loco vbi stabant inclusa quadrigæ, seu postquam steterāt. Vulgatus autem sumpsit terminum ad quem: ideo enim egressæ sunt quadrigæ, vt se steterent Deo, & eius imperio in hñc illamve partem huius illiusve negotij gratiā proficisceretur. Et sanè vtraque versio mutuā sibi præstat lucē: & illa quam Vatablus, & Pagninus sequuntur, indicat satis explanationem, quam initio probauimus; scilicet Imperia illa æreis mōtibz esse inclusa, veluti si carcēribz coërcerentur quadrigæ, quæ è suis locis non simul egressæ sunt, vt statim ostenditur, sed alia post aliam, prout Deus illas ad varia ministeria vocabat. Ribera in voce Hebr. **מהיחזב** *mehiiafseb*, illud (n) causam significare putat, & ideo nō malè vertisse nostrum Interpretem, cum dixit, *vt stent*. Est sanè ve-

rum (n) vim habere causæ, non tamen, quod ego viderim, finalis, qualis hñc videtur esse; sed efficientis, & plerumq; instrumentalis: neq; alterius generis sunt exempla, quæ ipse adducit Osæ cap. 7. n. 71. Michæ 2. n. 64. vbi hñc regulam tradit.

In qua erant equi nigri, egrediebantur in terram Aquilonis.] Quò egressa fuerit quadriga, in qua erāt equi rufi, non declarat Angelus, vt bene Hieronymus; quia cum hæc designet Chaldæos, quorum Imperium iam erat extinctū, eorūq; res Prophetæ non essent ignotæ, nō erat cur de illorum euētu quicquā esset expectandum. Cyrillus putat ideo Angelum non meminisse Imperij Chaldæorum, ne contristaret Hebræos, quibus inuisa erat Chaldæorū memoria: quia tantū illa adducere voluit, quæ exhilarent mōstos Iudæorū animos. Egressi ergo sunt Persæ, & Medi Ducibus Cyro, & eius auunculo Dario in Aquilonem, id est, in Chaldæam, quia illa Hierosolymorum comparatione Aquilonaris est: quam cum Imperio suæ sibi potestati subiecerunt.

Et albi egressi sunt post eos.] De Grecis hñc agitur, qui Duce Alexandro in eandem regionem ingressi sunt, in quam antè Persæ: depressæque Persica arrogantia, tertij Imperij exordia posuerūt, eodem quo Persæ antea loco.

Et varij egressi sunt ad terram Austri.] Terra Austri dicitur Ægyptus, quia hæc à Meridie respicit Ierusalem. Cur verò Romani, qui in quarta quadriga designantur (vt dixim⁹) in Ægyptum egressi dicantur, cum alias etiam totius pene orbis provincias lustrauerint non solum passibus, sed etiam victoriis, docet optimè Ribera, ex quo pleraque eorum, quæ à me hoc loco dicentur, desum

18.

Cur de
Chaldæis
nō sit dicit
Pro, heia.

Non prius
Grecorū
deletū Im-
perium,
quā Ægy-
ptus de-
bellata.

19.

desumpta sunt. Et præcipua, ac pene sola ratio est; quia licet innumeras alias gètes armis subiugarint Romani, nō tamē Græcorū deleuerunt Imperium, & ad Romanam gloriā transcripserūt, donec Græci Imperij reliquias, quæ in Ægypto consederant, fractis ab Augustō Antonij, Cleopatraq; viribus sustulere. Nā, vt constat Machab. 1. capit. 1. cum Alexāder duodecimo anno Regni sui immatura morte decederet; Imperium illis, quibuscum ab adolescentia nutritus fuerat, diuisit; qui quandiu regnarūt, Regnum quoq; Græcorum stetit: & ideo statim dicitur. *Ex his exiit radix peccati Antiochus illustris filius Antiochi Regis, qui fuerat Roma obses, & regnauit in anno tricesimo septimo Regni Græcorum.* Durabat itaque tūc Græcorum Imperium, durauitq; donec illa Regna, quæ posteri amicorum Alexandri tenebant, in Romanorum venēre potestatē. Quod tunc accidit quādo Ægyptus, quæ Ptolomæo Lagi filio data fuerat ab Alexandro, Augusti Cæsaris armis in prouinciam redacta est. Tunc verō finem habuit Græcorum Imperium, & initiū Romanum. Quod docet Hieronymus, & multi alij ex antiquis, quorum sententia Idem refert in cap. 9. Danielis. Qui dum 70. hebdomadarum tempus computant, finitum esse dicunt Imperium Græcorum morte Cleopatræ, & Romanorum inchoatum in Ætiaca Augusti victoria.

20.
Ostenfa
sunt extre
ma bella,
quibus im
peria trā
sata.

Adde, non omnia bella quatuor quadrigarum ostensa fuisse Zachariæ, sed illa quæ de Imperij summa decertarunt. Nam Cyrus multa alia prius bella secunda gessit: sed egressus dicitur in Babylonem, quia ibi Imperij mutatio facta est. Idem de

Alexandro dicendum; qui eodem pene loco extincto Dario Imperij maiestatem Græco nomini adiunxit. Eodem modo cum Romani secundo bellorum cursu magnam orbis partem occupauissent, & in his reliquis prouinciis ab Alexandro amicis quasi testamento legatas, nō tamen Imperium omnino consecuti sunt, donec ad alias Græci Imperij regiones, Ægyptum, quæ vna supererat ex tot prouinciis, addiderunt. Tunc verō Augustus Imperator dici potuit: tunc ab illo Edictū exiit, vt describeretur vnīuersus orbis. Hac igitur de causā equi varij dicuntur ad Austrum egressi, quia Ægypto, id est, Australi regione domita, primū vocari potuit Romanorum Monarchia.

Qui autem erant robustissimi, exierunt.] Quartam quadrigam trahebant equi varij, & fortes. De variis dictum est ab Angelo exiisse in regionem Australem; de fortibus, qui hoc loco dicuntur *robustissimi*, & utrobique *ἰσχυροὶ* *Amusim*, qui sine dubio a variis diuersi sunt. Licet cōmuniter Interpretes, dum de his nihil seorsum dicunt, eosdem esse indicent. Tum quia hi non dicuntur egressi in Australem plagam, sicut varij; sed exiisse, & qualis ire, atq; discurrere per omnem terram. Deinde illud (*autem*) aliquid omnino diuersum ostēdit. Accedit quòd Dan. c. 2. vbi agit de Romanorum Imperio, in ferreis pedibus distinctum aliquid indicatur, nempe ferum, & lutum, quæ commisceri non possunt. Tractauit quæstionem istā Ribera pene solus, & satis eruditè; alij aut omiserunt omnino, aut perstrinxerunt leuiter, & obscurè. Nūc quando constat in equis variis Romanos adumbrari, videndum est qui

21.
Equi robustissimi
a variis
diuersi.

quinam sint illi robusti, qui eandem cum Romanis quadrigam subeunt.

22. R. David Ismaëlitas, seu Mahometanos esse purat, qui latè dominati sunt: cui subscribit Arias Montanus. Sed hoc mihi nullo modo videtur verisimile; quia equi varij, ac fortes eandem traxerunt quadrigā; sed Ismaëlita nunquam cum Romanis inière Imperij societate. Præterea Imperiū vltimum diuisum iri dixit Daniel cap. 2. Sed quā diuidi potuit Ismaëliticum Imperiū, cum nunquam fuerit cum Romano coniunctum? Et est satis verisimile de iisdem agi à Daniele, & Zacharia, ab illo in pedibus partim ferreis, & partim fictilibus, qui ab eodem plantario nascuntur; ab hoc in equis variis, qui prius in Austrum, & in robustissimis, qui deinde in omnem terram discurrere gestiebant.

23. Longè probabilius est, vt optimè coniectat Ribera, in equis robustissimis Gothorum potentiam, & bellicam gloriam adumbratam fuisse. Ad quod persuadendum obseruat hīc non agi de tempore, quo Romani nomen, & maiestatem Imperij pepererunt; sed de alio, quod postea consecutum est. Gothos verò à Romanis fuisse victos, & sub eorum signis diu, ac saepe meruisse satis exploratum. Certè sub Maximino pugnarunt contra Parthos: sub Constantino contra Licinium, & eo propè tempore quo capta est Roma à Gothorum Duce Athanarico, seu Alarico, Honorio Imperatori bellicam operam nauarunt. Hi ergo non exierunt in Austrum cum equis variis, id est, Romanis, quando victa fuit Cleopatra, & Græci Imperij reliquæ omnino sublatae, quia nondum erant à Romanis subiugati. Postea verò post egregiam operam Ro-

G. Sanctij Comm. in Zachar.

manis Ducibus nauatam, tandem sub Honorio, rupto fœdere, populi Romani prouincias inuadunt, & occupant; & ipsam urbem rerum dominam aliquando diripiunt. Hi in diuersas partes exire moluntur, quia pro sua multitudine, & bellica virtute angustos fines sibi esse arbitrabantur. Qui tamen asperrimis locis, & quasi æreis montibus inclusi à diuina tenebantur potestate; ne, quod fecere postea, quando audierunt ab Angelo; *Itē, & perambulauit terram*, nō in finitimas solū, sed in remotissimas etiam regiones erumperēt. Occupauerunt enim Asiā, Europā, atque Aphricā, neque exiguam, neque ignobilem partem.

24. Neque longè erraret ab optima coniectura, qui crederet hanc Prophetiam ad Hispanos quoque pertinere, qui ex Gothico sanguine bona ex partē, & genus deriuant, & gloriam. Hi enim propter maiorum suorum bellicam virtutem ab Imperio Romano iam olim diuisi sunt, cui aliquando ante Gothorum tempora seruiuerant. Hi supra omnium gentium virtutem, & audaciam, in dō supra omnem historicam fidē transmissio felici classe ad Orrum, atque Occasum Oceano, non solū longissimis spatiis diffitas prouincias nauigatione, atque oculis, sed etiam victoriis ad miraculum vsque illustribus obierunt. Neque hoc de Hispanis cogitare, ac dicere audacis est ingenij; quando viri docti non pauci in extremis verbis Abdiæ, & Isai. cap. 18. in transmarinas regiones Hispanorum ingressum prædictum esse putant, in quibus est Legionensis, & Montanus, & Rebellus noster libr. 18. quæst. 23. Sed vt hoc communiter, & meritò ab aliis improbatur, sic puto hoc, etsi parum certum, magis tamen ad

24. Verisimile est in robustissimis intelligi Hispanos.

ad rei ipsius veritatem accedere.

25.

Requiescere fecerunt spiritum meum in terra Aquilonis.] Agit hîc de Persarum Imperio contra Babylonem missio. Et cum *spiritus* multa significet; hîc tamen vt Lxx. interpretantur, & nos cap. 5. diximus, furorem significat, hoc sensu: immisissis Persis, remque Babylonicam latè vastantibus explebitur, & saturabitur furor meus, quem iam antea grauiter imbiberam in Chaldaeos, qui populum meum durius vexauerunt, quàm ego præceperam, iuxta ea, quæ diximus cap. 1. *Ira magna ego irascor super gentes opulentas; quia ego iratus sum parum, ipsi verò adiuuerunt in malum.* Ita exposuit Cyrillus; & est metaphora ab iratis petita, quorû animus dum furit, feruet, atque æstuat, & nunc se huc, nunc illuc incessanter rapit. Cum autem expleuit se vindicta, quemadmodum si mari inducta esset tranquillitas, deferuescit, confidet, & quiescit. Vide quæ diximus in illud *Isai. 1. Hec cõsolabor super hostibus meis*

26.

Aliam expositionem adducit Hieronymus ex Hebræorum sententia, qui hîc spiritum prophetalem accipiunt in hanc sententiam: Requiescere fecerunt spiritum meum prophetalem super Chaldaeos, cum iam sint deleti. Nam ante hoc tempus vrgebat Babylonios Deus frequentibus vaticiniis, à quibus nunc dicit esse cessandum. Et quidem spiritum pro dono prophetico sumi constat Micheæ 2. *Vtinam non essem vir habens spiritum, sed mendacium potius loquerer;* id est, vtinam in hoc non essem verus Propheta. Sed placet magis prior expositio. Hæc tamen ad sensum moralem optima, quæ indicat Deum quasi iam defessum admonendo Chaldaeos, velle requiescere ab eo labore frustra suscepto. Quo supplicio sanè grauissi-

Spiritus pro dono Prophetiz Mich. c. 2.

Diuini furoris signum verbum subtrahere.

mo vlscisci vult populi sui vexationem crudelem, & tot irritas admonitiones. Hoc idem minatus est per Zachariam suprâ cap. 1. dum dicit; *Conuertimini de viis vestris, &c. Propheta nunquid in sempiternum viuens?* Væ peccatori vbi ab admonendo diuinus quieuerit spiritus. Vide quæ diximus ad illud Cant. 5. *Dilectus meus misit manum suam per foramen.*

Sume à transmigratione ab Holdai, & Tobia.] Sicut Daniel cap. 2. & 7. vbi egisset de quatuor Imperiis, sermonem transtulit ad æternum Christi Regnum: sic nunc Zacharias de Christi Regno inducit vaticinium, sic tamen obscure, vt Hieronymus proposita difficultate deterritus in Prologo secundæ partis huius Prophetæ (nam hîc & librum diuidit, & Commentaria) sic dicat eleganter, & vt aliquando solet in senili ætate iuuenescenti ingenio. *Ab obscuris ad obscura transimus, & cum Moyse ingredimur in nubem, & caliginem; abyssus abyssum inuocat in voce cataractarum Dei, & gyrans gyrando vadit spiritus, & in circulos suos reuertitur. Labyrinthos patimur errores, & Christi caca regimus filo vestigia.* Adsit vtinâ Deus, quæ iam in nostro Propheta propius intuemur, dum eundem cum Hieronymo labyrinthum ingredimur.

27.

Sume à transmigratione ab Holdai, & Tobia, & ab Idaia, & venies tu in die illa, & intrabis domum Iosie filij Sophonia, qui venerunt de Babylone.] Constat ex lib. 1. Esdræ cap. 1. & 2. plurimum auri, atque argenti oblatum esse ad ornatum instructumque templi ab his, qui in patriam ex captiuitate redierunt. Et licet nihil ea de re ex Scriptura certum habeamus, est tamen probabile, ea omnia munera alicuius viri, cuius esset explorata probitas, & fides, custodia esse

28.

cōmissa. Ille verò videtur fuisse Iosias filius Sophonia, qui, sicut ex sententia Hebræorum refert Hieronymus, fuit ædituus, & custos templi. Cyrillus verò putat statutū esse gazophylacium à Iudæis, qui è Babylone venerunt, vbi pro templi instructu dona seruarentur, & eius custodiam esse creditam Iosia fidei. Iubet ergo Deus Zacharia, vt ex Iosia domo sumat aurum, & argentū quod oblatum est ab Holdai, & Tobia, &c. qui è Babylonia remearunt, siue tunc primū, siue multo antè cum Zorobabel; & ex eis coronas conflet, quas in capite ponat Iesu Sacerdotis. Litera valdè confusa, atque implexa est, quam sic ordinat Hieronymus. *Sume tibi ab Holdai, & à Tobia, & ab Idaia qui venerunt ex Babylone: & sumes ab eis, quæ offeruntur munera, aurum, & argentum, & intrabis in domum Sophonia, & ibi facies, &c.* Ego quidem non dubitarem illud, qui venerunt, accommodare Iosia, & eius patri Sophonia, quia, vt verba disponit Hieronymus, longum est, & durum hyperbaton; neque quicquam est, quod nos cogat aliter accipere. Elidr. lib. 2. c. vlt. mētio fit cuiusdam Tobia, apud quem publica gaza, & sacra seruabatur.

29. *Et facies coronas.*] Hebræi quidam ex antiquis, vt refert Hieronymus, & ex iunioribus R. David, & nonnulli etiam ex nostris existimāt duas coronas fieri iuberi, alteram Iesu Sacerdoti, alteram Duci Zorobabel. Sed est communis omnium antiquorum, recentiorūque sentētia, vnum Iesum duabus coronis fuisse coronatū, vt Seruatorem Sacerdotem, & Regem, Pontificia, ac Regia corona figuraret. Neque durum videri debet, si caput vnum gemino diademate onerari videatur potius, quàm ornari: quandoquidem

neceffe non est simul vtrūque gestare: sicut in Imperatoria inauguratione triplicem diuersis temporibus coronam accipit Imperator, ferream, argenteam, auream. Neque si eodem gestaret tempore, quicquam esset incommodi, cum in Pontifice Christi vicario triplici diademate thiara resplendeat. Scio nonnullos legere *coronam* in singulari; in quibus sunt Lxx. paulo inferius, vbi nos habemus, & *coronarentur Helem*; & Chaldaeus hīc. Et indicat Hieronymus in Commentariis dum dicit. *Iubetur autem Propheta, vt postquam coronas imposuerit, seu coronam super caput Iesu, &c.* Induxit, credo, hos Interpretes, quia coronis in numero multitudinis adiungitur verbum singulare erit, וְהָיָה עִטָּתוֹ וְהָיָה *veha atoroth tihieh*, id est, & corona erit. Sed satis est notum apud Hebræos nomini plurali verbum adiungi solere singulare; sicut apud Græcos.

Et ecce vir Oriens nomen eius.] 30. *Oriens pro germine.* Ponitur hīc relatiuum *eius* sine antecedenti, quod præcesserit. Quod genus quoddam est aposiopēsis, de quo pluribus egimus in Commentariis nostris super Cantica ad illud cap. 1. *Osculetur me osculo oris sui.* In quo nīrifica quædam epitalis est, & significatio animi in alta quadam cogitatione suspensi. *De Orientis* nomine satis multa suprā cap. 3. quod *Germē* significare diximus, & sine dubio de Christo intelligendum. Neq; obscure indicat Propheta cum rationem reddit, cur geminam coronam Iesu Sacerdoti dederit; quia nimirū Iesum Sacerdotē summum, & æternum, qui Rex etiā futurus erat, adumbrabat. Quidā in Oriente aut *Germine* Zorobabelem intelligunt, & illi è duabus alteram coronam accommodant. Ita nonnulli ex He-

Typus
Christi in
duabus
coronis
u.

brais, quos sequitur Theodoretus. Sed communis est Patrum sententia, & multorum ex Hebræis, quibus accedit Chaldæus, sermonem hîc esse de Messia. Neque nomen *Oriētis*, aut *Germinis* satis aptum est Zorobabeli, & quæ sequuntur omnia, non illi valdè consentanea.

31.

Et subter eum orietur.] Heb. de sub se. aut de sub illo: nam utrūque valet affixū *Vau*. Pro *orietur*, Heb. est *צמח* *ysmach*, id est, *germinabit*. Quod siue actiue sumas, seu passiue, optimè cadit in Christum. Passiue quidē iuxta sententiam Hebræorū, vt refert Hieronymus, qui à se conuertunt in hūc sensum. *Ex se repente succrescet; & ex radice sua in similitudinem germinis pullulabit;* id est, habebit à se ipso vt crescat, & non ab aliena virtute. Actiue verò in hanc sententiā. *Producat ex se ramos innumeros, & tanquā stirps nobilis quoquoersus diffundet.* Iuxta illud Ioan. 15. *Ego sum vitis, vos palmites.* Et idem sensus erit, si sub illo interpretêre, vt vult, & exponit Hieronymus. *Subter eum orietur multitudo credentium, & edificabitur Ecclesia.*

32.

Iesus Sacerdos
ymbra Iesu
Seruatoris.

Alius sese mihi sensus offert, quem nemini persuadeo, tantū aliorum iudicio examinandum relinquo. Sub illo Iesu Sacerdote orietur alius Iesus Seruator, qua ratione aliquid, quod sub vmbra latuerat, in lucem prodire dicitur. Cū ergo Iesus hic Sacerdos multis modis figura sit, atque vmbra Christi, Christus ab hoc adumbratus prodibit aliquando gemina redimitus corona; sicut hic Sacerdos, qui hoc loco, si vnquam, Christi typus fuit. Nam cū ante hæc tempora Rex esset à Sacerdote diuersus, à captiuitate tamen duæ istæ dignitates, ac tituli in vnam personam coierunt. Neque vnquam inter Hebræos à captiuitate, nisi ex-

tremis eius Reipublicæ temporibus, Regium nomen auditum est. Sanè in historia Iudith de Regenih; de Sacerdote verò Maximo multa, cui cap. 4. Regiæ partes, & Imperatoriæ datæ sunt. Nam Eliachim Sacerdos, qui cap. 15. Iôachim appellatur; *Scriptis ad vniuersos per quos via transiit esse poterat, vt obtineret ascensus montium, per quos via esse poterat ad Ierusalem: & illic custodirent, vbi angustum iter esse poterat inter montes.* Et fecerunt filij Israël secundum quod constituerat eis Sacerdos Domini Eliachim. Arqui istæ Regiæ partes sunt. Probat hoc historia Machabæorum, vbi quidam Sacerdotes, & Duces esse dicuntur. Mathathias libr. 1. cap. 2. Ionathas cap. 12. Simon cap. 13. Quod verò de hac vmbra Iesu Sacerdotis id est, ad huius exemplar, & typum Christus exierit, probant ea, quæ sequuntur. Nam quod fecit Iesus Sacerdos typicè, idem altiori quodammodo verè fecit Iesus Seruator. Vnde additur.

Et edificabit templum Domini, & ipse extruet templum Domino.] In hoc similis erit Christus Iesu Sacerdoti, quia sicut alter templum Domino, sic alter supra firmā petram templū aliud illustrius, contra quod non præualebunt portæ inferi; Domino item ædificabit. Repetitur autem bis eadem sententia iuxta Hebræorum consuetudinem, ad significandam maiorem vaticinij certitudinem. Iuxta ea, quæ diximus Cant. 6. num. 7. *Quam regulam tradit Hieronymus in illud Iob. 3. & quod verebar, accidit: & Aug. Psalm. 74. prope initium. Nisi mauis, quod mihi valdè videtur verisimile, alteram partem ad Iesum Sacerdotem, alteram ad Seruatorem referri in hanc sententiam. Sicut Iesus Sacerdos*

Regia dignitas cū
sacerdotali coniuncta.

33.

ædi

edificabit templum, ita Christus. ubi satis ostenditur quemadmodum à Iesu Sacerdote Seruator prodierit. Siletur autem Hebræorū more nota similitudinis; quam si addideris, nihil erit clarius.

Et ipse portabit gloriam.] Id est, coronā gloriosam, iuxta illud Psal. 20. *Posuisti in capite eius coronam de lapide pretioso.* Ecce hic Iesus Sacerdos coronatus quomodo Iesum Seruatorem adumbrat.

34.
Christus
Rex, &
Sacerdos.

Et sedebit, & dominabitur super folio suo, & erit Sacerdos super folio suo.] Christus verus Rex fuit. Psal. 2. *Ego autem constitutus sum Rex.* & Lucæ. 1. *& dabit ei Dominus sedem David.* Item Sacerdos. Psal. 109. *Tu es Sacerdos in æternum.* Ex his fit verisimile, summam potestatem eo tempore fuisse penes Iesum Sacerdotem; vt omnino Christum adumbraret: Zorobabelem autem fuisse ipsius administrum ad opus templi, resque alias grauioris negotij. Atque ideo cap. 3. vidimus sumpsisse cydarim, & vestimenta gloriæ, & nunc coronas geminas. De Zorobabele nihil vidimus, nisi fuisse in eius manu lapidē stanneum, & posuisse primum lapidem in templo instaurando, & impositurum esse postremum. Quod non est summæ potestatis negotiū, sed eius cui à potestate summa id negotij datum est. Sed, vt Zorobabel Rex fuerit, certè eius posterī non fuerunt: imò, vt tradunt Hebræi in Seder Holam, Zorobabel edificato templo in Babyloniam rediit, vbi mortuus est. Ab eo tempore constans, & illustris est Sacerdotum successio tum apud Esdram lib. 2. cap. 12. tum apud scriptores alios. Neque in fastis, aut ordine temporum Zorobabelis posterī nominantur, sed Sacerdotū. Vide Genebrar-

Quæ po-
testas in
Zoroba-
bel.

dum in Chronologio anno; 6; 8. Abul. in cap. 6. q. 8. lib. 1. Paralip. 10. sephum lib. 11. Ant. c. 4. qui dicunt à captiuitate potestatem summam fuisse in Pontificibus.

Et consilium pacis erit inter illos duos.] Fuerant autē sæpe controuersie inter Reges, & Sacerdotes, aded vt vexati sæpe fuerint, imò & occisi Pontifices à Regibus, vt liquet in Achimelec, quem occidit Saül, & in Zacharia, quem occidit Ioas in atrio domus Domini. 2. Paralip. 24. Ait ergo Dominus futuram esse pacem inter illos duos, non quidem inter duas personas, sed inter duos Magistratus, seu dignitates personarum. Quia deinceps si non omnino in Iesu Sacerdote, quia de Zorobabele multi dubitant; at in eius posteris item Sacerdotibus hærebit vterque titulus. Quare duæ coronæ, postquam Sacerdotis caput attrigerint, iubentur deponi, & ad templū transferri, quia in tēplo habitaturæ sunt, id est, in domo Sacerdotis. Ac si dicat; qui templo præerit Regia, ac Pontificia corona ornato, præerit etiam Regno. Hæc mihi satis verisimiliter videntur dici posse.

35.
Potestas
Regia diu
perseuer-
auit in
Sacerdo-
tibus.

Quidam illos, inter quos futura dicitur esse pax, Deum intelligunt, & homines, quia Christus Sacerdos, & mediator peccatores cum Deo conciliabit. Alij duos populos Iudaicum, & Gentilem hactenus inimicos, vniendos esse dicunt angulari lapide. Sed vtræque explicatio ideo difficilis est, quia nihil videtur præcessisse, quod ad homines peccatores, seu duos populos pertineat, ad quod referri possit illud, *inter illos duos.*

Melius fortasse coniectarent iuxta ea, quæ suprā numer. 32. dicebamus, qui consilium pacis futurum

37.

esse diceret inter Iesum Sacerdotem, & Iesum Seruatorem; quia magna erit inter vtrumque, id est, inter figuram, & veritatem consensio. Impleuit enim verè Christus omnia, quæ obscure Sacerdos ille figurabat: nam vt ille post squallorem, & sordes stolam accepit mundam, & cydarium gloriæ; templum construxit, amplexus est dignitatem Pontificiam, & Regiam, sic Christus his tot umbris, & symbolis verè respondit. Et hoc est pacem esse inter duos, id est, consensionem, qualis est inter exemplar, & id, quod ab exemplari expressum est.

38.

Et corona erunt Helem, & Tobia, & Idaia, & Hen filio Sophonia, memoriale in templo Domini.] Vbi Sacerdos summus gemina corona redimitus, & gemino etiam honore, ac titulo inauguratus fuerit, iubet Deus vt detractæ coronæ in illustri aliquo templi loco reponantur; vt extet propositum aliquod monumentum eorum, quorum ex pietate, ac liberalitate conflata sunt. Contulerunt, credo, isti syncerè, atque ex animo dona aurea, atque argentea, & ideo illa præ cæteris eligit Deus, vt sint non solum Sacerdoti, ac Regi, sed sibi etiam ornamentum, & insigne. Porro obseruandum est illud *Helem, & Tobia, &c.* esse in datiuo, vt probat *Lamed* præfixum: quia coronæ illæ in templo suspensæ id agunt ex Dei instituto, vt recentem semper tueantur apud posteros memoriam eorum, qui obtulerunt.

39.

Hebræi, vt sunt ingenio ad fingendum audaci, hos viros quorum liberalitate conflata sunt coronæ, Daniele esse fabulantur, & tres alios pueros, qui in Bablyonicam fornacem coniecti sunt; coniecturasque adducunt omnino fuitiles, quas hîc adducit Hieronymus. Sed

sanè si isti à transmigratione vnquã essent reuersi, non tacuisset Esdras, qui aliorum meminit longè inferioris notæ. Neq; est admodum verisimile, eos ad hoc vsque tempus produxisse vitam: essent enim propè centenarij, quia à principio captiuitatis ad annum secundû Darij plures quàm octoginta anni intercesserunt. Sed tres illi pueri abducti sunt in principio transmigrationis, vt constat Daniel. c. i. aetate, vt verisimile est, non infantili, sed ætas centenarij eo sæculo perquam rara. Accedit quodd, vt tradit Isidorus de vita, & morte Sanctorum Veteris Test. & Martyrologium Romanum die decimosexto Decembris, sepulti sunt tres illi pueri in Babylonia, quod sanè non contigisset si cû aliis fuissent in patriam reuersi.

Hîc porro obseruandum, variari nomina, vt cû Hieronymo sentiunt omnes pene Interpretes. Nam qui prius vocatus est Holdai, nunc dicitur Helem: & qui antea Iosias, nunc Hen. Quare dicendum est, eos fuisse binomines. Cur verò tam breui spatio mutata sint nomina, ea ratio ab omnibus communiter affertur, quia quæ secundo loco ponuntur nomina, paucioribus constant literis, atque adeò commodius incidere possunt in coronis, & expressius, & non decurtata. Sed certè ratio hæc levis est, & duarum, triûve literarum detractio non laxabat coronarum spatia. Et sanè alterum nomen eam ob causam mutari non debuit: neque enim, vt patet, plus spatij occuparet vox prior *חולדאי* *choldai*, quàm posterior *חלם* *chelem*, Potius ergo existimo voluisse Dominum, quæ est in suis liberalitate, extrare memoriâ illustrem, & omnibus propositam horû virorû. Cû verò duo haberet nomina, eaque non omnibus nota,

quia

40.
Reg.
Nomina
variatiua
dem ho-
minis, &
sepe di-
uerforum
idiomata.

Deus suor
rum ho-
norator.

quia alia fortasse nota Chaldaïs, apud quos diu vixerant, & à quibus acceperant, alia Hebræis, scilicet gentilitia, & patria, voluit Deus tam Hebræis, quàm Chaldaïs constare illorum hominum pietatem, & religionem. Quare existimo vsque adeò Deum superioribus literas detrahere noluisse, vt maluerit potius vtrūque nomen esse calatum. Quòd verò multi, qui in captiuitate vixerant, aut qui Regi Babylonis aliqua ratione seruiērāt, duo nomina habuerint, alterum ab Hebræis parentibus, alterum à Chaldaïs dominis, docēt primū tres pueri, quibus Nabuchodonosor nomina indidit Chaldaica. Dan. cap. 1. & qui prius dicebatur Mathanias, vbi ab eodem Nabuchodonosor Rex est constitutus, mutato nomine vocatus est Sedecias. 4. Reg. 24. quod etiam in Testamento Nouo reperitur, vt aliquis duo habeat nomina à diuersis nationibus imposita. Nam qui Heb. Iudas dicitur, & Lebbæus, idem Chaldaicè Thaddæus appellatur, & qui Græcè Didymus, idem Hebraicè vocatur Thomas. Deinde quò res sit aliqua notior, cum duo sunt, aut plura nomina, ea in opere aliquo egregio, aut monumento incidi solent, vt ex omnibus pene antiquorum inscriptionibus constat. In his ergo monumentis apparere voluit Deus omnia nomina, quibus homines isti erāt omnibus gētibus noti. Et sanè in historia sacra ita fit plerunque, & quidē hoc ipso tēpore. Esdræ cap. 4. duo nomina Regis Chaldaeorū exprimuntur, Assuerus, & Artaxerxes; & Esther cap. 2. vtrumque Reginae nomen adhibetur Edissa, & Esther, & Daniel sæpe Daniel simul, & Balthasar dicitur, & Simon Petrus, & Thomas Didymus, & Tabitha Dorcæ, & alter Simon Chananæus, &

Zelotes nominatur. Quod ergo in Scriptura frequenter, atque in humana gloriæ monumentis plerumque fit, in aliis monumentis, vbi æterna quæritur memoria, nō fieret?

In his nominibus, quæ in coronis notantur, aliquid videtur latere mysterij. Nam, vt Hieronymus explicat, *Holdai* est deprecatio Domini: *Tobia*, bonum Domini, seu placens Domino; *Idaia*, notus Domini, *Helem*, somnium; *Hen*, gratia. Eis igitur, qui ad Dominum accedunt, & deprecantur, & qui Deo placent, atque eo nomine Deo cogniti tanquam eidem grati, ac supplices, datur *Hen*, id est, gratia, & dona, quæ gratiæ nomine significantur, & *Helem*, id est, somnium, hoc est, sponsa deliciae, ac quies in Domini complexu ac sinu. Notum est enim solenne esse in Hebræorum nuptiis, vt sponsa dormiens inducatur in sponsi sinu, vt plurimis ostendimus in Commentariis nostris in Cantica. Per *somnium* autem blanda quædam, & mollis indulgentia significatur.

Sed est optima, maximèque moralis expositio Hieronymi. Nam coronæ istæ sunt ab iis, qui è Babylonia reuersi sunt in Ierusalem, id est, ab iis, qui per pœnitentiam à peccatorum sordibus emerferunt, & imponuntur capiti Iesu Sacerdotis, qui Christi typus est. Ait ergo Hieronymus. *Quia nobis proficientibus, & reuersis ad meliora, per singulas virtutes nostras Dominus coronatur, imò nobis virtute pœnitentia coronatis Saluator in singulis coronam accipit.* Mira sanè commendatio pœnitentia, quæ non solum pœnitentem, sed etiam Christum gloriosè coronat. Quemadmodum si studio, atque opera Iesu filij Iosedech plurimi laxata captiuitate in patriam redissent, gloriosum esset illi, & instar coronæ; sic quia

41.

42.
Iusti sunt
gloria, &
corona
Christi
quando à
peccato
resipi-
scunt.

quia per Christum homines consecuti sunt, ut ab iis, quibus tenebantur vinculis, soluti aditum habeant expeditum in cœlum, quicunque beneficio Christi per pœnitentiam captiui esse desint, coronam constat Christo multo splendidiorē, quā Holdai, & Tobias. Sanè hos, quos Euangelij luce lustrat Paulus, coronam sibi esse prædicat ad Philip.

4. *Gaudium meum, & corona mea.* Placent sanè plurimū eorum dona, qui ē Babylonia, id est, ē peccatorū vinculis exierunt, quando illa Deus suæ inſculpuit coronæ, testimoniōque publico faretur se illis coronari.

43. Templum Solymitanum, Ecclesiæ typus, cum fabrica, tū concurrunt.

Et qui procul sunt, venient, & adificabunt in templo Domini.] Proponit prius typū, quia ad templi fabricam plurimi cōuenient ex gentibus; deinde veritatē: quia eodē modo postea factus est gentium ad Ecclesiam concursus. Accedent itaque Gentes ad Iudæorum religionem, venientque ad templum à Iesu Sacerdote constructum, quia ex hoc tempore multi fuēre proſelyti, ut in Actis diximus cap. 2. Sed hoc multo magis impletum est in templo à Christo constructo, cuius Hierosolymitanū typus erat, Venient sanè qui procul sunt, vbi Christus iuxta huius templi formam, seu vmbra aliud extruxerit longè nobilius, in quo ipsi quoque adificabuntur facti viui lapides, superædificati super angularem lapidem. Ad quem locum alluisse viderur Paulus ad Epes. cap. 2. *Nunc autem in Christo Iesu vos, qui aliquando eratis longè, facti estis propè in sanguine Christi; ipse enim est pax nostra, qui fecit utraque vnum.*

44. Qui i eterni ad templi fabricam contulerunt.

Et adificabunt in templo Domini.] Hoc templum, ut dixi, typus est Ecclesiæ, sicut Iesus Sacerdos, qui illud cum Zorobabele construxit, typus

est Christi. Atque ideo existimo in templo Hierosolymitano accidisse, quod splendidius in Ecclesia postea. Nunc videndum quomodo qui procul sunt, & situ, & animo à Iudæorū consiliis, auxilium illis præstent ad templi fabricam: nam id vnum adduxit nonnullos ut existimarent hinc nullo modo sermonem esse de templo terrestri. Mihi certum est accidisse hoc non in Ecclesia solū, sed in eius vmbra. Nam qui, dum hæc à Zacharia dicebantur, alieniori erant animo à Iudæis, statim agente Deo ita sunt à se ipsis mutati, ut non solum facultatem fecerint Iudæis interruptum opus pertexendi, sed etiā ex arario Regio tantum decreuerint pecuniarum, quantum exigeret operosa illa templi moles. Darius enim 1. Esdræ cap. 6. vbi confirmauit Cyri decretum, quod ab Artaxerxe, qui Cambyſes esse creditur, sublatum fuerat, sic ait ad præpositos, qui sunt trans flumen. *A me præceptum est, ut de arca Regis, id est, de tributis, quæ dantur de regione trans flumen, studiose sumptus dentur viris illis (Iesu, & Zorobabeli) ne impediatur opus.* Deinde iubet ut dentur victimæ, & quæ in templo iuxta legem offerri solent. Quod ita decreuit auidè, ut ad extremum adiecerit: *A me ergo positum est decretum, ut omnis homo qui hanc mutauerit infestorem, tollatur lignum de domo ipsius, & erigatur, & configatur in eo: domus autem eius publicetur.* Et ibid. cap. 7: Artaxerxes non minori studio, ac liberalitate præcepit ut præfecti trans flumen de thesauro Regis expendere, quantumcumque necesse esset ad domum Dei: & præfecti iidē, qui ad Darium, & Artaxerxem scripserant de impedienda templi, murorumque fabrica executi Regium imperium, necessaria contulerunt ad illam

illam absoluendam. Adde quòd 2. Esdræ c. 9. multi ex alienigenis dicuntur esse cum filiis Israël in ciuitate. Ecce qui proculerant, id est, qui maxinè oderant Iudæorū nomen, nunc omnium studiosissimè illorum consiliis, atque incèptis fauent. Hoc idem mihi persuadet, vt de templo Solymitano accipiam id, quod mox additur.

45.

Et scietis quia Dominus exercituum misit me ad vos.] Suam propheticam fidem probare vult Zacharias certo signo, quod neque vulgare esse oportuit, neque expectatum diu: alioqui quomodo ex re facili, ac prona alij crederent Spiritu diuino hæc oracula à Zacharia fundi? Est autem magnum, neque expectatum signum, Principem externum sic in populū ærumnosum, contra quem à suis Ducibus, & Præfectis quotidie perfidiæ, atque insidiarum noua consilia audiebat, affectum iri, vt non solū ædificandi copiam, sed etiam ad ædificandum sumptus liberaliter dederit. Hoc signum dat, quod quia eo spectat, vt se esse Prophetam à Deo missum probet, necesse est, vt signa proxima sint, & quæ breui, qui aderant, essent visuri. Sed quis illorum ad quos hoc Zachariæ vaticinium datum est, Ecclesiam vidit ab his, qui procul essent, ædificari, vt ex eo signo discerent afflatum à Deo Zachariam; cū ante 500. annos Ecclesiæ nomen non nisi in figura, ac typo auditum sit? Agit ergo Zacharias hîc de templo Solymitano, sed in vmbra, vt dixi, in quo adumbrat Ecclesiam. Et ex hoc signo, quod iam iam expectatur ex Regis Persarum beneuolentia, probat certum futurum, quod de Ecclesia longè pòst futurum vaticinatur.

G. Sanctij Comm. in Zachar.

Quam uerò externi populi copiosè, atque auidè ad Ecclesiam concurrerint, vt à Christiana Religione quondam alienissimi illam postea sua voce, & scriptis, ac etiam sanguine ædificauerint, non est huius loci recensere. Probant Paulus, & Augustinus, qui priùs infensi Ecclesiæ hostes, postea uerò illius constantissimi propugnatores extiterunt. De hac gentium conuersione, atque frequentia multa occurrūt in Prophetis, & Psalmis, & sub eadem metaphora construendæ domus. Est egregius locus apud Isaiam cap. 60. qui cū de insulis, remotissimisq; locis egisset, ait; *Ædificabunt filij peregrinorum muros nostros, & Reges eorum ministrabunt ibi.* Qui sanè locus optimè cum hoc nostro colludit.

Erit autem hoc si auditu audieritis.]

46.

Nota est phrasis Hebræorum, qui repetita eadem voce, aut eius coniugato certitudinem, aut perfectionem rerum significant. Hoc itaque loco promittit Propheta futurum, vt externi homines non modò non impedian templi fabricam; sed etiam promoueant, dummodò ipsi ita audiant præcepta Domini, vt etiam impleant. Quod verum esse puto, quoad illam partem, quæ est de signo antèproposito peregrini auxilij: nam quoad illud aliud templum nobilius, non est cur existimemus impeditum iri Iudæis diuino præcepto non obsequentibus. Neque uerò obsecuti sunt, vt Christus illis sæpius obiecit: non tamen ideo non est ædificata, & innumera Gentium multitudine amplificata Ecclesia. Agit ergo de obediētia illorum, qui tunc aderant, & de externo auxilio, quod propediem adfuturum esse vaticinabatur. Ne-

Ecclesiā defendūt, & ornāt, qui priùs eide fuerant infensi.

Promissio hæc non de Ecclesiæ fundatione, sed de externo auxilio.

que enim tam antiqua ac liberalis promissio de Christo venturo pendere debuit à Iudæorum fide, vel obedientia, vel propter illorum peccata reuocari, qui ideo descendit, vt hominum peccata deleat. Ex quo fit verisimile hîc non tam de Ecclesia, quàm de Solymitano templo sermonem esse.

47. Dicunt aliqui, in quibus est Ribera, & Stunica, prædici hîc Iudæis à Propheta, non fore Ecclesiæ participes nisi diuinis mandatis audiētes fuerint; sed illis prætermiſſis vocandas esse Gentes. At non vi-


deo vnde hæc colligant: nam tantum dixerat Propheta; *Et qui procul sunt, venient*: & deinde subdit; *Eris autem hoc si auditu audieritis*. Vnde contrarium videbatur esse colligendum, quàm ipsi colligunt; nempe, si auditu audieritis, veniēt qui procul sunt; & vos excludemini. Quo quid alienius, vel à veritate, vel à textu? Quare magis expeditum, ac promptum est, si dicas: si auditu audieritis, venient externi, qui vobis in extruendo templo adiutores sint.

ARGV

ARGVMENTVM

SEPTIMI CAPITIS

ZACHARIÆ.



Cum legatio mitteretur à Iudaïs qui procul aberant à Ierusalem, ut discerent an instaurato templo seruandum esset ieiunium, quod propter illius incendium voto concepissent; respondit Deus, illa ieiunia, quæ per totos 70. annos constanter seruauere, sibi grata non fuisse: quia alia interim ab ipsis admittebantur, quæ non poterant esse non ingrata. Quæ cum sæpe olim per Prophetas parentibus commendasset, illique contra diuina monita penitus obduruissent, grauius quadam incõmoda pertrulerunt, qualia posteris etiam minatur, si parentum vestigiis barere perseuerent.

CAPVT VII.

PARAPHRASIS.

1 **E**T factum est in anno quarto Darij Regis, factum est verbum Domini ad Zachariam in quarta mēsis noni, qui est Casleu.
2 Et miserunt ad domum Dei Sarasar, & Rogom Melech, & viri, qui erant cum eo, ad deprecandam faciem Domini. **3** Ut dicerent Sacerdotibus domus Domini exercituum, & Prophetis, loquentes; Nun-

1 **A**NNO quarto Darij Histaspis Regis Persarum, secundo anno post primam visionem, quarta die mensis noni, qui dicitur Casleu. **2** Sarasar, & Rogo Melech, & qui cum eo erant, miserunt nuncios in Ierusalem, ut adorarent ibi Dominum. **3** Et Sacerdotes Domini, atque Prophetas interrogarent, an seruandum esset mense quinto ieiunium, quod post templi incendium publico voto ipsis esset indictum: vel statuta, atque solenni forma deinceps adhibendum

esset illud sanctificationis genus quod iam à multis annis solitum esset obiri.

4 Tunc ergo Dominus sic ad Zachariam locutus est.

5 Loquere iam ad omnem populū terræ & ad Sacerdotes meo nomine; dicens, eos cū ieiunarent, ac plangerēt solenni ritu, aut quinto mense pro tēpti incendio, aut septimo pro cæde Godolē totos 70. annos, ad illud nempe tempus, quo missa est legatio, sibi potius, quàm mihi ieiunasse. 6 Et similiter cū comederent, & biberent, bibisse sibi, & comedis- se, non mihi. Neque enim tam curabant quid esset mihi gratum, quàm sua sibi infortunia, & solitudinem lamentabantur.

7 Neque nunc primū audiunt quid Dominus de eorum planctu, atque ieiunio sentiat. Iam enim dudum hæc eadē per Prophetas priores denunciata sunt ad eorum parētes, cū adhuc Ierusalem nihil esset passa ab hoste Chaldaeo; sed esset florens opibus, & ciuibus frequens; & omnes ciuitates eius in circuitu, quā ad Austrum, & quā ad campestria pacatē, & sine bellorum metu habitarentur.

8 Deinde docuit me Dominus

quid flendum est mihi in quinto mense, vel sanctificare me debeo, sicut iam feci multis annis?

4 Et factum est verbum Domini exercituum ad me, dicens.

5 Loquere ad omnem populū terræ, & ad Sacerdotes, dicens: Cū ieiunaretis, & plangeretis in quinto, & septimo per hos 70. annos: nunquid ieiunium ieiunastis mihi? 6 Et cū comedistis, & bibistis; nunquid nō vobis comedistis, & vobismetipsis bibistis?

7 Nunquid non hæc sunt verba, quæ locutus est Dominus in manu Prophetarum priorum, cū adhuc Ierusalem habitaretur & esset opulenta, ipsa, & urbes in circuitu eius, & ad Austrū, & in campestribus habitaretur?

8 Et factum est verbum Domini,

mini ad Zachariam, dicens:

9 Hæc ait Dominus exercituum, dicens: Iudicium verum iudicate: & misericordiam, & miserationes facite unusquisque cum fratre suo.

10 Et viduam, & pupillum, & aduenam, & pauperem nolite calumniari: & malum vir fratri suo non cogitet in corde suo. 11 Et noluerunt attendere, & auerterunt scapulam recedentes: & aures suas aggrauauerunt ne audirent.

12 Et cor suum posuerunt ut adamantem, ne audirent legem, & verba, quæ misit Deus exercituum in Spiritu sancto per manum Prophetarum priorum: & facta est indignatio magna à Domino exercituum.

13 Et factum est sicut locutus sum, & sicut non audierunt, sic clamabunt, & non exaudiam, dicit Dominus exercituum.

nus 9 quid pro ieiunio, ac planctu, aut certè in ieiunio sibi maxime placeret. Iudicium nempe verum, neque largitate corruptum, neque priuata aliqua ratione inflexum; & misericordia ab vnoquoque erga fratres suscepta.

10 Et omnis calumnia, ac vis à vidua, pupillo, aduena, ac paupere longè sumnota: denique cogitatio, quæ nihil fratri suo meditatur mali. 11 Hæc inquit Dominus, ego parentibus vestris sæpe commendabam: sed ipsi neque aures ad mea verba, neque ad voluntatem meam animum aduertunt; sed cum fastidio, atque despectu tergum ad me conuertère recedentes, & ne audirent post tergum clamantem aures suas obturauerunt.

12 Atque adeò, ne legem audirent, aut verba, quæ meo afflati Spiritu Prophetæ ad illos loquebantur, cor suum adamantis in modum obdurarunt. Quare Deus contra illos grauiter indignatus est.

13 Idcirco suo magno merito id consecuti sunt, dum mandata mea, & monita impudenter eludunt, ut cum ipsi urgentibus malis ad me clamauerint, ego ad illorum clamores, & preces obsurdescam.

14 Dispersi igitur eos per ignotas, barbarasque nationes; & regionem desiderabilem adeò derelictam, & desertam reliquere, vt sylvarum in modum inhorruerit; eo quòd nemo sit non solum qui ad illam reuertatur, sed neque qui in transcurso videat.

14 Et dispersi eos per omnia Regna, quæ nesciunt: & terra desolata est ab eis, eo quòd non esset transiens, & reuertens: & posuerunt terram desiderabilem in desertum.

COMMENTARIJ IN CAP. VII. ZACHARIÆ PROPHETÆ.



I.



T factum est in anno quarto Darij Regis, factum est verbum Domini ad Zachariam in quarta mēsis noni, qui est Casleu.]

Duo anni intercessere inter hanc, & primam Prophetiam, quæ contigit anno secundo Darij. *Casleu* nomen est Chaldaicum, cui respondet noster Nouember. Quare errauit Paphrastēs Chaldaeus cum in cap. 11. Ecclesiastæ octauum mensem, id est, Octobrem vocauit *Casleu*, ad illa verba. *Da partem septem, nec non & octo.* vbi in septem septimum mensem intelligit *Tisri*, & in octo octauum, quem appellat *Casleu*; cum nonus sit, vt hinc constat; cum potius *Marchesuan* dicere debuisset.

2.

Ieiunia
Iudæis in-
dicta pro-
pter va-
rios euen-
tus,

Miserunt ad domum Dei Sarasar, & Regem Melech.] Ex quo Iudæi insigni accepta clade, & euerso templo captiui abducti sunt, extinctæ antiquæ gloriæ, & præsentis eruminae memores, indictis communi consensu ieiuniis ereptum sibi pristinum splendorem desebant, & præsentem calamitatem solabantur.

Exustum fuerat templum mense quinto, qui dicitur *Ab*, qui Iulius noster est. 4. Reg. vltimo; & ideo eodem mense, die nono ieiuniis suum dolorem, & pietatem testabantur. Eodem anno mense septimo *Tisri* occisus fuit *Godolias*, quem Rex Babylonis præposuerat his, qui reliqui fuerant ab exilio, & cæde. Et eo sublato aliis in Ægyptū, aliis aliò dilapsis, quod reliquum erat vrbs ab incendio, desertum est. Eius etiam calamitatis gratiâ septimo mense ieiunium indictum est. Hæc omnia constant ex Hebræorum Kalendario, qui in Babylonia remanserant, ij verò fuere quamplurimi; nam, vt docet Hieronymus in illud Ezech. cap. 9. *congregabo vos*, non redierunt in Ierusalem qui capti sunt cum *Sedecia*, & qui in Ægyptum abierunt, quod non obscure indicat Ierem. cap. 24. dum dicit eos, qui remanserant cum *Sedecia* in Ierusalem, & qui in Ægypto erant, consumendos fame, & ferro. Fuere præterea complures alij, qui deinde cum *Esdra*, atque *Nehemia* remi-

Mulci Iu-
dæorū in
Babylonia
relictis

remigrarunt. Illi ergo, qui adhuc erant in Babylonia, cum viderent templi fabricam sic vrgeri, vt iam nō longē esset à fastigio, meritō dubitant an à voto concepto, siue à recepta consuetudine ieiunandi soluti sint. Vel certē an liceat instaurata iam antiqua fortuna, & oblata mirifica gaudendi causa tristari: cum hoc eius sit potius, qui alterius felicitati inuidet, quā qui communi, ac suæ gratulatur. Rogant autem de ieiunio quinti mensis tantum, quia templum iam pene perfectum erat, cuius ob excidium ieiunij illius religio inducta fuerat.

3. Hic obseruandum aliter legere Lxx. aliter Hieronymum. Hieronymus habet; *Miserunt ad domum Dei Sarasar, & Regem Melech*, seu, *Rogom Melech*. Septuaginta verō; *& misit in Bethel Sarasar, & Arbath Sagar Rex*. Quos conciliare non leuis est negotij: sed dicendum imprimis, quod obseruauimus in illud Act. 7. *in septuaginta animabus*; esse quidem vera quædam, quæ dicunt Lxx. neque illa tradidisse sine instructu Spiritus sancti, quamuis non è textu Hebraico. Vide infra num. 10. & deinde.

Multa addita à Septuaginta, quæ licet in textu Hebraico non sint, verā tamē sunt.

4. Miratur Hieronymus, quod Lxx. transtulerint *Bethel*, cum eō mitti non potuerint legati, quia iam Bethel cum religione nomen quoque reliquerat. Nam quæ *Bethel* dicebatur olim, id est, *domus Dei*, postea vocata est *Bethauen*, id est, *domus idoli*. Sed hæc ratio non nimis premit versionem Lxx. nam sæpe contingit vt rei nomen accommodetur, quod iam antea mutatum fuerat. Dictum fuerat Iacob Gen. 32. *Nequaquam Iacob appellabitur nomen tuum; sed Israël*: & tamen post hæc sæpe vocatus est Iacob. Et Ierusalem, quæ dicta est ab *Ælio*

Reg. Nomen quod ablatum erat postea additur.

Adriano *Ælia*, plerunque meliori, ac notiori vocabulo vocatur Ierusalem: & in hoc ipso nomine *Bethel* vsu aliquando venit. Nam vt *Bethel* fuerit illa, quæ dicitur *Bethauen*, quod omnino certum non est, cum ante aureos vitulos tempore etiam Iosue nomen *Bethauen* audiat: tamen sapissime post illud tempus in Scriptura nomen *Bethel* auditur; imò multo post tempora Zachariæ in libris Machabæorum. Sed hoc loco neque de *Bethauen*, neque *Bethel* est sermo; sed de templo Domini, vt habet vulgaris. Neq; enim aliud sonat *Bethel* quā *domum Domini*. Est autem vsitatum apud Lxx. vt nomina Hebraica interdum relinquant, ita vt, quæ nomina sunt communia, sonum habeant, & formam propriorum. Cāt. 4. vbi vulgaris habet, *cum propugnaculis*; ipsi retinuerunt *Talpijorh*. Iudic. 5. vbi noster, *inter duos terminos*. Lxx. *mosphataim*: & suprà cap. 5. vbi noster, *milus*. Lxx. *Hasidab*. Quod etiam non rarō facit vulgaris, qui Psal. 67. pro vmbra, atque obscuritate posuit *Selmon*, pro locis confragosis, & præruptis tetinuit *Bether*. Cant. 2. & 8. & alia eiusdem generis plurima. Sic etiam pro domo Dei adhibuerunt Lxx. eiusdem significationis nomen Hebraicum *Bethel*.

Reg. Nomen commune peregrinū quod proprium videtur, pro eius significatione ponitur.

Hæc minùs difficilia, illud verò valdè difficile, quod in nominibus virorum, à quibus missa est legatio. tam parum conuenit inter Hieronymum, & Lxx. nam ille legit *Regem Melech*, vt in Commentariis indicat; & est in Heb. רֶגֶם *Regem*, tametsi iam in textu habeamus *Regem Melech*. At Lxx. legunt *Sagar Rex*. Hæc tanta vocum dissimilitudo mihi suspicionem mouit tempore Hieronymi, ac Lxx. aliquid fuisse varium in Hebraico textu: neque enim

5.

ex textu quem nunc habemus, & quem sine dubio Hieronymus habuit, talia nomina exprimere potuerit Lxx. Quod verò attinet ad *Regem Melech*, suspicabar, cum *Regem*, & *Melech* idem significant, alterum Latinè, alterum Hebraicè; Latinam vocem *Regem*, quæ explicatio est nominis Hebraici, claritatis gratiâ positam esse in margine, & deinde in textum irrepsisse notis Habraicis: aut certè ab Hieronymo cum nomine *Melech* explicationis gratiâ positam esse, quod alibi sæpe ab eodem Hieronymo, aliisque Scripturæ Interpretibus factum est. Adhibetur enim sæpe expositio nominis Hebraici, quod quia in textu originalis linguæ non reperitur, absque dubio Interpretis est; vt Gen. 35. de Benoni, *filius doloris*, de Benjamin, *filius dextera*, è textu non est, sed additum ab Interprete. Exod. 12. illud quod additur Phasæ, *transitus Domini*; & Exod. 16. post Manhu, *Quid est hoc?* addidit sine dubio Interpretes. Et facit huc quod ipse sermonis textus satis indicat, *Regem* non esse distinctum à *Melech*: dixisset enim aliàs *Sarasar*, & *Regem*, & *Melech*; non *Sarasar Regem Melech* sine coniunctione. Sed in eo etiam potuit esse deceptio, quia *Rex* in recto esse debuit, non *Regem* in obliquo, quia qui modò nominantur, non mittuntur, sed ipsi potiùs mittunt legatos. Hæc ego coniectabam in hac nominum perturbatione, neque mea mihi coniectura displicet. Nam licet videam apud Lxx. *Regem*, aut aliquid simile reperiri, nempe Rogom in aliquibus codicibus, vt in Complutensi, sed in emendatis à Sixto non est, neque in eo, quem habuerunt Hieronymus, Cyrillus, Theodoretus.

Reg.
Explicatio per-
grinoi no-
minis sæpe
ab Interpreti-
bus adhibetur
de suo.

6.

Quod attinet ad personas, à qui-

bus missa est illa legatio, Hebræi, vt refert Hieronymus, existimant esse Persas Darij Regis Duces: neque ipse aliquid aliud probat. Cyrillus legationem missam esse putat ab iis, qui Samariam habitabant, quique ab Assyriis in illum locum translati fuerant. Vtrumque videtur satis difficile: nam fuisse Iudæos, qui per legatos Sacerdotes, & Prophetas cōsulunt, & ipsa ratio docet, & data responsio. Neque Samaritæ ita erant Religione Iudæorum instituti, aut in eos animati, vt 70. annis toties repetito ieiunio eorum causa ieiunauerint. Quare verisimilius est legationem missam fuisse à Iudæis, vt putat Ribera, qui etiam addit missam ab eis, qui in Babylone remanserant. Quod etiam puto valdè probabile.

Sed fortasse improbabile non est legatos non tam ab his, qui erant apud Babylonios, quàm ab aliis, qui ab excidio Solymitano in Regiones finitimas dilapsi sedem ibi suam constituerant: nam remansisse plurimos satis ex Scriptura constat 4. Reg. cap. vlt. & clariùs Ieremiæ cap. 43. quibus præfectus fuit Godolias. Neque post eius cadem omnes fugerunt in Ægyptum, sed qui ex dispersione ad Godoliam fuerant reuersi. Sic enim Ieremias supra: *Tollens Iohannam filium Carec, & vniuersos Principes bellatorum vniuersos reliquiarum Iudæ, qui reuersi fuerant de cunctis gentibus ad quas fuerant ante dispersi, &c.* Ex quo colligitur non omnes Iudæos in Ægyptum abiisse, sed eos qui ex dispersione ad Godoliam se receperant. Non autem venisse omnes argumento est, quia occiso iam Godolia alij plures ad ipsum sese adiungebant, qui in ipso conatu ab Ichnæle interfecti sunt. Est autem verisimile complures alios, au-

7.
Legatio
viderur
missa ab
illis, qui
erant in
Palaestina
dispersi.

dita

dita Godoliæ cæde in suis se ciuitatibus continuiffe. Neque præterea omnes, qui in Ægyptum migrarunt à reditu in Iudæam prohibiti sunt; nam aliqui inde redierunt in Iudæa, vt Ieremias scribit c. 44. & Isaias c. 7. prædicit post vastitatem relinquendos esse aliquos in Iudæa; ita tamen paucos, vt vna vacca, & oues duæ possint vnā sustentare familiam. Et hoc satis probatur ex Daniele cap. vltimo, vbi Habacuc agros habuisse traditur, & messorēs, quibus panes intriuerat in alueolo.

8.

Aliqui in reliquiis Iudæorū fuerunt Principes.

Hi ergo, qui in Iudæa remanserunt, licet initio pauci, credibile est post longum 70. annorum exilium in eam multitudinem propter naturalem illius gentis fecunditatem excreuisse, vt suam iam Rempublicam habere potuerint, & ad aliquam peruenisse potentiam, ita vt Principes, & Gubernatores inter suos, vt tenuis illa, atque afflictā ferebat fortuna, designati fuerint. Nam, vt dicit Isaias cap. 3. dum in hæc tempora intueretur, ab Israëlitis in suo infortunio, ac solitudine Regnum offerebatur vltro illi, cui pallium, & mediocrem vestimentum habere contigisset, vique adeo populus ille nudus atque abiectus erat. *Vestimentum, inquit, tibi est, esto Princeps noster.* Ad hunc ergo modum verisimile est eos, qui in aliquē locum sese receperunt ex fuga, aut quibus pepercit Babylonicus furor, in suo ordine Principem aliquem habere voluisse, & iis credo tantum indictum esse ieiunium mense septimo, propter eadem Godoliæ, quia pro iis tantum constitutus erat Princeps Godoliæ. Quid enim qui iam capti fuerant, neque à Godolia ad illos aliquid pertinebat, præter generis societatem, tantopere dolerent de

G. Sanctij Comm. in Zachar.

ipsius cæde, vt propterea publicè decreuerint esse ieiunandum? De iis autem, qui captiui ducti non sunt in Babylonem alia ratio est: quia sublato Godolia Principe suo, sublata quoque videbatur spes liberè, ac tutò manendi in patria. Qui ergo erāt his temporibus Principes in suo quique loco, miserunt legatos, vt quid de ieiunio quinti, & septimi mensis fieri oporteret, à Sacerdotibus intelligeretur. Huic sententiæ fauet Theodoretus, licet nihil afferat certum. Sed fauet valdè editio Septuaginta, qui apertè vbi noster *Melech*, ipsi vertunt βασιλεύς. At qui Reges esse poterant; qui neque liberi, ac sui iuris erant in Babylone? Et textus ipse vulgati, dum dicit *Rogom Melech, & viri qui erant cum eo*, & clariùs textus Hebræus, *& viri eius*, quæ verba potestatem in alios significat. Nunc accedo ad horum Principum explicanda nomina.

Sarasar. Est Princeps Assar: nam *Id est, Sar, Princeps est.* Si cū Lxx. legas *Arbath Sagar Rex*, nomen proprium viri videtur Arbath; nomen proprium ciuitatis Sagar, cuius erat Rex Arbath. Si verò cum vulgato legas *Regem Melech*, seu *Rogom Melech*, siue vt habet editio Complutensis *ρωγὼν ὁ βασιλεύς*, *Rogon* nomen proprium esse crediderim, *Melech* commune, quod Regem sonat.

Sed rogabis hinc quomodo Lxx. nomen addiderunt, quod in Hebraico textu non inuenitur? Respondeo id in Lxx. non esse nouum. Nam Gen. 46. vbi in vulgato, atq; Hebraico textu septuaginta animæ dicuntur egressæ de femore Iacob, apud Lxx. egressæ traduntur septuaginta quinque: & Exod. cap. 1. duabus ciuitatibus quas in Ægypto condiderunt Israëlita, nempe

9.

Reg.
Lxx. diff.
ferre solent
à vulgato,
non tamē
sine causa.

Pithon, & Rameſſes, Lxx. tertiam addiderunt Heliopolim; & eius generis ſunt alia plurima. Hac de re egimus pluribus in illud Aët. 7. *in animabus ſeptuaginta quinque*. Nunc ad hæc breuiter reſpondendum cū Auguſtino lib. 15. de Ciuitate Dei cap. 14. & lib. 18. c. 42. & 43. Irenæo lib. 3. cap. 25. & aliis pluribus, in quibus etiam eſt Hieronymus, qui minùs fauet Lxx. uiris in epiſtola ad Domnionem. Lxx. Interpretes diuino Spiritu afflatos in Græcum ſermonem Scripturam conuerſiſſe, & ut idem Auguſtinus docet lib. 2. de doctrina Chriſtiana cap. 14. *Quando aliter in Græcis exemplaribus inuenitur, quàm iſti poſuerint, cedendum eſſe arbitror diuina diſpenſationi, quæ per eos facta eſt: ut libri, quos gens Iudæa cæteris populis vel Religione, vel inuidia prodere nolebat, credituris per Dominum gentibus miniſtra Regis Ptolomæi poteſtate, tanto antè proderentur. Itaque fieri poteſt, ut ſic illi interpretati ſint, quemadmodum congruere Gentibus ille, qui eos regebat, & qui os vnũ omnibus fecerat, Spiritus ſanctus iudicauit.*

II. Iuxta hæc dicendum eſt quàm veriſſima eſſe, quæ Lxx. conuerterunt, etiamſi non inueniantur in textu Hebraico: quia alia etiam præterea docere voluit diuinus Spiritus. Quemadmodum ex Scriptura viri ſancti citant, quæ in Scriptura non ſunt, ut Paulus, Iudas, Stephanus; quæ tamen ſunt veriſſima. Quare verum eſt præter Rameſſen, & Pithon à filiis Iſraël ædificatam eſſe Heliopolim: verum, Principem vnũ ex hiis, à quibus miſſi ſunt legati, eſſe Arbath, & alia, quæ ad textum Hebraicum addiderunt: verum, ingreſſas eſſe cum Iacob animas ſeptuaginta quinque, de quo nemo pius dubitare poteſt, cū id quoque dixerit Stephanus Aët. 7. Neque ratio

deſt optima, quæ Lxx. cū vulgato concilier. Vide quæ diximus ad illum locum Aët. 7.

De Heliopoli, quam extra textum poſuerunt, malè accipit Hieronymus Lxx. quam putat ab Iſraëlitis condi non potuiſſe, cū ante aduentũ Iacob nomen ipſius audiat Gen. 41. vbi Ioseph duxiſſe traditur filiam Putipharis Sacerdotis Heliopoleos. Sed ſanè ratio hæc non admodum grauis, quia fieri potuit, ut eo tempore exiguum oppidulum eſſet Heliopolis, quod poſtea ab Hebræis amplificatum eſt, & ad ciuitatis amplitudinem promorum. Quæ ratio ſatis eſſe potuit, ut ædificata dicatur ab Hebræis: ſicut Romana ciuitas condita fuiſſe dicitur à Romulo, quia ab illo amplificata fuit, cū priùs exigua mole eſſet ab Euandro conſtructa. De quo Virgil. lib. 8. Æneid.

Tunc Rex Euandrus Romana conditor arcis.

Et eius rei exempla ſunt obuia. De Babylonia exemplum graue, quæ proculdubio ædificata fuit multo ante ætatem Nabuchodonosor, ſiue Nembrot, ut videtur docere Moyſes Genetiſ 10. vbi ita de illo: *Fuit autem principium Regni eius Babyloniæ: & tradit Oroſius lib. 2. cap. 6. ita multos ſenſiſſe, ſeu certè à Semiramide, ut eſt communis Græcorum, Latino-rumque ſententia. Tamen Nabuchodonosor Dan. 4. de ſe ipſo prædicat: Nonne hæc eſt Babyloni ciuitas magna, quam ego ædificauit? Vide quæ diximus ad illud Iſai 47. Filia Chaldeorum. Vel certè cū eſſet priùs euerſa Heliopolis, ex antiquis ruinis inſtaurari potuit ab Hebræis, vbi à vaſtitate reliquum eſſe potuit templũ, aut ſacrariũ, cuius ante Hebræorum appulſum in Ægyptum, Sacerdos eſſe potuit Putiphar, ſicut Hiel*

3. Reg.

12. Reg. Aliquid factũ dicitur ab eo, qui rem antea factam amplificauit, aut ornauit.

Reg. Vera ſunt quæ à Lxx. tranſferuntur, etiamſi non ſint in textu Hebraico.

3. Reg. 16. ædificasse dicitur Iericho, quia illam instaurauit, postquã excisa fuerat à Iosue. cap. 6. Sed miror cur hîc hæserit Hieronymus, cû idem dicere potuerit de Ramesse, quæ ædificata dicitur ab iisdem; & tamen Gen. 47. eius mentio fit. Huc facit quod diximus c. 1. n. 3. 2. aliquid fieri dici cû continuatur actio, aut augetur opus.

13.

Deprecari
faciẽ quid.

Ad deprecandam faciem Domini.] Deprecari faciem alicuius, est idem quod orare coram, vel ante aliquẽ, vel ad aliquẽ; quia facies coram significat. Exempla sunt obuia. Est autem mihi valdẽ verisimile, per faciẽ hominẽ circumscribi, ita vt facies hominis, idem sit quod homo: imò id etiã cõmune esse rebus inanimatis, vt facies gladij, venti, vlceris, aquarũ pro gladio, vëto, vlcere, aquis. Certẽ in hoc loco, & similibus facies Domini pro Domino sumitur, maximẽ in orationibus, & sacrificiis. 1. Reg. 13. Faciem Domini non placari, id est, Deum: & 3. Reg. 13. Et ait Rex ad virum Dei: deprecare faciem Domini Dei tui, & ora pro me, vt restituatur manus mea mihi; orauitque vir Dei faciem Domini. Iob. 11. Deprecabuntur faciem tuam plurimi. Psal. 44. Filij Tyri in muneribus vultum tuum deprecabuntur. Psal. 118. Deprecatus sum faciem tuam in toto corde meo. Vide quæ diximus ad illud cap. 25. Isaia, faciem vinculi.

14.

Fletus pro
ieiunio.

Nunquid flendum est mihi in quinto mense; vel sanctificare me debeo, sicut iam feci multis annis?] Fletus hoc loco pro ieiunio sumitur, sicut etiam sæpe in Scriptura afflictio anima. Quod fletus pro ieiunio sumatur, facilẽ ex responsione Domini colligitur, cû enim legati de fletu quæsiissent, de ieiunio responsum accipere. Vtrumq; verò tam fletus, quàm ieiunium sanctificationis nomine significatur, vt

obseruat hîc Hieronymus. *Fletus, inquit, atque ieiuniũ sanctificatio dicitur. Vnde in Iosel præceptum est Sacerdotibus, vt sanctificent ieiunium, & prædicent curationem; curat enim vulnera delinquentis abstinentia, & ieiunium, & curatos quosque sanctificat. Pro, sanctificare, Heb. est *חנאזר* hînazer, quod separare significat, & more viuere Nazarei, separando se à turba, & abstinendo à vino. Hoc sensu: Debeo Nazareando, aut sanctificando me, flere, &c. Quomodo votum Nazarei ad tempus concipi soleat, diximus pluribus in Actis Apostolorum.*

Loquere ad omnem populum terræ, & ad Sacerdotes dicens.] Populus terra pro multitudine sumitur, quæ à viris in quibus aliquid est præcipuum, ac singulare sæcernitur. Ierem 44. Reges vestri, & Principes vestri, & populus terræ; & cap. 52. Septem viri de his, qui videbam faciem Regis, &c. & sexaginta viros de populo terræ. Hinc accedit aliquid momenti ad nostrã sententiã, quod scilicet non è Babylone missi legati, sed ex aliis regionibus magis finitimis: nam hoc responsum redditum videtur his, qui legatos miserunt; redditum autẽ est Sacerdotibus, & populo terræ, vtique Palæstinæ, non Babyloniæ. Arias Montanus putat nihil esse dictũ ad legatos, quia indigni videbãtur responso; sed nõ puto illos ab hoc oraculo fuisse præteritos; quia nihil cõtinet suaue, nihil quod non sit plenũ acerbatis. Quare si in legatis aliquid peccatum est, non alio aut vultu, aut oratione excipi debuerunt.

15.

Populus
terra pro
multitu-
dine.

Nunquid ieiunium ieiunastis mihi?] Meminisse oportet eius verbi, quod in suis mandatis proponendis adhibuerunt legati; aut sanctificare me debeo, sicut iam feci multis annis? Succeser enim gaudio Dens, & quasi nauseat ad nomen sanctificationis, quod

16.

Quod ieiunium à gratum Deo.

sibi arrogat populus ille à ieiunio non tam verò, quod animum munda-
 dat,quàm fucato,ac mendaci, quod
 inanem obliicit speciem sanctitatis,
 Quare respondit Dominus sibi non
 placere ieiunium illud, quod 70.
 annis captiuitatis obierunt Iudæi,in
 quo non tã diuinæ voluntati,quàm
 sibi ipsis obsequabantur.Si enim ie-
 iunarent, ac flerent, vt offensum
 Deum sibi placarent; aut studerent
 ex animo placere Deo, id omnino
 submouerent, quod fastidit maxi-
 mē, atque execratur Deus, nempe
 peccata: sed iis indulgent intempe-
 rantius; cūm sibi videntur à cibis,
 & poculis temperare. Quòd autem
 Deo non ieiunauerint isti Iudæi,
 hinc fit omnino planum; quia post-
 quam soluta est captiuitas, & tem-
 plum excitatum, id agunt vt liberi
 sint à ieiunij voto. Nō tam ergo vo-
 tum illud concepisse videbantur,vt
 placerent Deo, quàm vt liberaren-
 tur ab exilio.Ex quo patet quàm pa-
 rum Deo grata sint illa vota, ac pœ-
 nã ideo obitã, vt quis effugiat,quæ
 timet incommoda; non vt Deo,aut
 pro peccatis pœnas exoluât, aut ipsi
 placeat: quia eiusmodi vota nihil
 sibi cœleste, atque æternum propo-
 nunt.Vide eandem omnino senten-
 tiam apud Isaiam cap.58.quam opti-
 mē exposuit Greg.3.p.Past.admon.
 20.& hom.16.in Euang.Bernard.fer-
 mone; 8.Leo PP. sermone de iei-
 unio.

Vota,quæ
 Deo gra-
 ta.

17. Pro eo,quod vulgatus habet;*Nun-
 quid ieiunium ieiunastis mihi?* Hebr.
 est; *Nunquid ieiunium ieiunastis mi-
 hi ego?* Qui loquendi modus vsita-
 tus est apud Hebræos,neque credo
 sine epitasim.Adhibent enim sæpe ab-
 solutē nominatiuum pronominis,
 quod deinde in alio casu positū est,
 & quod si epitasim non haberet,vi-
 deri posset otiosum.Gen.24.vbi vul-
 gatus; *Reſto itinere me perduxit in*

Reg.
 Aliquan-
 do nomi-
 natius
 absolutē
 ponitur,
 maximē
 in prono-
 minibus.

domū fratris domini mei. Heb. *Ego in
 via deduxit me:* & Psal. 41. vbi vul-
 gatus. *Me autem propter innocentiam
 suscepisti.* Heb. *Et ego propter innocen-
 tiam suscepisti me.* Et Ecclesiastæ 2.
 vbi noster; *Si vnus & stultus, & meus
 occasus erit.* Heb. *Qualis est euenius
 stulti,etiam ego eueniet mihi.* & 1. Reg.
 cap.25.vbi vulgatus. *In me sit, Domi-
 ne mi, hac iniquitas.* Heb. *In me ego, Do-
 mine mi iniquitas.* & Gen.27. vbi vul-
 gatus: *benedic etiam, & mihi pater mi.*
 Heb. *benedic mihi, & ego pater mi.* Sic
 hoc loco illud ego absolutē positū,
 magnam, meo iudicio, epitasim ha-
 bet. Videtur autem per apostrope-
 sim intelligendum. *Egōne admittere-
 rem, seu, Egōne præcepi vobis istud ie-
 iunium?* Porro hanc Hebræorum
 phrasim valdē cognitam esse oport-
 ter, quia illam in aliena etiam lin-
 gua seruant sacri, & canonici scri-
 ptōres.Et,vt omittam alia,sufficiant
 nobis modò duo exempla, vbi He-
 bræorum more pronomē absolu-
 tē ponitur. Ad Ephes.3. *Ego Paulus
 vinctus Christi Iesu pro vobis Gentibus;
 si tamen audistis dispensationem gratiæ
 Dei,quæ data est mihi in vobis,quoniam
 secundum reuelationem novum mihi fa-
 ctum est sacramentum.* vbi priora sine
 dubio absolutē ponuntur. Similiter
 1.Theſal.3.in principio,& 1.Ioan.c.
 2.& *vos vñctionem,quam accepistis,ma-
 neat in vobis;illud vos absolutē vide-
 tur esse positum,& Psal.68.Ego verò
 orationem meam ad te Domine;* in Heb.
 illud ego redundat. Quare illud in
 sua translatione omisit Hieronymus,
 qui ita reddidit; *mea autem oratio ad
 te Domine.* Vide,quæ diximus ad illud
 Isaiæ cap.11. *in die illa radix Jesse.*

Nunquid non vobis comediſtis.]
 Cū expleto ieiunij tempore co-
 medebat ille populus, non id fa-
 ciebat,vt aliquid assumeret virium,
 quò Deo constantius seruiret,&
 diutius; sed vt genio indulgeret
 suo;

fuò; atq; adedò immodicè se in cibũ effundebat. Ex quo colligũt viri spirituales, non solũ placere Deo abstinentiã à cibis, sed etiã ciborũ vsũ; illam, dũ carni detrahic, quod addat spiritui, hunc, dum corporis confirmat vires, vt spiritus habeat, quod impendat Deo. Quare Paulus 1. Cor. 10. *Sine ergo manducatis, siue bibitis, siue aliud quid facitis, omnia in gloriam Dei facite.* At longè aliter hi, quos Deus reprehendit, si quid ventri detrahunt; id aut avaritiæ impendunt, aut ambitioni: siue comedunt, volupcati, & luxui. Ita Theodoretus.

12.

Regul.
Verbumpro Pro-
verbio,
aut id,
quod vul-
gò dicitur.

1. Reg. 17.

Numquid non hæc sunt verba mea.] Verbum hoc loco idè esse puto, quod Prouerbiũ; aut id, quod in multorum ore frequens est. Qua ratione 1. Reg. 17. dixit Dauid à fratre reprehẽsus. *Numquid non verbum est id est.* quid ego dico, aut rogo, nisi quod omnibus pene in ore est? Et reuera ita paulo ante audierat à multis. Ostendit itaq; Deus hæc, quæ modò denunciat Iudæorum populo, fuisse prius, integra adhuc Republica, eorum parentibus prædicta, vt constat Hsai. 58. quibus denũciata est clades, & exilium, quia dum ieiunarent, rapinis vacabant, calumniis, atq; periuriis. Significarat autem Deus per Prophetas sæpe id, quod per Zachariam modò denunciat; *Iudicium verum indicare, &c.*

20.

Regul.
Transitus
à prima
persona
ad tertiã
vñatus.

Quæ locutus est Dominus.] Hic à prima persona transit ad tertiã, quod est in Scriptura frequẽs. Gen. 19. *Dixitq; Dominus; num celare potero Abraham, quæ gesturus sũ, &c.* scio enim quòd præcepturus su filiis suis, & domui suæ post se, vt custodiam viã Domini. i. meã, & Num. 12. *Locutus est Deus ad Aaron, &c.* Si quis fuerit inter vos Prophetæ Domini. i. meus, & infrã ore ad os loquor ei palam, & non per anigmata, &

figuras Dominum videt. i. me. Huiusmodi phrasim olet illud Gen. 19. *Igitur Dominus pluit super Sodomam, & Gomorrhã sulphur, & ignem à Domino de cælo.* id est, à se, quasi dicat: non pluit Dominus vt cõmuniter antea è nubibus imbrem, aut grandinem, aut fulmina, sed à seipso. id est, sua manu vibrauit fulmina, & iniecit sulphureum ignem in illas ciuitates. Est autè vulgare apud Hebræos, vt aliquis de seipso, tanquam de tertia persona loquatur, vt Gen. c. 4. sic Lamec dixit ad vxores. *Audite vocem meã vxores Lamec: & Dauid de se Ps. 131. Memento Domine Dauid.* Neque apud profanos infrequens.

In manu Prophetarum priorum.] Heb. 72. *byad.* Quæ vox trãsfertur, infrã per manũ. Formula vñtata Hebræorum, quæ ministerium, seu instrumentum significatur. Est autem idem, ac si diceret, *per Prophetas.*

Et auerterem scapulam recedentem.] In aliquibus codicibus Latinis est *recedentes.* Sed Hieronymus sine dubio *recedentem* conuertit, vt ex eius Commẽtariis constat, consentaneè ad textum Hebraicum, & ita legunt in singulari Lxx. quod secuti sũt codices à Sixto correcti. Auertere autè scapulam, signũ est eius, qui alterius mandata, ac monita contemnit: & est vñtata, ac pene Prouerbialis Hebræorum forma, quæ sumpta est ex habitu illorum, qui dũ alios, aut non curãt, aut parui faciunt, faciem auertunt, & cõuertunt terga. Ierem. cap. 2. *Auertere ad me tergum, & non faciem:* super quem locum sic Hieronymus. *Quando magister præcipit, obediẽtis indicium est, si demisso contrã audiat capite; si autem versat tergum, contemnẽtis.* Et in hunc sensũ apertè acceperunt hunc locum Lxx. dum vertunt *ὁπισθεν* & *ἀποστροφή*, id est, scapulam contemnentem.

21.

Auertere
scapulam,
Prouer-
bialis f-
gura.

22.

Et aures suas aggrauauerunt.] Conatum indicat hæc forma verborum, quo aliquis sibi ipsi eripit audiendi facultatem; & ignorantiam, vt dicunt Theologi, affectat; vt de aspide dicitur Psal. 57. *Sicut aspidis surda; & obdurauit aures suas;* & Act. 7. Iudæi contra Stephani verba *continuerunt aures suas, & impetum fecerunt.* Sic, puto, isti de quibus modò Zacharias. Potest fortasse alius esse sensus sumptus ex proprietate vocabuli. *Aggruari* enim est impediri aliquo graui onere, quominus aliquid membrum suum sibi munus obire possit; vnde pedes aggrauati dicuntur. 2. Reg. 3. *& pedes tui non sunt compedibus aggrauati;* & cor, si occupatum fuerit variis studiis, ac desideriiis; & aures si captæ sunt inanibus promissis, & blandis adulationibus. Et hi dicuntur à Stephano Act. 7. habere cor, & aures incircuncisas; quia non remouerunt illa, quæ cordi, & auribus adhæserunt ab ambitione, & avaritia, & ab aliis noxiis animi pestibus. Hi ergo, qui modò à Zacharia reprehenduntur, iam aliis studiis, seu vocibus aures occupant, quominus illas peruias haberent diuinis admonitionibus.

23.
Obstinatio, & quæ ad illam via.

Et cor suum posuerunt vt adamantem.] Ostendit Iudæos sic obduruisse contra diuinas voces, & cælestes impulsus, vt omnino statuerint illis non esse cedendum, neque relinquendum id quod iam animo comprehendissent; sicut adamas naturali sua duritie, ac firmitate, neque frangitur, neque cedit ictibus: sic mentem assuetam malis, eorūque non solum desiderio, sed etiam tyrannico dominatu occupatam contra cælestem vim, ac diuinæ bonitatis impulsū obfirmat obstinatio. Hic obserua, quibus gradibus ad

tantum malum, id est, adamantinam obstinationem peruentum sit. Primum non audiuntur diuina verba, deinde recedit scapula, id est, diuina contemnitur admonitio: ad extremum cor instar adamantis obdurefcit:

Et non audierunt.] Hic (&) causalē esse puto, sicut alibi in Scriptura sæpe. Isai. 64. *Iratus es, & peccauimus,* id est, quia peccauimus. Quare ratio hîc redditur, cur populus dispersus, & durè mulctatus sit, quia Deo per Prophetas admonenti audiens non fuit.

24.
Et causa.

Sic clamabunt, & non exaudiam.] 25. Incertum est an hæc ad eos pertineant, ad quos olim facta Prophetarum verba, & qui obdurati animi pœnas, aut iam dederunt, aut modò pendunt in alieno solo: aut certè ad eos tantum, qui tunc aderant, aut qui sciscitatum, quid factu fas esset, legatos miserunt. Quidam ad antiquos referunt, & in his est Theodoretus, & Cyrillus: & ex his nonnulli tempus futurum pro præterito adhibitum esse censent. Alij illud, *clamabunt, & non exaudiam*, per mimesim dictum putant: ita vt repetantur verba, non quæ nunc primum dicit Deus; sed quæ ad antiquos olim per Prophetas dixerat; in hanc sententiam: Sicut ipsi non audierunt; sic nec in tribulatione clamantes auditi sunt. Quod Deus illis antè minatus fuerat cum dixit, *clamabunt, & non exaudiam.* Cui expositio ni fauet, quod vbi vulgatus habet, *dicit Dominus exercituum.* Hebr. est *amar*, id est, *dixit* aut, *dicebat*. Et hoc placet Riberæ, & est satis verisimile.

Mihi verisimilius est, ad præsentem has minas pertinere, id est, ad Sacerdotes, & populum terræ, qui nuper

26.

per congregari iussi sunt. Adducuntur autem in exemplum antiquorum supplicia, ut ex parentum calamitate discant posterius, quid ipsi passuri quoque sint, si illorum mores, & cōsilia secuti, aures, & corda aggrauent contra Prophetarum voces. Et reuera ita accidit: neque minùs variè, ac duriter dispersi sunt, quàm eorum maiores: neque minùs hostiliter à Vespasiano, quàm parentes olim à Nabuchodonosore vexati sunt. Ab eodem propè argumento, neque oratione admodum dissimili cap. 1. exorsus est Zacharias suam Prophetiam.

27. Porro quia implexa sunt hæc, & interrupta hyperbatis, sic videntur aptè posse contexti. Primùm Deus dicit non placere sibi præsentium ieiunia, sicut neque prius parentum ieiunia placuere. Quibus hoc ipsum antè significarat integra adhuc, & florente Republica. Deinde præcepit Dominus Zachariæ, ut illa repetat verba, quibus parentes olim allocutus est, nempe, *Iudicium verum indicat*, &c. Deinde ostendit quomodo illi non paruerunt, sed auerterunt scapulam recedentem, &c. & aggrauauerunt aures, & ideo dispersi, iactatique sunt: sic istos, qui modò in suis sibi ieiuniis placent, non minoribus afficiendos incommodis, si iudicium verum non iudicauerint, &c. Et huc spectat illud, *clamabunt, & non exaudiam*, nempe qui modò, ut parentes olim, scapulam recedentem auertunt. Vbi subaudienda est similitudinis nota, quæ apud Hebræos omitti solet. *Sic clamabunt*, &c. Deinde postquam interpositum est de posterorum supplicio vaticiniū, videtur redire ad parentum incommoda, quæ interrupisse videbatur hyperbato. Sed credo potius, quæ

reliqua sunt ad finem vsque capitis, ad posteros quoque pertinere, quia in Græco textu non est, *disperfi eos*, sed, *dispergam*, non, *desolata est*, sed, *desolabitur*. Neque Hebraicus textus huic significationi repugnat; nam licet tempori futuro sit præpositum *Van*, illud tamen neque semper futurum in præteritum conuertit; neque hîc illo notatur puncto, quod *Van* habere debet, cum illud obit munus. Habet enim Sebân, non Pathach: cum altero puncto copulat, cum altero conuertit. Quod optimè vidit Vatablus, qui per futurum reddidit. *Sic iam clamet, nec eos exaudiam*, dicit Dominus exercituum: *quin eos proturbem in omnes gentes*. Neque, si omnino per præteritum esset conuertendum, ut fecit Vulgatus, quicquam crederem incommodare posteriori sententiæ: satis enim notum est in Scriptura, maximè apud Prophetas, præteritum tempus vsurpari pro futuro, propter rerum certitudinem. Exemplis supersedeo commemorandis, quia passim occurrunt.

28. *Et posuerunt terram desiderabilem in desertum.*] Sape terra promissionis desiderabilis dicitur propter pulchritudinem, & abundantiam. Psal. 105. *Pro nihilo habuerunt terram desiderabilem*; de qua multiplex est commendatio, & frequens in Scriptura. Thren. 2. de Ierusalem: *Hæcne est vrbs perfecti decoris, gaudiū vniuersa terra?* Cant. 6. *Pulchra es amica mea, suavis, & decora, sicut Ierusalem*; & sæpe dicitur manare lacte, & melle. Quàm verò sit vastata hostiliter, explicuit Ierem. Thren. 1. Isai. cap. 1. & maximè intelligitur ex eo, quòd posita dicitur in desertum, vbi pro hominibus antè Religiosis, & sapientiarum deditis, feræ habitant, sicut


in

in saltu, vt lamentabatur Ierem.
Thren. 5. Posita verò dicitur nobi-
lis, & speciosa ciuitas in desertum,
non tam prius à Nabuchodonosor,
& postea à Românis, quàm à Iudeo-
rum peccatis, quibus prouocatus
Dominus hostiles manus in Israëli-
ticæ sortis vastitatem armauit. Cui
accedit quod de eiusdem terræ anti-
quis habitatoribus multo antè ce-
cinit David Psal. 106. *Posui flumina*

in desertum, & exiit aquarum in si-
tum, terram frugiferam in salsuginem à
malitia inhabitantium in ea.

Eo quòd non esset transiens, nec reuer-
iens.] Hebraica phrasis, qua signifi-
camus aliquid esse omnino deli-
ctum. Quid enim magis, aut deser-
tum, aut contemptum, quàm illud
ad quod nemo reuertitur consul-
tò, aut casu saltem in transcurso
videt.

ARGV



ARGVMENTVM

OCTAVI CAPITIS

ZACHARIÆ.



Agit de singulari liberalitate, ac indulgentia, qua suum populum amplexabitur Deus, quem prius tam diu, ac tam seuerè mulctarat. Quare ait undecumque terrarum Iudaos ab exilio euocandos in Ierusalem, atque ibi ita pacatè, ac commodè victuros, ut plurimi utriusque sexus membra iam extremo confecti senio baculo sustentent, plateasque compleant, in quibus frequentes futuri sint infantium, puellarumque festiui chori. Deinde agris, qui prius exercuerant potius agricolarum patientiam, quàm annuo prouentu compensarant operam, omnem abundantiam, & fertilitatè promittit. Quae tamen omnia ea lege sperari iubet, si modo iustitiam, pacem, ac pietatem colant. Deinde omnium populorum, atque linguarum futuros esse dicit concursus magnos in Ierusalem admiratione earum rerum, ex quibus non dubia coniectura cognoscent, cum Iudeis iterum habitare Deum. Quae omnia cum historicè in Iudeorum Rempubicam conueniant, multo tamen cumulatiùs, atque illustriùs in Ecclesia completa sunt.

CAPVT VIII.

PARAPHRASIS.

1 **E**T factum est verbum Domini exercituum, dicens. **2** Hæc dicit Dominus exercituum; Zelatus sum Sion zelo magno, & indignatione magna zelatus sum eam.

3 Hæc dicit Dominus exercituum. G. Sanctij Comm. in Zachar.

1 **E**Ec ad me Dominus exercituum. **2** Affecit me grauis zelotypiæ dolor, cum viderem Sion, quam velut sponsam mihi delegeram, coniugalem fidem prodidisse; & ideo indignatione graui in illam animaduerti.

3 Hæc iterum ad me Do-

minus. Vt ante captiuitatem habitabam in Ierusalem in tēplo ad specialem mihi cultum electo: sic modò erecto rursus domicilio, quod dissipatum fuerat, in eundem locum reuertor:& Ierusalem quondam adultera, fidem iam colet coniugalem,& erit ciuitas, quæ verè me, & ex animo obseruet:& mons huc vsque derelictus, ac violatus, sanctitate rediuiui templi, & restituta Religione sanctificabitur.

4 Rursus ad me Dominus: Complebunt plateas Ierusalem vtriusque sexus plurimi natu vsque adeò grandes, vt decrepita senectute membra baculo sustentent.

5 Neque decrunt quoque inter senes infantium quoque ac puellarum festiui chori.

6 Hæc iterum Dominus ad me. Quòd si, qui reliqui sunt à cæde,& exilio, id difficile putant: id tamen longè erit apud me facile, dicit Dominus.

7 Iterum ad me Dominus: Ecce ego reducam populum meum ab Occasu, & Ortus, id est, ab omnibus locis, in quæ dispersus est.

8 Et faciam,

cituum: Reuersus sum ad Sion, & habitabo in medio Ierusalem: & vocabitur Ierusalem ciuitas veritatis, & mons Domini exercituum, mons sanctificatus.

4 *Hæc dicit Dominus exercituum: Adhuc habitabunt senes, & anus in plateis Ierusalem: & viri baculus in manu eius præmultitudine dierum.*

5 *Et plateæ ciuitatis complebuntur infantibus, & puelis ludentibus in plateis eius.*

6 *Hæc dicit Dominus exercituum: Si videbitur difficile in oculis reliquiarum populi huius in diebus illis, nūquid in oculis meis difficile erit, dicit Dominus exercituum?*

7 *Hæc dicit Dominus exercituum: Ecce ego saluabo populum meum de terra Orientis, & de terra Occasus Solis.*

8 *Et adducam eos, &*

habitabunt in medio Ierusalem: & erunt mihi in populum, & ego ero eis in Deum in veritate, & in iustitia.

9 *Hæc dicit Dominus exercituum: Confortentur manus vestra, qui auditis in his diebus sermones istos per os Prophetarum in die, qua fundata est domus Domini exercituum, ut templum ædificaretur.*

10 *Siquidem ante illos dies merces hominum non erat, nec merces iumentorum erat; neque introeunti, neque exeunti erat pax præ tribulatione: & dimisi omnes homines unumquemque contra proximum suum.*

11 *Nunc autem nõ iuxta dies priores ego faciam reliquiis populi huius, dicit Dominus exercituum.* 12 *Sed semen pacis erit: vinea dabit fructum suum, & terra dabit germẽ suum, & cæli dabunt rorem suum: &*

ut rursus habitet in Ierusalem. Quem ego, ut populum meum amplexabor iterum: & ipse me verè, iustè, ac seriò obseruabit, & colet.

9 Sic iterum Dominus ad me. O vos, qui auditis his diebus sermones hos per ora Prophetarum, qui fuerunt in die, quo fundata est domus Domini (id est, quo soluta captiuitate iacta sunt fundamenta rediuiui templi) confortate manus vestras spe commoditatis, & vbertatis maioris.

10 Nam ante hos dies non erat fructus, quem hominum, ac iumentorum operæ sterilis, atque infelix ager rependeret. Neque ex vlllo labore, atque studio, quod homo in excolendo agro suscepisset, quicquam percipiebat pacatum, aut prosperum. Idque ideo maximè, quia soluta societate, & animis non bene consentientibus omnia turbatè, ac trepidè fiebant, neque quicquam erat à metu ac periculo vacuum.

11 Nunc verò longè aliter me geram cum populi reliquiis. 12 Nam terræ commissum semen cumulatè referet agricolæ fœnus: vinea vindemia, ager germine cultoris operam abundè compensabit, neque enim me iam placato, atque propitio terræ deerit

cœlestis imber. Hæc omnia affatim à me recipient populi reliquæ.

13 Et sicut antea omnia vobis infelicitè, sic contrà nunc omnia felicissimè euenient, vt quemadmodum vestra prius infortunia, in grauis alicuius ærumnæ Prouerbiali figura comparationem adhibebantur; sic deinceps vestra felicitas in magnæ alicuius felicitatis amplificationem assumatur. Quare deposito metu meliorem iam animum accipite.

14 Quia hæc dicit Dominus: Sicut parètum vestrorum peccatis ad iracundiam prouocatus de vestra afflictione cogitationem suscepi. 15 Neque diu misertus sum; sic iam ad misericordiam inflexus, beneficus, ac liberalis esse volui in vos, ô Iuda, & Ierusalem. Quare metum deponite.

16 Hæc ergo facietis, si vultis eorum bonorû cōmoditate frui, quæ vobis modò largè polliceor. Nō simulatè, ac fraudulenter cum proximis, sed verè agite, atque simpliciter: in iudiciis vestris pacem, ac iustitiam seruate.

17 Neque quisquam in fratrem suum aliquid deinceps meditetur mali; neque vobis placeant vitrà iuramenta delibuta mendaciis: hæc enim sunt

possidere faciam reliquias populi huius vniuersa hæc.

13 Et erit: sicut erat is maledictio in Gentibus, domus Iuda, & domus Israël; sic saluabo vos, & eritis benedictio: nolite timere, confortentur manus vestra.

14 Quia hæc dicit Dominus exercituum: Sicut cogitavi, vt affligerem vos, cum ad iracundiam prouocassent patres vestri me, dicit Dominus. 15 Et non sum misertus: sic conuersus cogitavi in diebus istis, vt beneficium domui Iuda, & Ierusalem: nolite timere.

16 Hæc sunt ergo verba, quæ facietis. Loquimini veritatem vnusquisque cum proximo suo: veritatem, & iudicium pacis iudicate in portis vestris.

17 Et vnusquisque malum contra amicum suum ne cogitetis in cordibus vestris, & iuramentum mendax ne

*ne diligatis: omnia enim
hæc sunt quæ odi, dicit Do-
minus.*

sunt dicit Dominus, quæ odi,
atque detestor.

18.19 Et factum est verbum
Domini exercituum ad
me, dicens: Hæc dicit Do-
minus exercituum: Ieu-
nium quarti, & ieiunium
quinti, & ieiunium septimi,
& ieiunium decimi erit
domui Iuda in gaudium,
& letitiam, & in solenni-
tates præclaras: veritatem
tantum, & pacem diligite.

18.19 Nunc iam, dicit Do-
minus, ad legatorum interro-
gata respondeo; non solum iei-
unium quinti, sed etiam ieiun-
ium quarti, & ieiunium sep-
timi, & ieiunium decimi, de
quibus nihil rogatum fuerat,
omitti posse; modò, ut antea di-
xeram, veritas colatur, & pax.
Nam ieiunia illa deinceps po-
pulo Iudæo in gaudium, & læ-
titiam, & solennitates præcla-
ras conuertentur.

20 Hæc dicit Dominus exer-
cituum: Usquequò veniāt
populi, & habitent in ciui-
tatibus multis: 21 & va-
dant habitatores vnus ad
alterum, dicentes: Eamus
& deprecemur faciem Do-
mini, & quæramus Domi-
num exercituum, vadam
etiam ego. 22 Et venient
populi multi, & Gentes ro-
bustæ ad quærendum Do-
minum exercituum in Ie-
rusalem, & deprecandam
faciem Domini.

20 Et addidit Dominus: Ve-
nient usque adeò alacres po-
puli, ut ciuitates multas Iu-
dæorum inhabitent. 21 Ut
se mutuo, auidè, & studiosè
cohortentur, dicantque vicif-
sim inter se; Eamus, ut ado-
remus Dominum: agite, ea-
mus, & quæramus Dominum
exercituum. Cùmque aliqui
apud se statuerint, eò omnino
esse proficiscendum, alij rur-
sus, atque alij se socios adiun-
gent dicentes eodem studio,
atque alacritates; Ibimus & nos
vobiscum. 22 Accedent tã-
dem populi multi neq; igno-
biles, neque infirmi; sed splen-
didi, atque robusti, ut Domi-
num exercituum quærant, il-
lùmque venerentur in Ierusa-
lem.

23 Hæc dicit Dominus exer-

23 Hæc insuper Dominus:

Eo tempore ex omnium Gentium linguis decē, (id est, pluri-
mi homines) adhærebunt
Iudæis; & apprehensa eorum
lacinia dicent: In eandem nos
ciuitatem, & religionem so-
cios assumite. Exploratum est
enim nobis id, quod iam mul-
to populorum accepimus ru-
more, Deum esse vobiscum:

*cituum: In diebus illis, in
quibus apprehendent de-
cem homines ex omnibus
linguis Gentium, & appre-
hendent fimbriam viri Iu-
dæi, dicentes: Ibimus vo-
biscum, audiuius enim
quoniam Deus vobiscum
est.*

COMMENTARIJ IN CAP. VIII. ZACHARIÆ PROPHETÆ.



1.



*Et factum est verbū Do-
mini exercituum ad me,
dicens.] Quæ hoc octa-
uo capite dicuntur,*

videntur ad superiorem
Prophetiam pertinere, in qua pec-
cata populo suo exprobrarat Do-
minus, propter quæ vastata fuit ci-
uitas pulcherrima, & filij quondā
charissimi in feruitutem dati. Nunc
Deus ubi homines in suorum scele-
rum cognitionē adduxit, & si quid
erat in eorum animis arrogantia,
depressit, in spem excitat, promit-
titque ea, quæ à placato numine
sperari solent. Quo genere sermo-
nis sapissime Deus vsus est in Pro-
phetis, ne suis meritis homines ali-
quid redditum esse sibi persuadeat:
sed à diuina liberalitate profectum.
Porro, vt Hieronymus eleganter
tradit, probatque exemplis in cap.
5. Amos, mos est Scripturæ semper
aduersis læta subiungere, & post-
quam tristitia Deus fuerit commina-

Deus so-
let aduer-
sis læta
subiunge-
re,

tus, ad pœnitentiam eos, quos rer-
ruit, prouocat. Idem docet Ori-
genes homil. i. in Ieremiam.

*Zelatus sum Sion zelo magno, &
indignatione magna zelatus sum eam.]*

Idem est sensus dupliciter explica-
tus Scripturæ more, quæ sententiā
grāuiorem cum epitali aliter, atque
aliter iterare solet. Videtur autem
Deus agere cum suo populo, quasi
cum sponsa, quæ fidem prodidit &
torum, quam actus zelotypia, quæ
dura sicut infernus esse dicitur Cāt.
8. repulit à se, & inueterascere fecit
captiuā, & seruam in aliena domo.
Iam verò quasi furor ille ex amore,
zeloque conceptus deferuisceret,
redire se velle ait in sponsæ domū,
aut potius in domum suā reuocare
fugitiuam sponsam: & ideo subdit.
*Reuersus sum ad Sion, & habitabo in
medio Ierusalem.* De zelotypia in
sponsam accipiunt Hieronymus,
Cyrillus, Theodoretus, Haimo,
Hugo, & alij.

2.
Zelus Dei
in spōsa

Pro

3.
Zelus odii
& fauore
significat.

Pro zelo, Heb. est *קנא kana*, quod dubiæ significationis est, sicut Latini verbum *ulciscor*, quod fauorem significat, & odium. Quæ ratione dicimus, *ulciscor inimicos*, id est, pœnas fumo: & *ulciscor patriam*, & *pariem*, id est, pœnas fumo ab iis, qui parenti, ac patriæ iniuriam intulerunt. Sic etiam zelo fauorem indicat. Quo sensu dicimus; *zelare gloriam Dei*. Neque alio sensu dicit Zacharias cap. 1. *Zelatus sum Ierusalem*, & *Sion zelo magno*: & Ioël cap. 2. *zelatus est Dominus terram suam*, id est, doluit quod illa esset tam grauiter ab hostibus afflicta. Significat etiam odium, aut iram, aut studiū vindictæ. Ezech. 16. *Auferetur zelus meus à te*, & *quiescam*, ne irascar amplius. Et posteriori modo puto sumendum esse hoc loco: neque obstat quod verbum *קנא Kana*, quando studium, & fauorem significat, habet post se *Lamed*, id est, notam datiuī casus; quia id perpetuum non est, vt constat ex Psal. 105. vbi et si *Lamed* adiunctum habeat, indignationem, & furorem significat; & *irritauerunt Moysen*. Heb. *zelati sunt*, affligerunt.

4. Et vocabitur Ierusalem ciuitas veritatis; & mons Domini exercituum, & mons sanctificatus.] Continuat, credo, eandem sponsæ metaphoram: nam Ierusalem futura dicitur fidelis, & Deo sponso suo ornatura thalamum, quod in monte sanctificato videtur exprimi. Mons verò ideo videtur appellari sanctificatus, quia in eo templum Dei instaurandum erat, in quo sicut olim ante captiuitatem, statis sacrificiis, atque legitimis colebatur Deus. Porro templum thalamum dici, verisimile fit ex illo Deut. 33. vbi Moyses sic loquitur de Benjamin, ad cuius sortem templum pertinebat.

Benjamin amantissimus Domino, habitabit confidenter in eo: quasi in thalamo tota die morabitur; & inter humeros illius requiescet. Quæ sanè verba thalamum sonant, & nuptiarum delicias.

Cur verò Ierusalem dicatur ciuitas veritatis, quærenda nobis ratio est. Heb. est *אמת emeth*, quæ vox veritatem significat, & fidelitatem. Spōsa ergo veritatis, seu fidelitatis ea est, in qua simulatum nihil est, aut fictum; quæ vt verbis amorem, ac vultu præ se fert, ita etiam habet in animo, quæ ita fidem colit coniugalem, vt præter sponsum nullum non modò ad thalamum, sed neque ad animum amatorem admittat. Quod satis explicuit Deus ipse Isai. cap. 1. dum fidelem opponit meretrici. *Quomodo*, inquit, *facta est meretrix ciuitas fidelis, plena iudicij?* & paulo post ordine mutato: sicut hoc loco Zacharias ait. *Post hæc*. (id est, postquam te tribulatione purgauero & excoxero ad purum scoriā tuam) *vocaberis ciuitas iusti, vrbs fidelis*, siue, *vrbs veritatis*.

Hic nobis expendendum est, antequam ad alia gradū faciamus; an hæc intelligenda sint de Ierusalem tantum, an tantum de Ecclesia, vel de vtraque simul, ita vt historicus sensus sit de Ierusalem, allegoricus de Ecclesia. Riberā hic multis probare contendit hæc nullo modo conuenire posse in Ierusalem, atque adeò de Ecclesia tantum historicè sumi oportere. Sicut etiam cap. 2. existimauerat, ea, quæ ibi traduntur, quæ non sunt valdè ab his diuersa, impleri esse in Ecclesia, non in Ierusalem. Ratio verò præcipua, imò vnica, quæ in eam cogitationem induxit Riberam, ea est, quia quæ hoc capite dicuntur, maiora sunt, atque illustriora, quam

6.

Hæc de
terrestri
Ierusalem
historicè,
de Ecclesia
typicè
dicuntur.

quæ

quæ terrestris Ierusalem angustia capiant; & quia hæc omnia in illa præstita nō sunt. Quod etiam cum Ribera sentiunt ex iunioribus alij. Sed plerique cum Hieronymo, Ruperto, Haimone, Lyra, Theodoro, ac Cyrillo historicè hæc intelligunt de Ierusalem, typicè de Ecclesia. Quæ sententia placet magis, sicut alia similis suprà cap. 2. Hæc verò tunc constabunt magis cū in singulis explicandis probauerimus, quæ in hoc capite continentur omnia contigisse terrestri Ierusalem.

7. Accedit quòd, vt verè cōtigit Solymitanæ ciuitati, vt sublato tēplo Deus inde recesserit, quoad specialem illum modum, quo populum suum ornabat, & fouebat, & ab actis ciuibus desertus locus in sylvarum modum fruticibus asper feras aleret, sic etiam vt asperis, & duris mitia, atque benigna redderet Deus consentaneum videbatur: vt veræ, ac propriæ solitudini, & vastitati veram, ac propriam frequentiam, inopiæ, atque egestati veram abundantiam, longè obsidioni, ac duræ seruituti diurnam pacem, absentia denique suæ instaurato templo, redintegratōque religioso cultu aspectum suum verè, & propriè, & non tantū in typo remitteretur, quæ in hoc capite pollicetur Deus.

8. *Reuersus sum ad Sion.*] Vt ante captiuitatem habitabam in Ierusalem in templo ad specialem sacrificiorū cultum electo, sic modò erecto rursus domicilio, quod euersum fuerat ab hoste Chaldæo, in eundem locum reuertor. Hæc Ribera putat in Ierusalem non posse cadere, quia aliquando Deus templū illud, vrbemque deseruit, iuxta illud Matth. c. 3. *Ecce relinquetur vobis*

domus vestra deserta. Quasi Deus hīc promitteret se illam ciuitatem, & templum nō abiecturum amplius. Sanè verbis multò grauioribus 3. Reg. 9. pollicitus est Deus habitaturū se in templo à Salomone cōstructo; illud tamen deseruit aliquando, vastarique permisit. *Sanctificauit*, inquit Dominus, *domum hanc, quam adificasti, vt ponerem nomen meum ibi in sempiternum; & erunt oculi mei, & cor meum ibi cunctis diebus.* Fateor multo nobilius, atque copiosius id esse in Ecclesia cōpletum, non tamen ideo in terrestri Ierusalem impletum non est. Quomodo in promissionibus subaudiri interdum soleat conditionalis particula, diximus super Acta cap. 10. n. 34.

Et vocabitur Ierusalem ciuitas veritatis.] Veritatem Ribera non inuenit in Ierusalem, quæ extremis maximè temporibus plena erat falsis Phariseorum, Sadducæorumque traditionibus. Sed vt hīc *emeth veritatem*, id est, veram doctrinam significet, certè ea non caruit illa Respublica, quam accepit ab Esdra, neque perpetuam futuram esse veritatem illam prædicit Zacharias, sed futuram aliquando. Sed, vt diximus hoc loco, *veritas* fidem significat, quam integram, & inuiolatam seruare debet fidelis sponsa. Quam tunc seruare dicitur quando à sponsi fide, id est, à vero cultu non diffluit ad idola colenda. Idololatriam verò *fornicatorem*, siue *adulterium* in Scriptura dici satis notum est ex Jerem. cap. 2. Ezec. cap. 16. Osee cap. 2. & post alios amatores abire nihil est aliud, quàm Gentium ritu inanium Deorum simulachris honorem deferre.

Et mons Domini exercituum, mons sancti 10.

sanctificatus.] De hac geminatione dictum est cap. 6. ad illud, & *montes, montes aerei.* Hic nihil video quod non quadret in terrestrem Ierusalem: nam hæc in montibus sita est; & ideo aliis in locis mons etiam dicitur. Psal. 67. *Mons Dei, mons pinguis.* Sanctificatus verò est, quia religione facer, & diuino consecratus cultui, & quia in eo templū, quod alibi *sanctum, & sanctificatio* dicitur.

11. *Adhuc habitabunt senes, & anus in plateis Ierusalem.*] Hic nihil aliud esse puto quàm hypotyposim felicis, amplæ, atque pacatæ ciuitatis, quæ sanè elegantissima est; vbi conuersa fortuna, atque benignior ex aduerso respondet antiquæ calamitati: qua sicut nihil ærumnosius fingi potuit; sic nihil hic potuit excogitari felicius. Singula oppone singulis, & diuinam quandam eloquentiam intuebere. In Iere. Thre. capite secundo, & quinto narrantur senes tacentes, squalidi, & habiti ab hostibus ludibrio; hic verò quieti inducuntur; annis, & auctoritate graues, & ætatem grandem, & labentia præ senectute membra baculo sustentantes. Illi proponuntur infantes exhalantes animas in materno sinu extrema fame, macièque confecti; virgines squallidæ, ac gemetæ, & barbarorum hominum iniuriæ, ac libidini expositæ: iuuenes impudenter vexati, & ante suam maturitatem extincti; cessasse denique dicitur psallentium chorus. Nunc verò commutata fortuna, habitaturi dicuntur senes, & anus in plateis Ierusalem, & in plateis futuri festiui infantium, ac puellarum ludi.

12. *Et viri baculus in manu eius.*] Hebræorum phrasi *vir* sumitur indefi-

G. Sandy Comm. in Zachar.

nitè pro *unoquoque.* Qua dicendi forma significatur non vnum, aut alterum futurum esse senem in Ierusalem, sed plurimos propter diurnam pacem, & rerum abundantiam ad grauem illam ætatem peruenturos.

13. Si hæc ad Ecclesiam referas, quod omnino in allegorico sensu faciendum est, optimè explicant felicissimum eius ortum, & cursum. Augetur enim quotidie noua sobole, adduntur infantes, id est, neophyti, eo studio, ac voluptate, vt in platea illa latissima, atque augustissima Ecclesiæ, in ipsorum etiam tyrannorum conspectu gestire, & choros ducere videantur. Neq; defunt viri graues ætate, atq; consilio, qui Ecclesiam moderentur, quos animarum Episcopos, & rectores Spiritus sanctus constituit. Quàm læti olim fideles sacra susceperint Christiana in Actis Apostolorum legimus: quàm nostra ætate transmarini populi, & priorib. sæculis ignotinos ipsi quotidie videmus.

14. *Ecce ego saluabo populum meum de terra Orientis, & de terra Occasus Solis.*] Hic locus maximè persuadet Riberæ, quæ hic traduntur, nullo modo posse sumi de Ierusalem. Nā Iudæi, sicunde, non ab Ortū, & Occasu Solis, sed ab Aquilone essent reducendi. Cū enim decem tribus multo antè ad Assyrios, duæ postea ad Babylonios transmigrarint, quæ duæ prouinciæ ad Aquilonem spectant, non sunt ex Hebræorum gente vlli, qui ab aliis regionibus in patrias sedes reuocari potuerint. Sed supponit Ribera in nullum alium locum Iudæos fuisse dispersos: aut hic tantum agi de illis, qui bello subacti, & exilio mulctati sunt. Sanè suprà cap. 2.

Ierusalem
vastata
prius; de
inde eadē
mensura
plenè re
stituta.

dispersi dicuntur Hebræi in quatuor ventos, quem locum de duabus tribubus, quæ in patriam redierunt, esse intelligendum probauimus latè ad illa verba eiusdem capituli; *O, ò fugie de terra Aquilonis.* Quæ vide omnino.

15. Sed quòd præter captiuos alij
Iudæi quæ
variè di-
spersi. quoque fuerint in aliis regionibus, non solum Hierosolymæ vicinis, sed etiam valdè remotis, & probat quæ diximus cap. 7. & docet Philo Iudæus in legatione ad Caium, Iudæos sua ætate negotiationis gratiâ esse dispersos in omnes orbis partes, vbi bonus esset ager, & se ostentaret spes aliqua lucri. Inter quas prouincias, quas ibi connumerat, quædam ad Orientem, quædam ad Occidentem Solem spectant. Neque verò minus negotiationi studebant, atque auaritiæ Iudæi ante captiuitatem Babylonicam, & Assyriam, quàm postea Philonis ætate; & eo nomine grauitè reprehenduntur à Prophetis. Certè Salomonis tempore classis mittebatur in Indiam, & 2. Paral. cap. 1. & 9. negotiatores Regij commemorantur, & negotiatorum nomen inter Iudæos frequens. Quare sicut Philonis ætate Hebræi in varias Asiæ, Africæ, atque Europæ prouincias dispersi erant; sic olim quando Palæstina bello ab Assyriis, ac Babyloniis tentata est, plurimos in varias quoque prouincias fuisse disseminatos non est improbabile, ad quos commune suæ gentis exitium non pertinuit. Quare isti in Assyriam, ac Babyloniā abducti non fuerant: atque adeò excitato iam templo ad urbem, ex aliis regionibus non Aquilonariibus congregati sunt.

16. Sed rogabis cur ab Ortu, Occasuque Solis vocandi esse dicuntur,

& non ab Aquilone, & Austro? Hoc idem ego rogarem, cur si de Ecclesiæ sermo est, prætermittæ sunt Aquilonares, & Australes plagæ; quasi inde ad Ecclesiæ sinum nullus sit aggregatus? Sed est prompta responsio, non solum ex Hebræorum, sed ex omnium pene Gètium modo loquendi, qui Orientis, & Occidentis nomine totum, quàm latè patet, terrarum orbem designant. Psalm. 112. *A Solis ortu, vsque ad Occasum laudabile nomen Domini.* Matt. 12. Luc. 13. *multi ab Oriente, & Occidente veniunt.* Nunquid ad Aquilonem, & Austrum diuini nominis gloria non diffundetur, aut tantum ex Occasu, & Ortu ad Ecclesiam fiet externarum Gètium concursus? Significat ergo Deus ex omnibus mundi plagis redituros esse in patriam Iudæos, & ex omnibus locis ad Ecclesiam venturos esse Gentiles.

Et ero eis in Deum in veritate, & in iustitia.] Sæpe in Scriptura iungitur cum veritate iustitia. Psalm. 84. *Veritas de terra orta est, & iustitia de cælo prospexit.* & Psalm. 14. *operatur iustitiam, & loquitur veritatem.* Sed dubium est an ista iustitia, & veritas Dei sint, an hominum: ita vt Deus promittat futurum se Deum in veritate, vt scilicet promissa cõpleat: & in iustitia, vt præmiis Iudæorum virtutes, quas commendat, & merita compenset. Vel certè homines verè, ac fideliter, & non simulatè, ac perfidiosè, vt antè, Dei voluntati seruituti, & eius mandata, vt decet seruos, ac filios tot ornatos officiis, cõplexuri sint. Hieronym. hæc hominibus prius, postea tamè videtur Deo tribuere. Deo item Theodoretus, Haimo, Hugo, Vatablus, Ribera. Alij verò hominibus, in quibus est Cyrillus,

Ortu, & Occasu totus orbis significatur.

17.

Diony

Dionysius, Emanuel Sa; quam sententiā magis videtur amplecti Hieronymus; & in hanc ego magis inclino; quia magis cum antecedentibus, & consequentibus congruit. Cum antecedentibus quidem, quia quod ad iustitiam pertinet, Iudæorum falsam iustitiam reprehendebat; nam sanctificari se putabant ieiuniis, cum tamen in Deum, ac proximos interea multa indigna, ac scelerata committerent. Quare addidit Deus cap. 7. *Iudicium verum indicat, & misericordiam, & miserationes facit*; & statim monet, ut id ipsum faciant, quia talibus obsequiis ab illis coli desiderat. Quod verò ad veritatem attinet, quia paulo antè dixerat vocandam esse Ierusalem ciuitatem veritatis; & rursus hoc capite veritatem commendat. Amplectitur itaque Deum ciuitas in veritate, quia velut sponsa fidelis vnum Deum colit, abiicitque inanium Deorum insanum cultum: hoc enim sensu explicuimus illud suprā, *ciuitas veritatis*. Amplectitur in iustitia, quia illa præstabit, quæ postea commendantur, & superiori capite abfuisse à suo populo Deus questus est. Illa autem esse veram iustitiā multis in locis docet Deus, & iisdem pene verbis, quibus hîc Zacharias; vsus est etiam Isaias cap. 1. & Iacobus cap. 1.

18.

Confortentur manus vestre, qui auditis in his diebus sermones istos per os Prophetarum, in die, qua fundata est domus Domini exercituum, ut templum adificaretur.] Hæc satis indicant sermonem esse de vrbe, ac tēplo Hierosolymitano: erigit enim Dominus languentes animos expectatione hominum, qui ex tot regionibus ad urbem conueniēt; & spe futuræ vbertatis ac pacis, de

qua statim, ut iuxta Prophetarum verba in eius, ac templi fabricam constanter incumbant. Constructio verò, atque ordo horum verborum paulo est implicatio; quæ sic videntur ordinari posse. *O vos, qui auditis his diebus sermones hos per ora Prophetarum, qui fuerunt in die, quo fundata est domus Domini* (id est, quo fundamenta iacta sunt templi) *confortentur manus vestre, &c.* Redolet autem ex hoc loco aliquis Hebraismus: nam relatiuum Hebræorum more omissum est à nostro Interprete, cum tamen illud habeat Hebraicus textus; qui post (*Prophetarum*) habet (*qui.*) Videri alicui posset huiusmodi verba inculcari solita esse à reditu Iudæorum, templique renouandi principio à Prophetis, nempe Aggæo, & Zacharia, qui, ut dicit Esdras lib. 1. cap. 5. & 6. eo tempore prophetabant, ac prospera omnia pollicebātur. Sic enim Esdras c. 6. *Seniores autem Iudæorum adificabant, & prosperabantur iuxta Prophetiam Aggai Propheta, & Zacharia filij Addo.*

Sed credo illa, *in die qua fundata est domus Domini*, non esse intelligenda de primo fundamento templi, quod iussu Cambysis per multos annos interruptum fuit vsque ad annum secundum Darij; sed de fabrica, quæ sub hoc tempus instaurata est. Quæ licet non tam inchoatio operis sit, quam continuatio, vulgari tamen Scripturæ more fundari, atque inchoari dici potest: ut enim in illud c. Actuum 10, *in veritate comperi*, pluribus ostendimus, & suprā c. 1. n. 32. Scriptura, cum aliquid fieri pergit, ita enunciat, quasi tunc primum fieri incipiat; & in hac materia exemplum habemus promptum. Nam lib. 1.

19.

Regul.
Continua
tio operis,
inceptio
vocatur.

Esdrae capite tertio fundatum est templum : sed capite quinto dicitur ædificari cœptum, vrgentibus, adiuvantibusque Aggæo, & Zacharia Prophetis. Accedit quod non apparet quinam Prophetæ esse potuerint in illa priorî templi fundatione: neque enim illos Scriptura præterisset, quæ aliorum longè interiorum meminerit. Sed Aggæus, & Zacharias longè post priorē illam fundationem prophetasse traditur regnante iam Dario.

10. *Merces hominum non erat, nec merces iumentorum.*] Hæc ab Aggæo cōmemorata sunt capite secundo, qui ideo sterilitatem, & maciem agrorum, & fraudatam laboris, operæque mercedem esse dicit, quia unusquisque domum sibi cōstruit, templi fabrica neglecta, quasi illius ædificandi maturitas non esset; quæ hîc à nostro Propheta repetuntur. Quæ eò spectant, ut significant inanes fuisse conatus, & labores, quos vel in agris colendis, vel rebus aliis administrandis posuerunt, quia suæ potius commoditatis, quàm religionis, ac pietatis causâ susceperunt.

21. *Neque introeunti, neque exeunti erat pax.*] Phrasis Hebraica, quæ in *exintrogressu* omnia significat. Vide Commentaria nostra in Acta ad illud capitis primi; *Quo intravit, & exiit.* Quanquam aliter etiam exponi potest locus iste: quia reuera cùm eo tempore Iudæi offensas haberent finitimas gentes, securè exire, vel agriculturæ, vel mercaturæ, vel alterius rei gerendæ causâ non poterant. Cùm ergo exirent, exponebantur Iudaici nominis hostibus aut prædæ, aut iniuriæ; cùm autem

introeirent, à domesticis vim, atque iniuriam patiebantur. Neque id sanè mirum, cùm tot annorū sterilitas, & fames bilē acuant, & manus arment etiam in cognatos, modò aliquid habeant, in quod fames, & egestas irruant. Porro *pax* ex vñ Scripturæ pro felicitate, atq; abundantia sumitur; & ita, meo iudicio, sensus erit huius loci proprius: Nihil eorum, quæ suscepistis, aut tentastis vobis feliciter, atque ex voto, seu opinione successit.

Et dimisi omnes homines, unumquemque contra proximum suum.

Cùm laxata captivitate primum Iudæi extruendo templo animum verè, ac sedulò applicuerunt; cohibebat Dominus hostilem vim, quæ licèt irritata, & ardens, vel antiquo odio, vel recenti invidia opus conaretur aut solvere, aut si id minùs posset, saltem morari, nihil tamen perfecit. Hi verò, qui opus moliebantur, sic erant studiis, animisque consentientibus, ut se mutuo foverent, & priuatas aliorum rationes ad se quoque pertinere arbitrantur. Vbi verò propositis minis, & edicto Assueri, qui & Artaxerxes dicitur Esdræ capite quarto, quod contra Domini consilium nihil habuisset roboris, ab opere cessatum est, resque ita neglecta, ut nihil sit tentatum vsque ad Dario Regnum. Eo tempore languentibus studiis, atque opere frigente laxauit Deus eos carceres, quibus antea hostiles vires, & fraudes cohibuerat, ut Iudæorum salutem affligerent, agros vastarent, & mille aliis afficerent incommodis, permisitque ut conspirans illa animorum consensio solueretur, quique antè fuerant & nomine, & studio fratres, mutuo sibi ipsis esset, &

22.

Deus ad-
est ben-
ignè in sua
causa stre-
nuè labo-
rantibus
torpenti-
bus: & i-
gnauis se-
cus.

im

impedimento, & damno. Eò deinde progressa diuini pectoris offensio est, vt quæ antea è cælo copiosè largiri solitus esset Deus placatus, quorum satù terra grauida, fœtus funderet vberes, & opportunos, illa postea negaret offensus. Quare non minùs durè in patrio solo liberi, quàm in Babylonico captiui premebantur Iudæi. Et quod inter hostes videbat, & lamentabatur Ieremias Thren. cap. 5. *in animabus nostris afferebamus panem nostrum à facie gladij in deserto*; idem quoque in Solymitanis agris eueniebat iisdè, qui pauxillum frumenti, quod ex copioso satù lōgòque labore reddebat sterilis, & infelix ager, capiebant inter hostiles manus, & insidias, quasi prædarentur alienum, non mererent, aut reconderent suum. Vnde discet Christiana pietas, quantum temporalium etiam rerum ex eo, vel labore, vel sumptu quem in diuinum cultum, & honorem impendimus, nostris commodis accedat. Quare optimè canit Ecclesia: *Sic nos tu visita, sicut te colimus.*

23. *Nunc autem non iuxta dies priores ego faciam reliquiis populi huius.*] Contraria omnia pollicetur Deus, vbertatem videlicet, & pacem, & quæ latè Propheta describit, vbi sese Iudæi ad templi fabricam accinxerint. Incipiet ergo vbertas, & pax à domo Domini, sicut ab eadem domo neglecta, quasi neglectus, & incultus ager nullum reddebat annuæ operæ, & duræ molestiæ premium.

24. *Semen pacis.*] Cætera clara sunt, illud solum notandum, *semen pacis* vocari, quia non erit sterile, atque euanidum, sed fœcundum, & læto, atque vbre prouentu felix: pax enim abundantiam valet. Ante hoc autem tempus, semen non erat pa-

cis; & id credo significatum esse ab Aggæo cap. 1. dum dicit. *Inuultis in domum, & exufflaui illud, & c. quia domus mea deserta est.* Exufflare est euanidū facere, sicut illud semen quod ventus dicitur. *Ventum seminabunt, & turbinem metem.* Quid prodest hominum labor, si in facienda semine, Deus grano vim eripit seminalem, id est, fœcunditatem? Sic isti Iudæi dum Deum habuerunt offensum, seminabant ventum, id est, semen infœcundum, & vanum, & merebant turbinem, id est, odiorum, & seditionum causam.

Et erit, sicut eratis maledictio in Gentibus.] Vitatum est apud Hebræos, vt in principio ponatur verbum substantiuum, quod in aliis linguis, quibus ille loquendi modus familiaris nō est, videri poterat otiosum. Quare vt multæ clausulæ incipiunt hoc modo: *Et factum est, & fuit, &c.* sic modò hæc incipit, *& erit.* Quem loquendi modum imitatur Hispanus dum dicit, *y succedio que vino*: nihil deesset si tantum diceret, *y vino*. Porro in Scriptura maledictio inducit, & sonat quicquid miserum, inauspicatum, atque horribile est: sicut contra benedictio, quicquid lætum est, fœcundum, & optabile. Alterum experti fuerant inter hostes, & paulo antè in suis etiam finibus Iudæi: alterum iam adfuturum ostendebāt Prophetarum oracula. Hunc credo esse sensum huius loci. Neque tamen displicet id quod placuit Vatablo, ideo inter Gentes, maledictionem fuisse Iudæos, quia illorum ærumnæ, quæ in Prouer-

Euanida sunt, quæ Deum nō spectant.

25. Reg. Factum est, fuit, & erit otiosa aliquando in Scriptura.

Iudeorum calamitas Prouerbiis.

bium & fabulā omnibus populis, ad quos te introduxerit Deus. Quod, meo iudicio, non obscure colligitur tum ex aliis, tum ex Ieremia saepe; maximè cap. 24. Et dabo (inquit) eos in vexationem, afflictionemque omnibus Regnis terra, in opprobrium, in parabolam, & in Prouerbum, & in maledictionem in vniuersis locis, ad quae eieci eos. Et cap. 29. cum ageret de Achab, & Sedecia falsis Prophetis dicit hoc ipsum magis explicatè. Ecce (inquit) ego tradam eos in manu Nabuchodonosor Regis Babylonis, & percutiet eos in oculis vestris, & assumetur ex eis maledictio omni transmigrationi Iudae, qua est in Babylone, dicentium: Ponate Dominus sicut Sedeciam, & sicut Achab. & cap. 42. Eritis in iusiurandum, & in stuporem, & in maledictum, & in opprobrium. Vbi obserua in iureiurando adhiberi solitam execrationem, quod indicat illa vsitata iureiurandi formula, Si introibunt in requiem meam, si dederō somnum oculis meis. vbi aliquid subauditur execratorium; & cum execratione iusiurandum plerumque coniungitur, vt cum dicitur: Haec faciat mihi Deus, & haec addat. Sed colligitur, meo iudicio, apertè hæc execrationis, seu maledictionis coniunctio ex cap. 24. Gen. vbi cum tantum præcessisset iuramentum, seu adiuratio; seruus tamen Abraham indicat ibi intercessisse maledictionem. n. 41. Cum ergo Ieremias dicit futuros esse Iudæos in iusiurandum, omnino significat in concipiendo iureiurando execrationis loco adhibendas esse Iudæorum ærumnas, exempli gratiā: Nisi hoc fecero, contingat mihi, quod Iudæorum genti: aut, miser, odiosus, aut execrabilis sim, sicut Iudæus. Aut certè sicut nostra ætate Prouerbum est Hispanis, Iudæorum timiditas, & auaritia: sic

26.
In iuramento saepe adhibita execratio.

puto olim Gentibus eorundè ærumnas, ac vilitatem fuisse Prouerbio. Et quidem hoc familiare est Mahometanis qui in execrationibus dicunt: Iudæus sim, si fallo, &c.

Et eritis benedictio.] Vt summa infelicitas, ac vilitas Iudæorum in maledictionem, & Prouerbum quondam fuit; sic nunc promittit Deus illorum fortunam felicitatis, ac benedictionis futuram esse symbolum. Quod promiserat Deus Sophon. cap. 3. Dabo vos in nomen, & in laudem omnibus populis terra cum conuerterero captiuitatem vestram. Quemadmodum Lia, & Rachel symbolum fuerunt nobilis, & ingenuæ fecunditatis. Ruth. cap. 4. Faciat Dominus hæc mulierẽ sicut Rachel, & Liã, qua edificauerunt domum Israël. Quæ videntur esse verba nuptiis familiaria.

27.

Domus Iuda, & domus Israël, sic saluabo vos.] Hæc Ribera nullo modo conuenire putat in Ierusalem; & ideo de Ecclesiæ temporibus putat intelligenda, quia nullo Scripturæ loco constat decem tribus, quæ Israël nomine explicantur, ab exilio rediisse, ne dum consecutæ talè benedictionẽ, qualem hic Israël pollicetur Deus. Inò apertè ex Scriptura constat illas nunquam in patriam reuersuras. Ose. 1. Vocanomen eius absque misericordia, quia non addam vltra misereri domui Israël; sed obliuione obliuiscar eorum; & domus Iudae miserebor. & 4. Reg. 17. Translati suntque est Israël de terra sua in Assyrios usque in diem hanc, id est, in perpetuũ. Id enim significat ille loquendi modus ex Origene hom. 7. in Iosue. Et tradit Iosephus lib. 11. Antiq. cap. 5. & Hieronymus in cap. 23. Ezech. vbi dicit ad suum vsque tempus decem tribus in vrbus Medorum captiuas teneri. Idem alij ferme omnes;

28.

omnes; tametsi Cyrillus in Prologo Zachariæ, & Theophylactus, & Theodoretus in illud Oſeæ II. *Quia dies multos ſedebunt*, rediſſe putent.

29.

Multi ex
decē tri-
bus cū
duabus
redierunt
ab exilio.

Ego primū rediſſe non puto decem tribus, tamen affirmare audeo hunc Zachariæ locum de Iudæorum populo eſſe intelligendum. Quod ſanè verum eſt, ſive hoc de aliquibus à duabus, ſive de duabus tantū tribubus accipias. Priorem partem ſic mihi perſuadeo, quia ex decem tribubus plurimi captiui abducti non fuerant ab Aſſyriis, vel quia, vt ex Philone nuper dicebamus, negotiandi cauſā in varias mūdi plagas erāt diſperſi; vel quia cū premerentur ab Aſſyriis ante extremam pugnam, qua deletum eſt Iſraēlis Regnum, ad duas alias tribus; quibus cum Aſſyriis nihil tunc erat offenſionis, confugerunt, ſeu, quod ex ipſa Scriptura conſtat, integra adhuc re magno numero ſape ab Iſraēl ad Iudam tranſmigrarunt. Ioſephus lib. 8. Ant. cap. 3. ad Roboam Hieroſolymis degētem ē rota Iſraēlitarum Ditione conſugiſſe Sacerdotes, & Leuitas, & quotquot ē reliqua plebe erant boni, ac iuſti, patriā ſuā deſeruſſe, ſcribit vt Hieroſolymis Deum colere liceret. Quieo numero fuerunt, vt illorum acceſſione Regnum Roboam confirmatum, & corroboratum fuiſſe tradatur. Certè 2. Paralip. cap. 11. & cap. 15. plurimi ex Iſraēl tranſfugiſſe dicuntur ad Aſſā pronepotē Salomonis; & cap. 30. alij ex tribu Aſſer, Zabulon, & Manaſſe acceſſiſſe dicuntur ad Ezechiam. Hi ergo qui ſe ad duas tribus olim adiunxerant, cum iſſdē quoque ſine dubio in Babylonem tranſlati ſunt.

30.

In capiti-
nitatemul-
ti ex decē
tribubus

Accedit quod improbable non eſt, multos quoque ex Iſraēl, qui capti fuerant multo antè ab Aſſyriis,

in patriā fuiſſe reuerſos. Nā cū in eiſdem Regis Imperio duodecim tribus captiue morarentur (non enim ſolū Babylonis, & Aſſyriis, ſed etiam Perſis, & Medis Cyrus, & Darius dominabantur) quis dubitet aliis alios in eadem regione fuiſſe permixtos? Quod non obſcure colligitur Dan. cap. 16. vbi duo ſenes dicuntur filiabus Iſraēl illuſiſſe, non verò filiabus Iuda; vbi planè ſignificat Iſraēlitas ſcēminas, & Iudæas fuiſſe Babylonis. Sic, inquit, faciebatis filiabus Iſraēl, & illa timentes loquebantur vobis; ſed non filia Iuda ſuſtinuit iniquitatem veſtram. Et quidem Eſther cap. 3. & cap. 8. traditur Iudæos per 127. prouincias fuiſſe diſſeminatos, id eſt, per totum Regis Aſſueri Imperium. Cū ergo facile inter ſe potuerint inire commercia, neque Cyrus in ſuo decreto vllum excepiſſet à redeundi facultate, quod ipſis ignotum eſſe non poterat (ſic enim Eſdras lib. 1. cap. 1. *Suſcitauit Dominus ſpirituſ ſui Regis Perſarum, & traduxit vocem in omni regno ſuo*) nō video cur ē decem tribubus multi redire non potuerint. Et ideo fortasſe Cyrillus, Theodoretus, & Theophylactus rediſſe putarunt decem tribus. Sanè rediſſe non paucos de Iſraēl cum duabus tribubus indicat Ierem. c. 3. v. 18. *Ibit domus Iuda ad domum Iſraēl, & venient ſimul de terra Aquilonis ad terrā, quam dedi patribus veſtris*. Et clariùs c. 5. n. 4.

cum dua-
bus fuere
in Baby-
lonia,

Neque obſtat huic ſententiæ quòd aliquibus locis negatur reditus decem tribubus, conceditur duabus: nam quemadmodum quādo ex magno numero pauci ſunt, qui aliquid non fecerint, omnes feciſſe dicuntur; ſic quando aliquid ex magno numero fecere pauci, ex Scripturæ cōſuetudine, nulli feciſſe

31.

Cur decē
tribus om-
nino ne-
gentur re-
diſſe.

exi

existimantur. Exempla sunt obuia. Vide quæ diximus ad illud Act. 1. *De omnibus ô Theophile.* Et est accom-
modatum exemplum in materia
valdè simili Iere. 42. nam cùm age-
ret cum eis, qui reliqui ex clade cõ-
muni Iudæorum, quasi à belli me-
tu futuri essent liberi, in Ægyptum
ire meditabantur, sic vaticinatur.
*Omnes viri, qui posuerunt faciem suam,
ut ingrediantur Ægyptum, ut habitent
ibi, morientur gladio, & fame, & peste,
nullus de eis remanebit, neque fugiet à
facie mali, quod ego asseram super eos.*
Quid grauius, quid minacius, quid
clarius dictum est de decem tribu-
bus captis ab Assyrio? Sed de his,
qui ad Ægyptios contra Domini
præceptum commigrarunt, aliquos
euasisse gladium, & pestem, & in Iu-
dæam remeasse, constat ex ipso Ie-
remia cap. 44. vbi cùm eadem pro-
pè minæ præcessissent addit; *Et qui
fugerint gladium, reuertentur de terra
Ægypti in terram Iudæ viri pauci.* Vt
ergo Iudæi ex Ægypto redituri ne-
gantur, tum quia pauci rediêre, tum
quia non vt populus, qui suis publi-
cè legibus, & in sua Repub. hone-
stè viueret, sed vt inquilini sine Re-
ge, ac duce, quasi in aliena: sic etiam
licet ex decem tribubus multi re-
dierint cum duabus, quia tamen in-
finiti pene alij remanserunt, neque
ex hac, vel illa tribu certi, atque di-
creti, sed confusi, atque permixti,
& inter se, & cum aliis duabus re-
uersi sunt, negantur rediisse. Quare
nullam habent Rempubicam à Iu-
daica diuersam.

32.

Et quemadmodum qui ante ca-
ptiuitatem ex Israël ad duas alias
tribus se applicuerunt, non dicun-
tur, exempli gratiâ Rubenitæ, aut
Ephraimitæ, quia earum tribuum
nullus erat definitus locus, sed om-
nes simpliciter vocantur Iudæi, quia

vna erat Iudæorum Respublica, in
qua ipsi viuebant, tanquam in sua;
sic etiam, qui modò ex captiuitate
rediisse existimantur, Iudæi dicun-
tur, nō Rubenitæ, aut Ephraimitæ.
Atque ideo optimè his negatus di-
citur reditus, quia non suis ordini-
bus ac familiis discreti, & cogniti,
vt antea, sed confusi, ac veluti Iu-
dæ, ac Benjamin familiis adscripti
redierunt. Vide quæ de tribu Ben-
jamin, quæ similem ob causam an-
numerata fuit tribui Iuda, di-
ximus suprâ cap. 2. ad illud; *O, ô fu-
gie de terra Aquilonis.* Quod etiam
insinuasse videtur Isaias cap. 7. qui
cùm ageret de captiuitate Ephraim,
in quo totus intelligitur Israël, non
negat illum emerfurum ab ea, sed
non futurum esse populum, id est,
non habiturum esse Rempubicam.
Ephraim, inquit, desinet esse populus.
Et clariùs Ezech. cap. 37. n. 16. vbi
sub duorum lignorum metaphora,
quæ in vnum coaluerunt, duos po-
pulos in vnum redactos significat.
Rediisse autem non paucos docent
Doctores Hebræorum. l. 1. Esdr. c. 2.
vbi cùm eorum qui ex captiuitate
ascenderunt, numerus esse dicatur
42000. tamen vbi sigillatim com-
putatio fit ex tribu Iuda, & Ben-
jamin, eorum summam fuisse con-
stat 32000. Respondent ergo He-
bræi, rediisse quidem à duabus tri-
bubus 32000. ex aliis verò decem
10000. ex quibus constatur numerus
ille 42000. Neque obscure docet
Tobias cap. vltimo, vbi loqui vide-
tur de decem tribubus captis ab
Assyriis. Nam tunc cùm nondum
euerfa esset Niniue, neque transla-
tum Imperium ad Chaldæos; duæ
aliæ tribus in exilio non erant, quæ à
Nabuchodonosor iam rerum poti-
to abductæ sunt. Sicigitur de decem
tribubus Tobias. *Prope erit interitus*
qui

1. Esdr. c. 2.

Tobias c.
vlt.

Ninive, non enim excidit verbum Domini, & fratres nostri, qui dispersi sunt de terra Israël, reuertentur ad eam. Sunt qui putent præteritum hîc sumi pro futuro, agique de duabus tribubus quæ posthęc tempora disperse sunt. Et fauet valdè quòd ibidem instauranda dicitur domus Dei, quæ eo tempore euerfa non erat. Sed sanè modus ipse loquendi satis indicat aut sermonem tantum esse de iis, qui tunc erant dispersi, aut certè si de duabus etiam tribubus vaticinium illud sit, decem non excludi.

33. Iure ergo Propheta dicit non solum saluandum esse Iudam, sed etiam Israël, quia ex 10. tribubus plurimi erant non captiui extra fines patrios; seu quia in Babylone permixti duabus tribubus. Sed etiam si nullus è decem tribubus rediturus esset in patriam, credo hunc locum facillè posse historicè sumi de populo Iudaico. Quod vt ostendam, obseruo valdè vfitatam esse inter Hebræos figuram, quæ dicitur epexegetis, in qua posterius hemistichii prioris sententiam explicat, & continet. Quo in genere millicies in sacra Scriptura postquam præcessit *Iacob*, statim eodem sensu ponitur *Israël*. Psal. 13. *Exultabit Iacob, & letabitur Israël.* Vt ergo in hoc dicendi genere idem est *Iacob*, & *Israël*; sic etiam per eandem figuram *Israël*, & *Iuda* in eadem significatione sumuntur. Et vt omittam alia exempla, adducam pauca, quæ mihi suadent hanc sententiam; quia verba, quæ antecesserunt, satis indicant eodem sensu, quæ consequuntur explicari debere. Psal. 113. cum præcessisset; *In exiit Israël de Aegypto domus Iacob de populo barbaro.* vbi per epexegetism eadem sententia secundo loco reperita est; statim subditur sine dubio cum eadem epexegeti.

G. Sancti Comm. in Zachar.

Facta est Iudæa sanctificatio eius: Israël potestas eius. Accedit quòd totus ille Psalmus secundum Hebræorum distinctionem, aut sicut Latini diuidunt, dimidia illius pars perpetua quadam constat epexegeti: Psal. 75. *Notus in Iudæa Deus, & in Israël magnum nomen eius.* Deinde subditur epexegetis alia, quæ satis probat in superiori versu fuisse quoque epexegetism; & *factus est in pace* (id est, in Ierusalem: nam pro pace Heb. est, *Salem*, id est, Ierusalem) *locus eius, & habitatio eius in Sion.* Isai. 46. *Dabo in Sion salutem, & Israël gloriam meam.* vbi *Israël* pro *Iuda* sumitur, quia quo tēpore hæc ab Isaia dicta sunt, iā *Israël* diuisus, imò & captus erat, & de *Iuda* sermonem esse, satis indicat tota Prophetia. Et videtur idē Isaias explicare voluisse: nam cap. 48. aperte dicit tribum *Iuda* vocari nomine *Israël*. *Audite, inquit, hæc domus Iacob, qui vocamini nomine Israël, & de aquis Iudæ exiistis*, id est, de fonte ac genere *Iudæ* propagati estis. Ideo autē tribui *Iuda* nomen *Israël* datum, quia illa fuit omnium familiarum nobilissima; & tribus Regia. Vt ergo *Ioseph*, quia nobilissimus fratrum, & eorum quasi Princeps, & pater erat, certè primogenij ius, & honorem habuit (quia primogenitus *Ruben* parentis torum violauit. 1. Paralip. c. 5.) dictus est *Israël*. Psal. 79. *Qui regis Israël, intende qui deducis velut ouem Ioseph.* Vbi omnium pene sententia in hac epexegeti *Ioseph* ponitur pro *Israël*: sic etiam, quia *Iudas* fuit fratrum suorum forissimus, & de cuius stirpe Principes generati, vt scribitur. 1. Paralip. 5. *Israëlis* sibi nomē assumpsit, sicut postea *Israëlitæ* omnes *Iudæi* appellati sunt. Vt ergo suprā dictis locis in *Israël* intelligitur tribus *Iuda*, sic in hoc loco *Zachariæ* per epe-

Reg.
Israël
pe
sumi-
tur
pro
Iu-
da.

Pr. 113.

Ioseph di-
ctus Israël

xegeſim in Iſraël nihil diuerſum intelligitur à Iuda.

Hæc ſunt ergo verba quæ facietis.]

Satis notum eſt verba in Scriptura pro rebus ſumi.

34. *In portis veſtris.]* Id eſt, in iudiciis, quia ad portas ciuitatis fiebant olim iudicia, vt in loco frequenti: vnde ſedere in portis, eſt ius dicere, & de rebus omnibus ſtatuerè. Ruth c. 4. *Aſcendit ergo Boos ad portas, &c. & Prou. vltim. Nobilis in portis vir eius, cum ſederit cum ſenatoribus terra.*

35. *Contra amicum ſuum.]* Heb. רֵעִי *reehu*, id eſt, *proximum ſuum*: & ita reddidit Lxx. Hebræis enim idem eſt *amicus*, & *proximus*; quia omnis proximus nobis *amicus* eſſe debet. At ipſi ſecundū ſuas deuteroſes, ſeu traditiones abuſi ambiguitate vocabuli, aliter interpretabātur Matt. 5. cum dicebant, *Diliges proximum tuum*, &c. vbi in *proximo* *amicum* intelligebant. Et qui Matth. 5. dicitur *proximus*, Leuit. 19. *amicus* appellatur in vulgato; apud Lxx. *proximus*, vbi vox eſt eadem רֵעִי *reehu*, quæ, vt dixi, & *amicum*, & *proximum* ſignificat. Chriſtus ergo Matth. 5. ſumit verba, non vt ſunt in Leuitico; ſed vt in Leuitico eſſe Iudæi interpretabantur. *Dicitur eſt antiquus*, (quemadmodum vós exiſtimatis, ac dicitis) *diliges proximum, & odio habebis inimicum tuum*. Priorem partem ſumpſit Chriſtus ex Leuitico iuxta Lxx. translationem, qui vocem רֵעִי *reehu*, *proximum* conuerterunt: ſicut vulgatus *amicum*: poſtetiorem reprehendit, & damnat, quia illam non eſt textu, ſed eſt ſuo capite ſumpſerant Iudæi.

36. *Ieiunium quarti, & ieiunium quinti, & ieiunium ſeptimi, & ieiunium decimi erit domui Iudæ in gaudium.]* Hucufque dilata fuerat reſponſio ad legatorum interrogata. Tantum le-

gationis occasione Propheta reprehenderat aliqua minùs religioſa ac pia, quæ ſuis ſteribus, ac ieiuniis abmiſcebant Iudæi: docueratque quid ab eis maximè Deus requireret; & quid propter hæc ab ipſius benignitate expectandū eſſet. Nunc verò iā reſpondet non ſolū ieiuniū quinti, & ſeptimi menſis omitti poſſe, ſed etiam quarti, & decimi, de quibus ipſi nihil interrogant. Quæ autem fuerint hæc ieiunia, & cuius gratiā inſtituta, non omnes eodem modo explicant. Hieronymus, quem ſequitur Haimo, Rupertus, Hugo, & Dionyſius ex Hebræorum ſententia, vt ait idem Hieronymus, & conſtat ex ipſorum Kalendario, ieiunium quarti menſis ideo inſtitutum ait, quia eo die deſcendens e monte Moyses tabulas fregit. Exod. 32. & quia tunc rupti ſunt muri Ieruſalem: ieiunium quinti, quia tunc Hebræi iuſſi ſunt montem non aſcendere, ſed per quadraginta annos longis errare diſpendiis, vt morerentur in ſolitudine. Num. 4. & quia eodem menſe templum in cenſum eſt: ieiunium ſeptimi propter eandem Godoliæ: ieiunium decimi, quia eo mente auditum eſt ab Ezechiele, & ab aliis captiuis templum fuiſſe ſubuerſum menſe quinto. Ita Hieronymus, qui nonnullis parum placet: quia rationum iſtarum aliquæ neque accommodatæ ſunt, quia de his quæri poſt tot ſæcula non eſſet neceſſe, neque ex Scriptura probari poteſt, aut menſe quarto fractas eſſe tabulas, aut quinto denunciatum eſſe diuturnam futuram eſſe moram in deſerto. Sed prior pars nil officit Hieronymo; nam quæſtio propoſita tantum eſt de ieiunio quinti, & ſeptimi menſis: poſterior ſatis à Ribera defenditur, qui ex Scriptura ſatis confirmat,

Quæ Hebræorum ieiunia, & cuius gratiā inſtituta.

& quarto mense à Moyse fractas esse tabulas, & quinto terram promissionis per annos quadraginta fuisse interdictam.

37. Nihilominus optimè cum aliis censet Ribera agi hoc loco de ieiuniis propter Hierosolymitanam cladem institutis, & incommoda postremis temporibus accepta; nam cum instaurato templo, & vrbe, illa essent sublata, consequens etiam erat, ut ieiunia eorum causâ indicta tollerentur. Incommoda verò sunt hæc, quia quarto mense muri Ierusalem diruti sunt à Chaldeis: quia quinto incensum est templum, & ciuitas vastata: quia septimo extinctus est Godolias, & sublata spes vrbis habitandæ: quia decimo obsessa est ciuitas à Nabuchodonosor. Ezechiel. c. 24. *Quæ omnia peti possunt ex lib. 1. Reg. c. vltimo, & Ierem. c. 39. & 52.* Ab iis verò ieiuniis an accepto oraculo soluti fuerint Iudæi, mihi incertum est. Sed puto non fuisse: nam adhuc hi ieiuniorum dies notantur in Hebræorum Kalendaris; & seruata videntur ieiunia septimi, aut decimi mensis Apostolorum tempore; sed fortasse alia sunt, & alio nomine concepta. Vide quæ diximus in cap. 27. Actuum ad illud; *Eo quòd ieiunium præterisset.*

38. *In gaudium, & festiuitates præclaras.]* Quia iam tempus instat, in quo redintegrentur rediuiuo templo, atque vrbe, sacra, & festa solemnia Iudæorum; respondet Deus sublata iam esse ieiunij siue necessitatem, siue causam: cum redcant dies festiui, ac læti. Ex quo intelligimus hîc tantum agi de ieiuniis, quæ instituta sunt propter extremam ciuitatis, ac templi vastitatem.

39. *Vsquequò veniant populi, & habitent in ciuitatibus multis.]* Heb. *וַיִּשְׁכְּנוּ אֲדָסָר* *ad aser*, quod variè exponitur. In

explicatione aliorum pene omnium nihil difficultatis habet propositus locus: nam Lxx. Chaldaus, & omnes pene iuniores vertunt *adhuc*, siue *ad eòdè v.*, & ita accipiunt Theodoretus, Haimo, Hugo, Ribera, in hûc sensum: ea erit felicitas Iudæorum, & solemnitates ad eòdè præclaræ, ut populi etiam externi mutuo sese cohortentur, ut in eandem Religionem cum Iudæis, imò in eandem ciuitatem conueniant. Neque ab hac sententia recedit Hieronymus, qui illud *vsquequò*, in Commentariis in tantum interpretatur. Et hæc mihi omnino probatur expositio.

Alij, qui de Republica Hebræorum nihil hîc agi putant, aliter explicant. Ribera ad superiorem explicationem hanc etiam addit, ieiuniorum loco instituendis esse solemnitates præclaras, donec Christus veniat, qui alias maiores inducat, conuocatis in Ecclesiam hinc inde populis. Michaël de Palacios vult habituros esse Iudæos lætitiis pro ieiuniis, vsquequò veniant populi multi ad fidem, & veram Ierusalem, tempore videlicet Euangelij, quia tunc euerso rursus templo, & vrbe vastata à Vespasiano, redintegrabuntur ieiunia, & fletus. Adde pro hac sententia quod Hieronymus in cap. 1. Sophoniæ scribit suo etiam tempore solere Iudæos miserandum in modum templi, atque vrbis ruinas lamentari. *Videas, ait, venire populum lugubrem, consuere decrepitas mulierculas, & senes pannis, annisque obsuos, & in corporibus, & habitu suo iram Domini demonstrantes. Adhuc fletus in genis, & lœuida brachia, & sparsi crines, & miles mercedem postulat, ut illis flere plus liceat.* Sunt quidem hæc vera, quæ à Ribera, & quæ à Palacios dicuntur; sed quia hæc existimamus historicè de Republica

Hebræorum intelligenda ; minùs placent. Sed laborandum est , vt ostendamus post rediuiam fortunam , & gloriam Iudæorum multos ex aliis gentibus ad illorum cœtum & sacra conuenisse.

41. Et quidem si hoc loco per popu-
 Multi ex gentibus instaura-
 rato tem-
 plo Iudeo-
 rum Reli-
 gionem com-
 plexi sunt.
 los multitudinem Iudæorum intel-
 ligam, qui post tot annorum fugam
 aut exilium in urbem remearunt,
 nihil, credo, dicerem aut improba-
 bile, aut nouum. Sed nunc de gen-
 tibus accipio à Iudeorum instituto,
 ac Religione alienis. Et licet hæc
 obscura sint, quia ab hoc tempore
 vsque ad Machabæos sacra inter-
 rupta fuit historia, quo tempore
 aliarum gentium ad Iudæorum
 Religionem accessio notari potuit,
 id est, per 300. fermè annos: tamen
 eius rei aliqua sunt, neque obscura
 vestigia. Primum profelytorum
 mentio frequens, quos in magno
 fuisse numero ante publicatum
 Euangelium colligitur ex cap. 2.
 Actuum, vbi ex tot Prouinciis ve-
 nisse profelytos, id est, viros Reli-
 gione Iudæos, ex quot conuene-
 rant genere Iudæi, probabile dixi-
 mus: numerantur autem ibi nationes
 plurimæ. Et sanè Eunuchus Re-
 ginæ Candacis profelytus fuisse
 communiter existimatur ab his, qui
 ex gentibus ad fidem primum om-
 nium admissum credunt esse Cor-
 nelium. Est autem verisimile plures
 alios in Æthiopia fuisse profelytos,
 quando vir potens publicè Iudai-
 cam Religionem profitebatur. Es-
 dræ lib. 3. c. 5. postquam ad mensẽ
 septimum confluisse ex aliis locis
 dicuntur Iudæi, statim additur: *Et
 conuenerunt ibi ex aliis nationibus terra,
 & erexerunt sacrarium in loco suo om-
 nes gentes terra, & offerebant hostias, &
 holocausta Domini matutina.*
 Quod si inchoato templo multa

nationes à genere Iudæorum diuer-
 sæ, vt modus ipse loquendi indicat,
 cum Iudæis conuenerunt; vt sacra
 Iudæorum obirent, quid facturæ
 fuisse gentes existimandum est ab-
 soluto iam templo, & instaurata
 iam antiqua Iudæorum gloria? Ne-
 que difficile creditu est, quo tem-
 pore sublato Aman excitatus est
 ad gloriam Mardochæus, plurimos
 è Chaldæis, quibus placerent Iu-
 dæorum instituta ac Religio, deter-
 reret tamè ab eorum amplexu gen-
 tis inuidia, & seruilis, & fordida cõ-
 ditio, nunc mutatione fortunæ,
 cum ex eo genere Esther ad Re-
 gium nomen, & Mardochæus ad
 Regio proximum ascendisset, eo-
 rum instituta, & sacra fuisse com-
 plexos. Quare Esther c. 8. post il-
 lam rerum vicissitudinem, scribi-
 tur. *Plures alterius gentis, & secta Iu-
 dæorum Religioni, & caeremoniis iunge-
 bantur: grandis enim cunctos Iudæici
 nominis terror inuaserat.* Adde quod
 Danielis tempore multa contige-
 runt, eaque illustria documenta,
 quæ probauerunt Babylonis ve-
 rum esse Deum, quem colebant Iu-
 dæi. Quod apertè confessus est
 Darius Dan. c. 6. decreto suo, in
 quo illum Deum viuum & ater-
 num vocat. Et idem confessus est
 Nabuchodonosor Dan. c. 2. Quare
 verisimile est ante Persarum etiam
 Imperium multos fuisse profelytos
 è Chaldæis. Non est ergo cur nege-
 mus hunc locum sumi posse histo-
 ricè de Iudæis, in quo bellè adum-
 bratur Ecclesiæ progressus, & in-
 stauratio: præsertim post Antichri-
 sti vastitatem, quæ non minor fuit
 ea, quam Iudæorum genti infixit
 Nabuchodonosor. Et quæ histori-
 cè Iudæorum populo contigerunt,
 hæc multo cumulatius, atque illu-
 strius impleta sunt in Ecclesia. Non
 ergo

ergo negamus hæc conuenire Ecclesiæ, sed dicimus in Iudæorum Republica hæc omnia tanquam in typo reperiri.

42. *Eamus, & deprecemur faciem Domini, &c. vadam etiam ego.*] Mimesis hæc est, quæ exprimit modum atque habitum, quo se hortantur, acuiuntque siue Iudæi, qui alibi degunt, siue externæ gentes Iudæorum felicitatem admiratæ, vt veniant in Ierusalem. Vbi enim vna ciuitas alteram inuitat ad templum, sacræque Iudaica, illaque annuerit, tertia alia nondum inuitata, permota tantæ felicitatis aut certo, aut dubio rumore dicit, *vadam & ego*. Pulchra representatio eorû, qui magno studio in aliquod consilium, aut negotium conspirant. Dionysius illud, *ego vadam*, ad Deum refert, ita vt Deus polliceatur se quoque cum illis esse venturum, id est, se futurum cum Iudæis, vt olim ante captiuitatē. Sed prior expositio aptius cum consequentibus contextitur.

43. *Eo venient populi multi, & gentes robustæ.*] Venturi dicuntur non modò ignobiles populi, atque afflictæ fortunæ inermes, ac omnium prædæ & iniuriis expositi, sicut qui prius cum Zorobabel è captiuitate remigrarunt: sed instructi & ar-

mis, & edicto Regio, & sumptibus ad reliquam fabricam à Dario decretis; ita vt finitimi populi quondam infensi inchoatum opus impedire neque audeant, neque possint, pœna mortis proposita, si quicquid contra moliantur. Vel certè si de gentibus externis sermo est, ventura dicuntur gentes, & populi florentes, ac robusti, quos non adducet ad Iudæorum Religionem necessitas, aut infirmitas, sed gloriæ splendor, & rerum præclarè gestarum admiratio, & Dei singularis beneuolentia, quam in illum populum quàm liberalissimè ostendet.

Apprehendent decem homines ex omnibus linguis gentium; & apprehendent simbram viri Iudæi.] Hic iam nemo dubitabit de externis gentibus esse sermonem, quas ex multis linguis accessisse ad Iudæos satis constat ex cap. 2. Actuum. vbi ex omninatione quæ sub cœlo est, Iudæi, atque proselyti in festum Pentecostes aduenisse dicuntur. Parrò hoc loco decem pro multis sumi certum est. Sic enim fert Scripturæ consuetudo. Genes. 31. *Pater vester mutauit mercedem meam decem vicibus.* & Leuit. 26. *decem mulieres in vno clibano coquent panes.* Iob. c. 9. *En decies confudit me.*

44.



ARGUMENTVM

NONI CAPITIS


ZACHARIÆ.




Pincipio Propheta graua quadam denunciat gentibus quæ dura fuerunt & insensa populo Iudaico, cui regiones ab alienis posseſſe restituenda dicuntur, defendendaq; præcipua quadam custodia. Quæ ita de Iudaorum gente historicè intelligenda sunt, vt typicè in Ecclesia multo cumulatiùs & illustriùs implenda existimentur. Deinde historicè eleganter agit, & grauius de Christi Regno; quem pauperem, & mansuetum inducit, insidentem asina, & eius pullo; cuius Regnum futurum esse dicit adeò pacificum, vt necessarij futuri non fuerint ulli apparatus bellici. Deinde historicè se ad res Iudaicas iterum conuertit, præsentemque promittit rerum felicitatem, & Dei in pugnando præsentiam, de hostibus gloriosam & facilem victoriam: & in agris suo iam quasi terminali lapide definitis ubertatem frumenti, & bonitatem vini; quorū altero robusti iuuenes, altero virgines pulchra fiant. Quæ tamen omnia mysticè de Ecclesia intelliguntur, & eo sensu ad finem capitis explicatur.

CAPVT IX.

PARAPHRASIS.

I  Nus Verbi Domini
in terra Hadrach,
& Damasci requiei eius:
quia Domini est oculus
hominis, & omnium tri-
buum Israël.

I  Rauis hæc, & minax
Prophetia à Domi-
no graues, atque diu-
turnas ærumnas portendit ter-
ræ Hadrach, & Damasci, quia
oculus hominis, & præcipue
tribuum Israël, quem isti po-
puli læserunt, oculus est Dei,
atq; ideo illis violatis, atq; cõ-
punctis oculus Dei cõpunctus
esse, atque violatus videtur.

2 Quo in numero etiam pono Emath, Tyrum, & Sidonem; licet multa sapientia contra omnia bellorum discrimina munitas se putent: quia ut prouinciarum terminis, sic etiam sceleribus affines sunt.

3 Communiēt se Tyrum muro, atque aggere contra vim hostilem: & argentum congregabit non aliter quam humum; & aurum, non secus quam lutum de plateis congregari solet.

4 Illam tamen Dominus obtinebit; & cum in medio mari sita sit, ibi tamen occupabit illam, & incendio tradet.

5 Cum autem Ascalon, & Gaza viderint ciuitates usque ad eam munitas cecidisse, dolebunt, timebuntque vehementer. Quid enim sperent se pene nudas ab omni instructu militari diu posse resistere, cum captam esse videant ciuitatem; quam tanto tempore ars, & natura tuebantur? Peribit ego Gaza Regni olim caput, & Ascalon aliquando non habitabitur.

6 Separator, qui & manzer, id est, Iudæus, sedebit tanquam dominus in Azoto; & opprimetur tandem Philistinæ gentis superbia & gloria. 7 Dabunt enim poenas illatæ iniuriæ, & suo sanguine effu-

2 Emath quoque in terminis eius, & Tyrus & Sidon: assumpserunt quippe sibi sapientiam valde.

3 Et edificabit Tyrus munitiōem suam, & coaceruabit argentum quasi humum, & aurum ut lutum platearum.

4 Ecce Dominus possidebit eam, & percutiet in mari fortitudinem eius, & hæc igni deuorabitur.

5 Videbit Ascalon, & timebit: & Gaza, & dolebit nimis, & Accaron, quoniam confusa est spes eius, & peribit Rex de Gaza, & Ascalon non habitabitur.

6 Et sedebit separator in Azoto: & disperdam superbiam Philistinorum.

7 Et auferam sanguinem eius de ore eius: & abominationes eiusdem de medio den-

*dentiam eius. Et relinque-
tur etiam ipse Deo nostro,
& erit quasi Dux in Iuda,
& Accaron quasi Iebu-
saus.*

8 *Et circumdabo domum
meam ex his qui militant
mihi euntes, & reuertentes.
Et non transibit super
eos ultra exactor: quia nunc
vidi in oculis meis.*

9 *Exulta satis, filia Sion, iu-
bila filia Ierusalem: ecce
Rex tuus veniet tibi iustus,
& Saluator: ipse pauper,
& ascendens super asinum,
& super pullum filium asi-
ne.*

effusi Iudaici sanguinis, & execrandæ audaciæ, atque impietatis supplicium expendent. Denique sicut de Tyro antea dictum est, ipsa quoque subiicietur Deo. Et erit eius Dux & moderator Iudæus: cui Accaron præstabit illud seruilis ministerium, quod eidem olim præstitit Iebusæus.

8 Et ex his ministris qui mihi astant ad nutum expediti, & prompti in circuitu possessionis meæ, constituam custodes. Neque sicut antea è vicinis populis exactores erunt duri, atque frequentes, qui populo meo vestigalia imponant, & exigant: quia iam benignior illum respexi oculis omnino meis, id est, non grauius, ac seuerius, sed placidis, ac mitibus.

9 Hæc tibi, ô filia Sion, amplæ sunt à Domino beneficia, humana tamen, & altioris beneficii typus; exultabas earum rerum commutatione, de qua nuper. Nunc multo magis exulta, atque adeò, toto præcordiorum affectu iubila: quia Rex tuus Christus veniet tibi, non iniustus, ac violentus, sicut plerique aliorum Regum, qui sibi regnant, non aliis; sed iustus, & Saluator, qui tuam tibi potius quam suam sibi commoditatem queret; non opprimit te, quia pauper est, & mitis, qui non in militari quadri-

ga, sed in asina, & eius pullo desultorio sedebit.

10 Quia Rex pacificus erit Christus, disperdet quadrigas de Ephraim, & equum de Ierusalem. Neque in eius Regno arcus erit ad bellum, quia iam ad bellicos usus necessaria non erunt. Cuius Imperium à mari usque ad mare, & à fluminibus ad extremos usque terræ fines latè se diffundet.

11 Tu quoque ô Rex pacifice, & Seruator Christe, non satis habuisti restituisse tuos à Babylonio carcere: sed firmato iam sanguine tuo testamento, eos qui in sinu Abrahæ victi tenebantur, eduxisti.

12 O vos qui victi Redemptoris vestri aduentum expectatis, diffundite iam & exultate animos: vósque ad libertatis vestræ auctorem ac vindicem conuertite.

Postquam iam de Iesu Seruatore egi, & eius Regno, redeo ad te, & tua tempora, ô Iuda. Pollicitus sum plurima, eaque amplissima beneficia Messiae tempore: nunc verò alia tibi polliceor non diu differenda: sed hodie, id est, non longè post hoc tempus præstanda.

13 Quoniam assumam mihi Iudam, quasi arcum, & Ephraim quasi neruum instructum iaculis adducam vehementer: & ciues tuos ô Sion excitabo, armabóque contra Græ-

10 Et disperdam quadrigam ex Ephraim, & equum de Ierusalem; & dissipabitur arcus belli: & loquetur pacem Gentibus, & potestas eius à mari usque ad mare, & à fluminibus usque ad fines terre.

11 Tu quoque in sanguine testamenti tui emisisti victos de lacu, in quo non est aqua.

12 Conuertimini ad munitiorem victi spei: hodie quoque annuncians duplicia reddam tibi.

13 Quoniam extendi mihi Iudam quasi arcum, impleui Ephraim; & suscitabo filios tuos, Sion super filios tuos, Gracia, & ponam te qua-

si gladium fortium.

14 *Et Dominus Deus super eos videbitur; & exibat ut fulgur iaculum eius; & Dominus Deus in tuba canet, & vadet in turbine Austri. 15 Dominus exercituum proteget eos: & deuorabunt, & subiicient lapidibus funda, & bibentes inebriabuntur quasi à vino: & replebuntur ut phiala, & quasi cornua altaris.*

16 *Et saluabit eos Dominus Deus eorum in die illa, ut gregem populi sui: quia lapides sancti eleuabuntur super terram eius.*

17 *Quid enim bonum eius est, & quid pulchrum eius: nisi frumentum electorum, & vinum germinans virgines?*

corum vires, & eris mihi ô Siō, non ut inutilis, aut plumbeus gladius, sed qualis versari ac vibrari solet robustorum laceratis.

14 Aderit Deus pugnantibus Iudeis, qui fulguris in modum vibrabit iacula, & tuba populos ad arma coget, & ad auxiliandum velox accurret: & inter hostes velut turbo ab Australi regione grassabitur. 15 Iudæi ego protegente Domino, hostes suos sternent lapidibus excussis à funda, quorum carnes vorabunt, bibentque sanguinem ad ebrietatem usque: quo non aliter replebuntur, quàm altaris cornua imbui sanguine, aut phialæ, quæ victimarum sanguinem excipere solent.

16 Eo verò tempore populum sua benignitate seruatum pascet Deus, quasi gregem suum; in pascuis suis signis, & titulis quasi lapide terminali consignatis.

17 O quantum bonitatis ac pulchritudinis habebit ager ille, quem Dominus suo assignabit populo, quemque suis sibi titulis circumscribet: Affert enim frumentum, quod iuuenes robustos, & vinum, quod virgines florentes, atque nitentes faciat.

COMMENTARIII IN CAP. IX. ZACHARIÆ PROPHETÆ.



1.
An caput
hoc de
Ecclesia
intelligē
dū, an de
Ierusalē.



Nus verbi Domini in terra Hadrach, & Damasci requiei eius.] Obscurum est an hæc Prophetia de Ecclesia, Christi; victoriis sit intelligenda, vel certè historicè de Regno Iudæorum, typicè de Ecclesia, vt alia quæ superiori capite à nobis exposita sunt. Theodoretus, Haimo & Ribera totam hanc Prophetiam ad vocationem Gentium; & Ecclesiæ constructionē pertinere putant: alij de temporali Iudæorum Republica interpretantur, Cyrillus, Hugo, vterque Palacios, & inclinat Dionysius. Hieronym. verò cū in principio dixisset sermonē esse de Ecclesia, ad finem capitis de temporali Republica Iudæorum accipit: quare videtur Hieron. sentire typicè de Ecclesia, historicè de Ierusalē præsens caput institui. Ego, vt quod mihi videtur vero propius esse, ostendam, caput in duas partes diuido; quarum prior debellandos esse Iudaici nominis inimicos prædicit, posterior docet victoriam illam figuram esse Gentium ad Ecclesiā aggregandarum, idque omnino secundum literam. De posteriori parte nemo, credo, dubitabit, in priori probanda laborandum est.

2.
Prior pars
capitis in
telligitur
de Ierusa
lem, poste
rior de Ec
clesia.

Et primū fauet ipsa superioris cum præsentī capite compositio: nam vbi auctæ dicuntur tum ex domesticis, tum ex externis aux ilij

Iudæorum vires, non est abs re, textūque historiæ, si gentes Iudæis infensæ, pessimæque de illis iam olim merita, à Iudæis domita, ac subiugata fuerint. Quia ad humanam felicitatem non satis esse existimatur, si quispiam antiquam fortunam recuperet, nisi etiam illatas prius iniurias vlciscatur. Secundò, quia nomen *onus* nihil significat benignū, ac molle, quod præ se fert Euangelij prædicatio, sed durum, & hostile, vt communiter docent Patres, & probant illa Prophetarum oracula, quibus *oneris* nomen præfixum est. Deinde, quia multa sunt in prioris capitis parte, quæ nisi violenter contorqueas, ad mitiorem illum sensum trahi non possunt. Præterea, quia apta videtur agendi ratio, neque in Scriptura insolens, vt prius proponatur aut typus, aut parabola; deinde adhibeatur eius interpretatio; quod, credo, factum est toto præcedenti capite, & præsentis parte priori. Deinde in posteriori parte mysticus atque allegoricus sensus inducitur ab illis verbis; *Exulta satis filia Sion*. Exploremus iam singula.

In terra Hadrach, & Damasci requiei eius.] Hadrach tantū reperitur hoc loco, quare incertum est quid significet. Hieronymus, qui mysticum sequitur sensum, compositū nomen existimat ex *ח* Chad, quod *austum*, & *ר* Rach, quod *ienerum*, & *molle* significat. Quare dicit

3.

hanc Prophetiam acerbam esse peccatoribus, & mollem iustis. Deinde ex aliorum sententia docet per *Hadrach* Iudaicum populum intelligi, in quem prius Deus se acutum, & acerbum, deinde mollem & benignum ostendit; per *Damascum* verò Gentilem populum, qui ad Ecclesiam vocatus est: quasi Deus in utroque populo quieturus sit. Sed quia nos priorem partem aliter accipiendam verisimile existimamus, aliter hæc interpretemur necesse est. Communis aliorum sententia (quã, puto, Hieronym. non negaret, qui non tã ex sua quã ex aliorum opinione locutus est) *Hadrach* civitatẽ esse *Damascum* proximam putat, certè non longè à terra promissionis, & Iudæis infensam. Chaldaeus vertit, *in terra Australi*. Cyrillus Orientalem regionẽ esse iuxta Emath; Theodoretus civitatem esse Arabiæ dicit.

4. Notum est *Damascum* caput esse Syriæ. Isai. capite septimo. *Capui Syria Damascus*: ex qua sæpe exorta bella, & eruptiones factæ in terram Israël; & quæ sæpe cum Israëlitis contra Iudam conspiravit. Itavt ab Isaiã cap. 17. *Damascus* dicatur *adiutorium Ephraim*. Cur verò eius præcipuè mentio fiat, ea fortasse ratio est, quia cùm *Damascus* proxima esset Hebræorum finibus, & eorum rationibus maximè infensa, iam pro generali hostium nomine vulgò accipiebatur: sicut apud Hispanos vulgò *Maurorum* nomen non solum pro Mahometanis omnibus, sed etiam pro hostibus generaliter vsurpatur. Quare Cant. 7. sponsæ natus, id est, prudentia, vel consilium respicere dicitur contra *Damascum*, id est, contra hostes: & Christus Isai. cap. 8.

vt multi volunt, statim ac natus est contra *Damascum*, id est, contra sui nominis hostes arcum intendit. *Aniequam soiat puer vocare patrem suum, & matrem suam, auferetur fortitudo Damasci*. Cùm autem captivi ex Israëlitis sæpe adduceretur *Damascum*, quia civitas erat, & proxima, & munita; sicut & nostri plerumque primum abducuntur Argerium, quod proximum nobis est in Africano littore; sic fiebat, vt pessimè apud Iudæos audiret *Damascus*, tanquam commune eorum ergastulum, sicut apud nos odiosum est Argerij nomen.

Hinc apparet, quid sibi velit locussille Amos cap. 1. & *transferam vos trans Damascum*; nempe non iam captivos Israëlitas abducendos esse *Damascum*; vbi plerumque illorum extremum erat exilium, sed longè ab ea relegandos esse, nempe ad Assyrios. Significare itaque voluit longum exilium, quod omnino expressit Stephanus dum Act. cap. 7. hunc eundem locum Amos ita conuertit; *Transferam vos trans Babylonem*, sententiam potiùs secutus quã verba. Significavit enim idem quod Amos, nempe futurum esse longum Israëlitis exilium.

Requiei eius.] Septuaginta non legunt *requiei*: sed *requies* in recto. Hieronymus legisse dicit Lxx. *sacrificium*: & hæc lectio probatur in codicibus nunc à Sixto correctis. Et iuxta hanc lectionem Lxx. commodè locus iste de Ecclesia intelligi posset, in qua verum sacrificium est: sed *requies* magis est ad textum Hebraicum, in quo est *מנוחאיהו* *menuchaïho*. Porro illud, *requiei eius*, non refertur ad Deum, ita vt ibi quieturus, & regnaturus sit tanquam in dilecta civitate, aut

5.
Amos 1.

Act. 7.

6.

tan

tanquam in Ierusalem: neque enim Hadrach, & Damascus aliquid videmus habuisse præcipuum, quambrem in eis quieturus Dominus dicatur. Potius refertur ad *on^o verbi*, quia diu ac grauiter diuinus furor, quem importat *onus*, in illas ciuitates incumbet. Qua ratione suprà c.

Requies
pro vin-
dicta.

6. explicuimus illud; & *requiescere fecerunt spiritum eius in terra Aquilonis*. Cyrillus ad Deum refert, sed sensu non dissimili huic posteriori, *In ipsis (inquit) fuit requies eius, id est, omnium dominantis Dei. Requieuit porro, quia punitas vidit; & infra: Requiescit autem quodammodo inimica malis ira Domini, cum, qui eum plurima & effrenate peccando offenderint, poenas luerint*. Et quidem hic loquendi modus, vt *requies* pro vindicta sumatur, vsitatus est in Scriptura. Ezech.

Ezech. 5.

5. *Complebo furorem meum, & requiescere faciam indignationem meam in eis*. Loquitur verò hic Deus hominum more, qui postquam euomuerunt illud acerbitalis virus, quod conceperant, recreari videntur, & requiescere; quia vindicta accepta contumeliæ, vel iniuriæ leuamen est. Vide quæ diximus in Commētariis ad illud Isaïæ cap. 2. *Heu consolabor super hostibus meis*. Mira significatio iræ Dei, & grauis peccatoris miseria, peccatiquæ acerbitalis, quæ ita grauant, & quasi torquent diuinum stomachum; vt tunc requiescere videatur quando ira illa euomuerit peccatore multato.

Ira Dei.
Isai 2.

7. *Quia Domini est oculus hominis, & omnium tribuum Israël.* Heb. *לדוד* in datiuo, id est, Domino, siue ad Dominum. Quia nos hic de populo Iudæorum loquimur, non de Ecclesia nisi in allegorico sensu; alias interpretationes omittimus. Si, vt simpliciter præ se ferre videtur vulgata, oculus hominis, & tribuum Israël;

Dei singu-
laris amor
in homi-
nes.

aut etiam vt admittere videtur litera Hebraica, homo, & maximè tribus Israël, oculus sint Dei, sensus est pulcher, qui præclaram rationem continet cur Hadrach, Damascus, & aliæ ciuitates euertendæ sint, quia nimirum grauiter læserunt Dei populum, quem qui tetigerit, oculum Dei tangit, iuxta id quod dixerat cap. 2. *Qui enim tetigerit vos, tangit pupillam oculi mei*. Et sanè in hanc sententiam valdè propendet animus, quia illud idem videtur esse propositum capit. 2. vbi minatur Deus leuaturum se manum contra omnes gentes, quæ spoliauerunt populum suum, ac tandem perfecturum, vt prædæ sint iis, qui sibi antè seruierant. Et rationem reddit:

Qui enim tetigerit vos, tangit pupillam oculi mei. Quare dum Dei populus ab illis gentibus offenditur, diuinorum oculorū pupilla compungitur.

Sed si, vt textus postulat Hebraicus, pro, *Domini*, sit datiuus *Domino*, idem est sensus. Dicitur enim omnis homo futurus esse Deo oculus, sed præcipuè tribus Israël. Vbi obiter notandum; quando aliquid, quod in generali nomine, quod præcessit, continebatur, additur expressè, singularem aliquam rationem in eo indicari, propter quam seorsum nominari debuerit. Hæc nos pluribus ostendimus in illud Act. 1. *cum mulieribus, & Maria matre Iesu*. vbi Maria seorsum nominatur, quia in ea aliquid speciale erat. Illud etiam obserua (&) aliquando non solum coniungere, sed in eo quod additur, aliquid designare singulare, atque in eo genere maius, vt Prou. 30. *Tria sunt insaturabilia, & quantum, quod non dicit, sufficit; & statim: Tria sunt difficilia mihi, & quantum penitus ignoro*. vbi in illa coniunctione & continetur, & sub-

8.

Deus alie-
nas iniu-
rias, quasi
proprias
vilescit

Reg.

Et aliquid
præcipuū
indicat in
eo, quod
adiungit.
Prou 30.

Ezech. 35 auditur vox præcipuè: & Ezech. c. 35. Dixerunt filij populi mei, non est æquiper ponderis via Domini, & ipsorum via iniusta est, id est, ipsorum potius via iniusta est. Psal. 124. Montes in circuitu eius: & Dominus in circuitu populi sui, id est, imò & Dominus. Sic præsentiloco & coniunctio addita, & nomen tribuum post generale nomen seorsum expressum aliquid singulare, atque præcipuum esse connotat, cur illarum vexatione offendi magis videatur pupilla diuinorum oculorum.

9. Hæc mihi genuina videtur loci sententia, cui non nihil videtur incommodare versio vulgata, quæ non habet, *Domini oculus est homo, & omnes tribus*; sed *hominis*; nihilo tamen minùs sententia eadem est, aut certè non admodum diuersa. Nam si oculus Domini est oculus hominis, profectò iniurias illatas homini pro illatis sibi reputat Deus; & ideo se cæsum putat, & ad vindictam accingitur, quia læsum esse videt populum suum.

IO. Aliter potest explicari hic locus, & rei morali satis accommodatè, *oculus Domini est oculus hominis*, id est, homo suam iniuriam negligit, neque illam respicit, quia Deo permittit, cuius oculis videt esse propositam. Quare cùm Deus illam videat, commodissimum sibi esse arbitratur homo à se neque videri, neque curari. Ex quo fit, ut cura aut sarcinendi damni, aut vlciscendæ iniuriæ magis Deo commendata sit. Vnde Deus infert ad se pertinere in gentes illas immites, & impias seuerè animaduertere, quando populus suus nihil de se cogitat, sed totam causam Deo iudicandam relinquit. Quare illi, qui dixit, *videat Dominus & requirai*. 2. Para. c. 24. respondet Deus; *mihi vindictam, &*

ego retribuam.

Aut sanè si iuxta textum Hebraicum (*Dominus*) sit in datiuo, aut accusatiuo, cum (*ad*) nam vtrumque valet *וירא*, ut etiam vertunt alij, sensus pulcher est, & ad rem moralem egregius. Cùm hominum oculi, & præcipuè tribuum Israël ad me sint intenti, & tacitè petant, ut suam causam suscipiam, in populis duris, & vexatoribus quiescet furor meus. Et quidem pauperum iniuriæ tacitè clamant, reperuntque, vel ipsis nescientibus illud Zachariæ filij Ioiadæ 2. Paralip. 24. *videat Dominus & requirai*; & eiusmodi iniuriæ dicuntur peccata in cælum clamantia, quæ Deus plerumque in hac vita seuerè punit. De oppressione pauperum, qui *viduarum*, ac *pupillorum* significantur nomine, est illud Exod. 22. *Vidua & pupillo non nocebitis: si læseritis eos, vociferabuntur ad me, & ego audiam clamorem eorum, & indignabitur furor meus, percutiamque vos gladio.* Et Eccli. 35. *Nōne lacryma viduæ ad maxillam descendunt: & exclamatio eius ad deducemem eas? A maxilla enim ascendunt usque ad cælum.*

Hemath quoque in terminis eius.] Hemath ciuitas est, inquit Hieronymus Syriæ Cœles, quæ ab Antiocho Epiphania dicta est. Et cùm duæ sint ciuitates eiusdem nominis, hæc, ut cum Hieronymo sètit Theodoretus, & Cyrillus, & communiter alij, de Epiphania sermo est; quæ in aliarum ciuitatum, quæ postea nominantur, terminis est. Quidam putant in terminis esse terræ promissionis, idque à Propheta significari; & hoc dupliciter: aut historicè, quia re ipsa attingit fines terræ promissionis, licèt non ab eadem plaga: nam Hemath à Septentrione, Tyrus & Sidon ab Occasû illam

II. Pauperū iniuriæ tacitè clamant.

12.

definiebant. Alij spiritualiter: quia hîc agi putant de Gentium conuersione, & dicunt has ciuitates futuras aliquando esse intra Ecclesiæ fines. Sed hæc mihi parum probatur, quia illud *eius* non videtur vllo modo respicere terram promissionis, cuius antea nulla mentio præcessit; sed potius Damascum; & his verbis significari has ciuitates in terminis esse Damasci, nō tam situ, spatioque locorum, quàm societate vindictæ: quia erunt eiusdem supplicij sociæ, eodem numero, atque ordine habitæ, quia se eisdem sceleribus implicauerunt. Quæ ratione à Paulo cap. 4. ad Galat. mōs Sina coniunctus esse traditur Ierusalem, non quidem situ, sed mysterij similitudine. Sin verò illud *eius* respiciat *requiem*, idem est sensus, ac si dicat, futuras quoque cum Damasco, & Hadrach illas ciuitates in terminis, in quibus requiescet diuinus furor, vel esse intra spherā, ad quam effunderet se diuina vindicta.

13. *Assumpserunt sibi quippe sapientiam valdè.* [Heb. *quoniam sapiens fuit valdè.* Et ita vertunt Lxx. sed aptè Hieronymus reddit, *assumpserunt sibi sapientiam*, quia isti erant non tam aliorum opinione, quàm sua, non tam vera, quàm fucata, & futilli doctrina sapientissimi. Irrisoriè ergo sapientes vocantur Tyrij, & Sidonij; sicut Deus Ezech. 18. stultam sapientiam, aut vanissimam sapientiæ opinionem obiicit Regi Tyri: *Ecce sapientior es tu Daniele, & omne secretum non est absconditum à te, &c.* vbi illa eadem propè dicuntur, quæ nunc à Zacharia. Ex quo apparet potius vindicta, quàm de conuersione ad fidem: nam sapientia superbè, atque inaniter arroga-

ta, & auaritia, de qua statim, non tam diuinam misericordiam alliciunt, quàm iram inflammant. Porro vbicumque superbia est, & auaritia, quæ vndecunque pecuniam corrãdit, & eò præceps rapitur, vnde se primùm spes aliqua quæstus ostendit, nunquam abesse solet iniuria. Quare verisimile est iniurios fuisse Tyrios & Sidonios Hebræorum populo, vel dum grauissimis vitiis illorum opes exhauriunt, vel dum apud se captiuos pecunia à proximis hostibus, cõemptos seuerè tractant. Alterum indicat Zacharias statim dum dicit; *& non transibit super eos vlti à exactor*, haud dubiè ille, qui coaceruauit argentum, quasi humum, & aurum, vt lutum platearum. Alterum colligitur ex 1. Machab. cap. 3. vbi cùm inermes Iudæos ab armata, atque innumeraibili inimicorum manu superatum iri crederent, venisse dicuntur ex vicinis regionibus mercatores cum argento, vt ex Hebræorum populo mancipia emerent; quod etiam ante Zachariæ tempora contigisse verisimile est, cùm sæpe ab hostibus variè iactata, atque afflicta fuerit Iudæorum fortuna. De Tyri Sidonisque diuitiis vide Isai. 13. Ezech. 27.

Et adificauit Tyrus munitionem suam. Quàm sese Tyrus prouidè, ac fortiter contra vim hostilem, atque humanos casus communierit, satis ostendit Ezech. cap. 27. sed strauit illam diuina potentia, ante Zachariam per Nabuchodonosor, vt dicit Isaias cap. 23. & Ezechiel c. 26. deinde per Alexandrum, vt profanæ testantur historia: tandem per Iudæos, vt hîc prædicit Zacharias, & statim videbimus.

Et percutiet in mari fortitudinẽ eius. Tutam se putabat Tyrus ab hostibus,

Ab auaritia abesse non solet iniuria.

14. Tyrus sæpe vastata.

15.

bus, quia muris cingebatur, non tantum lapideis, quamquam ab his quoque satis habebat firmamenti, sed etiam marinis: aquis enim cingebatur, eoque nomine & placebat sibi, & fidebat maximè, quod sederet in corde maris. Sed diuinæ potentiae nil est non expugnabile, quæ per vnius homunculi manus, & industriam muros strauit marinos, terrestribusque copiis liberum constrauit ingressum, ad euertendam urbem. Cum enim olim Tyrus, sicut nunc Gades, à continenti exiguò disiungeretur freto, spatium illud strauit Alexandræ iactis molibus, peninsulamque fecit. Idem ante Alexandrum fecerat Nabuchodonosor, ut dicit super Ezech. Hieronymus in illud c. 29. *Omne caput decaluat, & omnis humerus depilatus est. ubi tradit seruos Nabuchodonosor decaluatum habuisse caput, & depilatos humeros, dum cophinos, lapidesque comportant ad obstruendum fretum, id est, maris angustias. Hæ verò, ut docet Curtius lib. 4. quatuor stadiis, ut verò Plin. lib. 5. cap. 19. & Hieron. in Isai. c. 23. & Ezech. 26. 27. septingentis passibus Tyrum à continenti discludebant. Quam verò vastata fuerit Tyrus docet Ezech. c. 26. ea dicendi forma qua Hebræi extremam vastitatem explicare solent: ita ut neque pertenuè maneat antiquæ gloriæ vestigium. Radam, inquit, puluerem eius de ea, & dabo eam in limpidissimam peiræm. Quo etiam dicendi genere usus est Isaias Propheta cum extremam calamitatem minaretur domui Ieroboam 3. Reg. 14. *Mundabo reliquias domus Ieroboam, sicut mundari solet finis usque ad purum. Quod illuc in puluere radendo, id est hic significatur in mundando fimo, cuius pars nulla relinqui solet. Et**

idem de Babylone Isai. c. 14. *Scopabo eam in scopam.*

Et hæc igne deuorabitur.] Quando incendio conflagrabit Tyrus, non inuenio: sed conflagrasse certum est ex hac Prophetia; nisi ex usu Scripturæ dicamus ideo Tyrum dici vastandam incendio, quia extrema omnia passa est. Summa verò calamitas incendi, ac flammæ nomine explicari solet, quia ignis omnia consumit, ac perdit. Eadem metaphora in eodem propè argumento usus est Abdias cum dixit: *Et erit domus Iacob ignis, & domus Israël flamma, & domus Esau stipula.* Est autem mira amplificatio diuinæ potentiae, quod ciuitas cincta undique mari inter medios fluctus, tot instructa ad resistendum machinis, non tormentis solum bellicis quatiatur, sed etiam absumatur incendio. Quod si hæc ad Euangelij tempus referas, Tyrique conuersionem, multo est magis admirabile, quod superba ciuitas, & sapientiæ opinione vehementer inflata; tum diuitiis abundans, quæ, ut dicit Marth. c. 13. *suffocant semen patrisfamilias*: & in corde maris, id est, voluptatibus demersa, quæ omnia horrent, ac respuunt seueritatem Euangelij, cessit tamen doctrinæ Christi, & liberam antè ceruicem iugo subiecit Euangelico. Quid ergo erit tam naturæ improbitate, quam studio, atque arte contra omnem pietatem munitum, quod non expugnet cælestis doctrinæ vis admirabilis?

Videbit Ascalon, & timebit, quoniam confusa est spes eius: & peribit Rex de Gaza.] Vastitatem minatur ciuitatibus Philistinorum, quibus cum Hebræis longa fuit atque assidua pene dimicatio, quæque opem tulerunt Assyriis, cum in Iudææ fines irruerunt, sed eadem expeditione,

16.

Summa
calamitas
incendi no-
mine ex-
plicatur.

Vis maxi-
ma Euan-
gelij.

17.
Vastitas.

Ezech. 29.

Ezech. 26.

Hyperbo-
le Pro-
verbialis.

& cursu tam Tyrij, quàm Palæstini vastati sunt, quo Iudæi, quorum ipsi fortunæ, ac commodis inuidebant, vt dicit Hieronymus lib. 5. in Isai. c. 23. & constat ex Isai. c. 25. & Ierem. c. 47. Confundenda verò dicitur spes Ascalonis, & aliarum ciuitatum, quas statim commemorat, cùm excisas viderint ciuitates alias potentissimas, & eiusdem sceleris locias, Damascū, Hadrach, & Tyrum. Quid enim sperent incolumitatem & salutem ciuitates peritæ, & pene nudæ, cùm clausam multis modis, omnique bellico apparatu instructam cecidisse videant?

18. *Et Ascalon nō habitabitur.*] Quod de Ascalone hīc dicitur, credo de aliquibus aliis Philistinorum ciuitatibus esse dicendum. Desertam sanè fuisse Gazam docent Acta Apostolorum c. 8. & de toto marino tractu, quem incolebant Palæstini, satis apertè constat ex iis, quæ mox dicemus.

19. *Et sedebit separator in Azoto.*] Heb. *ממזער* *mamzer*, quod alibi ab Hieronymo expositum est *de scorto natus*. Deut. 23. *Non ingredietur mamzer* (id est, de scorto natus) *in Ecclesiam Domini*. Et iuxta hanc explicationem quidam hunc mamzerem esse putant Alexandrum, qui spurius fuit, neque Philippi filius, vt Olympias mater confessa est: & eo nomine à Philippo repudiata. Hic verò, vt postea dicemus, Phænices, & Palæstinos domuit, & in eorum finibus dominator sedit. Ita Lyra, & Dionysius. Hieronymus tamen, & Ribera, & alij, qui hæc tantum spiritualiter accipiunt, Christum dicunt esse separatorem, qui frumentum à paleis, bonos pisces à malis, & aurum separat ab scoria. Sed nos qui historicè priorem huius capitis

partem accipimus de populo Iudæorum, aliter interpretermur necesse est. An verò māzer iste, seu separator sit Alexander, vel Iudæorum populus, tunc definimus, quando viderimus, an vnquam postea à Iudæis ciuitates istæ habitatæ fuerint. Quod mox faciemus.

Et auferam sanguinem eius de ore eius.] Id est, dabunt pœnas illatæ iniuriæ, atque effusi sanguinis, suo nimium sanguine. Est autem elegans metaphora sumpta ab his feris, quæ captam prædam lacerant, ac vorat: accidit tamen interdum potentior aliqua vis, quæ prædam extorquet iam iam vorandam, neque solum rictum hiantem, & inanem relinquit excussa præda, sed ipsæ quoque feræ præda fiunt. Hos genere loquendi vsus est Iob c. 29. *Conterebam molas iniqui; & de dentibus eius aufereram prædam*. Neque longè diuersè cap. 20. *Diuitias, quas deuorauit, euomit, & de ventre illius extrahat eas Deus*. Vt ergo isti malè partam pecuniam cum magno suo malo, atque cruciatu euomunt; sic ille, de quo Propheta noster, quem hauserat, sanguinem cum dolore reddet. Porro hoc loco allusum videtur ad antiqui sæculi consuetudinem, in quo homines ferinum in modum inimicorum quos in acie, aut alio quouis modo superassent, aut bibeant sanguinem, aut carnes deuorabant. Qua dere nos multis egimus in cap. 15. Actuum, dum causam reddebamus, cur Deus olim populo suo sanguinem, & suffocatum prohibuerit.

Et relinquetur etiam ipse Deo nostro.] Id est, erit locus ille quondam alienus, & deditus inani Idolorum cultui, subiectus Iudæorum genti: atque ideo Deum verum coler, sicut prouinciæ aliæ à Iudæis habitatæ,

20.
Vltio diuina.

Alexander
cur mam-
zer.

Christus
separator

quos sibi ex omnibus Dominus elegit.

21.

Erit quasi dux in Iuda, & Accaron quasi Iebusæus.] Superandi dicuntur Accaronitæ, & in eis omnes etiam Palæstini; quod si qui supererunt ex ipsis, erunt Israëlitis, quod olim Iebusæi; ut liquet ex Iosue c. 15. & Iudic. 1. restitère Iebusæi diu, neque vinci potuerunt ante Regnum Dauid, à quo debellati, & à sua arce munitissima, quam propter murorum firmitatem, & loci naturam à cæcis, & claudis defendi posse existimabant, deiectioni sunt. Sic Palæstini diu cum Israëlitis, & variè congressi, neque semel in acie superiores, tandem subiugabuntur, eritque in Iuda Dux, qui præsit, & in Accaron subditus, qui non aliter seruiat Iudeorum Duci, atque Iebusæus olim Dauidi. Lyra, & Dionysius Ducem istum Alexandrum esse putant, qui optimè in Iudæos animatus non aliter illis subdidit Accaronitas, quàm Dauid olim repugnantes Iebusæos. Sed, ut mox dicemus, hic nihil de Alexandro.

22.

Hæc, quæ à nobis dicta sunt, non videntur adhibere literæ vim ullam. Quod si Iudæos in regionibus hoc capite commemoratis tãquam victores, & dominos consedisse probauerimus, & non tantùm Alexandrum, ut aliqui volunt, nil, credo, in nostra sententia nobis supererit negotij. Subiugatas fuisse ab Alexandro Tyrum, Sidonem, & regiones olim subditas Philistæis, & quibuscumque dominabantur Persæ, satis constat ex prophana historia. Vide Iosephum lib. 11. Antiq. c. 8. Q. Curtium lib. 4. Iustinum, Plutarchum, Diodorum Siculum, Arrianum. Et ideo qui in mamzere, siue spurio, aut sicut noster vertit, separatore, qui sessurus est in Azoto,

Alexandrum intelligeret, ut fecit Lyra, & Dionysius, verè quidem cogitaret; vereor tamen ne satis ad textum accommodatè.

Illud difficilior, an Iudei in suam quoque ditionem non modò regiones ab Assyriis, Babylonisquæ ablatas, sed etiam quas nunquam antea possederant; cum tamen ad terram promissionis pertinerent, post hæc tempora Zachariæ redegerint. Mihi sanè certum est ad Iudæorum Regnum illas quoque prouincias accessisse, quod multæ rationes illæque grauissimæ mihi persuadent. Primum, quia hac de re sunt multæ, neque dubiæ, aut obscuræ Prophetiæ. Suprà cap. 2. *Post gloriam misit me ad gentes, quæ spoliauerunt vos, &c. & erunt præda iis, qui seruiebam sibi.* Et Sophonias cap. 2. aperte Gazæ, Azoto, Accaroni, & Ascaloni, & funiculo maris, id est tractui maritimo, ubi Tyrus est, & Sidon, vastitatem minatur, & subiicit: *Erit funiculus maris requies pastorum, & caula pecorum; & erit funiculus eius, qui remanserit de domo Iudæ.* Et clarius Abdias: *Erit transmigratio exercitus huius filiorum Israël, omnia Chananæorum (hæreditabit) usque ad Sareptam* (hæc ad Sidonios pertinet) *& transmigratio Ierusalem, quæ ad Bosphoron est, possidebit ciuitates Austri* (hæc dicuntur alibi funiculus maris) & concludit Abdias: *& erit Domino Regnum.* Eodem, ut reor, sensu, quo dictum est à nostro Propheta nuper; *relinquetur etiam ipse Deo nostro.* Quod prædixit multo antè Isaias cap. 49. n. 19. *Quia deserta tua, & solitudines tue, & terra ruina tua nunc angusta erunt præ habitatoribus, & longe fugabuntur, qui absorbebunt te.*

Secundò, quia id constat ex historiis. I. Mach. c. 5. *Iudæi declinauit in*

23.

Iudei post
exilium
plures ob
tinuere
prouin-
cias, quæ
antè pos-
sederant.

24.

Azo

Azotum terram alienigenarum, & di-
rui, &c. & cepit spolia ciuitatum, & re-
uersus est in terram Iuda. Quòd autē
 tunc alias quoq; ciuitates subiuga-
 uerit, colligitur ex lib. 2. Mach. c. 10.
 vbi dicitur cepisse Gazaram, quæ
 Gaza est, vt tradit Iosephus Gorio-
 nis filius lib. 3. c. 13. & quidem Ga-
 zam in Iudæorum potestate fuisse
 docet alter Iosephus lib. 4. Antiq. c.
 11. nam cam aliquot post annos re-
 bellantem recepit Alexander Hir-
 cani filius, nepos Simonis Iudæ Ma-
 chabæi fratris. Iamnam quoque
 & Ioppem, quæ ad maris funicu-
 lum pertinent, captas esse constat
 lib. 2. Machab. c. 12. Multas quoque
 ciuitates habuisse Iudæos in Cœle-
 syria, totòque tractu maritimo, do-
 cet Ægesippus lib. 1. c. 18. cū scri-
 bit illas ereptas esse per Pompeium
 Iudæis.

25.
 Cur Iu-
 deus vo-
 catus mā-
 zer.

Ex iis, meo iudicio, fatis constat,
 primò, quàm aptè hæc de tempora-
 li Iudæorum Regno intelligantur.
 Constat secundò quis sit ille sepa-
 rator, qui sessurus dicitur in Azoto:
 non enim Alexander est, sed Iudai-
 cus populus, qui separator dici po-
 test, quia veteres à Palæstino tractu
 habitatores expulit. Seu certè quia
 mamzer alienigenam significat, vt
 vertunt Lxx. Māzer Iudæus voca-
 tur, dum Palæstinam habitat, quia
 nō indigena illius prouinciæ; sed in
 eam ingressus aliunde. Si verum ef-
 fet quod Stunica dicit, Hebræos à
 Philistæis mamzeres appellari con-
 uitij gratiā, quia non erant nati in
 ea regione, in qua confederant, sed
 ex Ægypto, aut ex Mesopotamia
 profecti, quos Hispanus vocat *ad-*
uenedizos; & hi plerumque malè au-
 dire solent, sensus esset facilis; nem-
 pe eos, quos ipsi per ludibrium vo-
 cabant mamzeres, Azotū tanquam
 dominos, & indigenas possessuros.

Sed non video vnde hoc Stunica
 discere potuerit. Est sanè accom-
 modatum huic loco nomen *alieni-*
gena, quo vtuntur Lxx. & putant
 multi ex Hebræis Doctoribus, &
 apertè exponit Chaldæus. *Habita-*
bit, inquit, *Israël in Asdod*, id est, in
 Azoto, *in quo fuerunt sicut extranei*. Si
 ergo mamzer alienigena sit, duplex
 erit sensus, & vterque neque ine-
 ptus, neque inelegans: nam illud
alienigena, quod pene proprium erat
 Philistinorum nomē, qui ἀλλόφυλοι,
 id est, *alienigena* dicuntur, referri
 potest ad ipsos Philistinos, & sen-
 sus erit: Philistinos tunc, si vnquam,
 maximè vocari posse alienigenas,
 quia in sua regione habitabunt tan-
 quam in aliena, vtpote aliorum po-
 testati subiecti. Referri item potest
 ad Israël, in hanc sententiam: Tunc
 verè dici poterit alienigena habita-
 turus in Azoto, quia Iudæi alibi na-
 ti in Azoto domini sedebunt.

Et circumdabo domum meam ex iis, 26.
qui militant mihi euntes, & reuerentes.
 Aut domum suam appellat Domi-
 nus templum, aut terram promif-
 sionis. Quocūque modo accipias,
 aptus est, & facilis sensus in nostra
 sententia, quoad terram quidem
 promissionis, quia totus ille tra-
 ctus, qui funiculus dicitur maris,
 vbi Tyrus est, & Philistinorum ci-
 uitates, ad terram promissionis per-
 tinebat; vt constat ex Iosue c. 15. vbi
 Iudæ funiculo adscribuntur. Acca-
 ron, Gaza, & Azotus, &c. & mari-
 timum littus, & cap. 19. funiculo
 Asser additur Tyrus, & quidem ter-
 ra Chananeorum, quæ data est fi-
 lijs Israël mari ipso definiebatur
 Num. 13. vbi exploratores dixere:
Chananeus moratur iuxta mare, & cir-
ca fluenta Iordanis; & Iosue 5. *Post-*
quam audierunt omnes Reges Chanaan
qui propinqua possidebant magni maris

loca. Dicit ergo Dominus domum suam, id est, regionem sibi, suoque populo delatam, quam alieni eò usque possederant, habitandam esse non ab externis, & incircumcisis, sed à gente suo stigmate notata. Neq; frustra dicitur, *Circumdabo domum meam ex his, qui militanti mihi:* quoniam alieni regionem illam, quæ domus Dei dicitur, circumdebant, cum extremam oram regionis, & ambitum possiderent. Non ergo iam amplius alienigenæ circumdabunt, id est, in circuitu Regionis morabuntur, sed Iudæi.

27. Si tamen *domus* templum significet, eadem pene sententia est. Nam templum quoque alieni populi circumdebant, quia non longè aberant: occupabant enim non exiguam partem fortis Iudææ, ut vidimus, in qua, aut proximè in extrema parte fortis Benjamin templum erat ædificatum. Vide quæ de templi situ diximus cap. 2. ad illud, *Et possidebit Dominus Iudam.* Dicuntur autem *euntes, & reuerntes*, quia assidue Deo, & in omni ministerio seruiunt. Sicut enim in ingressu, atque exitu omnia intelliguntur, quæ ab aliquo fiunt; sic etiam in progressionem, ac reditu, siue in eundo, ac reuertendo. Nam serui fideles, & in dominorum suorum oculos, & imperium intenti, non minùs prompti reuocati redeunt, quàm ad præstanda mandata festini aduolant.

28. Hæc quidem satis apparent probabilia; sed placet multo magis quod hic indicat Hieronymus, nò solùm pellendos esse hostes à Iudæorum finibus, sed adhibendam esse quoque custodiam, ne in domum Dei aliquid indignum, aut è suo voto moliantur hostes. Cu-

stodia verò Angelorum est, quorum sedulum, ac promptum ministerium satis explicat duæ illæ voces *euntes, & reuerntes.* Quod etiam significauit Centurio apud Matth. c. 8. *dico huic vade, & vadi;* & alij *veni, & veni.* Dixit idem, credo, Isaias c. 62. vbi cum eadè ferme tractasset, addidit: *Super muros tuos Ierusalem constitui custodes;* quos esse Angelos communiter existimant Patres. Facit pro hac sententiâ, quòd pro *circumdabo*, Heb. est *חנאב* *chanab*, quod *castra metari* valet. Quo verbo usus est Dauid Psal. 33. *immutet Angelus Domini in circuitu timentium eum.* Alij vertunt, *castra metabitur;* vbi sine dubio sensus est castrensis, & militaris.

Quia nunc vidi in oculis meis.] 29. Hæc verba nonnulli referunt ad Prophetam, qui dicat ea omnia se vidisse; & ita futura certa, ac si oculis iam facta conspiceret. Ego ad Deum refero, ut communiter alij, vbi aliquid supplendum est, nempe, *vos, o popule meus, seu, vestra calamitatem.* Et hic sensus posset esse triplex. Primus, ut Deus iratus fingatur, quasi non curauerit, aut respexerit aliorum iniurias. Qui loquendi modus satis vsitatus est in Scriptura, in qua *videre*, aut *respicere* curam, & fauorem significant. Psal. 14. *respice in me, & miserere mei.* Thren. 5. *inuiere, & respice opprobrium nostrum.* Nunc verò indicat Deus respexisse se populum, cuius videbatur curam abieciisse, & velle iam illatas iniurias vlciisci.

30. Secundus sensus est, vidisse Dominum hactenus populum suum oculis non suis, sed alienis, id est, iracundis, & vindictâ scintillantibus; nunc tamen vidisse oculis omnino suis, id est, mitibus, & fauentibus. Sed tertius sen-

Dei humanitas, & suorum amor.

sensus mihi maximè omnium probatur, qui iuxta ea quæ cap. 2. & 8. dicta sunt, populum oculos facit Domini. Cum ergo Dominus populum suum vexatum videt, quasi oculorum suorum pupillam violatam videt. Qui sensus esset multo clarior, si noster Interpres vocem Hebraicam בעני *Beenai* vertisset *oculos meos*, quod phrasis Hebraica non respicit, aut certè, *in oculos meos*, Notum est enim verbum ראה *raah*. i. *video* habere post se præpositionem כ (*i. in*) & ideo in Scriptura frequens *respicere in aliquem, respicere in faciem*, est omnino idem, quod *respicere faciem*. Si ego iuxta Hebraicam syntaxim illud ראיתי בעני *raithi beenai* vertas, *respexi oculos meos*, nihil clarius, aut significantius dici potuit.

31. Hinc Prophetia de Ecclesia.

Huc usq; de temporali Iudæorū Republica; quod superest capitis, de Regno Christi est, quæ summa illius populi exaltatio fuit. Et sanè cōmodissimè: cum enim subactos iam hostes Iudaici nominis ostendisset, inductamque pacem regioni antè perpetuis pene bellis, seditionibusq; turbatæ, consequens erāt, vt post imaginem & vmbra succederet veritas, id est, pax spiritalis à Deo suo Regno, id est, Ecclesiæ reddita, post concussam iam, & debellatum demonis imperium.

32.

Exulta satis filia Sion.] Magnali quid est, quando præter institutum narrationis ordinem repentè mutatur dicendi figura: maximè cum diu æqualis, & lenis fuit dicendi modus. Viderat hæcenus Zacharias mira, neque expectata populi Iudaici beneficia; humana tamen, & quæ ad temporariam tantum rationem & speciē pertinebant: nunc tandem dum huius typi veritatem intuetur, altissimum nempe Christi

Regnum, & vinctos ex carcere magis diuturno, ac tetro liberatos, mutato stylo, ac forma dicēdi, monet admirans filiam Sion, vt quem ipse videt Regem pacificum, & insidentem asinæ, ipsa quoque exultans intueatur.

Quia hoc Zachariæ testimoniū ab Euangelistis non eisdem verbis citatū est, obserua Apostolos, Apostolicosque viros in citandis Scripturis non tam verba ipsa adhibere solitos, quàm sententiam. Quare Ioannes cap. 12. vbi hunc ipsum Zachariæ locum adducit, ait: *Noli timere filia Sion, ecce Rex tuus*; sed licet aliqua verba sint diuersa; sententia tamen eadem est, & idem institutū: quia probare tantum voluit vterque Euangelista, tunc impletam esse Prophetiam de Rege Iudæorum insidente pullo asinæ.

Vel certè ex duobus testimoniis vnum conflatum est, quod in Scriptura infrequens non est. 1. Petr. 2. *Non credentibus autem lapidem, quem reprobauerunt; hic factus est in caput anguli; & lapis offensionis, & petra scandali.* Prior pars testimonij sumpta est ex Psal. 17. posterior ex Isai. cap. 8. Et Marci cap. 1. *Sicut scriptum est in Isaia Propheta: Ecce ego mitto Angelum meum ante faciem tuam, qui præparauit viam tuam ante te. Vox clamantis in deserto; parate viam Domini,* &c. Prior pars Malachiæ cap. 3. posterior ex Isai. capit. 40. sumitur. Et Petrus Actuum cap. 1. vbi agit de Iuda, ex duobus Psalmis vnum contexit testimonium. Vide quæ diximus infra ad illud c. 11. *decorum pretij.* Sic ergo Matthæus cum ageret de Iesu Rege, & Salvatore, adduxit locum Isa. c. 62. *Dicite filia Sion, &c. & addidit ex Zacharia: sedens super asinam.* Similiter Ioannes c. 12. videtur ex c. 2. Ioël. sumpsisse prior-

33. Regul. Apostoli Apostolique viri in citandis testimoniis non tam verba spectant, quàm sententiam.

34. Regul. Ex duobus testimoniis vnum conflatum.

rem, & ex Zacharia posteriorem testimonij partem. Cum enim de eadem omnino re ageret vterque Propheta, atque eadem videretur Prophetia, sumpsit ex Ioël; *Noli timere filia Sion*: quia ibi Ioël dixit; *Noli timere terra, exulta, & latare. quia magnificauit Dominus, ut faceret, & filij Sion exultare, &c.* ex Zacharia verò sumpsit; *Ecce Rex tuus, &c.*

35.

Ecce Rex tuus venit iustus, & Saluator: & ipse pauper.] Causam ostendit cur filia Sion exultandum sit. Nam cum toto captiuitatis tempore Regem non habuerit, neque tunc habeat, habiturave sit per 500. ferme annos; nam vsque ad externos Reges per Sacerdotes, & Duces administrata est Iudæorum Respublica: aduenturus tandem est filia Sion Rex omnino suus ex Dauidico sanguine, iustus, Saluator: non ut plerique superiorum Regū, qui neque seruare potuerunt ab iniuriis, & dum suæ commoditati, ac libidini seruiunt, subditū sibi populum vexauerunt, & exhaurerūt sæpe; ac tandem extorrem à patria in longam, ac durā seruitutem abduxerunt. Nō sic Rex ille, qui post tot iactationes, rerūque discrimina venturus esse dicitur: erit enim iustus, Saluator, &c. Illud obseruandum, apud Lxx. esse *πράον*, id est, *mansuetum*, sicut etiam citauit Matthæus secutus Lxx. In textu Hebraico, quem nunc habemus, est *אני* *Ani*, quod *pauperem*, & *humilem* significat, quibus plerumque, ut refert ipsa rerū natura, adiuncta est mansuetudo. Sed fortasse Lxx. ab eadem radice, sed forma diuersa legerunt *אנא* *Anau*, quod *mansuetum* valet.

36.

Ascendens super asinam, & super pullum filium asina.] Hic primum nobis examinandum est an bene

conuerterit noster Interpres: neque enim desunt qui dubitent: quia vox Hebraica *חמור* *Chamor* videtur esse masculini, nō fœminini generis. Et ita putat Euthymius in cap. 21. Mat. & ideo inquit Græcè conuersum esse, *ὄνον*, quod item masculinū est. Eodem propè modo Iansenius cap. 110. Concordiæ. Sed non est cur malè vertisse noster Interpres existimari debeat: vtrumque enim nomen tam Græcum, quàm Hebraicum communis est generis. De Hebraico constat 2. Reg. capit. 19. vbi cum præcessisset eadem vox *חמור* *Chamor*, subditur *אֵלֶּהָ* *aleha* cum affixo generis fœminini, id est, *super eam*. Et de voce Græca minùs est dubitandum: nam apud Matthæum eidem voci *οἱ*, fœmininum genus adiungitur *Ἰνυενίς*, inquit, *ὅν ἐδεσμένον, & πῶλον μὲν αὐτῆς*, id est, *asinam ligatam, & pullum cum ea*. Vbi duo signa apparent generis fœminici. Et licèt generis sit ambigui, satis tamen genus expressisse videbatur Matthæus cum illi voci pullum adiungit. Neque enim pulli patres sequi, quos non nouerunt, sed matres solent. Maximè quia pullus tener erat, ut Lxx. indicant, cum vertunt *ὃν πῶλον νέον*, id est, *pullum nouum*. Et satis ostendit, cum dicit, in quo nemo federat, propter aetatis itaque infirmitatem necdum à matris societate recesserat.

37.

Illud rursum examinandum, an Rex hic super asinam, & eius pullum federit; an tantum super alterum? Disputant quæstionē hanc communiter Doctores super Matth. cap. 21. neque desunt, qui putēt non solum Christum non sedisse super duo, sed neque duo fuisse tunc animalia, sed tantum vnum. Ita Euthymius suprā, qui putat asinum prius, deinde filium asini nōmina

minari (nam ipse, vt vidimus, asinū, non asinam esse putat) vulgato Hebræorum more, qui vnam rem vno, atque altero modo significare solent. Sed fuisse duo satis docet Matthæus, quia pluraliter loquitur, & satis distinctè, vt patet. Nam licet tres Euangelistæ pulli tantum meminerint, sed de asina nihil negant. Neque verò omnes Euangelistæ omnia dicunt, sed ab alio ommissa alius scribit. Sed quòd alij pulli tantum meminerint, sua ratio est, eaq; non vulgaris, de qua statim.

38.
Christus
in asina,
& in pul-
lo eius se-
dit.

Quidam in vno tantum sedisse putant, in quibus est Hieronym. in Matth. Author imperfecti, Abulensis ibid. Iansenius in Concordia. Salmeron tom. 6. tract. 47. quia in tam breui spatio (neque enim plus 15. stadiis abest à Ierusalem Bethania). Christum quasi desultoriè in duobus iumentis vectum esse verisimile non est. Sed alij ferme omnes contrà sentiunt. Chrysost. homil. 65. in Ioannē. Theophylactus, Strabus, Hugo, S. Thomas, Lyra, Caiet. Tolertus, Maldonatus. Neque de hoc, meo iudicio, dubitabit, qui paulo attentius legerit Matthæum: nam, Christus vtrumque tam asinam quàm eius pullum solui iussit; & dici illorum domino, *quia Dominus his opus habet*. Deinde subditur: *Adduxerunt (Apostoli) asinam, & pullum, & imposuerunt super eos vestimenta sua: & cum desuper sedere fecerunt*. Deinde, quia in hoc alterno asinæ, pullique consensu aliquid mysterij agnoscunt communiter Patres, qui hic adubrari putant amplissimū Christi Imperiū; quod non solum Iudææ finib. circūscriberetur, sed late se ad Gentes. i. ad orbem vniuersum porrigeret. In asina enim iam effœta senior synagoga describitur, quæ ideo à Lxx. ἡ πόλις & à no-

stro *subingalis* vocatur, quia à multis antè sæculis iugum legis portauit, aded graue, vt Petrus dixerit Actorum 12. *Quod neque nos, neque patres nostri portare potuimus*. At pul- lus neque iugum vnquam, neque onus portauerat: quia Gentilis populus liber vixerat, vt onager in deserto, & suæ potius voluntari, ac libidini, quàm legibus seruiebat. Vectus est autem Christus asina prius, quia Iudaico populo prius legem imposuit; deinde pullo in- domito, & inexperto fessoris, quia posterius sibi Gentilem populum associauit. Neque ratio Hieronymi, neque aliorum nimis vrget: non enim Christus iumentum mutauit propter necessitatem, aut loci distantiam, sed propter mysterium, de quo modò; & vt Prophetia Zachariæ, quæ vtriusque meminit, sine vlla tergiuersatione videretur impleri.

Cum verò ex hoc posteriori populo maior numerus Christo, & gloria maior accesserit, ideo pullo insidens asinæ satis à sua maiestate domito, in meliori sui triumphi parte, & loco, id est, spectante, ac plaudente tota ciuitate Solymitana inuectus est. Et quia aspectus ille posterior, & ingressus in ciuitatem totam ferme triumphi gloriā continebat, ideo puto, vno excepto Matthæo, omnes Euangelistas de asina neque obscurè quicquam insinuasse; quia fortasse illa vehetur cum primum ex Bethania progressus, quando tantum habuit Discipulos sui triumphi spectatores. Vbi autem se in frequentis turbæ conspectum dedit, pullum ascendit, qui secundo loco in hac Prophetia positus est.

Porro asina hæc subiugalis vocatur ad ostendendā maiorem tanti

39.
Cur alij
Euange-
listæ præ-
ter Mat-
thæū asi-
næ non
memine-
runt.

40.

Regis

Duo afi-
norū mu-
nera apud
Iudæos.

Regis humilitatē, & mansuetudinē quia asina hæc non ad iter faciendū, sicut in ea regione mos erat, sed ad gestandum onus, iugūque subeundum erat destinata: & ideo ex castello, id est, villa proxima sumitur. Videntur autē inter Hebræos duo fuisse genera, aut munera asinorum: alterum eorum, qui subiugales dicuntur, quia sub iugum aguntur, siue ut plaustrum ad onera, siue ut aratrum trahāt ad varendam terram. Ideo Deuteronom. 22. dicitur. *Non arabis in boue, & in asino:* & Isai. cap. 30. *pulli asinorum, qui operabantur terram.* Alterum ad iter faciendum; erat autem in ea regione non indecorum asinis inequitare: quare sepe honesti etiam, & principes viri sterni sibi asinos iubent, ut Abraham Genes. 22. Achitophel Regius consiliarius 2. Reg. 17. & Miphiboseth Regius puer. ibid. cap. 19. & Iudic. 10. triginta filij Iair Galaaditæ Iudicis Israël, & totidem ciuitatum Principes, sedere dicuntur super septuaginta pullos asinarum. Et cap. 12. idem dicitur de 70. filiis Abdon Principis Israël; & Iudic. 5. Principes Israël dicuntur sedere super nitentes asinos, id est, pingues, & pulchros. Hispanè *regalados*. Sed Christus subiugali vehabatur asina, & pullo, tenello tamē, neque dum assueto sarcinæ, atque adeo non solum humiliter, sed etiam incommodē sedebat.

41. Ridiculū valdē est quod de hoc asino suo more fabulantur Hebræi, ut tradit Abulensis super cap. 22. Genes. vbi docet sensisse Hebræos hunc asinum, de quo Zacharias, esse illum, qui portabat Abraham, quando immolare voluit filium suum Isaac. Et in cap. 4. Exodi q. 10. refert ex sententia Rabbi Salomonis, hunc eundem esse asinum, cui

multis antē sæculis Moyses Exod. cap. 4. vxorem, & duos filios imposuit, cū Egyptum repeteret: neque enim, inquit, alius asinus tantum onus portare potuisset, nisi qui portaturus esset Messiam, de quo hīc Zacharias. Orem nugatorium, & Hebræo Doctore dignam! quasi magnum sit asinum vnum portare matrem cum duobus puerulis, aut ideo per tot annorū myriades asinus ille conseruari debuerit. Imò illi ipsi, qui hoc nugantur, fateri etiam debent asinum illum adhuc viuere, si portaturus est Messiam: quandoquidem Messiam expectant adhuc, quem nondum venisse putant.

Et disperdā quadrigas ex Ephraim, & equum de Ierusalem. Vbi primum se Propheta ex ea admiratione seu stupore recepit, quem ex tanti Regis asino infidentis mansuetudine conceperat, refert se rursus ad institutum narrationis ordinem. Dixerat subiugandos esse fines, quos hostes occupant; ac firmo Angelorum præsidio stabiliendos; agebat autem de Republica Hebræorum: nunc verò de Ecclesia sermonem aggressus ostendit tanti Regis Imperium futurum esse pacificum. Atque ideo si qua parata fuerant ad bellicos casus instrumenta, illa iam necessaria non esse; non quadrigas, nō arcus. Quod antē etiam Deus promiserat Isai. cap. 2. *Et constabunt gladios suos in vomeres, & lanceas suas in falces: non leuabit gens contra gentem gladium, neq; exercebuntur ultra ad prælium.* Et Micheas cap. 5. adhibet eadem propē verba, quæ nunc Zacharias: *Auferam equos meos de medio tui, & disperdam quadrigas tuas, &c.*

Sed cur hoc loco potius meminit Ephraim? an quia Ephraim pro toto

42.
Ecclesie
pax per
Christū.

43.

to tota Israël sumitur, quia Samaria, quæ Israëliti Regni caput, & sedes est, in tribu Ephraim sita erat, & inde curribus instructi Reges Israël contra duas alias tribus sæpe bella mouerunt. Vel quia duodecim tribus Israël spirituali sensu pro toto orbe sumuntur? vnde Apoc. c. 7. magnus ille beatorum numerus, quem vidit Ioannes, ex duodecim tribubus Israël assumptus dicitur. Et Apostoli Matth. c. 19. sedebunt cū Iudice Christo iudicaturi duodecim tribus Israël, id est, totum mundum. Aptè verò quadrigas accommodat Ephraim, equos Ierusalem, quia Ephraimiticum solum, id est, sortes decem tribuum, quæ nomine Ephraim explicantur, magis aptum curribus, quàm Hierosolymitanum; hoc enim confragofum est, & intercisum salebris; illud magis in planitiem æquatum. Quare Reges Israël magno quadrigarum numero instructos fuisse Scriptura sacra commemorat.

Hieronymus aliter accipit hunc locum: putat enim quadrigas disperdendas ab Ephraim, quia hostiles quadrigæ non nocebunt amplius Ephraim, neque equi item hostiles Hierosolymis, id est, Ecclesiæ in terra promissionis adumbratæ. Itaque Rex Messias & inducet pacem, & conseruabit.

44 *Et loquetur pacem Gentibus.* Id est, annuntiabit Euangelium, id est, Regium suum edictum alienis populis. Quod autem tertia persona ad primam trāseat, & disperdā, & deinde redeat ad tertiam, & loquetur, visitatum est in Scriptura, maximè in Prophetis, qui cū in persona Domini loquantur, modò prima, id est, sua: modò tertia, id est, Domini, vtuntur persona. Porro loqui pacem, idem est ac loqui pacificè. Psal. 27. qui lo-

G. Santly Comm. in Zachar.

quitur pacem cum proximo suo. & Psal. 84. quoniam loquetur pacem in plebem suam. Et hoc fortasse est quadrigas disperdere, quia à Gentibus iam pacatis non amplius contra Dei populum ad bellum instruuntur.

Et potestas eius à mari vsque ad mare; & à fluminibus vsque ad fines terræ. Eadem verba sunt Psal. 17. vbi de speciali Christi Regno etiā sermo est; *Et dominabitur a mari vsque ad mare; & à flumine vsque ad terminos orbis terrarum.* Sed sanè videtur ab utroque Propheta tam latè patens Christi Imperium nimis angustè definiti. Quod enim tantum est spatium, quod fines tam sibi ipsis vicini circumscribuntur? Nam hinc sine dubio terræ promissionis termini notantur, qui etiam descripti sunt Exod. 23. *Ponam autem terminos tuos à mari Rubro vsque ad mare Palastrinorum; & à deserto vsque ad flumina;* qui termini respiciunt quatuor terræ promissæ plagas. Eodem ferme modo descripti sunt Deut. cap. 11. *A deserto, & à Libano, & à flumine magno Euphrate vsque ad mare Occidentale erunt termini vestri.* Ex quo constat flumen hinc summi pro Euphrate. Neque admodum obstat quod in plurali numero, à fluminibus, dicatur, non à flumine: nam epithasis gratiā res singularis pluraliter explicari solet, vt de die Sabbathi diximus Actor. cap. 13. nu. 14. nam Sabbathū illud quod Iudæis religiosum est, & solenne, Sabbathi dicitur. Sic modò, quia Euphrates fluuius magnus est, & ita in sacra Scriptura nominatur, pluraliter vocatur *flumina*. Et sanè in Hebræico singulariter ponitur מְדִינָה, id est, à *flumine*. Fines terræ hinc esse puto, quod in aliis terræ descriptionibus vocatur *desertum*; nempe Ara-

45.
Terræ promissionis termini.

biz, quæ ad Ortū spectat. Vocatur autē desertum, quia proptereaquarum inopiam, & incommoda aliaminūs ea regio cultoribus frequens est, quàm finitimæ aliæ regiones. Finis verò terræ, quia cū alias oras promissæ hæreditatis aquæ definiant, à Meridie mare Rubrum, seu, vt alij volunt, fluuius Ægypti, qui Rhinocorura, siue Rhinocolura dicitur, ab Occasu mare Mediterraneum, à Septentrione Euphrates: ab Ortū tamen terra terminus est. Cū verò Deus populo suo hæreditatem, quæ his definita est spatiis, attribuisset, ille tamen aut pugnando defessus, aut timore exanimatus subiicere sibi aut noluit, cū posset, aut cū vellet, non potuit propter sua peccata. Vide Hieronymum in Epist. *Queris Dardane*. Et nos non nihil diximus nuper ad illud, *Et circumdabo domum meam*.

26.

Regul.
3. Scriptura interdum vulgi se opinioni accommodat.

Sed est adhuc quod quæramus quomodo Christi Imperium Prophetam tam angustis terminis cohibeat, & in tractu Israëlítico, cū tamen ad Gentes quoque latè se diffundere debeat? Duobus modis occurri potest huic difficultati. Prior est, si iuxta Scripturæ consuetudinem, quæ sæpe non tam secundum rerum naturam loquitur; quàm secundum vulgi existimationem, vt docuimus in illud Cant. 6. *Nasus tuus*, dicamus Prophetam loquutum iuxta vulgi sensum, qui amplissima spatia in terra promissionis esse existimabat: atque ad id, quod à mari ad mare, & ab Euphrate ad desertum continebatur, immensæ cuiusdam magnitudinis esse arbitrabatur. Sicut Hispanorū olim vulgus ad Romam vsque infinita numerabat spatia: neque quicquam putabat esse super. Neque dissimili figura vsus est Iuuenalis

Satyra 10. qui totum mundum inter Gades, & Gangem complexus est. Aut fortasse quemadmodum in filiis Israël omnes homines significantur Matth. c. 19. *iudicantes duodecim tribus Israël*; sic terra Israël pro toto mundo, & termini ipsius magis vniuersales pro totius mundi terminis vsurpantur.

Alius modus est soluendi huius nodi, ita vt quatuor illi termini non nominentur, neque hîc à Zacharia, neque à Dauide Psalm. 71. quia illis Imperium Christi conclusū sit; sed quia ab illis quoquo uersus ad extremos terræ fines producat. Nā, vt suprà diximus, quatuor fines terræ promissionis, quatuor orbis plagas respiciunt, & nominant. Nam desertum Occasus dicitur, atque ideo deserto, & Arabia, quæ ad Occasum pertinet, cōmune nomen est: imò & desertum, seu Arabia, Occasus dicitur Psalm. 67. vt pluribus ostendimus in eius Psalmi Commentariis ad illud. *Qui ascendi super Occasum*. Hebr. *אֲשַׁכְּנָה אַרְבַּח*. Mare dicitur Meridies; vnde Psalm. 106. cū quatuor orbis plagæ notarentur, mare Meridies est. *A Solis Ortu, & Occasu, ab Aquilone, & mari*. & Psalm. 88. cū de totius orbis spatiis ageretur, diceretque; *Orbem terræ, & plenitudinem eius infundasti*, statim orbis partes separatim dinumerat. *Aquilonem, inquit, & mare in creasti; Thabor, & Hermon in nomine tuo exultabunt*. Vbi Thabor pro Occidente, Hermon pro Oriente ponitur, quia hic ad Ortum, ille ad Occasum spectat. Ita Doctores Hebræorum, Iansenius, Genebrardus, & Chaldaeus. Ad hunc ergo modum non malè iudicaret, neque præter Scripturæ consuetudinem, qui terminos magis notos pro illis regionibus

47.

Regul.
Loca certa pro illis mundi regionibus posita, ad quas spectant.

Psalm. 106.

Psalm. 88.

bus

bus vsurparet, ad quas per illos terminos progrediendum esset, id est, pro toto orbe, ad quem per quatuor designatos fines exitus patet. Ad omnes itaque mundi plagas Christi Regnū sese diffunderet; quas quatuor terrarū promissionis anguli respiciunt.

48. *Tu quoque in sanguine testamenti tui emisisti vinctos.*] Hic plurimum negotij facessit textus Hebraicus, quem habemus modò sine dubio corruptum à Iudæis; qui vbi prodi suam siue ignorantiam, siue perfidiam vident, fontes ipsos turbare, & lucitenebras obtendere moliantur. Volunt autem, dum Christo tantam gloriam, & nobis tantum ad veritatem cognoscendam lumen inuident, ad Synagogam suam, siue ad Ierusalem restitutam hunc locum non flectere molliter, sed violenter contorquere. Primum illud *tu*, Hebr. est, *אֲתָא* *At'h* generis fœminei. Et pronomen *tui*, & *tuos* est *ך* generis item fœminei. & pro *emisisti* non est *שָׁלַחְתָּ* *Salach-ta*, sed *שָׁלַחְתִּי* *Salach-ti*, in prima persona. Et iuxta hanc scriptionem vertunt Pagninus, & Vatablus, Galatinus, Chaldaeus & recentiores alij cum Chaldæo. *Et tu* (ô Ierusalē) *in sanguine fœderis tui dimisti vinctos tuos de lacu.* Sed quòd corruptus sit à Iudæis Hebraicus textus, satis indicant Lxx. qui longè aliter videtur legisse, nempe vt legit Hieronymus. Respondet ad Hebraici textus notationem satis diligenter Ribera, ex quo nos pleraque sumimus. Et, vt singula examinemus, primum certum est apud Hebræos genera saepe mutari, ita vt terminationes masculinae fœmineis nominibus accommodentur. Vide Pagninum libro secundo institutionum capite tertio, & speciatim de pronome

mine *אֲתָא* *At'h*, quod masculinè sumi docet libro 2. capite 34. idque tribus exemplis confirmat. Idem docet Rab. David in Micol. Accedit quòd, vt idem docet Pagninus, saepe ex *אֲתָא* *at'hah* tollitur vltima. Cum verò Prophetæ sine punctis scripserint, posteriores Hebræi qui longè pòst addiderunt puncta, decepti similitudinè, numeròque literarum pronomen masculinum fœmineis punctis notauerūt. Idem dicendum est de pronominè *ך*: nam cum litera vtrique generi sit communis, qui puncta excogitarunt, illud appinxere, quod minime oportuit. De *שָׁלַחְתָּ* illud dico, facillè corrupti potuisse, adiecto *לֹד* extremæ literæ. Quod esse factum persuadet Hieronymi magna Hebraici sermonis peritia. Valdè enim rudis esset, si nactus literas quas nunc habemus, reddidisset *emisisti*, & non *emisi*. Neque verisimile est Lxx. Seniores omnium Iudæorum doctissimos, ita conuersuros fuisse, nisi nacti essent codices aliter notatos.

Accedit quòd si in prima persona legas *emisi*, non apparet quis sensus esse possit aut facilis, aut commodus. Nam quem indicat Pagnini translatio; *Etiā tu Ierusalem exulta in sanguine fœderis tui*; omnino non placet: nam in primis illud *exulta*, de suo potius capite, quàm de textu sumpsit. Deinde, quia cum iam antè præcessisset; *Exulta satis filia Sion, iubila filia Ierusalem*; non bene contextitur; *Etiā tu Ierusalem exulta*; quia illud otiosum esset & ineptum. Præterea, quia si de Christo hic sermo non est, sed de Ierusalem restituta, vt Iudæi volunt, non est cur aded in sanguine fœderis exultandum sit.

Quòd si dicas, cùm superiori-
bus verbis vrgeri magis possint Iu-
dæi, cur illa non corruerint: Re-
spondeo, illa non ita facillè po-
tuisse vitium admittere: sunt enim
eius formæ, atque eo ordine dispo-
sitæ literæ, vt sine magna mu-
tatione non possint fraudem ali-
quam Iudæorum consiliis commo-
dam subire.

Est igitur sine dubio sermo de
Christo, ad quem Propheta sermo-
nem conuertit; & satis quidem ap-
tè: nam vbi de amplificata Iudæo-
rum Republica, atque pacata di-
ctum est, ac de Ecclesia per om-
nes terræ fines dilatanda, sta-
tim ad aliud tempus non mi-
nus Regium, ac tanti Serua-
toris proprium Prophetiam tra-
ducit.

50.

Porro illud, *in quoque*, duo vide-
tur posse coniungere: alterum, vt
ad illam laudem de Ecclesia ex-
citata, auctaque vehementer, &
locorum spatiis, & fidelium nume-
ro, addat quoque libertatem illo-
rum, qui cùm ad fidelium nu-
merum pertinerent, clausi tamen
tenebantur in tetro carcere, &
lacu profundo, vbi non est aqua,
id est, in Abrahamæ sinu. Vel sanè
cùm in temporaria Iudæorum
Republica Christus duo perfece-
rit, excitarit nempe, munieritque
ciuitatem & templum; & latè di-
persum populum vndecunque vo-
cauerit, & eos maximè, qui diu
Babylonico dominatu durè ve-
xabantur. Sic quoque eodem pror-
sus ordine, ac modo, non satis
Christus habuerit in suo sangui-
ne Ecclesiam constitui, nisi et-
iam in eodem sanguine vinctos
educeret, qui magis molestum,
ac longum in lacu sine aqua, quàm
apud Babylonios Iudæi carcerem

Libertas
è Babylō
nia typus
libertatis
à peccato.

subierunt. Ita vt typicè Hieroso-
lymorum ædificationi, atque li-
bertati vera Ecclesiæ constructio,
atque captiuorum in Abrahamæ si-
nu liberatio ex æquo respondeant.
Ac si dicat: ædificasti, o Rex, &
Saluator Christe, Ierusalem & tem-
plum, extraxisti captiuos è Baby-
lonico carcere, tu quoque, vt ve-
ritas suo typo respondeat, ædifi-
cabis Ecclesiam, atque ex alio car-
cere, quem Babylonicus adum-
brabat, vinctos tuos educes. Et fa-
uet huic posteriori explicationi,
quòd Christo non solùm spiritua-
lis eius populi libertas tribuitur,
sed etiam corporalis, si modò ad
spiritualem conferat, vt de Ægy-
pti libertate dicit Iudas. *Quoniam
Iesus populum de terra Ægypti sal-
uans, secundo eos, qui non crediderunt
perdedit.*

Caterùm quid testamentum,
& quid testamenti sanguis sit ex-
plicato omnino opus est. Et vt plu-
ra alia omitram, vocem Hebrai-
cam בְּרִית noster Interpres inter-
dum *pactum*, & *fœdus*: interdum
testamentum vertit: sicut etiam
Græcus interdum *συνθήκη*, & in-
terdum *διαθήκη*, quorum alterum
pactum, alterum *testamentum* valet.
Est autem testamentum, quo sensu
dicitur Testamentū Vetus, & No-
uum (vt optimè Bellarminus 1.
tom. lib. 1. c. 7. & Ribera in Com-
mentariis epist. ad Heb. ad illud c.
9. *testamentum enim in mortuis confir-
matum est*) pactum quoddam, quod
tamen vim accipit, impleturque; mor-
te illius, qui genus illud testamenti
aut fœderis pactus est. Itaq; omnino
testamentum non est: sed quasi le-
gatum cum aliquo onere relictum,
tribuendum tamen cùm mors in-
tercesserit illius, qui promisit. Vn-
de, quia conditionem aliquam
requi

51.

Quid te-
stamentū
Vetus, &
Novū, &
cur fœdus
dictum.

requirit, vt ita loquar, in legatario, pactum est: quia tamen illud mortem expectat aut testatoris, aut promittentis, testamentum.

52.

Quomodo
sanguis
testamē-
tum con-
firmet.

Porro sanguis testamenti dicitur, quasi testamentum sanguine, id est, testatoris morte confirmatum. Sanguinem enim pro morte sumi satis notum est. Quare in sanguine testamenti vinctos educi, nil aliud esse puto, quàm liberatum iri vinctos è carcere, quando Christi sanguis aduenerit, qui pactū cōfirmet, aut testamentum stabiliat. Vsus autem videtur Propheta, & Paulus *sanguinis* potius nomine, quàm *mortis*, quia cum duo *sanguis* significet, & id quod propriè sonat, & mortem, illud ad pactum referri potest, quod sanguine sanciri solet; hoc ad testamentum, quod testatoris morte confirmatur.

53.

Sunt autem Testamenta duo, Vetus, & Nouum: in vtroque verò promittebatur filiis hæreditas Regni cœlestis. In Nouo apertè, in Veteri obscuriùs, & quasi per ænigmata: vt enim Ecclesia antiqua ex genere Abraham, typus erat Ecclesię: sic promissiones antiquæ, ac sacrificia, typus fuerunt eorum, quæ nunc in Ecclesia clariùs promissa, & magis prompta habemus. Terra promissionis cum suo melle, ac lacte, in quâ per tot viarum dispendia, rerumque discrimina ex Ægypto ingressi fuerunt filij Israël, æternam hæreditatem adumbrabat; & sanguis victimarum, Christi sanguinem, per quem ad hæreditatem illam aditus aperitur. In Testamento ergo Veteri promittebatur æterna hæreditas, non tamen ad eunda, donec testator moreretur, obscure tamen, vt dixi, & in vmbra; spectabatur enim hæreditas terrena, quę cœlestem, & virulorum san-

guis, qui Christi sanguinem designabat: vt enim Paulus ad Heb. 9. *nec primum* (testamentum) *sine sanguine dedicatum est*; quia morte victimæ mors adūbrabatur Christi testatoris. In Testamento ergo Veteri data est hæreditas, in vmbra tamen, quia qui moriebatur, testator non erat, sed testatoris imago quædam obscura. In Nouo verò iam vera aditur hæreditas, quia mortuo testatore patefactus est. aditus ad ipsius bona. Et hoc ipsum indicat Paulus ad Hebr. 4. dum docet Hebræos non introisse in requiem, quamuis à Iosue forent in terram promissionis introducti. *Ierum*, inquit, *terminat diem quandam. Hodie, in Dauid dicendo: hodie si vocem eius audieritis, nolite obdurare corda vestra. Nam si eis Iesus (.i. Iosue) requiem præstuiisset; nunquam de alia loqueretur posthac, die.* Hoc explicuit optimè Lactantius lib. 4. c. 20. *Scriptura*, inquit, *omnis in duo Testamenta diuisa est: illud quod aduentum Domini, Passionemque antecessu, id est, lex, & Propheta, Vetus dicitur: ea vero quæ post Resurrectionem scripta sunt; Nouum Testamentum nominatur. Indat Veteri vnumur, nos Nouo; sed tamen diuisa non sunt; quia Nouum Veteris adimpletio est, & in vtroque idem testator est Christus.* Cum ergo in vtroque Testamento eadem sit hæreditas, idem testator, sunt tamen aliqua discrimina. Primum, quia non eodem tempore instituta, ex quo alterum Vetus, alterum Nouum appellatur; secundum, quia prius obscurum & in symbolis veram hæreditatem non tam continebat; quàm figurabat, & vt optimè Lactantius suprâ, clausum, & obsignatum erat: itaque nisi Christus mortem suscepisset, aperiri testamentum, id est, reuelari, & intelligi mysterium Dei

54.

non potuisset. Tertium, quia illud ad Hebræos tantum, hoc etiam ad Gentes pertinebat. Quartum, quia impleta conditione, & peracta via, hæreditas tamen non adibatur, quia nondum mortuus erat testator. At in Nouo conditione posita, ubi primum viator esse desit, hæreditatem ingreditur.

55. Ex his obscurum non est quid sibi hic velit Zacharias, aut quid appellet Testamentum Christi, Nouum nimirum, & non iam vitulorum, ut antea, sed Christi sanguine confirmatum: quod non promittit solum, sed etiam inducit in æternam possessionem. Illud ergo spectabant vincti, & clausi in lacu sine aqua, id est, in sinu Abraham, quod pactam sibi hæreditatem legitimè, ac sine vlllo impedimento adire iam liceret.

Emisisti vinctos tuos. Id est, qui tibi seruierant, qui in tuo testamento, ac sanguine spem libertatis suæ collocauerant. *Emisisti*, more prophetico, pro *emittes*.

56. *De lacu, in quo non erat aqua.* Omnes cõmuniter intelligunt de sinu Abraham. Hieronymus, Cyrillus, S. Th. 3. parte, quæstione 52. art. 1. & quotquot ex recentioribus de Purgatorio disputant. Cur verò Limbus lacus dicatur sine aqua, variæ sententiæ sunt. Ego, omisissis aliis, existimo sic appellari metaphoricè, siue quia in carceribus locus erat depressus, & obscurus, in quo tenebatur magni criminis rei: qui propter profunditatem lacus dicebatur. Sanè absque aqua, quia aliter non tam effect custodiæ, quàm supplicij locus; qui etiam dicitur fouea. Carcer in quẽ coniectus est Ioseph, lacus dicitur Gen. 40. innocens in lacum missus sum.

Sap. 10.

Et idem vocatur fouea Sap. 10. defendenduque cum illo in foueam. Heb. 11

bor, quod puteum significat. Sed à communi puteo, seu lacu carcer iste distinguitur, quia ille aquis abundat, hic verò sine aqua est. Seu certè lacus sine aqua dicitur Abraham sinus ab illo lacu sine aqua, licet non sine cœno, in quem dimissus fuit Ieremias, quia propter profunditatem & squallorem, & quia in loco celebri, utpote in vestibulo carceris, non poterat esse non notissimus. Erat autem sine aqua, non tamen sine luto. Existimo autem Prouerbiali figura quemcumque locum tetrum, & sordidum vocari lacum sine aqua, à carcere illo Hierosolymitano horrido, & tet. Sicut locus profundus, squalidus, & horribilis, imò & gehenna ipsa Barathrum dicitur à loco eius nominis, qui erat Athenis pro fontium suppliciis. Vide quæ de huiusmodi carcere diximus super Acta Apostolorum cap. 10. cùm ageremus de Petri custodia. In lacu igitur sine aqua, id est, loco magnæ profunditatis & horroris, nempe in Limbo, expectabant vincti libertatem per Christum: & in sanguine testamenti eius liberati sunt.

Theodoretus aliter exponit hunc locum, acutè quidem, & satis ad mores, sed parum ad literam. Ait enim Euangelij tempore vocari homines ab inani rerum terrenarum studio, & idolorum cultu, à cisternis utique dissipatis, quæ continere non valent aquam; Iere. c. 2. ad fontem aquæ viuæ. Et reuera qui aliquid, nisi ab Euangelio quærunt, aquam hauriunt turbidam, & lutulentam, imò cœnum, quale erat in lacu sine aqua, in quem coniectus fuit Ieremias.

Conuertimini ad munitionem vincti spei. Actus in stuporem Propheta propter rerum, quas intuebatur,

ma

57. Euangelij vis, & puritas.

58.

magnitudinem, modò ad Ierusalem gratulabundus, modò ad Christum, modò ad Sanctos in lacu sine aqua conclusos mentem, orationemque conuerit. Iubet autem. vt ad perfugium suum Christum referant animum, & quasi iam præsentem illum respiciant. Fingit enim adesse iam illis vindicem, & Seruatorem Christum, sicut ipse sibi intelligibili, aut alia fortasse specie præsentem intuebatur. Porro *vincti spei* dicuntur *vincti sperantes*, Hebraica phrasi, qua *virum virtutis*, & *virum laudis*, viri fortes, & gloriosi vocantur. Vincti etiam spei, vt indicat Cyrillus, & Hieronymus, vocari possunt Sancti omnes, qui in hac vita pro Christo dura patiuntur; quia dum in lacum, id est, in vincula traduntur, dum in equuleo luxantur, sperant tamen meliora, eaque spe in suis se laboribus non modò patienter; sed etiam hilariter sustentant. Hos ergo spes in hæc, quæ vulgò existimantur incommoda, conficit: sicut spes terræ frumentum condit ibi moriturum: & pecuniam mensario, & hominem naui, ac fluctibus propter emolumentum quod inde capi potest. Dicuntur itaque hi *vincti spei*, quia illos non tam Tyrannorum sæuitia, quàm spes nostra Christus vinculis astrinxit. Ex horum numero fuit Paulus, qui Act. c. 28. dixit, *propter spem Israël carena hac circumdatus sum*, id est, propter Christum. Vide quæ diximus in illud Act. c. 23. *de spe, & resurrectione morituri, non ego indico*. Porro allusisse videtur Zacharias ad Psal. 39. vbi hæc omnia coniunxit Dauid, & *vinctos spei*, & lacum cœnosum sine aqua, & munitionem, siue perfugium. *Expectans expectaui Dominum, & intendit mihi: & eduxit me de lacu miserie, & de luto factis, & statuit supra petram pedes meos.*

Spes beatitudinis
animum
confirmat
ad labore

Hodie quoque annuncians duplicia reddam tibi.] Incertum est quò sint referenda hæc verba. Quidam ad Ecclesiam putant, & Euangelij tempora. Ita Hieronymus, qui præmij magnitudine excitari dicit spem illorum, qui pro Christo duris videntur incommodis. Pro qua explicatione obseruandum est in sacra Scriptura *duplicia* pro copiosis, atque ingentibus sumi. Isai. c. 16. *pro confusione: & strâ duplici. i. magna.* Ierem. c. 17. *duplici contritione contere eos*, id est, ingenti. Sic nunc Deus copiosa munera promittit.

Ego quidem hæsi diu in hac salebra; neque quicquam me magis moratum est, quàm aliorum auctoritas, quos ego & feci semper plurimi, & ex animo colo; à quibus, si quando cogor, recedo non libenter. Quare quid hîc mihi verisimilitudinem aliquam obiciat, propono potius, quàm suadeo. Et primum existimo oblatam esse Prophetæ gloriam, & pacem populi à captiuitate restituti. Deinde, quia ad illius etiam populi laudem pertinebat habere Christum Regem, & vindicem è suo genere, eidem quoque speciem esse oblatam illius Imperij lati, atque gloriosi. Quod cum stupens, & quasi à se ipso alienus esset contemplatus, ea dicendi figura vsus est, quæ in magna mentis incitatione familiaris esse solet. Nunc verò quasi ab eo stupore receptus refert animum ad illa contexenda, quæ Christi Regni inducta commemoratione interruperat. Quod ipsa dicendi figura innuit, quæ mutatione personæ mutationem indicat Prophetiæ. Prius ad multos loquebatur, ad vinctos nempe spei, nunc in singulari numero ad vnâ siue Rempubicam, siue gentem sermonem conuertit,

60.

dum

dum dicit; *reddam tibi*. Quare quæ modò subiiciuntur, non ad Christi tempora historico sensu; sed ad Iudæorum Reipublicæ statum, & formam pertinere existimo. Singula igitur iam expendamus, primum historicè de Iudæis, deinde absoluto capite allegoricè, & mysticè de tempore Euangelij.

61. *Hodie quodque, annuncians duplicia reddam tibi.* Hinc existimo oriri periodum aliter atque in multis dispungitur Bibliis: ita ut hæc non sint referenda ad yinctos spei, sed ad aliquid aliud, de quo statim. Illud *hodie* non pertinet ad orationem Zachariæ, ut aliqui volunt: hoc sensu, ut Deus daturus sit duplicia, id est, maiora quàm eo die promittentur à Zacharia; sed ad præsens tempus, id est, ante aduentum Messis, & Euangelij pacem; ita ut ista sit vaticiniij sententia. Non solum tempore Regis Messie, sed etiam *hodie*. i. proximis temporibus annuncio, ô Ierusalem, aut Iuda, magna me tibi redditurum; quæ tamen illa futura sint, statim explicat. *Hodie* non tantum significat præsentem diem, sed tempus non valdè remotum, quodque iam proximè videtur impendere, seu non antè diu transactum est. Est autem vsitatum in sacra Scriptura, ut dies determinatus, & certus pro tempore indeterminato, atque incerto adhibeatur, sicut *cras*, quod licet significet diem, qui proximè præsentem succedit, aliquando tamen pro tempore futuro ponitur, eoque valdè distante. Exod. 13. *Cumque interrogaueris filius tuus cras. Quid est hoc?* Et tamen tempus indicatur in eo *cras* longè post futurum, nempe post 40. annos, quia sacrificia ista, quæ tunc præcipiebantur, offerenda erant in terra Chanaan, id est, in terra promissionis: & idem di-

Reg.
Tempus
determinatum, ut
hodie,
cras, pro
tempore
incerto,
& indeterminato.

citur Deut. c. 6. n. 20. *Hæc*, quod proximè antegreditur diem hodiernum, pro præterito sumitur, item *nudius tertius*: quare hæc duo, *hæc*, & *nudius tertius* saepe coniunguntur, quæ sine dubio significant, id quod longè terminum per voces illas notatum antecessit. Sic etiam *hodie* tempus connotat, quod vel non diu post futurum, vel non diu antè transactum est. Exempli sunt plurima: tria simul occurrunt Deut. 26. n. 16. 17. 18. ubi *hodie*, idem est, quod *nuper*. *Hodie Dominus Deus tuus præcepit tibi, ut facias mandata hæc. Dominum elegisti hodie, ut sis tibi Deus. En Dominus elegit te hodie, ut sis ei populus. Annuncians participium præsentis est, quo Hebræi utuntur pro præsentem tempore indicatiui, quo carent, hoc sensu: annuncio me duplicia redditurum.*

62. *Quoniam exiendi mihi Iudam quasi arcum.* Præteritum pro futuro sumitur Scripturæ more, maximè quando aliquid proximum est ut fiat, ut pluribus docuimus in illud Cant. 1. *Inroduxi me*. Sicut etiam illud *hodie* proximè dictum pro futuro sumi diximus. Ostendit autem Deus modum per Prophetam, quo Iudæorum Rempublicam ornaturus sit, atque amplificaturus. Dicit enim debellandas esse gentes per Iudæos, quos assumet suæ virtutis administratos; quemadmodum si quis arcu hostes, seu feras configat, & sternat. Quod factum esse Machabæorum tempore tradunt Hebræi: neque id omnino displicet Hieronymo, Theodoro, & aliis. An verò ante Machabæos horum aliquid acciderit, mihi incompertum est; quia nihil horum inuenitur in in sacris monumentis, cum historia sacra ab iis diebus usque ad Machabæos per centum ferme annos

annos interrupta sit.

63.

Impleri ar-
cum, mili-
tariis phra-
sis.

Impleui Ephraim.] Eodem sensu dicitur impletus Ephraim, quo Iudas tanquam arcus intentus. Heb. אֶרֶב mala, verbum est militare. 4. Reg. c. 9. vbi vulgatus. Porro Iehu tetendit arcum suum manu, & percussit Ioram. Heb. est, & apud Lxx. Et Iehu impleuit manum suam in arcu. Rab. David, traxit arcum totis viribus suis. Videtur autem in hoc exemplo esse quædam hypallage vsitata in Scriptura, ita vt legendum sit; pro, impleuit manum suam in arcu, vt locutus est hîc Zacharias, impleuit arcum in manu sua. Neque id alienum est ab vsu Latinorum. Vegetius lib. 1. c. 15. vbi agit de tyronum institutione. Maior, inquit, adhibenda solertia, vt arcum diligenter, ac sapienter teneant; vt fortiter impleant, vt sinistra fixa sit. Implere arcum idem esse existimo, quod toto conatu vibrare, & quàm inaximè, atque acerrimè telum adigere, vt docuit supra Rab. David. Cyrillus hîc aliud esse putat. Cum, inquit, sagittarij ferratum arcum curuantes neruum ad pectus adducunt, tunc arcum implere dicuntur, & sagittam volantiem, siue telum iaciunt. Ego arcum tunc impleri puto quâdo extremis arcus capitibus, siue cornibus adducto vehementer neruo, coëuntibus impletur circulus, qui priùs videbatur inchoatus, in arcu, qui semicirculi figuram obtinet. Quod eleganter expressit Virg. lib. 11. Æneid. cum de iaculatrice Diana loqueretur.

Dixit, & auratam volucrem Treïssa sagittam

Deprompsit pharetra, cornique in-
fensa tetendit:

Ei duxit longè, donec curuata coi-
rent

Inter se capita. —————

Quod sumpsisse videtur ex Home-
G. Sanctij Comm. in Zachar.

ro Iliados 4. vbi ex arcu vehemen-
ter intento factum esse dicit circu-
lum: sic enim ille de Pandaro.

Αὐτὰρ ἐπεὶ δὴ κυκλοτέρης μέγα τόξον
ἔτεινε.

Et Q. Smyrneus lib. 10. κυκλοῦν δὲ
κέρως, id est, in circulum actus est
arcus. Qui dicendi modus apud
profanos non infrequens. Sidonius
lib. 1. ep. 2. specula caput implet, expellit.
Nonus lib. 1. Dionysiacôn ad hûc
dicendi modum alludens. Intendit,
inquit, telum in neruo ad circulum.
Græcè ἐπικλύσας. Euripides in
Rheso. Iungite neruis arcus corneos.
Græcè ζεύγνυτε τόξα.

Est autem hæc metaphora vsita-
ta in Scriptura, vt quæ instrumenta
sunt alicuius, etiam ad rem non
bellicam, vocentur sagittæ. Isai. 49.

Posuit me quasi sagittam electam, in
pharetra sua abscondit me. Porro

Ephraim potius meminit, vel quia
Ephraimitæ erant peritissimi sagit-
tandi, iuxta illud Psalm. 77. *Filij*
Ephrem intendentes, & mittentes ar-

cum: vel quia Ephraim pro Iuda su-
mitur, quia ex ea tribu plurimi ad
alias duas acceperunt. 2. Paralip. c.

30. quippe qui proximi erant Ieru-
salem: & ideo puto aliis in locis in
Ephraim Iudam intelligi, vt supra.

Disperdam quadrigas de Ephraim, &
equum de Ierusalem; & Iere. 31. iuxta

eorû sententiam, qui putant caput
illud agere de felici Iudæorû redi-
tu è Babylone, in quibus sunt Chal-
dæus, S. Thomas, Hugo, & expref-

sè Theodoretus. Ephraim qui eo
capite sæpe repetitur, pro Iuda su-
mitur. Quod si ita est, quod sanè

non videtur improbabile, eadem
sententia bis explicatur: quare idem
est, extendi mihi Iudam quasi arcum;
& impleui Ephraim.

Ei suscitabo filios Sion super filios
iuos, o Græcia.] Satis ex hoc intelli-

64.

Ex E-
phraim
multi doa-
bus tribu-
bus adiuu-
ati.

65.

Imperator prærit, & ad eius imperium vel progredientur, vel reuocabuntur castra; idè aptè à Propheta Deo accommodatur tuba.

Ventus pro celeritate Et vadet in turbine Austri.] Deest

hic nota similitudinis, id est, quasi veheretur in turbine, id est, velocissimè, ac rapidissimè ferretur in hostes Est autem vsitatum in Scriptura, vt per *ventos* summa celeritas significetur. Psal. 103. *Qui ambulat super pennas ventorum*: & Nahum cap. 1. *Dominus in tempestate, & turbine via eius*. Meminit autem Austri potiùs quàm alterius venti, vel quia hic vehemens est, vt docet Arist. lib. 2. Meteor. cap. 5. vel quia hic, quoniam stat à Meridie, ad Aquilonem irrumpit. Cùm autem Babylonij ad Aquilonem pertineant, quibus præcipuè istæ iactantur minæ, ideo Deus egressurus dicitur in turbine Austri, id est, dimicaturus contra Babylonios.

Et deuorabunt eos.] Hebraismus est: nam verbum *אכל* *achal* non solum comedere significat, sed etiam consumere, vastare, & perdere. Quare aliquid vorari à gladio, & flamma frequens in Scriptura. Hanc loquendi formam natam fuisse ex barbara hominum consuetudine qui fuerunt ante diluuium, qui & carnes comedebant hostium, & eorum bibebant sanguinem, verisimile diximus super caput 15. Act. vbi agitur de suffocato & sanguine. vbi hac de re multa.

68. *Et subiicient lapidibus fundæ.*] Incertum est an lapides fundæ futuri sint Iudæorum, vel hostium Iudæici nominis. Quidam hostium esse putant, vt Vatablus, & Montanus. Et si ita accipias, sensus erit duplex: alter, si *lapidibus* cum vulgato legas, subiiciet Dominus hostes lapidibus fundæ, quos ipsi ciaculabun-

tur; retorquebit enim in illorum caput. Alter, si *lapides* legas in quarto casu, quod sanè textus ipse Hebraicus videtur postulare, subiicient lapides duos hostium, ita vt nocere non possint. Siue funda pro fundibulariis ponitur: aut pro hostibus, quibus in acie familiaris est funda. Nam pro his funda videtur posse sumi; quæ ratione equus, pro equite, hasta, pro hastato; & pila, pro Romanis, gessa, pro Gallis, acinacis, pro Persis vsurpatur. Fuisse autem Græcis familiarem fundam, satis constat ex historia profana. Quod verò fundis vti fuerint Græci, qui cum Machabæis bella gesserunt, traditur lib. 1. Mach. c. 5. & cap. 6. vbi dicuntur habuisse multa tormenta, machinas, & fundibula ad iaciendos lapides. Iuuat hanc sententiam, quia statim videtur alios lapides cum istis lapidibus conferre, quos futuros dicit esse glotiosos. Quare hæc sententia non omnino mihi displicet.

Sed tamen vt plerisque placet, & est magis ad textum vulgati, & L x x. dicendum est, lapides fundæ futuros esse Iudæos, quibus Dominus tanquam arcu ad sagittas, & funda ad torquendos lapides in hostiũ stragem vsus est: quorũ aliqui ita fuerũt fundæ periti, vt cum Cygists, de quibus Aristoteles in mirabilibus, & cum Balearibus non solum conferri, sed etiam longè anteponi potuerint. De viris enim Gabaa, quæ est in tribu Benjamin scribitur Iud. c. 20. *sic funda lapides ad certum iacentes, vt capillum quoque possent percuere, & nequaquam in alteram partem ictus lapidis deferretur*. Et 1. Paralip. c. 12. de quibusdam ex Benjamin, qui transfugerunt ad Dauid dicitur, *tendentes arcus, & viraque manu fundis saxa iacentes*.

69. *Et bibentes inebriabuntur quasi à vino.*] Vt deuorandi suprà hostes dicuntur; sic illorum sanguis bibendus nunc dicitur, sumpta dicendi forma ab illa consuetudine de qua nuper. Quem sanguinem Iudæi victores ita auide, atque sitienter bibent, sicut vinum.

70. *Et replebuntur ut phiala, & quasi cornua altaris.*] Declaratur quanta futura sit inimicorum cædes; quando non aliter Iudæi victores implendi sunt hostium sanguine, quàm phialæ, quæ victimarum sanguinem excipiunt: aut altaris cornua, quæ ex lege Leuit. c. 4. sanguine imbuuntur. Qua similitudine significat Deus futuram sibi gratam hostium cædem, non aliter atque victimarum sanguinem, quo madent altaria. Ita indicat Hieronymus. Porro illud, *replebuntur ut phiala*, postquàm præcessit *inebriabuntur quasi à vino*, & audacitatem pugnandi, & in pugnando felicitatem significat. Nam quemadmodum qui vinum bibit, ita se impotenter interdum ingurgitat, vt quod haurire non potest, effundat immoderatè, & fœdè vestimenta, pauimentumque riget, atque commaculet, vt de Bitia Virg. Æneid. 1.

————— *ille impiger hausit
Spumantem pateram, & pleno se
proluit auro.*

Et de conuiujs quorundam ebriorum dixit Cic. Philip. 2. *natabant pauimenta vino.* Sic hoc loco ebrietas metaphora, & phialarum plenitudine, atque ararum aspersione significatur tantum hostilis cruoris effundendum, vt non solum expleat Iudæorum sitim, sed etiam longè superet.

71.

Dies pro
lo go tē
pote.

Et saluabit eos Dominus Deus eorum in die illa, vt gregem populi sui.] Vsitatum est in Scriptura vt dies sumatur pro tempore, id est, pro

longiori spatio, in quo multi interdum anni continentur, sicut etiam de *hodie* nuper diximus. *Hodie* verò tempus illud indicat, quod modò notat hæc vox, *in die illa*. Iudæi saluandi dicuntur à Domino, sicut grex, quia, vt inquit Hieronymus, Machabæorum exercitus non armatus, nequè instructus arte bellandi contra Macedones dimicaturus erat; sed venturus quasi grex paratus ad mortem; qui tamen auxiliante Deo superaturus erat hostilem potentiam. Hoc faciliè intelligitur ex 1. lib. Machab. c. 3. vbi cum hostibus negotiatores venisse traduntur cum multo argento, vt captiuos emerent à victoribus. Imò lib. 2. c. 8. hostes ipsos cum iam victoriam animo, atque spe deuorauissent, attulisse scribunt secum mercatores, quibus captos venderent Iudæos. Mihi modò alius succurrit sensus; an verò satis ad textum aptus, alij iudicabunt.

Saluabit Dominus eo tempore, quod notat Zacharias, populum; ita vt nullus dominetur alienus, qui in regione illa ad diuinum cultum ex omnibus electa suæ constituat aut dominationis, aut religionis insignia. Notum est pro vario gentium dominatu, varia etiam excitari monumenta, & quasi symbola Imperij à rerum dominis, maximè in his locis, vbi aliquid præclarè gestum est. De externis non est cur diu morer: pro multis sufficiat nobis vnus locus Leuitic. 26. vbi non obscurè indicatur. *Non facietis vobis idolum, & sculpsile: nec titulos erigatis, neque insigne lapidem ponetis in terra vestra, vt adoretis eum.* Ego enim sum Dominus Deus vester. De his, qui in historia sacra continentur, aliqua proferam exempla. Ex

72.

Rerum gestarū monumenta excitata.

Leuit. 26.

ci

citauit Saül lapidem, inò & fornicem. 1. Regum 15. vt extaret aliquod monumentum superati Amalec. Sed & viri magis religiosi, qui diuinorum beneficiorum memoriam conseruare apud posteros voluerunt, lapides erigebant, in quibus profecta in se à Deo beneficia testabatur. Moyses Exod. c. 17. in memoriã datæ legis duodecim lapideos titulos erexit: & idem Exod. 24. totidem, quando iterum populus legem est amplexus. Iosue c. 8. iuxta præceptum Moysis Deut. 27. excitauit lapideos titulos, in quibus scripsit Deuteronomium, id est, legem: & cap. 24. alium erexit lapidem in testimonium datæ iterum fidei. Et cap. 4. duodecim lapides reliquit transmissio Iordane in tanti beneficij memoriam, quos ad tẽpus vsque Ioannis Baptistæ durasse docet Abulensis sup. cap. 4. Iosue quæst. 11. Vsq; adeò verò vult Deus suorum beneficiorum non perire memoriam, vt (si modò verum est quod tradit Abulensis in illud Genes. 18. [*erexit Iacob lapidem*] quæst. 3.) conseruari adhuc tum in arena littoris maris Rubri, tum in ipsa aluei profunditate vestigia currum, quibus Aegyptij duce, atque horratore Pharaone in mare delati, atq; ibi demersi sunt.

73. Vt ergo ad institutum redeamus, saluabit Deus populum suum, relinquetque lapides in illis locis, vbi diuino auxilio partæ sunt victoriæ. In omnibus vtrique sedib. terriæ promissionis, quas ab externo possessore vindicabit. Inter hæc autem signa, & lapides, qui locum esse Deo consecratum ostendent, pascet Dominus populum suum tamquam gregem: sicut pastor inter nota pascua, faxque terminali ab aliis distincta pecus agit. Hispanè, *Demiro*

de los cotos. Et hoc plerūque certum in his, qui in re pecuaria potentes sunt, qui pascua habent propria, non cum aliis communia. Et ideo consequenter ad hæc subditur.

Quia lapides sancti eleuabuntur super terram eius.] Vbi vulgaris sancti, Hebr. est. *נזר* *nezzer*, quod *separationem, consecrationem, & coronam* significat; à quo vocati sunt Nazarai, quasi separari, vel consecrati, aut etiam coronati. Quare lapides isti *נזר* appellari possunt, quia agros ab agris separant, vel illos consecratos esse Deo demonstrant; aut certè terram promissionis cingunt, & coronant, sicut flumina salicibus coronari dicuntur. A priori, & magis propria significatione dici possunt lapides separationis, & quasi terminales, qui regionem Domino consecratam ab aliorum finibus discriminant. Siue, qui regionem illam Domini esse illustri aliqua nota significant. Qui etiam sacri dici possunt, quia religionis ergo à viris pijs excitati sunt. Et videntur lapides hi sacri, seu separationis esse illi in quibus Deut. 27. præcepit Deus. vt lex scriberetur. Quod transmissio Iordane fecit Iosue cap. 8. Et hæc videtur esse signa illa, à quibus Gentib. esse timendum dicitur Psalm. 64.

Turbabuntur Gentes, & timebunt qui habitant terminos, à signis tuis. Est autem verisimile, lapides illos, qui excitati fuerat ex diuino præcepto, in communi vastatione regionis illius, & Iudæorum discessu, ab hostibus, qui in illorum sedes successerant, fuisse sublato: & ideo nunc dicuntur eleuandi.

Pro, eleuabuntur, Heb. est *מִן־הַסֵּלֶת* *min-ha-selot*, quod à *סלע* *sel* deducitur, quod *versillum* significat. Quare eleuandi lapides dicuntur qui vi-

74. Lapidēs erecti in terra promissionis.

Deus suorum beneficiorum memoriam conseruare nō vult.

75.

storias prædicent partas eius virtute, in cuius gloriam excitati sunt. In quibus notæ sint certæ, & quasi symbola tanti Imperatoris; nimirum lex olim ab ipso lata. Vt ergo Deus excitatis olim titulis, ac lapidibus, quasi relictis sue potentie vestigiis, regionem illam singulari aliqua ratione suam possidebat: sic iisdem signis excitatis, quæ Assyrii, atque Chaldæi antea deiecerant, idem in suam iterum regionem rediisse videbatur. Constituerant sanè Assyrii sui Imperij, atque religionis signa in terra promissionis, quam execrandis inanum Deorum simulacris, & impia superstitione cõtaminarant, vt cõstat ex lib. 4. Reg. cap. 17. quibus suo sibi imperio publico monumento regionem illam consignarant; sed rursus Deus illis deiectis Gentium spurcitiis, suisque signis vt antea restitutis, in suâ possessione postliminio reuertitur, possessionem, inquam; pinguem, & lætam, vbi posset gregem suum inter fines iam cognitos, & lapidibus quasi terminalibus distinctos pascere. Vnde subdit aptè ad superiorem explicationem.

76. *Quid enim bonum eius est, & quod pulchrum eius, nisi frumentum electorum, & vinum germinans virgines?* Sensus allegorico, & præcipuè à Spiritu sancto intento nõ dubito quin hæc accipienda sint de Eucharistia; de qua postea plurib. in sensu mystico: nihilominus hæc quoque esse historicè accipienda de terra promissionis, typicè tamen, & minùs præcipuè verisimile est. Et primùm obseruo illud (*eius*) non pertinere ad terram; quia affixum, id est, pronomen, est masculinum, nomen verò אַדָמָה *Adamah*, pro quo noster *terra*, fœmininum est; sed ad Deum, siue ad gregem, nam quodlibet ho-

rum masculinum est. Ego ad populum refero. Sed certè quocumque modo sumas, sensus idem est, aut parum diuersus. Si ad verbum interpretèrè verba Hebr. sic habent. *Quàm bonum eius est, & quàm pulchrũ eius*; id est, quantũ bonitatis, & pulchritudinis afferet populo frumentum, & vinum, quod largè fundet Chananæus ager? *Bonum* ad frumentum refero, quod electos, id est, iuuenes (nam בַּחֲרִים *bachurim* electos, & iuuenes significat) robustos facit; *pulchrum* ad vinum, quod virgines florentes, & nitentes reddit.

Porro cùm vox Hebr. בַּחֲרִים *bachurim* electos, & iuuenes significet, hîc iuuenes interpretor, quia etiam ipsi electi sunt, vtpote strenui, atque robusti; sicut etiam interpretati sunt Lxx. quia statim sequitur בְּחֻלּוֹת *bethuloth*, id est, *virgines*, quæ duæ voces in Scriptura sæpe coniunguntur. Pro, *germinans*, Heb. est יֵנוֹבֵב *ienobeb* in *Piel*, quod significat *germinare*, aut *florere faciens virgines*. Hæc verò ideò videtur à Propheta dicta, quia iis contraria longo exilio, atque seruitute confecti iuuenes ac puellæ pertulerat. Quare Thren. 1. virgines dicuntur squalidæ; & cap. 5. iuuenes extremam ignominiam, atque ludibrium passi. Illæ ergo virgines, quæ quasi plâteæ mortuæ aruisse videbantur, reuocata ad antiquum solum, quod lacte, & melle rigabatur, germinant iam, & ad priorem redeunt nitorem, dum in regione vberè, ac sua tutè, atque otiosè viuunt.

Mysti

*Mysticus sensus posterioris
partis huius capitis.*

78. **P**eracta iam totius capitis expli-
catione commodè nunc, ut an-
tea promiseram, ad extremam ca-
pitis partem reuertor; quam ad Ec-
clesiam præcipuè pertinere iam an-
tè dixi, adumbratam tamen in eo
successu, quem pro votis nacta est
Iudæorum Respublica. Incipit au-
tem hoc caput intueri Christum,
& Euangelium ab illis verbis; *Exul-
ta satis filia Sion*. Sed quia illa, & quæ
sequuntur usque ad *conuerimini ad
munitionem*, explicata à me sunt de
Christo, ideo illis in præsentia omis-
sis, ab his mysticam explicationem
aggrediar.

79. *Conuerimini ad munitionem vestra
vincti spei.*] Cum proximè Messia
Regis & potentiam ostenderet, cū
regnaturus esse dicitur à mari usque
ad mare, & benignitatem, & man-
suetudinem, cum ascensurus esset
super asinam, & pullum eius, quæ
duo maximè attollere solent spem
miserorum, quando cum poten-
tia eius, qui nobis bene cupit, hu-
manitas, atque benignitas coniun-
cta est; iubet bono esse animo eos,
qui vincti sunt. Siue hi sunt, qui in
Abrahæ sui spe longum desiderium
sustinent: siue qui Christi causâ vl-
trò se in vincula, atque tormenta
dedunt. Aut certè vincti spei illi sunt,
qui spei sua studia, cogitationesque,
imò & se ipsos obligarunt. Nam
bonorum spes nihil non tentat, ni-
hil non audet. Hos ergo iubet con-
uertere se, cogitationesque suas ad
munitionem, id est, ad Christum, qui
ut mitis, & benignus volet, ut po-
tens valebit labores suâ causâ su-
sceptos compensare. Quæ enim ab

eius complexu deterrebit potentia,
cui tanta adiungitur humilitas, ac
mansuetudo: quem non alliciet, imò
& trahet humanitas, quæ tempe-
rat, & mollit, si quid est seueritatis
in potentia?

*Hodie quoque annuncians dupli-
cia reddam tibi.*] Magna sunt, quæ in
suo Regno parauit Christus; sed
quæ *hodie*, id est, in præsentī vita da-
turus est Euangelij filiis, duplicia
sunt, id est, eximia. Quam verò
Deus liberaliter, quam indulgenter
amplectatur suos, quam ornet co-
piosè, etiam dum pugnandi, atque
lugendi tempus est, norunt experti fi-
deles serui, quos Dominus inter li-
lia pascit, dū aspiet dies, & inclinè-
tū vmbra, id est, interim dum ad-
ueniens aditum ad æternam requiē
aperit. Sed nunc de Ecclesia inter-
pretemur suo tempore excitanda per
Christum, sicut modò reuocatis ab
exilio Iudæis, excitato templo, &
instauratis mœnib. fundata est Ie-
rusalem, quæ Ecclesiæ imago quæ-
dam fuit. Dicit quidem Deus datu-
rum se duplicia, id est, multo ma-
iora Ecclesiæ tempore, quam quæ
contulit Iudæis redintegrata anti-
qua fortuna. Quæ quodam modo
ad Iudæorum gloriam pertinebant;
tum quia Christus ex eo genere na-
tus, tum quia Apostoli, per quos in-
finitam propè multitudinem ad
Ecclesiam adiunxit, ex eadem fue-
runt familia. Et ideo apte subiun-
gitur.

Quoniam extendi mihi Iudam 80.
quasi arcum.] Optima Apostolorum
descriptio, & eorum, quorum Deus
vititur opera ad animarum conuer-
sionem. Nam hi à Deo non secus
atque ex arcu sagittæ emittuntur;
sagittæ, inquam, potentis acutæ in-
corda inimicorum Regis, quæ vi-
delicet inimica corda configant, ac
effi

80.

Spes no-
stra Chri-
stus qui
potens &
benignus
est.

Apostoli,
atque Apo-
stolici vi-
ri descri-
ptio, qui
Dei arma,
& instru-
menta sunt

effic iant, vt tandem esse iam inimica desināt. Et quidem si Deus eiusmodi sagittas prius in pharetra sua abscondit, ac sua deinde iaculatur manu, non est cur de successu dubitandum sit. Sed proh dolor! ab illis qui non minus arroganter, quā falsō Apostolorum sibi nomen assumunt, vibrantur non ignita iacula ab Euangelio sumpta, sed plumę fuitiles, ac leuissimę stipulę, quas vanitatis ventus circumfert potiūs inani volatu, quā potēter, & vtiliter adigit zelus in corda inimicorū Regis. Habet sanē mundus vnde contra Dei populum promat sagittas, ignitęque spicula, quę assiduē iaculatur cum miserabili fidelium strage; qualia habuisse dicitur Antiochus Eupator i. Machab. 6. *Qui conuertit castra ad locum sanctificationis, & statuit illic balistas, & machinas, & ignis iacula, & tormenta ad lapides iactandos, & spicula, & scorpios ad mirandas sagittas, & fundibula.* Sed qui intus à pertinaci obsidebantur hoste, fecerūt & ipsi machinas aduersus machinas eorū. Sic Christus in Ecclesia sua habet vnde spicula iaculetur ignea contra ignea dæmonis tormenta, quę quotidie in locum sanctificationis, id est, in Ecclesiam contorquet. Hi verò sunt Apostoli, qui iuxta nominis sui notationem sagittę dici possunt; sunt enim qui mittūtur, & Christus, qui Apostolus dicitur à Paulo ad Heb. 3. *Considerate Apostolum, & Pontificem confessionis nostrę Iesum;* idem sagitta vocatur. Isai. 49. *Posuit me sicut sagittam electam, in pharetra sua abscondit me.* Quem locum communiter de Christo intelligunt Patres. Et duo Apostoli Ioannes, & Iacobus ignea vidētur vocari iacula à Christo, cū appellati sunt *Boanerges*, id est, filij tonitru. Qui non viden-

tur esse alij quā fulmina, quę cū tonitru excussa, aut fulgura, quę cælo tonante emicant.

Et impleri Ephraim.] Satis notū est Ephraim sumi pro decem tribubus, quę duce Ieroboam defecerūt à templo, & penē ab auita Religione, erectis aureis vitulis, quos pro Deo colerent. Quia ex ea tribu fuit Ieroboam seditionis princeps, & illius incendij prima fax. Sed, vt suprà diximus, Ephraim pro Iuda sumitur, & eadem est sententia superioris clausule, quę dicit extendendum esse Iudam sicut arcum, & huius, quę implendū dicit Ephraim. Sēsus erit ergo, ex Ephraim & Iuda sumendum esse arcum, & sagittas, quibus vratur in subigendis hostibus magnus bellator Christus. Et ideo subditur.

Et suscitabo filios tuos, Sion, super filios tuos, o Gracia.] Gracia hoc loco pro Gentilium populo sumitur: & ita sæpe Iudæus à Græco distinguitur. Ad Rom. 1. *Iudæo primum, & Græco. & cap. 2. Iudæi primum, & Græci.* Ad Galat. 3. *non est Iudæus, neq; Græcus.* Quare Actorum cap. 6. quando dicitur factum esse murmur Græcorum aduersus Hebræos; & cap. 18. cū Paulus suadebat Iudæis, & Græcis, existimo in Græcis intelligi etiam quotquot ex Gētibz vndecumque ad Iudæorum olim, & postea ad Christianorum Religionem accedebant. Meminit autem hīc præsertim Græcorum, quia ab hoc Zacharię tempore quicquid grauioris molestiæ, atque certaminis fuit, à Græcis, id est, ab Alexandri successoribus erupit. Hos ego per filios Sion. i. Apostolos, Apostolicosque viros ad Ecclesiam adduxit Rex Messias, abiecta vana idolorum superstitione.

Et Dominus Deus super eos videbitur.] Ad

82.

83.

Græci pro Gentilib.

ad Rom. 1.

Aq. 6.

84.

Dei patre
cinium.

Aderit sui Euangelij præconibus Deus, ut dux, qui præcedat, quique illorum ministerio omnia debellet; qui hortetur, & quasi bellica tuba animos acuat, & inflammet; & turbinis in modum velox, quicquid impedimenti est ab aduersaria potestate, sternat: ac tandem progat in extremo rerum vitæque discrimine.

85.

Felix Apo-
stolorum
succellus

Et deuorabunt eos.] Persequitur eandem metaphoram, quæ ostendit filios Sion, ubi in subiugandam Euangelio externam gentem incubuerint, ita faciles habituros esse successus, & victorias, ut madentes redeant ex acie, & stillantes inimicorum sanguine; quem si non ad satietatem (quæ enim satietas esse potest sitienti animo diuinæ gloriæ, ac proximorum salutis?) ad ebrietatem tamen bibet. Quo dicendi genere, & in suscipienda animorum cura studium, & alacritas, & in euentu mira felicitas ostenditur.

86.

Verbū Dei
potens, &
purū ab
eo; quod
terrā sa-
piat.

Subiciem eos lapidibus fundæ.] Lapidem hos Hieronymus esse putat verba Scripturæ, quibus vii sunt Apostoli, aut qui Apostolicum ministerium amplexi sunt; & sanè accommodatè. Hi enim lapides mundi sunt, ac sine vlla scabritie, ut qui è torrentibus sumpti, aut è proxima torrentibus ripa, id est, verba, quæ vel ab ipsa Scriptura petantur, vel certè ab ipsa Scriptura elaborata, & in Sanctorum sinu, id est, scriptis reposita sunt; qui optimè torrentis ripa vocari possunt. Ut enim Sancti secus decursus aquarum plantati dicuntur Psalm. 1. sic eorum scripta magni fluminis, id est, Scripturæ ripa vocari possunt. Quæ quicquid habent, aut fructus, aut decoris, totum à fluminis societate hauriunt. Hinc verus David pro gloria Israël in nomine Domini progressus ad

G. Sancty Comm. in Zachar.

bellum aduersus magnæ molis Gigantem lapides sumpsit. 1. Reg. 17. *Et elegit sibi quinque limpidissimos lapides de torrente, & misit eos in peram pastorem.* Eiusmodi lapides faciliè excutiantur à fundæ; at qui aliunde sumuntur, illigantur potius fundæ, quàm ab ea emittuntur. Quare Prou. 26. stulti homines dicuntur lapides habere illigatos fundæ. ubi enim vulgatus noster habet; *Sicut qui lapidem mittit in acerem mercurij, ita qui tribuit insipienti honorem.* Chaldeus, & Lxx. legunt. *Sicut qui ligat lapidem in fundæ.* Qui ergo concionatorium, id est, Apostolicum munus aut oblatum suscepit, aut negatum arripuit, si stultus est, id est, se suæque quærit, non quæ Iesu Christi, accipit quidè lapides, illigatos tamen fundæ, non limpidos à torrente; sed scabros à sua vanitate, qui aut nullas habent, aut certè leuissimas emissiones. Super fideles sacri verbi nuncios, & pro re Christiana pugnatores strenuos, ut diximus nuper, Dominus Deus videbitur. Secus est cum aliquis non tam diuinæ gloriæ, quàm suæ vanitati seruit. Psalm. 63. *Accedet homo ad cor aliū, & exaltabitur Deus.* Exaltabitur longè Deus, & fugiet ab illis, qui cor altum, id est, spiritus insolentes assumpserint; qui altè de se cogitant, suisque viribus sperant aliquid se perfecturos. Et tunc reuera sagittæ paruulorum sunt plagæ eorum: neque enim tunc Dei lacertis ignea iacula, sed suis futes stipulas iaculantur.

Prou 26.

Conciona-
tori quid
spectan-
dum.

Ps. 63.

87.

Vir Apo-
stolicus sa-
beris ap-
petens.

Quidam putant, ut supra notauimus, lapides illos non esse Iudeos, quib. Deus Gentium populos strauit; sed hostium potius arma, atque potentiam, quæ Deus Iudeorum manibus euerit. Quod textus Hebraicus indicat, ubi in nomine, pro quo noster reddidit *lapidibus*, nullū

ad d

adhibet notam ablatiui casus : neque in *subiicient*, & *deuorabunt* affixa sunt vlla; ita vt commodè dicas, *deuorabunt eos, & subiicient eos*, & si ad verbum veritas, potiùs dicendum sit, *deuorabunt, & subiicient lapides funde*. Si ita legas, & accipias hunc locum, pulcher est sensus, quo significatur Apostolorum, & Apostolici muneris seclatorum eam futuram esse virtutem, atque constantiam, vt non modò non terreantur, ac langueant propositis minis, & obiectis Tyrānorum lapidibus; sed vtrò lapides ipsos appetant, deuorētque tāquam aliquid ingratum palato. Quæ dicendi forma vsitata est Latinis, qui aliquid oculis, aut animis deuorari dicunt, quando auidè ab aliquo spectatur, vel summo studio appetitur. Certè hoc de viro Apostolico Stephano canit Ecclesia, *lapides torrens illi dulces fuerunt*. Sed vt suprà etiam dixi, superior explicatio commodior est, magisque consentanea versionis vulgaris, quæ videtur alios habuisse codices Hebræos, magis sine dubio correctos, quales etiam habuere Lxx. qui etiam verterunt, *in lapidibus*.

88.

Concionatorum triumphus, & corona.

Et replebuntur ut phiala, & quasi cornua altaris.] Aptissima similitudine explicat, quinam futuri sint isti, qui Euangelij gratiā certamen suscipiēt, & quotidie ad fidem, seu vitam meliorem alienos, aut improbos adducent. Sunt enim vt altaria consecrata Deo, quæ victimarum quotidie recenti sanguine stil- lent. Nam vt in templo victimæ, sic in sacro Concionatore, & Christi causam fideliter obeunti animæ pristino instituto conuersæ Deo quotidie sacrificantur. Neque Deo minùs gratus bellator iste resper- sus illorum sanguine, qui sæculo mortui sunt, vt Deo viuant, quàm

ara cum phialis plenis sanguine, aut altaris cornua ex instituto veteris legis imbuta victimarum cruore.

Et saluabit eos Dominus Deus eorum: quia lapides sancti eleuabuntur super terram eius.] Quemadmodum fideles serui fuerunt Apostoli, dum in vnius Dei gloriā intenti magnis se difficultatibus, atque molestiis implicauerunt, sic illos Deus & à periculis eripuit, & longè super terrā eleuauit, adduxitque in honorem illum quem pretiosi lapides habere solent in Regio diademate. Diximus suprà vbi noster vertit, *lapides sancti*, in Heb. esse *נִזְרֵי* nez. er, quod *separationem* significat, vel *coronam*. Quare commodus erit sensus indicatus, dignusque & Apostolorum meritis, & Christi liberalitate, nēpe, *quia lapides corona eleuabuntur*, vbi Hebræorum more nota similitudinis desideratur, id est, *eleuabuntur sicut lapides corona*. Neque mirum si qui coronæ dicuntur Dei Isai. 62. *& eris corona gloria in manu Domini*; iidem nunc dicantur lapides illigati coronæ.

Seu certè quia de ædificando templo, atque vrbe institutus est à Zacharia sermo, hîc in nobiliori longè fabrica Apostolos lapidibus comparat, qui in illo spiritali ædificio sublimem locum obtinebunt. Aut quia hîc de his omnibus, quibus ad hominum salutem vitur Deus, sermo est, hi dicuntur futuri in loco excelso sublimes à terra, quos nihil terrena, atque humana morantur, qui nihil aut velint, aut cogitent nisi cœleste.

Septuaginta pro *eleuabuntur*, legunt, *voluentur*. In quibus, vt ait Cyrillus, intelliguntur mystagogi, atque magistri, de quibus sic loquitur. *Voluit autem illos appositissimè dicere, vt ad quiduis sanctorum agilitatem, co-*

89.

Deus virum Apostolicum honorat.

90.

91.

Vir Apostolicus à terrenis expeditus

lerisa

levitatemque declaret. Lapidēs enim orbiculares seu rotundi citra ullam difficultatem mobilissimi sunt, si quis eos impellere voluerit. Sic animus Sanctorum ad omnia Deo grata obeunda est versatilis. Vt verò ideo celeriter rotundus voluitur lapis, quia minima parte sui, id est, puncto terram attingit: sic etiā fideles hi Dei ministri, quia à terra id tantum habent, quo niti ac sustentari possunt. Quod omniū nomine dixit illorum dux, & exemplar Paulus 2. ad Timoth. cap. 6. habentes autem alimentā, & quibus tegamur, his comenti sumus.

Quid enim bonum eius, & quid pulchrum eius nisi frumentum electorum, &c. Rationē reddit perquam optimam, cur hi eleuentur à terra, & velociter ad diuinum imperiū mo-

ueantur: quia frumēto pascuntur, quod robustos alit, & cœlestes spiritus: non languentes, & ad terrena segniter abiectos; & castum nitorem, qualis virgines decet futuras Christi sponfas. Hi verò omnino eleuati sunt super terram; in quo singularis quædam vis exprimitur Eucharistiæ, quæ vt cœlestis est cibus, ita ad cœlestia attollit hominū animos, redditque si minùs Angelicos, at Angelicæ naturæ quàm simillimos. Quo munere hominibus nullum aut melius, aut pulchrius dari potuit. Illud (eius) populum refert, aut Deum, vt supra obseruauimus: ille nihil maius, aut pulchri⁹ accipere, hic melius, aut salubrius dare nihil potuit. Explicuit cap. 9.

Eucharistia cibus robustorum.



ARGUMENTVM

DECIMI CAPITIS

ZACHARIÆ.



Promiserat Deus in præsens tempus bona quàm plurima, & quàm maxima Iudæis, quæ ne vana suspicarentur, sicut vana fuerunt pseudoprophetarum; & idolorum promissa, ut præsens successus aliis postea futuris fidem faciat, iubet ut pluuiam petant serotinam, quæ agris maximè opportuna est. Et, ut verisimile est, tēpus tūc erat serotina pluuiæ. Deinde graue minatur supplicium pseudoprophetis, qui populū nugacib. oraculis in fraudem impulerunt. Ad extremum valdè amplificat ea ornamenta, quæ gentem Iudaicam à Dei benignitate manent, cuius filiis Dominus vititur tamquam instrumentis bellicis, quibus latè hostium copias euertet, dilatabitque fines terræ promissionis, ad quos vndecunque gentium captiuos euocabit, superatis impedimentis quæ gentes apud quas degebant exules, opponunt. Hac ita historicè intelliguntur de Republica, statūque Iudæorum, ut multo luculentius typicè impleta fuerint in Ecclesia.

CAPVT X.

PARAPHRASIS.

I **P**etite à Domino pluuiam in tempore serotino; & Dominus faciet niues, & pluuiam imbris dabit eis, singulis herbam in agro.

I **P**lurima vobis nuper promissi agrorū emolumenta, quæ ne vana futura esse suspicemini, agite iam, petite serotinam pluuiam, quæ maximè indiget annus, ut segetes ad spicam, & maturitatem adducat: & dabit Dominus vobis nubem, & imbrem largum, ita ut pro pecorum pabulo etiam ager vestiatur, & abundet herba.

2 Hæc Dei promissa longissimè absunt ab illis, quibus simulacra, pseudoprophetae, aut arioli ante captiuitatem latebant nimiùm credulum populum, dicentes nihil illi adfuturum esse mali, vel à cœli, vel ab hostis inclementia, seu iniuria, seu etiam qui captiuitatis tempore prædicabant, si ad patriam sedem rediisset, omnia futura angusta, & ærumnosa. Idcirco illi abducti sunt in exilium, & nunc plerique manent sicut grex cui non est pastor.

3 In hos ergo pseudoprophetas, qui pastores, & authores fuerunt tanti exilij, grauiter indignatus sum. Neque adhuc satis in hircos, id est, populi Duces, qui audientes pseudoprophetarum nugas, nimis obsequentem populum in eandem secum perniciem traxerunt, scuitum est. Iam autem Dominus de domo Iuda, & de grege suo satis pœnarum sumpsit. Quo utetur ad res præclaras, sicut in bello Dux equo gloriôsè vehitur.

4 In hoc Iudaico populo, quem Dominus ad pristinam dignitatem reducet, non solum equus erit, quo gloriôsè Deus & dimicet, & triumphet; sed etiam angulus, id est, turris, seu armamentarium, & paxillus, unde arma dependeant, & arcus, atque alia mi-

2 Quoniam simulacra locuta sunt inutile, & diuini viderunt mendacium, & somniatores locuti sunt frustra: & vanè consolabantur; idcirco abducti sunt quasi grex: affligentur, quia non est eis pastor.

3 Super pastores iratus est furor meus, & super hircos visitabo: quia visitauit Dominus exercituum gregem suum, domum Iuda, & posuit eos quasi equum gloriæ suæ in bello.

4 Ex ipso angulus, ex ipso paxillus, ex ipso arcus prælij, ex ipso egredietur omnis exactor simul.

litaria instrumenta, quibus instructi milites in aciem prodeant; & qui domitis hostibus imponant, atque exigant vetustigia.

5 Et erunt quasi fortes conculcantes lutum viarum in prelio: & bellabunt, quia Dominus cum eis: & confundentur ascensores equorum.

5 Hi verò Gigantum in morem præsentis Dei auxilio muniti sic bellabunt strenuè contra ascensores equorum, ut illorum gloriam deprimant, conculcentque non secus atque platearum lutum.

6 Et confortabo domum Iuda, & domum Ioseph saluabo: & conuertam eos, quia miserebor eorum: & erunt sicut fuerunt quando non proieceram eos: ego enim Dominus Deus eorum, & exaudiam eos. 7 Et erunt quasi fortes Ephraim, & letabitur cor eorum, quasi à vino: & filij eorum videbunt, & letabuntur, & exultabit cor eorum in Domino.

6 Et confortabo domum Iuda insuper, & domum Ioseph, id est, Israël, & eorum vicem miseratus utrosque ad antiquam felicitatem restitutam. Ego enim Dominus eorum Deus annuam tandem illorum precibus. 7 Et erunt Ephraimitæ quasi Gigantes, quorum animi sic à lætitia gestiunt, quasi qui à vino exhilarantur. Quæ cum eorum filij, ac posterij videbunt, exultabunt solido, ac vero gaudio, quale immitti solet à Deo.

8 Sibilabo eis, & congregabo illos, quia redemi eos: & multiplicabo eos sicut antè fuerant multiplicati. 9 Et seminabo eos in populis, & de longè recordabuntur mei: & viuent cum filiis suis, & reuertentur.

8 Sicut pastor dispersum gregem sibilo; sic ego populum meum latè dispersum, meo beneficio liberum congregabo; adducamque ad illam multitudinem à qua confecti cladibus, atque ærumnis exciderant. 9 Et in promissam sibi terram reuersi, & per eam longè, latèque sicut olim disseminati, viuent læti cum filiis

filiis meæ clementiæ , atque humanitatis memores : cui acceptum referent, quòd uiuant, & quòd florentes sint.

10 Euocabo igitur eos de terra Ægypti, & de Assyriorum terminis ad Libanum, & Galaad. Et cùm tam latè pateant definita spatia, tamen pro redeuntium numero sic erunt exigua, vt vbi habitent, satis loci futurum non sit.

11 Neque minùs officiosus ero in populum, quem nunc ex Ægypto, atque Assyriis euocabo, quàm in eundem fui, cùm demerso Pharaone ex Ægypto quondam eduxi, aut in terram promissam sicco aluo traieci. Nam si occurrat impedimentum, quale olim in maris Rubri traiectu, aut cùm solo rdanis tumentibus fluctibus opposuit, percutiam rursus virga fluctus, & rursus maris, & fluminis profunda siccabitur, & sublati impedimenti, quæ Ægyptius, Assyriusque remigrantibus obiciunt, humiliabitur illorum potestas, & gloria.

12 Confortabit itaque Dominus populum suum, qui in nomine Domini felici procedet incesu.

10 *Et reducam eos de terra Ægypti, & de Assyriis congregabo eos: & ad terram Galaad, & Libani adducam eos: & non inuenietur eis locus.*

11 *Et transibit in maris freto, & percutiet in mari fluctus; & confundentur omnia profunda fluminis: & humiliabitur superbia Assyrii, & sceptrum Ægypti recedet.*

12 *Confortabo eos in Domino, & in nomine eius ambulabunt, dicit Dominus.*

COMMENTARII IN .CAP. X. ZACHARIÆ PROPHETÆ.



I.
Hoc caput
de Iudæo-
rum Re-
publica hi-
storice, de
Ecclesia
mysticè
intelligi-
tur.

P *Etite à Domino pluuiam in tempore.*] Totum hoc caput quidā referunt ad tempus Ecclesiæ, sicut & alia quædam, quæ antecesserunt: & quidem dubitanter, & timidè, vt Hieronymus, Dionysius, & plures è recentioribus. Alij de Republica Hebræorum, vt Theodoretus, Hugo, Paulus de Palacios. Mihi idem videtur esse dicendum quod de superiori capite, nempe historicè accipiendum de statu Iudæorum, typicè verò de Ecclesia. Quare quæ hîc dicuntur, coniungenda sunt cum antecedenti capite iuxta priorem explicationem, vbi vberibus pascuis pascendus dicitur grex; & terra futura ferax frumenti, quod vires augeat iuuenibus, id est, electis, & decorem virginibus afferat. Obseruandum est autem, quod supra vidimus c.8. in illud, *merces hominum non erat*, famem contigisse, & feracis glebæ miserrimam maciè ante hoc tempus, postquam reuocati ab exilio Iudæi Hierosolymitanum agrum colere cœperunt. Iubet ergo Propheta Iudæis, vt bono sint animo: & audacter à Domino iam placato pluuiam petant: rationemque reddit, cur prius ager sedulæ ac longæ cultorum operæ tam parcè responderit. Hæc autem referenda sunt ad illud capitis præcedentis. *Hodie quoque annuncians duplicia reddam. Quasi dicat Deus: experimini an vera sint, quæ vobis me largitulum esse polliceor. Pe-*

tite pluuiam, & nisi vestris votis annuero, &c.

In tempore serotino.] Duo imbres sæpe occurrunt in Scriptura, temporaneus, & serotinus. Temporaneus, qui à Ioële cap. i. dicitur matutinus, est qui sub mensem Septembrem, atque Octobrem plurimumque cōtingit, quia hoc tempus maximè aptum est sementi faciendæ. Alter serotinus, qui frugibus incrementum & maturitatem affert, qui plurimum in Aprilem, aut Maium incurrit. A Maio verò, in quo partem Aprilis comprehendo propter Lunarem rationem, quæ Hebræorum menses moderatur, vsque ad Octobrem, in quo similiter propter eandem rationem pars Septembris intelligitur, aiunt qui regiones illas incoluerunt, non plueret. Certè Hieronymus in illud Amos 4. *Ego quoque prohibui à vobis imbrem, cum adhuc tres menses superessent vsque ad messem.* vbi planè agitur de hoc imbre serotino, ait se nunquam in Iudæa mense Iunio, ac Iulio pluuiam vidisse. Imò Samuëlis tempore. i. Reg. 12. tanquam prodigium quoddam fuisse traditur tempore æstatis, ac messis motas esse pluuias. Videntur autem hæc à Zacharia dicta sub tempus vernum, quando maximè serotinus imber expetitur, qui si absit, sitiente terra, peribit omnis agricolarum spes. Quare Iob capite 29. vt significaret vehemens studium, & desiderium ardens, hac similitudine vsus est.

2.
Imber tē-
poraneus,
& seroti-
nus quis.

In Pal-
estina à
M. io ad
Octobrem
pluuia nō
est.

Amos 4.

Iob. 29.

Ex-

Expectabant me sicut pluiam, & os suum aperiebant, quasi ad imbrem serotinum.

3.
Christus
pluuia se-
rotina
cur.

Qui hæc cum Hieronymo de Ecclesia accipiunt, Christum esse putant serotinam pluuiam, quæ fruges ad spicam, & granum adducit; & quidem aptissimè; nam antiqua lex tanquam temporaneus imber stipulam produxit, & herbescentem segetem, quæ fructum non tã habet, quàm promittit in vagina sua, aut in herba latentem. Quare Prophetæ, qui iam pridem temporaneum imbrem acceperant in lege, id est, prima semina, serotinum, id est, fructum expectabant, nempe Christum, cum clamabant; *Rorare cœli desuper, & nubes pluant iustum; aperiat terra, & germinet Saluatorem.* Isai. 45.

4.

Et Dominus faciet niues, & pluuias imbris dabit eis.] Pro, *niues*, Hebraicè est חֶזֶק *Chazizim*, quod alij *nubes*, alij *procellas*, Lxx. *φαντασιαι*, id est, apparitiones, vertunt. Sunt autem apparitiones illæ, seu phantasiæ, coruscationes aut fulgetræ, quæ emicant è nubibus, quæ fere esse non solent sine pluuiâ, & cum his plerumque contingit imber serotinus. Hieronymus eamdem vocem variis locis variè reddit, Iob. capite 28. *procellam* vertit.

Quando ponebant pluuiis legem, & viam procellis sonantibus. & tonitruum Iob. 38. & viam sonantis tonitruum. Quem locum reddit Chaldaeus; *& viam nubibus, quæ deiiciant aquam cum tonitruis.* Et fortasse *nubes* hîc Hieronymus, sed leui literarum permutatione pro *nubibus*, *niues* irrepserunt. Cerrè Sanctes Pagninus in Lexico, & authores Lexici Complutensis, hoc loco putant *nubes* reddidisse Hie-

G. Sandij Comm. in Zachar.

ronymum. Neque sanè verum tempus, & cœlum iam clementius, & intepescens satis est niuib; opportunum. Quod si *niues* vertit Hieronymus, ut est in pluribus codicibus, atque etiam in Sixtiano, ideo videtur fuisse, quia *niues* quodammodo *nubes* sunt, quia tandem sicut *nubes* in aquam soluntur.

5.

Et pluuias imbris.] Ex hoc etiam fit verisimile חֶזֶק esse *nubes*: nam duo nubium genera hîc videntur constitui. Alterum procellosum, quod copiosâ pluuiâ prognosticum esse solet; & hoc positum est priori loco: alterum mitius, à quo benignior stillat imber, de quo posterius. Hæc autem duo nomina eiusdem propè significationis in Scriptura sæpè coniunguntur, *pluuia* & *imber*. Quod autem quidam putant *pluuia* nomen, Hebraicè מַטָּר *matar*, esse vniuersale magis quàm *imbris*, Hebraicè גֶּשֶׁם *ghesem*, quia pluuiâ non solùm aquam, sed etiam niuem, aut grandinem mittit; contrahi verò per imbrem, quod statim subiicitur; non videtur verum: nam Iob. capite trigesimo septimo bis ponitur גֶּשֶׁם *ghesem* antè מַטָּר *matar*, id est, imber ante pluuiam: quare imber eodem modo contrahendus videbatur. Dicendum ergo est geminata nomina, siue eadem sint, siue coniugata, aut certè diuersa, eiusdem tamen significationis, habere semper auxilium quandam iuxta suam naturam; ut in 1. Cantic. pluribus diximus ad illud, *Osculetur me osculo oris sui.* Siue nomina sint in diuersis casibus, ut, v. g. *Cantica Canticorum*; *Rex Regum*: siue in co-

Nomina
synony-
ma con-
iuncta epi-
tasisim ha-
beat.

dem, vt, homo homo, putei putei, dies die. i. multi homines, multi putei, multi dies, vel, singuli homines, vel putei, vel dies. Eodem modo si nomina sint synonyma, coniuncta singularem quandam habent epithalam. Exempla sunt plurima. Genes. 2. Adam formatus dicitur de limo terra, id est, de limo purissimo. Et Psalmi. 39. ubi vulgatus habet, de luto facis; Hebr. est de luto coeni, id est, copioso. Quo sensu in titulis Psalmorum saepe ponitur Canticum psalmi, & Psalmus cantici, quo, vt bene Genebrardus in titulo Psalmi. 107. praestantia talis Psalmi significatur. Quae dicendi forma vitata est apud Latinos, qui dicunt cum eadem auxesi, purum putum; fortunectum: & apud Hispanos, qui in re commendanda vocem geminant, dum dicunt, lundo alindado; dinero adinerado, dia adiado. Ad hunc ego modum, hic pluuia imbris; & Iob. 37. imber pluuie, copiosum imbrem designat.

6. *Et dabo eis singulis herbam in agris.* Id est, singulis eorum faciet, vt non ipsi solum fruges habeant, & maturas, & plenas; sed etiam vt agri ad speciem pulchri, & ad pecorum pascua vberes, & opportuni sint. Pro, eis singulis, Hebr. est viro, Hebraeorum more, qui virum pro quolibet usurpant.

7. *Quoniam simulacra locuta sunt inutile.* Confert nunc verissima Dei oracula cum falsissimis augurum, pseudoprophetarum, & simulacrorum nugis, neque illa futura dicit esse vana, sicut illae fuerunt vanissimae. Agit autem, vt ego existimo, Propheta hic non solum de vaticiniis, quae Iudaei acceperunt ante captiuitatem a diuinis, & pseu-

doprophetis, qui ipsis omnia promittebant secunda, neque quicquam timendum esse à Chaldaeorum Rege, in cuius postea seruitutem adacti sunt, sed etiam de aliis, quae aut in exilio Babylonico, aut etiam in patria soluta iam captiuitate acceperunt à maleficis. Et quidem ante captiuitatem fuisse Prophetas falsos, qui populum nimium credulum decipere, satis docet Ieremias capite 27. *Nolite, inquit, audire Prophetas vestros, & diuinos, & somniatores, & augures, & maleficos, qui dicunt vobis; non seruietis Regi Babylonis, quia mendacium prophetant vobis, vt longè vos faciant de terra vestra, & eiciant vos, & pereatis.* & Threnorum 2. *Propheta tui viderunt tibi falsa, & stulta.*

Quod verò in captiuitate apud Babylonios simulacra Iudaei, atque ariolos consuluerint, satis est verisimile: nam si cum adhuc essent in Ierusalem, ubi templum erat, Sacerdotes, & Prophetae, oracula tamen petebant à maleficis; quid ipsos fecisse putandum est inter Gentes omni superstitionis genere contaminatas? Et indicat satis aperte Ieremias cap. 29. in epistola, quam misit ad captiuos, qui erant in Babylone. *Non vos (inquit) seducant Prophetae vestri, qui sunt in medio vestri, & diuini vestri, & ne attendatis ad somnia vestra, quae vos somniant, &c. quia haec dicit Dominus, cum coeperint impleri in Babylone 70. anni, visitabo vos.* Neque hoc mirum, cum etiam Deos alienos in captiuitate coluerint: sic enim de illis Ieremias cap. 16. *Eiciam vos de terra hac in terram, quam ignoratis vos, & patres vestri; & seruietis ibi diis alienis.* Ex quo constat falsos illos Prophetas ademisse capti

8.
In Babylonia
Iu'zi simulacra,
& augures
consultant.

captiuo populo spem reditus in patriam. Atque adeò verissimile etiam est dæmonem per suos maleficos voluisse persuadere, atque etiã obtinuisse apud multos, nihil captiuus in patriam reuersis futurum esse ex votis, nihil pacatum, nihil nisi ærumnosum, & angustũ. Cũ verò iam reuersi experiẽtia cognouissent, quanta à vicinis quotidie occurrerent impedimenta, & postremis hisce temporibus sterilis ager exiguos, atque infelices prouertus redderet, quasi vera essent quæ in Babylonia audierant vaticinia, & maleficos in patria iterum confulebãt, qui illis aduersa omnia minabantur, & de repetenda Babylone rursus deliberabant. Quod nisi nos fallunt Hebræorum Annales, multi qui ab exilio redierant, eòdem remigrarunt: nam & ipsũ Ducem Zorobabel absoluto iam templo rediisse Babylonem tradũt in Seder Holam Zuta, in decuria 6. & ibi mortuum. Quis autem credat tantum virum solum esse reuersum?

2. De vtrorumque ergo vaticiniis agit Propheta, & de his, qui obiecta falsa securitatis specie populum nimium credulum in exilium egere; & de illis, quicumque populũ patriam reuifere, & instaurare cogitantem, proposito metu retinere moliebantur. Aut etiam fortasse de illis postremis, qui animos debilitabant, & studium eorum, qui iam erant in Ierusalem, & in opere faciendo segnes reddebant. Nam ad eorũ animos confirmãdos, omniũ illorum Prophetarum fidem infirmatã oportuit. Sed præcipuè de primis sermo est, quorũ vaticiniis, quæ prospera omnia pollicebantur, alia opponit vaticinia longè diuersa,

quæ erunt omnino quàm verissima, quemadmodum illa alia omnino quàm falsissima fuerunt. Quos dicit dedisse pœnas in exilio pseudomantiæ, quia non aliis tantũ malum: sed etiam sibi ipsis exitium attulerunt. Et ideo statim subditur; *idcirco abducti sunt sicut grex.*

Pro simulacris, Heb. est *Teraphim*: de cuius significatione multi multa dicunt. Hebræi *Teraphim* imagines esse putant, in quib. futura cognoscuntur diabolo per eas responsa reddente. Alij etiam ex Hebræis putant caput esse primogeniti dæmoni consecrati, & ne putrescat, arte conditi, in cuius ore lamina quædam erat, & in ea insculptum Idoli nomen, quod per os pueri reddebat oracula. Ita Doctores Hebræi, vt refert Lyra in cap. 17. Iud. qui videtur illorum sententiam nõ respuere. Alij instrumentum quoddam astronomicum credunt ad inuestigandum per astra futuros rerum euentus. Ita R. David, & Abenezra, & Montanus hic. Sed istud de pueri capite, aut de astrologico instrumento, videtur omnino falsum. De capite quidẽ, quia *Teraphim* fabricata dicuntur; at illud non fabricatur, sed a natura conditur. Item quod furata est Rachel, *Teraphim* dicuntur. At quod illa fuisse multorum primogenitorum capita, & non potiùs imagines aureas, aut argenteas? Et hæc eadem probant nõ esse astronomicum instrumentum, Cylindrum putã, aut Astrolabium, quia ista idola non sunt. Sed neque existimo *Teraphim* esse, imagines illas satis familiares Gentilibus, ex cera plerumque, & ex alia nonnunquam materia fictas, quas

10.
Teraphim
quid.

Multi ex
Iudæis Ba-
bylonem
reuersi: &
in his Zo-
robabel.

Dæmon subit, & in illis loquitur : sed patere credo latius nomen *Teraphim*, & sumi etiam pro quocumque signo, atque statua, aut simulacro, vt hic Hieronymus vertit. Certè statua, qua supposita pro Dauid Michol paternos satelites elusit, *Teraphim* dicitur 1. Reg. 19. At quis credat in domo Dauid imaginem fuisse, per quam confunderetur Dæmon; aut filiam Regis aufuram apud se retinere, quod pater tanto studio è Regno depulerat, sublatis pythonibus, ariolis, & diuinis? Sanè omnes pene Interpretes *imagines* vertunt, & Aquila *μωρφοματά*. Vide plura de *Teraphim* apud Lynam in cap. 3 1. Genes. & in cap. 17. Iudic. & ibi Abulensem; & Riberam in cap. 3. Osee num. 20.

11. Quidā d. exilio r. uocati, alij ibidem elidit.

Idcirco abducti sunt sicut grex: affligentur, quia non est eis pastor.] Duo hīc hominum genera videntur constitui ex his qui captiui ducti fuerunt; alterum eorum, qui sine vlla sua culpa, saltem qui neque consuluerunt simulacra, neque illorum responsis obsequuti sunt. Quorum è numero fuisse plurimos, maxime ante Sedechiam, cōstat ex capite 26. Ieremiæ: vbi Principes Iuda, & omnis populus obstitisse dicuntur Sacerdotibus & Prophetis, nempe falsis, qui de vastitatem prædicant, & templi, mortem moliebantur. Certè longè aberat ab eo consilio Daniel cum sociis, qui primo Chaldaeorum aduentu, & Ezechiel, qui postea secundo captus est. Cū verò Sedechias Ieremiam Prophetam verbis, ac templi ruinam denunciantem non audiisset; sed Prophetas falsos, qui verbis lactabant adulatoriis, & alij ferme omnes impij Regis vesaniam imita-

ti eodem simul errore in idem quoque exitium traherentur; hī quidem, qui capti vltimò, quia iisdem se cum scelerato Rege consiliis implicauerunt, ab exilio reuersi non sunt, vt diximus suprā capite septimo ad illud, *sic clamabunt, & non exaudiam*. Neque qui cum Iohanā reclamante Ieremia profecti sunt in Ægyptum, nisi admodum pauci: at illi forsan qui non tam vltro, quā coacti, sicut Ieremias ipse, eò compulsi sunt. Ex aliis verò qui communi errore vel calamitate potiùs, quā suo scelere lapsi fuerunt (licet multi aut regionis bonitate capti, aut quia ibi agros, aut alia bona comparassent, redire noluerint) plurimi Dei beneficio patriæ restituti sunt. Ait ergo Deus eos, qui idolorum responsis, & pseudoprophetarum vocibus obsequuti sunt, dedisse pœnas in exilium abductos, daturòsque adhuc, quia pastorem non habebunt, qui in antiqua septa, id est, auitam possessionem reducat, se videlicet, qui illos inter alienos desidere patietur. Et hoc multo magis explicat, quod statim subditur.

Super pastores iratus est furor meus: & super hircos visitabo.] Visitare hīc punire significat. Verisimile valdè mihi est hircos hoc loco eisdem esse, qui priùs pastores vocati sunt, & in quos diuinæ huius comminationis fulmen intentum est. Nam pro, *hircis*, Hebr. est עֲחֹרִים *Achordim*, qui non sunt quicumque hirci, sed qui gregi præeunt, vt constat Ierem. cap. 50. n. 8. Vnde per metaphoram Principes, ac potentes eo nomine vocantur: nam Isai. cap. 10. numero 13. vbi vulgatus *Principes*, & cap. 14. numero 9. vbi idem *Gigan*

12. In hircis Duces, & Principes intelliguntur.

Gigantes, Hebr. est עתורים: seu certe pastores vocantur falsi Prophetæ, quorum suasu id tentauit infortunatus grex, quod illi exitio fuit; hirci verò Principes, & Duces, qui pseudoprophetarum consulta, ac somnia executi sunt. Neque translatio dura: nam quemadmodum pastor gregem in aliquem locum destinat; dux autem gregis hircus eò deducitur: sic Prophetæ falsi quasi pastores ad Babyloniam, tanquam ad macellum destinarunt Iudæos, & illorum consiliis obsequuti Principes, eò deduxerunt. Punit ergo Deus pastores, id est, Prophetas falsos, & Principes, quorum alij vel imperio, vel suasu verorum Prophetarum monita abiecerunt. In pastores autem vehementius inflammabitur diuinus furor, quia illi turbam ignobilem, & facile obsequentem Principum studiis in communem secum stragem rapuerunt. Dicuntur autem Principes illi perquam aptè *hirci*, quia hi inquieti sunt, & lasciui, & in prærupta audaces & præcipientes; quique ita gregibus imperant, ut eò trahant, quod ipsis ire collibuerit.

13.
Visto quid.

Quia *visitauit Dominus exercituum gregem suum, domum Iuda.* De aliis, qui simulacrorum, & pseudoprophetarum voces audierunt, locutus est Deus, quasi de alieno grege, cui pastor non est; de domo verò Iuda, id est, de illis, qui dici Iudæi verè possunt, quia Deum confitentur, neque honorem deferunt mutis simulacris, tanquam de suo sibi grege loquitur. Porro *visitare*, & fauorem significat, & quidquid à beneuolentia nascitur. Qua ratione Deus dicitur *visitasse* populum suum Oriens ex alto. Lucæ 2. & supplicium, aut id quod ex odio, aut offensione prouenit. Qua ratione

Deus dicitur *visitare* super peccata. Si *visitauit* hîc in priori significatione sumas, sensus erit satis rerum naturæ accommodatus. Quia Deus fauere voluit populo suo, ideo Principes malos, & pastores, seu impostores sustulit, aut in exilio reliquit. Sicut cùm populo iratus est, Principes stultos, & pastores fatuos esse permittit. Isai. c. 3. *Et dabo pueros Principes eorû: & effeminati dominabuntur eis.* Sed puto in priori significatione hîc potius esse sumendum; quia non videtur in eadē penne clausula fieri debuissē tantam in significatione verbi mutationē. Quare hîc & *visito* pœnam significat; & est sententia facilis. Pastores, & hirci nondum dederunt pœnarum satis; adhuc multum superest quod subeant. Et ideo dicit, *visitabo*: alij verò perfuncti sunt supplicio suis decreto meritis, neque iam amplius puniendi, & ideo dicit, non *visitabo*, sicut de prioribus; sed *visitauit*.

14.
Quia ali-
quando
reuidat.

Sed quo magis sit expedita hæc explicatio, obseruatam apud Hebræos וְיָחִי, quàm apud vulgatum *quia*, quod idem valet, redundare non raro. Genes. 45. ubi noster; *Et ipse dominatur in omni terra Egypti.* id est, & *quia ipse dominatur* Genes. 47. quater particula וְ. & quoniam Latine, explicata & otiosa ponitur versu 31. 32. 33. 35. & Olee c. 10. bis versu 3. *Quia luxit super eos populus.* & versu 5. *quia nunc dicent; non est Rex nobis.* Sic hoc loco (*quia*) non reddit rationem; sed narrationem continuat, hoc sensu. *Visitabo super pastores, &c. etiam visitauit super gregem meum.*

Et posuit eos, quasi equum gloria sua. Non solum Deus li-

15.

Optimum
symbolū
viri apo-
stolici.

berauit populum suum, sed etiam ornauit, ac voluit, vt sibi quoque esset ornamento. Hoc loco præteritum, posuit pro futuro *ponet*, adhiberetur esse credo, quod satis in Scriptura frequens. Equus gloriæ est equus gloriosus, pulcher, & egregiè instructus. Fortasse equi gloriæ, quib. populum suum comparat Deus, Angeli sunt, in quibus sedere, aut equitare dicitur Deus Psal. 17. Cætera quæ sequuntur, eò spectant, vt per populum prius abiectum, & squallidū significet eximias se victorias reportaturū. Quæ optimè adumbrant, quæ postea Christus in Ecclesia per Apostolos operatus est; quæ accommodare ingenioso Concionatori non est difficile. Quare ea de re paucis. Concionator verò & vir Apostolicus, qualis nostro sæculo fuit è Societate Iesu B. Franciscus Xauier, equo simillimus esse debet, qui Christum velociter, & cum dignitate per omnes mundi plagas & bellantem, & triumphantem circumferat: neq; labore, & cursu languescat, & deficiat, neque ascensu arduo, aut obiecto periculo terreatur; sed talem se præstet omnino, qualis à Iob describitur cap. 39. *Exultat audacter, in occursum peruenit, & contemnit pauorem, nec timet.* Alij sunt, atque vtinam pauciores numero, qui tanquam viles aselli traducunt potius per ludibria, quàm portant gloriosè Christum; dum & ipsi moribus sunt impuris, & in præstando munere segnes, & tardi, & inani, atque nugaci eloquentia Euangelij sanctitatem inuoluunt.

16. *Ex ipso angulus, & ex ipso paxillus.* *Angulus* pro Regibus, & Ducibus sumi satis notum est à turribus, quæ in murorum angulis excitari solent ad vrbs defensionem.

Quo sensu sumuntur Sophoniæ cap. Soph. 1. *Dies tubæ, & clangoris super ciuitates munitas, & super angulos excelsos.* Hinc metaphoricè dicuntur Principes, sicut à Latinis non adeò dissimili metaphora *proceres*. Iud. 20. *Omnes anguli populorū cōuenerūt.* & 1. Reg. 14. 1. Reg. 4. *Applicate huc vniuersos angulos populi.* Hieronymus in illud Isai. 19. *deceperunt Egyptum angulum populorum;* ab angulo domus metaphoram deducit. *Idiom. 1.* inquit, est *Scriptura*, vt *angulum* pro Regno ponat, eo quod populos contineat, & quasi in tota domo fortissimum sit.

Ex ipso paxillus.] Hebr. יָתֵר *ia-ther*, quod *clauum*, seu *paxillum* valet, ex quo aliquid dependet vas. Figuratè paxilli dicuntur hi, ex quibus aliorum spes, ac fortunæ pendent. Quidam per *angulum* Regiam potestatem, per *paxillum* Sacerdotalem intelligunt. Et quidem Elia-cim, qui futurus erat Sacerdos, paxillus vocatur Isai. 22. *Et figam illum paxillum in loco fidei, &c. & suspendent super eum omnes gloriam domus patris eius, vasorum diuersa genera, omne vas paruulum à vase craterarum, usque ad omne vas musicorum.* Pro paxillo L x x. vertunt *Principem*, qui si fidei, id est, stabili loco fixus sit, tam infirmorum, quàm potentiorum commoda sustentat.

Ex ipso arcus prælii.] *Arcus* hic per synecdochem pro quolibet armorum genere sumitur, quæ ex paxillo, seu clauo, de quo nuper, suspenduntur.

Hæc de angulo, & paxillo, per quos Regia, ac Pontificia dignitas adumbrantur, optimè conueniunt in Christum, qui Rex fuit, & Pontifex ex tribu Iuda, ex quo spes nostra ac fortitudo pendent. Sed credo historicè ab illis verbis, posuit eos quasi equum gloriæ suæ, ad hunc usque locum

17.

18.
Christus
angulus,
& paxillus
Rex, &
Pontifex.

locum significari in populo Iudaico futuros strenuos Duces, per quos Deus illustres consequatur victorias; qui in equis exprimuntur, quos in re bellica constat magno esse vsui: & in eodem futurum esse armamentarium, ex quo duces illi in aciem armati prodeant. Armamentarium verò optimè describitur per angulum, & paxillum: nam angulus, vt suprà vidimus ex Hieronymo, locus est fortissimus; quod ad armamentariū necessarium est: & deinde, vt paxilli sint, seu clauis, ex quibus arma dependeant. Ad extremum, vt ibi sint arma, quibus milites cōtra vim hostilem se comuniant. Hæc verò per arcum significantur. Talis erat turris illa Dauidica, de qua Cant. 4. *Mille clipei pendent ex ea, & omnis armatura fortium.* Hæc verò optimè historicè conueniūt in populum Iudaicum: allegoricè verò multo melius in Christum, & Ecclesiam. Quare vbi iam de bellico apparatu actum est, statim de militibus, qui inde egrediuntur armati, inducitur sermo.

19. *Ex ipso egredietur omnis exactor simul.*] A populo Iudaico prius alienæ gentes vectigalia exigebant, ad futurum tamen tempus dicit Domin⁹ fore vt Gentes illæ domitæ Iudeorū armis, ipsis conuersa fortuna vectigalia pendant. Porro hîc exactor pro victore ponitur: nam id obtinet victor, vt victis imponat, & suo tempore exigat vectigalia. Pro exactore, Heb. est *נֹגֶה* *noghes*, quod exactorem significat, & arcitorem, quæ duo potentem hominem, & in bello superiorem ostendunt.

20. *Et erunt quasi fortes conculcantes lutum viarum in pralio.*] Illud quasi, non significat similitudinem, sed veritatem; vt Ioan. 1. *Gloriam quasi unigeniti à Patre*; hoc sensu. Illi qui

ex tali armamentario instructi prodibunt, cōculcabunt hostes, aut victos, aut interfectos, sicut qui calcet lutum in via; vt decet viros fortes. Vel sanè cū vox Heb. *גִּבּוֹרִים* *ghiborim* non significet hominem vtrumque fortem, vel strenuum, sed potentissimum Heroem, Gigantem, quo nomine vocatus est Nemrod Gen. 10. & Goliath. 1. Reg. 17. in illo (quasi) spectari posset aliqua similitudo, in hanc sententiā. Inde prodibunt armati viri, quasi Gigantes, qui hostes proterāt, quasi viarum lutum. Pedibus autem calcare hostes magnæ victoriæ signum est, qualis proponitur Psalm. 67. *vt intingatur pes tuus in sanguine.* Et hæc victoriæ significatio in sacra Scriptura frequens.

Sihæc ad tempora Euangelij referas, & Apostolicos excursus, inuenies viros ex Christi armamentario munitos attulisse ad barbaras gentes heroicos animos, & gigantes planè spiritus; strauisse populos immanitate barbaros, multitudine innumerabiles, locis infinitos, multò præstantius, atque felicius quàm olim Cæsar, de quo similia adulatoriè mentitus est Cicero. Lege Acta Apostolorum, & superiorum temporum. Apoc. 19. *Et viderunt omnes populi, non secus, atque viarum lutum.*

21. *Et domum Ioseph saluabo.*] Communiter omnes spiritualiter intelligunt de decem tribubus, quas nomine *Ioseph* intelligi putant, quæ & in fine sæculi conuertendæ sunt: & nunc etiam ad fidem ex illis tribubus multi sunt vocati. Sunt quidem hæc vera, & ad allegoriā satis apta, id est, ad tempus Ecclesiæ quæ neminem excludit; sed nescio quā aptè

22. *Ioseph prolisat.*

aptè ad sensum historicum, id est, ad præsens tempus, de quo hîc sermo est. Quare reuocanda sunt quæ suprà notauimus cap. 8. ad illud, *domus Iuda, & domus Israël*. vbi probauimus ex decem tribubus multos fuisse reuersos ab exilio; & Israël sæpe sumi pro Iuda. Vide Abulensem in lib. 1. Paralip. c. 9. q. 3. Cùm ergo Ioseph vsurpetur nonnunquam pro toto Israël, quid mirum si pro Iuda ponatur aliquando? Quòd verò in Ioseph totus Israël intelligatur, liquet ex Ps. 70. *Qui regis Israël intende; qui deducis velut ouem Ioseph*. vbi eadem in posteriori hemistichio sententia per epexegetim vsitatam Hebræis; nam illud *regis*, quod est in priori, Heb. *רעה* *rogheh*, pastorale verbum est, & est idem quod *ouem deduxisse*; quod est in posteriori. Et Psalm. 80. *Quia praeceptum in Israël est, & iudicium Deo Iacob: testimonium in Ioseph posuit illud*. vbi tria hæc nomina *Israël*, *Iacob*, & *Ioseph* pro eodem omnino capiuntur: neque in aliam sententiam accipio illud Psalm. 76. *Redemisti in brachio tuo populum tuum, filios Iacob, & Ioseph*. Sumitur autem Ioseph pro Israël, tum propter sanctitatem, & potentiam; & quia in Aegypto fratribus suis pro parente fuit: tum quia loco Ruben nactus est primogenij dignitatem. 1. Paral. 5. Neque sine causâ hîc Iosephum nominat Propheta; nam cùm summa omnia tribui Iuda videatur esse pollicitus; ne qui ex aliis tribubus cum Iudæis patriam iam sedem obtinebant, quorum magnus erat numerus, vt cap. 8. pluribus ostendimus, quique nomine Ephraim sæpe significantur, cuius pater fuit Ioseph, se contemni putarent, de his quoque seorsum aliquid esse dictum oportuit. Siue ergo Ioseph

pro decem tribubus sumatur, sicut Ephraim, qui ab eo genitus, quod est mihi probabilius, seu certè pro toto Israël, quod est satis probabile, promissio certè illa ad omnes illos pertinet, vel qui tunc ab exilio Babylonico, atque Assyrio in patriam, vel qui postea ex Iudaico, siue Gentilitio instituto ad Ecclesiam congregati sunt.

Licet mitem se Deus ac benignum ostèdat Ioseph, & Ephraim, id est, eis qui è decem tribubus cōmigrarunt Ierusalem, vt nunc vidimus, & statim magis apparet, dum dicitur, *& erunt quasi fortes Ephraim*, id est, quasi Gigantes, & Heroës, sicut dixerat de Iuda: nam vtrobique est *גבורים* *ghiborim*, tamen aliquid videtur promittere tribui Iuda, quod aliis negat. Dicit enim de Iuda; *confortabo domum Iuda*, & de aliis tribubus, *& domum Ioseph saluabo*. Quare his salutem, victoriam, & felicitatem pollicetur, illis verò potentiam, & dominatum. Quod sanè ita accidit: nam ex aliis tribubus Duces non fuerunt, vt constat. Sacerdotes verò vsque ad commutatam Rempublicam Iudæorum, id est, ad tempus pene Herodis, fuerunt ex Leuitico genere; quod in illa distractione tribu Iudæ adnumerabatur, cùm in terra promissionis nullam haberet certam sortem Leuitica tribus, sicut aliæ habuerunt. Et cùm seruiret templo, quod in tribu Iuda, & Benjamin situm erat, maior pars plerumque duabus illis tribubus adiungebatur. Quod verò sceptrum, id est, Regia dignitas, ablatum non fuerit de Iuda, satis fidei facit Iacob vaticinium Gen. 49. An verò Machabæi qui diu Iudaici populi Imperium tenuerunt, Duces, & Sacerdotes de tribu Iuda fuerint, lōga

23.

Ex tribu
Iuda Du-
ces fue-
rūt, & mo-
dera tores
populi.

quæ-

Probabilius est Machabæos fuisse de tribu Leui.

quæstio est, neque hoc loco à me discutienda. Ita sanè putat Genebrardus in Chronologia anno mûdi 3900. & Baronius tom. 1. Anna-
 24. *lium in apparatu parum à principio. Sed sanè fuisse de tribu Leui satis constat ex lib. 1. Machab. c. 2. vbi Mathathias Machabæorum pater Sacerdos fuisse dicitur ex filiis Ioacim, id est, ex familia Ioacim, quæ inter 24. familias posteriorum Aaronis prima exiit. 1. Paral. c. 24.*

Et latabitur cor eorum quasi à vino.] Mærori in quo diu fuerat populus in alieno solo lætitia opponitur, quam habebit in suo mirificâ, qualis à vino capitur. Vinum puto pro lætitia sumi prouerbialiter; sicut de cella vinaria diximus in c. 2. Cant. ad illud, *Imrodixit me Rex.* Quare Prou. ult. vinum dandum esse tristicibus dicitur. *Date siceram mærenibus, & vinum his, qui amaro sunt animo.*

Sibilabo eis, & congregabo illos.] Simili metaphora vsus est Isaias cap. 7. *Sibilabit Dominus musca, quæ est in extremo fluminis Egypti: & api, quæ est in terra Assur: & venient eis.* Sibilare autem vox est pastoralis, quæ suauiter ac blandè gregem errantem aduocat. Neque abs re, quia de populo quasi de grege prius locutus fuerat. Sibilauit autem Deus leniter ac benignè, cum eam mentem dedit primum Cyro, deinde Dario, postea Artaxerxi, vt auidissimè, & studiosissimè cogitarèt, non solum de restituendis, sed etiam de ornando Hebræorum populo.

Quia redemi eos.] Licèt redimere pecuniam connotet, quæ pēdi pro captiuorum libertate solet; tamen, quia vox eadē libertatē etiā intuetur, fit vt is, qui quocumque modo à seruitute vindicatur, redemptus appelletur. Vtitur autem Deus

præterito *redemi*, vel quia iam cœperat captos in antiquâ possessionem reducere (quæ enim fieri cœpta sunt, illa interdum in Scriptura facta esse dicuntur, vt obseruauimus suprâ cap. 1. ad illud, *iam septuagesimus annus est*) vel quia quæ non longè sunt, vt fiant, pro factis habentur.

Et multiplicabo eos sicut ante fuerāt multiplicati.] Hæc verba satis apertè indicant sermonem esse non de Ecclesia, sed de Iudæorum gente, quæ reditura dicitur in illum statum, in quo prius fuerat. Qui deinde magis explicatur, dum à Galaad vsque ad Libanum porrigenda traditur illorū habitatio. Satis enim angusti forent Ecclesiæ termini, si non semagis latè diffunderent, quàm olim Israëlitis hæreditas.

Et seminabo eos in populis.] Populo. hîc esse puto regiones illas, ex quibus gens Israëlita depulsa fuit, quas iam externi habitatores occupant; imò & eas, quæ cum ad Israël sortem pertinerent, non tamē ab eo subactę, aut possessę sunt. Quales fuerunt Tyrus & Sidon, totiusque tractus maritimus, quem diu tenuerunt Palæstini: nam hæc omnia à Machabæis in Iudæorum Ditionem redacta sunt, vt dixim⁹ cap. 8. ad illud, *& erit quasi dux Iudæa.* In illis autem locis dicuntur seminati, non quasi profligati, atque abiecti, vt pereant, sed vt grana fertili, atque subacto solo mandata, quæ copioso prouentu multiplicantur.

Et de longè recordabuntur mei.] Licèt longè sint à Ierusalem, & templo, vbi stabile sibi domicilium Dominus constituit, & in extremis finibus terræ Chanaan, in quibus seminandi dicuntur, recordabuntur

tamen mei : quia ad templum venient, vt festa obeant à lege præscripta: neque quisquam erit, qui eorū studia, & vota, aut prohibeat, aut moretur, vt fecit olim Ieroboam, & aurei vituli, qui à medio cursu confluentem ad templum pietatis ergo populum represserunt.

30.

Et reducam eos de terra Egypti, & de Assyriis congregabo eos: & ad terram Galaad, &c.] Iudæorum plurimos inter Assyrios reliquos esse satis constat. Fuisse etiam inter Egyptios iam satis probauimus capite 8. ad illud, *domus Iuda, & domus Israël.* Et Ieremias apertè dicit Thren. cap. 25. *Egyptio dedimus manus & Assyriis, vt saturaremur panibus.* Ex Egypto verò aliquos esse reuersos dictum est suprà cap. 2. Quemadmodum verò Galaaditis regio, & Libanus Machabæorū imperio paruerint, eodem cap. dictum est.

31.

Et non inuenietur eis locus.] Ribera locū refert ad regionē Egyptiorū, & Assyriorū, ita vt ex Iudæis nullus apud Egyptios, & Assyrios relinquendus sit; & hoc indicat translatio Lxx. *& nō r. linquetur ex eis ullus.* Et dicit hūc esse vsum Scripturæ, vt cū nullum relictum esse in loco significare volumus, dicamus nullibi eius locum inuentum esse. Quod sanè verum est, & exempla obuia. Psalm.

Non est inuentus locus eius id est, ille non est inuentus in loco; hypallage.

36. *Quæsiui eum, & non est inuentus locus eius.* Dan. 2. *Contrita sunt pariter ferrum, testa, &c. nullusque locus inuentus est eis.* Apocalyp. 12. *Dracopugnabat, & Angeli eius: & non valuerunt; neque locus inuentus est eorum amplius in cælo.* In quo loquendi genere suspicor hypallagem esse; & quod homini conuenit, tribui loco. Ac si dicas ille non est inuentus in eo loco; nisi maioris per metonymiam locum continentem vsurpa-

re pro homine, qui in loco continetur.

Sed mihi verisimilius est non esse sermonem de loco exilij, id est, de termino à quo; sed de loco, ad quem Iudæi iam liberi restituti sunt, id est, de termino ad quem, qui pro multitudine eorum, qui aliquando regionem illam obtrinebunt, angustus futurus esse dicitur. In hanc sententiam licet termini, ad quos redituri sunt captiui, satis laxi sint, vtpote ad Galaad, & Libanum extensi; tam erit tamen copiosa soboles, quæ ex captiuorum reliquiis propagabitur, vt præ locorū angustis cogatur extra definitos terminos externas sibi sedes quærere. Quod accidisse constat, tū ex aliis locis, tum ex cap. 2. Actuum, vbi ex omni natione quæ sub cælo est, ad Pentecostes diem conuenisse traduntur Iudæi. Hanc autem sententiam sequuntur plerique ex Interpretib. Chaldaus, Albertus, Hugo, Lyra, Glossa, Vatablus. Neque fortasse ille loquendi modus; *& non inuenietur eis locus*, aptus est Riberae expositioni: neq; enim eo vti solet Scriptura cū fauor indicatur, sed exitium, aut calamitas, vt etiam ipse fatetur Ribera in cap. 1. Nahum numer. 18. At hîc sine dubio fauor est: quare non respicit locum, vnde liberati, sunt exterminati Iudæi; sed illum ad quem iam liberati reduces appulerunt.

32. Quam late se diffuderint Iudæi.

Et transiet in mari freto.] Quia dicitur angustus futurus locus præ Iudæorum multitudine, nunc in eadem sententiam addit Propheta, tentandum esse mare, fluctus remouendos, & transmarinas regiones, atque insulas esse quærendas. Quod reuera factum est, vt liquet ex Act. cap. 2. vbi ad festum Pentecostes conuenisse commemoran-

33.

tur

cur Iudæi viri religiosi, ex Parthis, Medis, ex Phrygia, Creta, Libya, & locis aliis, quæ transmarina sunt. Et Philo in legatione ad Caium tradit totum orbem Iudæis habitari. Hæc explicatio satis est facilis, totique capiti consentanea: sed aliam indicat Cyrillus, quæ mihi valdè placet. Existimat enim allusum hic esse ad illud tempus, quo gens Hebræa ab Ægyptio dominatu libera mare Rubrum traiecit. Et pro hac expositione obseruandū, omissam hinc Hebræorū more similitudinis notam. Quare sensus est; eo modo è Babylonica captiuitate superatis difficultatibus reuersurum in terram promissionis populum Hebræum, quo liberatus olim ab Ægyptia tyrannide, traiecto mari Rubro in illam ingressus est. Sicut enim fuit valdè similis Babylonica seruitus Ægyptiæ seruituti; sic etiam non fuit valdè dissimilis libertas. Et quemadmodum obiectu maris Rubri, imminenti à tergo Pharaonis exercitu; impeditus nō est Hebræorum cursus ad terram promissionis possidendam; sic neque maxima impedimenta, quæ à Babylonica potētia quotidie ostendebantur, impedire potuerunt gētem Israëliticam, quominus in eadem regionem reuocata libertatis lucem aspiceret. Quam sententiam expressisse videtur Isaias cap. 11. *Et erit via reliqua populo meo, qui relinquetur ab Assyriis, sicut fuit Israël in die illa, qua ascendit de terra Ægypti.* Porro mare Rubrum, utpote notissimum Hebræis, quia eo articulo occurrit egredientibus, in quo urgente hoste spes vitæ in vna fuga posita videbatur, pro maximo periculo sumitur Prouerbiali figura. Psal. 67. *Conueriam in profundum maris.* Hebr. *de profundis.* vbi

nota similitudinis subaudienda. Isai. c. 11. *Lenabit manum suam super flumē, &c. ut transeant per eum calceati.* Et Num. 20. *Sicut fecit in mari Rubro, sic faciet in torrentibus Arnon; scopuli torrentis inclinati sunt, &c.* id est, sublata sunt impedimenta, quia neque fluminis magni Euphratis profundigurgites; neque scopulorum præalti, atque prærupti vertices Hebræorum cursum retardarunt. Neque alio sensu accipiendum est illud Ionæ cap. 2. qui cum in Mediterraneo mari vectaretur à marina belua, tamen in mari Rubro se fuisse dicit: vbi enim vulgatus habet; *pelagus operuit caput meum.* Hebr. est *קִדְּ סוּפְּ* *Suph*, quod *caricem*, aut *mare Rubrum* significat. In quo loco exponendo miri sunt Hebræorum Doctores. Chaldeus *mare Rubrum* vertit. Hinc ergo locum iuxta Prouerbialem dicendi figuram sic interpretor; Ionā nō aliter demersū fuisse in mari mediterraneo, quā Pharaon demersus est olim in mari Rubro. Est ergo sensus huius loci: si occurrat impedimentū, quale olim in maris freto, atque traiectu, cum egrederetur ex Ægypto, obiectum est populo Hebræorum; enatabunt inde captiui; neque graue aliquid patientur à profundo gurgite. Et hæc explicatio, quæ Cyrilli est, & Theodoreti; mihi magis probatur.

Et percutient in mari fluctus.] Si fluctus occurrant tumentes, sicut olim in mari Rubro; non deerit virga, quæ illos domet, & aperiat; sicut Deus fecit per manum Moysis.

Et confundentur omnia profunda fluminis.] Allusum puto ad Iordanem, qui Iosue cap. 3. sicco alueo traiectus est, quando ripas suas tempore messis impleuerat. Cōfusio

Mare Rubrum Prouerbiali specie, pro maximo periculo, & pro eius fuga.

Psal. 67.

verò dicitur repressus ille exundantium aquarum tumor, sicut confusus dicitur homo potens, & insolens, cum ipsius impetus, & furor à maiori aliqua potentia reprimuntur. Lxx. aptè ad hanc sententiam inuertunt; *siccabuntur omnia profunda.*

35.
Hebræorum fabula de reditu decem tribuum.

Hebræi, ut tradit hîc Hieronymus, fabulantur Iudæos, qui ultra Bosphorum sunt, id est, angustum illud fretum, quod Bizantium, & Chalcedonem diuidit, redituros in patriam: & eodem modo diuidendum esse mare illud, quo olim mare Rubrum diuisum fuit. Sed certè locus iste nullò modo fauet illorum insanie, etiamsi historicè sumas de Iudæorum reditu: nam hîc tantum synecdochicè illa duo magna impedimenta oblata Hebræis, sicut egressuris ad terram promissionis, aut ingressuris ad illam, quæ à mari Rubro prius: deinde à Iordane oblata sunt, quæ superata fuerunt à Deo, pro magnis periculis, & impedimentis, & pro singularibus Dei beneficiis vsurpari solent, ut vidimus. Et quemadmodum cum diuidendus dicitur fluuius, non intelligitur propriè diuisio, quia ex Babylone captiui sine Euphratis diuisione reuersi sunt. Sic neque in reditu illorum, qui ultra Bosphorum sunt, si fortè vnquā reuersuri, aperiendum est mare illud; maxime quia illi cum in Asia sint, utpote inter Persas, & Medos; & in ea regione, quæ olim Assyriis, atq; Babyloniis paruit, non est cur traiciendū sit aliquod mare, ut in patriā redeant, quæ in Asia quoque est.

36. *Et humiliabitur superbia Assur.* Rex Babylonis Assur hîc appellatur, quia Assyrium quoque Imperium obtinebat. Quomodo verò Rex Assyriorum, id est, Babylonie ab

Alexandro victus, quòve modo Ægyptij subiugati ab Alexandro prius, deinde à Romanis, satis copiosè tradunt scriptores externi.

Sunt qui hæc postrema referant ad Alexandrum, qui Chaldæorum atque Ægyptiorum potentiam fregit; apud quos extare voluit suæ virtutis, ac nominis monumētum, ad Nili ostia ædificata Alexandria, qui, ut docet Iosephus lib. 2. Antiq. cap. vltim. sicco alueo transiit mare Pamphylie, cuius Deus vestigiis mare peruium fecit, qui Alexandri opera ad euertendum Persarum Imperium uti decreuisset. Idque traditum esse dicit ab iis, qui res ab Alexandro gestas scriptis prodidere. Sed neque Iosephus hæc probat, imò fabulosa esse indicat, dum dicit; *sed de his, ut cuique liber, ita sentiat:* neque ego hæc apud vllum scriptorem antiquum inuenio; neque id docet Strabo lib. 14. imò contrarium tradit. Dicit enim in mari Pamphylico graue subiisse periculum Alexandrum, eo in loco, qui mari tranquillo apertus, ac peruius esse solet. Et sanè Petrus Crinitus lib. 17. cap. 13. à quoquam veterum scriptorum traditū esse negat. Sed neque, si certa forent, existimarem illud de transitu freti pertinere vllò modo ad Alexandrum, sed ad Iudæos, de quorum gloria, ac felicitate hîc sermo est.

Confortabo eos in Domino: & in nomine eius ambulabunt, dicit Dominus. Vilitatum est, ut antecedens sumatur pro relatiuo, aut pro eo, quod substantiui loco ponitur, & ita hoc loco, *in Domino*, &, *in nomine eius*, &, dicit Dominus, posita sunt pro in me, &, in nomine meo, &, dico ego. Simili locutione vsus est Dominus Exod. 24. *Moyse quoque dixit Deus: Ascende ad Dominum*, id est, ad me.

Fabulosū est mare Pamphyliz apertū fuisse Alexandro.

37.
Antecedens loco relatiui.

Vide

Vide Salmeronem Proleg. 14. formula 13.

38. Hæc quæ huc vsque à nobis proposita, explicata sunt historicè de Hebræorum populo; quæ aliqui nescio quomodo fastidiunt, olerè-que putant Iudaicum aliquid, quia non omnino ad Euangelij tempora referuntur. Quorum ego pietatem laudo; vellem tamen mitius, aut equius de alia expositione sentirèt: quandoquidem, vt ipsi etiam vidèt, & ingenuè agnoscunt, nonnisi cōtortè illorum aliqua ad Ecclesiæ tempus trahi possunt. Neque desunt viri pij, & graues, qui de Hebræorum populo hæc accipiunt; quorum nuper meminimus ad illud, & non inuenietur eis locus. Alij verò, qui de Ecclesia caput hoc intelligunt, interdum coguntur nonnulla de Iudæorum Republica interpretari, vt accidit Stunica. Dionysius dubius vtrique sensui explica-

tionem attemperat. Theodororus omnino de Hebræis accipit. Hieronymus dubius est, neque ita sequitur spirituales sensum, vt alium respuat; sed *pendulis*, vt eius verbis vtrar, *incedu gradu*, paratus certè, nō difficilis ad aliam partem amplectendam. Nos sequuti sumus illam, quæ prior visa est literæ, ac textui; in qua tamen Ecclesiæ viam quandam imaginem intuemur, quam etiam existimamus Spiritum sanctum in hac mutatione, atque amplificatione populi antea captiui, ac durè vexati adumbrare voluisse. Nam sicut alia in figura contigere Iudæis, sic ista figuram quoque fuisse Ecclesiæ, & natæ primùm, deinde afflictæ, ac vehementer postea propagatæ verisimile est. Quæ ad mysticum illum & allegoricum sensum accommodare vsque adeo promptum est, vt eo labore mihi superledendum putem.



ARGVMENTVM

VNDECIMI CAPITIS

ZACHARIE.



Predicit Propheta cladem Ierusalem in Libani specie, & cedrorum sublimitate adumbrata: tum etiam aliarum ciuitatum, quas aliorum montium, atque arborum nominibus exprimit. Deinde, ut ostendat Deus, quemnam modum cum gente Israëlita seruaturus sit, iubet Propheta, ut pastorem agat, pascâtque pecus gladio, atque macello destinatum. Quod ipse fecit assumens duas virgas, alteram mitem, quam decororem vocauit: alteram seueram, & grauem, quam appellauit funiculum. Quas in pascendo alio, atque alio modo ingrato, atque peruicace pecore confregit. Cùmque locati laboris mercedem à gregis dominis exigeret, eamque acciperet pertenuem, ac vilem, iussus est illam ad statuarium abiicere. Deinde, quia futurum erat, ut ad iniqui, & stulti pastoris curam grex infaustus veniret: iubetur Propheta stulti pastoris instrumenta sumere, cui ad extremum gladium minatur Deus, quo dextrum brachium, & oculus item dexter feriantur. Quæ omnia historicè de rebus Iudæicis, allegoricè verò ac mysticè magna ex parte de tempore Euangelij intelliguntur.

CAPVT XI.

PARAPHRASIS.

I **A** Peri Libane portas tuas, & comedet ignis cedros tuas.

I **C** Ierusalem quam propter altitudinem, ac speciem Libanum voco, contra hostium arma nihil tua tibi proderunt munimenta. Quare aperies aliquando portas tuas, & liberum aditum hostibus relinques.

ques. Consumet ignis cedros, id est, qui Principes inter alios viribus, & auctoritate sunt.

2 Quod si potens ciuitas, & egregiè munita ab hoste capitur, quid sperent ciuitates aliæ minùs instructæ ac fortes? Quid non timeat abies succisa cedro? quid non ignobilis turba, cum nobilior sternitur? Plorare ergo iubeo quercus Basan, ciuitates nempe alias, cum saltus magis ab arte, & natura munitus vastatus sit.

3 Vlulabunt pastores, & Principes populi, quia vastata Ierusalem peribit illorum cōmoditas, saltus, & potentia: sicut leones rugient sublatis pascuis, quæ sunt ad Iordanis ripas, ubi alebantur pecora; quia præda deficeret, ubi suam sibi famem, & rabiem explerent.

4 Deinde ut actione hieroglyphica miserrimam populi cladem Iudæorum oculis subiicerem, iussus sum à Deo gregem pascere destinatum macello. 5 Quem domini facile, & sine vlllo doloris sensu vendunt, & occidunt: imò suæ fortunæ gratulantur, aguntq; gratias Deo, quod ipsorum cæde locupletentur: neque pastores quicquam mouet gregis interitus; imò ipsi vltro ad lanienam deducunt.

6 Eodem prorsus modo Deus non parcat iis, qui Ierusalem, & possessionem Israël designatam habitauerint.

2 *Vlula abies, quia cecidit cedrus, quoniam magnifici vastati sunt. Vlulate quercus Basan, quoniam succisus est saltus munitus.*

3 *Vox vlulatus pastorum, quia vastata est magnifica eorum. Vox rugitus leonum, quoniam vastata est superbia Iordanis.*

4 *Hæc dicit Dominus Deus meus. Pasce pecora occisionis. 5 Quæ qui possederant, occidebant, & non dolebant, & vendeabant ea, dicētes: Benedictus Dominus, diuites facti sumus, & pastores eorum non parcebant eis.*

6 *Et ego non parcam ultra super habitantes terram, dicit Dominus.*

Ecce ego tradam homines,
 unumquemque in manu
 proximi sui, & in manu
 Regis sui: & concident ter-
 ram, & non eruam de ma-
 nu eorum.

7 Et pascam pecus occisionis
 propter hoc, o pauperes gre-
 gis.

Et assumpsi duas virgas, vnam
 vocavi decorem, & alte-
 ram vocavi funiculum, et
 pavi gregem.

8 Et succidi tres pastores in
 mense vno: & contracta est
 anima mea in eis, siquidem
 & anima eorum variauit
 in me.

9 Et dixi: non pascam vos;
 quod

Vt possessor gregē, quem ad
 macellū pascit, aliis, atque aliis
 vendit, à quibus iuguletur: sic
 ego, dicit Dominus, populum
 de cuius cæde iam à me defi-
 nitum est, tradā imprimis pro-
 ximis suis, ac ciuibus; à quibus
 nihilo leuiora patietur, quàm
 ab hostibus. Tradam etiam il-
 li, quem sibi Regem elegit,
 quem experietur acrem inimi-
 cum. Hi verò terram popula-
 buntur Israëliticam, neque
 ego de illorum manibus libe-
 rabo.

7 Et reuera pascam pecus
 gladio deuotum; propter quod
 me vehementer miseret eo-
 rum, qui in grege pauperes, &
 infirmi sunt.

Vt pastorem agerem, qua-
 lem me Deus esse voluit, sum-
 psi mihi duas pastorales vir-
 gas; alteram mitiorem, quæ
 molliter regit, neque percutit
 pecus, quam decorem vocavi:
 alteram, quæ capit, trahit, ac
 percutit pecus, quam appella-
 ui funiculum. Quibus instru-
 ctus, meum pastorale munus
 obire cœpi.

8 Res autem ita mihi acci-
 dit infelicitet, vt vno mense
 tres pastores summouerim.
 Animus enim liberalis, & mi-
 tis, quo pascere cœperam in-
 faustum pecus, propter eius in-
 temperiem, atque ingratitude-
 nem contractus est.

9 Cū ergo viderem inanē
 esse

esse illam pastorem operam, statui leniter non esse iam amplius pascendum gregem; sed durè, ac seuerè. Quare cùm de macello potiùs, quàm de mitiori pabulo cogitarem, nihil mihi laborandum, seu curandum existimaui, siue tabescant fame pecudes, siue intereant ferro; siue à se ipsis, siue à proximis vicissim lacerentur.

10 Fregi ergo virgam illam priorem, quæ dicebatur decor, vt dissoluerem fædus, quod cum omnibus populis inieram; & quorū pecus mercenaria pascebam opera.

11 Quod ea die perfectum est. Quod non latuit pauperes gregis; qui cùm scirent verbum esse Domini, quod tunc opera illa hieroglyphica significabatur, singula, quæ à me fiebant, accuratè, ac vigilanter obseruabant.

12 Tunc ego ad gregis dominos: Si vobis placet, aut opera, quam ego pascendo pecori nauaui, vobis probatur; afferte mercedem, quæ meum laborem dignè compenset. Sin aliter vobis visum, nolite me iam amplius ouium vestrarum custodem esse. Tunc illi locatæ à me tam longæ, atque molestæ operæ pretium triginta argenteos numerarunt.

13 Tunc verò ad me Dominus, cuius in ea vili mercede futurus aliquando contem-

quod moritur, moriatur, & quod succiditur, succidatur. Et reliqui deuorent vnusquisque carnem proximi sui.

10 *Et tuli virgam meam, quæ vocabatur decus: & abscidi eam, vt irritum facerem fædus meum, quod percussi cum omnibus populis.*

11 *Et in irritum deductum est in die illa: & cognouerunt sic pauperes gregis, qui custodiunt mihi, quia verbum Domini est.*

12 *Et dixi ad eos: Si bonum est in oculis vestris, afferte mercedem meam, & si nō, quiescite. Et appenderunt mercedem meam triginta argenteos.*

13 *Et dixit Dominus ad me: Pronice illud ad statuariū,*

decorum pretiū, quo appreciatus sum ab eis. Et tuli triginta argenteos, & proieci illos in domo Domini ad statuarium.

14 Et precidi virgam meam secundam, quæ appellabatur funiculus, ut dissolverem germanitatem inter Iudam, & Israël.

15 Et dixit Dominus ad me: Adhuc sume tibi vasa pastoris stulti.

16 Quia ecce ego suscitabo pastorem in terra, qui derelicta non visitabit, dispersum non queret, & contritum non sanabit; & id quod stat, non enutriet, & carnes pinguium comedet, & vngulas eorum dissoluet.

ptus significabatur, vilissimo pretio ab illis æstimatum se dixit. Quare præcepit, ut illud ad statuarium, seu luti formatorem proiicerem. Cuius ego imperio obsecutus, in templum abij, & ibi triginta argenteos, locatæ operæ pretium, ad statuarium proieci.

14 Cùm viderem iam parui me fieri à dominis gregis, & laborem meum tam iniqua mercede compensari, alteram etiam virgam funiculum abiciens; curam quoque gregis, & studium abieci: ut dissoluerem populos in vnum coalitos; non aliter atque olim dissolui, ac distraxi Israël à Iuda tempore Roboam.

15 Rursus ad me Dominus: Adhuc profer maioris calamitatis symbolum, sume instrumenta improuidi, atque stulti pastoris.

16 Quia ego excitabo in terra Iuda pastorem, qui dispersum gregem non querat, derelictum non inuisat; contritum non alliget, atque consolidet, & quod sanum est in grege, non pascet, & nutriat. Qui carnibus vescatur pinguioribus, errarèque faciat miserum pecus per aspera, & confragosa loca, ita ut vngulis, quamuis ex dura, firmaque materia, dissolutis commouere se etiam in summo periculo non audeat.

17 O iam non pastor, sed vanum, & merum pastoris simulacrum. Descendet in brachium eius dexterum, & in dexterum etiam oculum vindex gladius: arescet brachium, & cum eo cadet potestas simul, & autoritas, tenebrescet oculus, & cum eo calliditas, & consilium peribunt.

17 O pastor, & idolum derelinquens gregem, gladius super brachium eius, & super oculum dexterum eius: brachium eius ariditate sicabitur, & oculus dexter eius tenebrescens obscurabitur.

COMMENTARIJ IN CAP. XI. ZACHARIÆ PROPHETÆ.



1.



Bi de Iudæorum felicitate actum est, quæ eò progressura dicitur, ut nihil videatur fingi posse fortunatius; iam tandem agit de templi, ciuitatisque plaga planè miserabili, quam inflixit, prius Antiochus, deinde Romani: & quibus gradibus ad illum statum, calamitatè que venerit. Cum autem Ierusalem plena esset ciuibus, atque omni instructu, splendorè que pulcherrima, comparatur montibus, & specie conspicuis, & pecore abundantibus, & omni rerum copia, ac varietate præclaris. Quorum strages, ac vastitas longa quadam allegoria illius ciuitatis, ac templi exitium declarat.

Aperi Libane portas tuas. Notum

2.

*Mons magnus ali-
quid signi-
ficat.*

est *montium* nomine viros auctoritate, atque potentia nobiles, aut vires significari. Quare suprà cap. 3.

diabolus, aut Darius mons appellatur, & præcipuè Ierusalem vocatur mons, quia in monte sita est. Isai. c. 2. *Venite ascendamus ad montem Domini.* Et Psal. 67. *Mons Dei, mons pinguis.* Sed Ierusalem præcipua aliqua ratione vocatur Libanus, quia quidquid in Libano pulchrum est, & pretiosum, sine in lignis, siue in aromate, ad tèpli Hierosolymitani, Regiæque domus fabricam translatum fuit; & quia sicut mons Libanus alios: sic Ierusalem ciuitates alias pulchritudine excellit. Quare Thren. 2. *urbis dicitur perfecti decoris, gaudium vniuersæ terre.* Allusit fortasse Zacharias hinc ad caput 22. Ierem. ubi sub eadem

Ierusalem
cur dicitur
Libanus.

Ierem. 22

Regis Iudæ; tui mihi caput Libani (domus Regis vocatur Galaad , quia sicut in Libano ea præcipua pars; sic Regia domus in Ierusalem) *si non posuero te solitudinem eius, & succendens electas cedros tuas, & præcipitabunt in ignem.* Et infra. *Ascende Libanum, & clama, & in Basan da vocem tuam.* & paulo post. *Quæ sedes in Libano, & nidificas in cedris, quomodo congemuisti? Quibus in locis Libanus sumitur pro Ierusalem.* Et clariùs

Ezech. 17. *Ezech. c. 17. Aquila grandis magnarum alarum venit ad Libanum, & tulit medullam cedri;* id est, Nabuchodonosor venit in Ierusalem, & tulit captiuum Iechoniam Regem. Nunc ergo conuersus ad Ierusalem Propheta denunciat, quanta illi strages immineat, quem finem habituræ sunt domus illæ, quas tanto nunc labore, ac sumptu moliantur restituti ciues. Sumit autem imperatiuū pro futuro, quod familiare est Hebræis, sicut postea; *percutie pastorem,* id est, percuties, sic modò, *aperi,* id est, aperies.

3. *Aperi Libane portas tuas.*] Quidam *Libanus* putant pro templo sumi. Euseb. lib. 4. de Demonstr. Euag. Dem. 4. Hieronymus in cap. 17. Ezech. & alij plures. Certè Iosephus lib. 7. de bello c. 12. templi portam, cum esset ænea, & vix à viginti viris clauderetur, sexta hora noctis sponte sua apertam esse tradit. Refert etiam Rab. David ex Hebræorum traditione, quadragesimo ante urbis excidium anno sponte referatas templi fores, & insignem quemdam Iudæorum magistrum vocatum Iohanan dixisse: *ô domus, ô sacra domus, quid hoc tibi vult quod mihi timeas? equidem scio interitum tibi, & vastationem imminere. Et iam olim de te vaticinium eductum fuisse.* *Aperi Libane portas tuas.* Refert hæc eadem

paululum mutata Lyra hîc, & Petrum Galatinus lib. 4. cap. 8. qui ex Talmud Hierosolymitanq. docet portas templi cum vespere clauderetur, manè inuentas esse apertas; & id non semel. Quod etiam dicit Lyra, & omnes hæc referunt ad hunc locum Zachariæ. Nihilominus longè verisimilius est, *Libanum* sumi pro Ierusalem, vt tenet Ribera, & Theodoretus, neque negat Eusebius, qui suprà ab Ezechiele dicit Ierusalem Libanum appellari. Et sanè qui deinde vocantur cedri, & abietes, Principes sunt, & potentes in ciuitate, non solum qui templo præsunt, aut templi partes.

4. *Et comedet ignis cedros tuas.*] Perseuerat in eadem metaphora, & sicut *Libanus* pro Ierusalem sumitur, sic quod in Libano eximium est, pro eo, quod est in ciuitate præcipuum. Quare *cedri* sumuntur pro Principibus, siue qui templo, siue qui ciuitati præsunt. Ita Cyrillus, & Eusebius suprà. Et quia sylvarum, ac montium extrema vastitas ab incendio est, ideo addit altissimas cedros ab igne deuorandas, id est, illorum Principum neque vestigia fore relinquenda.

5. *Vlula abies, quia cecidit cedrus.*] Sicut abies proximè ad cedrorum proceritatem accedit, & materiæ bonitate in syluestrium ordine non longè inferior, sic per *abietes* significantur, qui Principibus, & optimatibus proximi dignitate sunt. Hos ergo iubet vlulare; nam si cedris neque hostilis securis, neque flamma pepercerunt, multo sanè minùs ab illis temperabunt, in quibus minùs est opis, atque potentiae. Et ideo subdit; *quoniam magnifici vastati sunt.*

6. *Vlulate quercus Basan.*] Quàm fuerit

rit munita Basan, vbi olim Og regnavit, & quemadmodum data sit tribubus Gad, & Ruben, & dimidia tribui Manasse, vide Deut. cap. 3. Est autem verisimile, Basan, quia trans Iordanem est, id est, extra terminos terræ promissionis, sumi pro aliis ciuitatibus à Ierusalem, quæ hoc loco fortasse pro duabus tribubus sumitur, quia Ierusalem sita est in duarum tribuum confinio, ita vt non magis ad Iudam, quàm ad Benjamin pertineret, vt diximus capite secundo ad illud, *ô, ô fugite*. Quare hæc non solum vbi Hierosolymitanæ denunciari videntur, sed etiam toti Ditioni à Iudæis occupatæ, quo tempore ingruit à Romanis extrema clades. Porro quia Libanus, & Basan montes sunt egregiè, & ab arte, & à natura muniti, tum etiam ad aspectum præclari, existimo Prouerbiâli figura apud Hebræos his nominibus significari, quæ pulchra sunt, expugnaturque difficilia. Isai. capite 2. *Dies Domini exercituum, &c. super omnes cedros Libani sublimis, & erebas, & super omnes quercus Basan*. Et cap. 33. *Confusus est Libanus, & obscurum, &c. & concussa est Basan*. Ierem. 22. *Ascende Libanum, & clama; & in Basan da vocem tuam*. Quia verò quercus fortis est, & magna perfert pondera, pro diuitibus, atq; robustis sumitur. Quod verò pulchras quercus, materiæque ad varios vsu eximie ferat Basan, satis intelligitur ex Ezech. cap. 27. vbi cum nauem Tyri è pretiosis lignis fabricatam ostendisset, in his connumeravit quercus Basan.

7. *Quoniam succisus est salus munitus.* Hic saltus est in Ierusalem. Ex hoc loco intelligitur in Basan significari populos alios, qui sunt ex-

tra Ierusalem: nam ex huius excidio probat ciuitates alias minùs munitas non effugituras communitatem illam cladem. Aptè verò in Ierusalem constituit cedros, & abietes, quæ celsæ sunt, & magistratus significant: alibi verò quercus, quæ fortitudinem præstant, & varios habent vsus, nihil autem præ se ferunt aut dignitatis, aut pulchritudinis.

Vox ululatus pastorum, quia vastata est magnificentia eorum. 8. Pastores hoc loco Principes sunt, quorum curæ commissa est populi administratio, atque custodia. Neque nouum est, aut solius Hebræicæ linguæ, Reges vocari pastores: nam Hæmerus Reges vocat *πομπέας λαών*. Quoniam verò pastores isti, vt statim ostendit, potius lacerabant greges, quàm pascebant, id spectantes vnum, vt suæ commoditati ex eorum incommodis prouiderent, ideo iubet eos plorare; quia sublato pecore nō est cur suis vsib. quicquam sperent futurum esse reliqui. Hanc vocat magnificentiam ab effectu: quia quod splendidi, lauti, atque magnifici videantur, faciunt infelicitis gregis per summam iniuriam exuuiæ detractæ.

Vox rugitus leonis, quia vastata est superbia Iordanis. 9. Qui prius appellati sunt pastores, nunc credo aptissimè ad illorum mores, & ad Iordanis naturam leones vocari. Rugiēt ergo leones, id est, immites, & scelerari Principes, quia sublati pascuus, & extincto pecore nō erit unde opimas, vt antè, atque quotidianas prædas agant. Sed hic notandum: alterum, regiones illas, quas à Libano ad mare vsque mortuum permeat Iordanis, esse vberissimas, vt docet Iosephus libr. 3. de bel. c. 18.

Reges pastores dicitur.

Iordanis ripæ fertiles.

Leones in
Iudæa.

& *Ægesippus* lib. 3. cap. 26. & Num. 32. constat prope Iordanem vberima esse pascua : & *Genesis* 13. regiones circa Iordanem vberimæ dicuntur. Alterum, in eo tractu, & vbere, & denso leones esse : quod & natura ipsa rerum postulat, & in Scriptura sunt aliquot coniecturæ. Nam ubi densitas arborum ac fruticum est, commoda sunt leonum latibula; ubi plerumque pascuntur greges, ad quos inhiat leonum famēs. Certè leo ille, qui à Dauide occisus dicitur 1. Regum cap. 17. arietem de grege rapuerat. Et à re nota, & familiari, qualis esse solet aqua, sumitur similitudo. Dicit *Amos* c. 3. *Quomodo si eruat pastor de ore leonis duo crura, aut extremum auriculæ.* Et cum sponsa Cant. cap. 4. venire iubetur de Hermō, Sanir, & Libano, abinde nascitur Iordanis, de montibus pardorum, & leonum cubiculis euocatur. Vt ergo leo rugiet cum superbia Iordanis, id est, pascuā lēta, & perpetuū vernans ager exusta fuerint, quia greges quoque deficient, quorum se carnibus explebant; sic quoque Principes rugient, ubi sublata fuerit infirmior, & ignobilior turba, cuius ipsi commodis insidiabantur. Aut certè superbia Iordanis dicitur ipsa Solymitana ciuitas, quæ gloria est, atque corona illius regionis, quam Iordanis perluit. Quod, si ita accipias, siclicet interpretèrè : Vlulabunt Iudæorum Principes, quia euerfa Ierusalem nulla iam erit præda, in quam eorum deinceps inhiet auaritia, quæ admodum exusta sylua leones rugient, quia & sua latibula, & quæ sibi fuerant escæ pecudes perierunt.

10.

Hæc explicatio videtur apta in ea quæ de hoc capite hucusque adducta sunt; sed subit nunc alia non

inepta fortasse, quam ideo subiticio minùs libenter, quia quem sequar neminem ducem habeo. Prædicat Propheta futuram Iudaici populi vastitatem, neque quicquam fore iam munitum, atque arduum, quod non expugnatura sit Romanorum potentia: neque minùs Iudæos à Romanis esse superandos, quam à Iudæis olim Chananæi superati, atque deleti sunt. Duo Impedimenta offerebantur Iudæis quominùs tutò & facillè terram promissionis ingrederentur, & quòd alti essent mōtes, quorum angustię exiguo hostiū numero occupari possent, & quòd iis superatis iterum se Iordanis opponeret, à cuius tractu impediri facillè possent ab hoste vicino. Alterū impedimētum sublatum est: nam alti, atque prærupti montes, qui vel nullum, vel insidiosum aditum præberēt Hebræis, inclinati sunt, atque aperti non aliter atque olim mare Rubrum, quando hostis Ægyptius imminēbat à tergo. Num. cap. 21. citatur ex libro bellorum Domini: *Sicut fecit in mari Rubro, sic faciet in torrentibus Arnon; scopuli torrentium inclinati sunt, ut requiescerent in Arnon, & recumberent in sinibus Moabitaram.* Porro montes isti ad Libanum pertinent.

Num. 21.

Alterum impedimentum etiam sustulit Deus siccato Iordanis alueo. *Iosue* 3. Quæ res valdè commouit Reges omnes, ut dicitur ibidè cap. 5. *Postquam ergo audierunt omnes Reges Amorrhæorum, qui habitabāt trans Iordanem ad Occidentem plagam, & omnes Reges Chanaan, qui propinqua possidebant magnimarum loca, quòd siccasset Dominus fluenta Iordanis corā filiis Israël, donec transirent, dissolutū est cor eorum, &c.* Vbi obseruandum est, eo tempore ita excreuisse Iordanem

11.
Probat i^e est Libanum hūc propriè sumi pro monte.

danem, vt aluci ripas impleuerit, quæ aquarum abundantia optimè potest appellari superbia Iordanis.

12. Erit ergo sensus iuxta hæc: Tempus aderit quando quæ munitissima sunt Iudæorum præsidia, prohibere non poterunt Romanorum potentiam, quominus liberè irrumpant in Iudæorum fines. Aperiet enim Libanus portas suas, vel vltro fauente Deo Romanorum votis, & pœnas exigente à Iudæorum culpis, vel certè vi depulso præsidio. Facit ad hæc quòd Romani per illam partem Iudææ oppugnationem aggressi sunt; nam, vt tradit Ægesippus lib. 1. cap. 15. Pompeius è Syria, & Damasco venit in Ierusalem; quare illi necessariò per Libani portas transeundum fuit: imò & Vespasianus inde castra mouit, vt docet Ægesippus lib. 3. cap. 5. & Iosephus lib. 3. cap. 1. & 5. vbi ex Ptolomaide soluisse dicitur, quæ in Syria est. Et addit Iosephus capit. 5. præmissos esse stratores viarum, qui aspera complanarent, syluâsq; obstantes præciderent. Et hoc fortasse est aperire Libanû portas suas.

Si dicas parum aptè in hanc explicationem venire quæ mox subiiciuntur de quercubus Basan. Respondeo, etiam Basan esse locum munitissimum natura, atque arte. Vide Deuteron. 3. & Numer. 21. qui cõtinès Libano est, & eius pars. Hæc autem duo loca superata sunt ab Israël, & aperta, quæ clausa esse videbantur, & quasi murus externis hostibus obiecta. Sicut Alpes à natura datas esse pro muris Italiæ cõtra Barbarorum imperum dixit Iuuenalis Satyra. 10.

Opposuit natura Alpemq; niuemq;.
Sic duo himontes, Libanus, & Basan, vel potiùs vnus mons Libanus,

cui duæ erant fauces magis notæ, Basan, & Emath, claudebât, munebantque terram promissionis. Sed illa obstacula sustulit Dominus, aperuitque portas Romano Imperatori à natura obseratas. Quàm facile aditus in terram promissionis impediri potuerit ab Amorrhæis, vide quòd dicit Abul. in cap. Num. 21. post quæst. 23. ex sententia Hebræorum: & quomodo à Deo sublatum fuerit impedimentum inclinatione scopulorum. Sed puto hîc præcipuè sermonem esse de illis Libani faucibus, quæ occurrunt venientibus è Syria in terram promissionis. Hâc enim ingressi sunt priùs Assyrij, & Babylonij, & deinde Romani.

Vt Libanus Romanis portas suas aperuit; sic etiam eisdem Iordanis se peruium dedit, suamque superbiam illis inclinauit, quia ab illis facile transmissus est. Superbia verò Iordanis dici potuit aquarum abundantia, quæ ripas impleuit quo tẽpore sicco alueo traiectus est à Iosue. Et tunc erit sensus: etiam si Iordanis intumescat, sicut olim contra Israëlitas in ingressu terræ promissionis; cùm tamen in eandẽ regionem ingredi voluerint Romani, nulli erunt impedimento quominus cogitata perficiant; sicut neque olim Hebræos ab ingressu moratus est aperto alueo, eoque calcato siccis vestigiis. Vbi intelligenda est nota similitudinis. Aut certè superbia Iordanis dici potuit mare Tyberiadis, seu stagnum Genesareth, quæ pars est nobilissima, atque pulcherrima Iordanis, de cuius vbertate, atque amœnitate vide Iosephum lib. 3. de bello capite 18. & Ægesippum lib. 3. cap. 6. vbi ostendit quàm locus iste nauali quondã conflictu sædatus fuerit, & sanguine,

14.

13.
In Libano
duæ
portæ, Ba-
san, &
Emath.

Mare Ty-
beriadis.

guine, & cadaueribus Iudæorum. Cerneret, inquit, mixtas sanguine aquas, plenum cadaueribus lacum, grauis odor, ieterimus fœtor locorum. Idem ferme Iosephus lib. 3. cap. 19. *Mixtum*, inquit, plenumque cadaueribus cerneret totum lacum; acerbis autem secutis diebus odor illam regionem oppressit, & facies. Nam litora quidem naufragiis plena erant, & corporibus tumidis: calefcentes autem, & tabefacti mortui cœli tractum corrumpebant. Cum hæc ergo spectarent Hierosolymitani Principes, & eius populi pastores, quid mirum si tanquam leones rugirent?

15.

Pasce pecora occisionis.] Dubium est ad quem hæc verba pertineant. Cyrillus ad eos putat, qui prius dicti sunt pastores, & leones: quia legitur in plurali, *pasce*. Theodoretus, & cum eo Ribera, ad Christum referunt, ita ut Pater loquatur ad Christum, iubeatque ut gregem pascat occisioni destinatum: quia grex ille captus est à Romanis, & ad tempus vsq; Christi variè iactatus. Alij ferme omnes huic Prophetæ attribuit, & hoc mihi probatur magis. Quid verò his verbis præceptum sit Prophetæ, non facile cogitatu est. Ego ita existimo id habuisse in mādatis à Domino, ut pasceret gregem macello destinatum: & actione illa hieroglyphica ostendi Iudæorum populum, qui non semel suprà grex vocatus est, Romanorū gladio, & quasi lanienæ, seu macello esse deuotum. Neq; nouum est, ut actionibus, & non tantum verbis Prophetæ aliquid futurum denuncient. Er ut omittam alios, hic idem Prophetæ in eadem propætateria exemplo nobis esse potest; qui iussus est sumere vasa pastoris stulti. Ut ergo tunc Prophetæ personam agit stulti pastoris, sic nunc

Zacharias pascere iubetur pecus macello destinatum.

Pecus occisionis quid.

eius, qui non tam inuigilat gregi, ut pascat, quàm insidiatur, atque imminet, ut occidat, aut occisioni præparet, & macello. Porro pecora occisionis ea sunt, quæ cædi destinantur. Psa. 43. *Æstimati sumus sicut oues occisionis.*

Quæ qui possederant, occidebant, & non dolebant, & vendebant ea, dicentes: Benedictus Dominus, diuites facti sumus.] Mimesis est eorum, qui gregem ad macellum pascunt, qui cum cædē illius tantum expectent, pretiumque, neque cum dolore matant; neque cum molestiā vendunt, imò, utcumque de pecoribus actum sit, dummodò de utilitate nihil ipsis excidat, gratias agunt Deo, quasi ab eo habeant, quod sanctè ex lacerato pecore commoditatem capiant. Pro, *dolebāt*, Heb. est ידעו ידעו ידעו, id est, non peccabant, aut, non consuebantur, aut, credebant se peccare, quia scilicet id per Deum licere sibi existimabant. Hactenus symbolum, & quasi prothesis similitudinis propheticæ.

Hæc quidam ad pastores Israël accommodant, qui de grege suæ fidei commissio, quasi de suo statuunt, & illum pro sua libidine aut ingulant, aut vendunt. Sed magis videtur ad veritatem, sermonisque textum, si de Romanis hæc intelligimus, qui non secus atque lanij de gregibus, id est, Iudæis suæ iam potestati subditis, durè admodum statuunt. Et ideo subditur.

Et ego non parcam ultra super habitantes terram.] Addit nunc apodosis Prophetæ, id est, accommodationem propositæ similitudinis. Ideo enim gregem occisionis paut Zacharias, ut ostenderet quoniam maneret exitus populum nunc quidem liberali manu ab exilio, & pene à macello vindicatum, postea

Iudæorū clades per Romanos

16.

17.

verò

verò ignobili captiuitate, & miserabili inagis exitio perdendum. Pafce, inquit, pecus occisionis, macta, & vende sine dolore, quia eodem ego modo non parcam vltà populo iam toties à me feruato, sed occidam, &c. Porro terra hîc pro terra promissionis vsurpatur, iuxta regulam saepe traditam, qua docemur omnem terram determinatè sumi pro illa de qua sermo est. Vide cap. 2. Actuum ad illud, ab omni natione quæ sub cælo est. Vide infra num. 37.

18. Ecce ego iradam homines, unumquemque in manu proximi sui.] Hic significatur quomodo grex occisionis venalis futurus sit, neque vni addicendus domino; sed multis, qui in miseri pecoris iugulum crudeliter seuiant. Imprimis tradentur proximorum manibus, quod Romanorum temporibus, & sub ipsa extremam cladem contigisse satis constat ex Iosepho libro 5. de bel. capite 1. & lib. 6. cap. 1. & 4. Ex quo disces domesticum Iudeorum inter se odium quantum exitium attulerit miserie Reipublicæ. Et tempore Machabæorum multi ex Iudæis fuerunt in Antiochi castris, & de Iafone, & Menglao dicemus postea.

19. Et in manu Regis sui.] Cæsarem indicat; nam & ipsi dixerunt Ioann. capite 19. Non habemus Regem nisi Cæsarem. Cum autem Imperatores alij Iudæicum genus variè iactauerint; maximè verò Vespasianus, & Titus, qui Rempubliam illam funditus deleuerunt. Cladem autem à Romanis acceptam perpetuam fore, neque ad suum iterum ordinem reuerturos Iudeos, sicut olim ex Babylone, satis probat, quod sequitur statim; Et non erunt de manu eorum.

O. Sanctij Comma in Zachar.

Et pascam pecus occisionis propter hoc, o pauperes gregis.] Accommodat nunc Deus prothefim, vt ita dicam, ad apodosim. Quasi dicat: quod dixi de cæde mutua ab intestinis Iudeorum odiis, & à Romanorum Principum armis, illud idem est, quod priùs dixeram, pascèdum esse pecus occisionis. Deinde quem admodum Lucæ cap. 19. longè antè vrbis excidium, dum considerat Deus tantam, tamque speciosam molem excisum iri; videns Ierusalem fletit super illam, dixitque dolens. Qui venient dies in te, & circumdabunt te inimici tui, &c. Sic nunc multis antè sæculis eiusdem populi idem deflet exitium. Sed præcipuè dolet illorum vicem, qui in eo infelici grege pauperes sunt, sicut etiam Iona cap. 4. vbi cum sermo esset de vastatione Ninive, dixit dolere se super multa hominum milia, qui nesciant quid sit inter dexteram, & sinistram suam. Miseretur autem pauperum præcipuè: tū quia in communi clade maiora solèt sustinere incommoda; tum quia minore suo patiuntur merito, plectunturque miserè quidquid plerumque, ac maximè delirant Reges. Et ideo horum vicè misertus Deus clamat, o pauperes gregis.

O pauperes gregis.] Hæc verba suspensa videri possant per aposiopelin familiarem in Scriptura, quæ in magno aliquo affectu adhiberi solet & in qua id, quod suppletur, obscurum est, & longiori indiget explicatione. Quid verò suppleri debeat, non facîle occurrit. Sed videtur non improbabile, si dicamus appellari hîc pauperes, & mactos, atque humiles; nam hæc omnia valet vox Hebr. ענין, Anij, vt iudicent, an rectè faciat, dum gladio committit ingra-

20.
Dei in
pauperes
elemen-
tia.

21.

h h

tum pecus: & item, vt statim videbimus, quàm leniter illud pauperi virga decore, deinde paulo seuerius, vtiliter tamen virga funiculo, ac tandem reliquerit, aut permiserit illius curæ, cuius personam referebat Zacharias, cum iussus est gestare vasa pastoris stulti. Eodem artificio vsus est in eadem omnino causa Isai. 5. vbi etiam Iudices constituit viros Iudæ inter se, & vineâ, quæ magno studio, atque labore culta labruscas reddidit domino suo.

22. Septuaginta, vbi noster habet, *ô pauperes gregis*, reddût, in *Chanana-nuide*. Translationis diuersitas nata est ex literarum similitudine: nam si separatim legas cum vulgato *לַחֶבֶן אֲנִימִים* *lachen anijim*, ita vertendum est, *propter quod, ô pauperes*. Si coniungas, quod sine dubio fecêre Lxx. *לֶחֶבֶן לְכָנִי* *lecanhbnj*, *Chananaum* aliquid significat. Et iuxta hanc translationem sensus videtur, quem Cyrillus indicat, nempe gregem illum qui in regionē Chanana nitidem inductus est, in pascua nimirum pingua, atque salubria, in iisdem regionibus fore lacerandum. Et reuera ita contigit. Lege Iosephum, & inuenies quomodo nulla fuerit pars paulo nobilior, quam non cōstrauerit, scēdaueritque Romanus exercitus Iudæorum strage.

23. *Et assumpsit mihi duas virgas.*] Locus hic difficilis est, & in eo explicando valdè laborant Interpretes. Quidam ad Christum Pastorem referunt, neque ego contrā sentio. Sed credo etiam conuenire Zachariæ, qui veri, atque solliciti pastoris hac actione hieroglyphica typus fuit. Quare vt à pluribus sententiis vel recensendis, vel confutandis abstineâ, censeo hæc & iniuncta fuisse Zachariæ, & ab eodē accuratè præ-

stita. Vt enim gregē pasceret, oportuit vt virgas assumeret pastorales. Quòd verò eas sumpserit, & pauperit gregem, præstiteritque omnia quæ toto capite tradûtur, suis quæque locis probabimus. Illud interim vniuersè notandum, symbolis, & hieroglyphicis singulis singulatim suam explicationem adhiberi. Et sic, puto, aliquid erit lucis loco maximè obscuro.

In repastoritia duas videmus esse virgas, seu pastorales baculos: alterum à summo modicè inflexum, qui ita regit pecus, minatur, ac terret: vt tamen illi nihil afferat nocumenti, & ideo à summo incuruus est, ne proiectus siue à prouido, siue ab irato pastore plagam inferat, qui à Latinis communiter *baculus*, ab Hispanis *cayado* dicitur. Alterum non incuruum mollior, sed præferratum vnco, quo tunc vtuntur pastores, cum pecudes capere student: quod tunc plerumque fit, cū aut tondendæ sunt, aut mulgendæ, aut certè iugulandæ. Latine *pedum*, Hispanè vocatur *gancho*, quem etiam *hamatum baculum*, aut *virgam* posses appellare, vt indicat Philostratus apud Suidam, apud quem appellatur *καλαβρωψ*, qui dicit eo capi pecudes sicut pisces hamo: quem videtur descripsisse Virg. Eclog. 5. dum pedum formosum esse dicit ære, quo nempe præferratum est.

Hæc duo virgarum genera etiā fuere apud Hebræos, ad quæ sæpe allusum est in Scriptura. Ita Doctores Hebræi in illud Psalm. 22. *Psalm. 22. Virgatus & baculus tuus ipsa me consolata sunt.* Vbi duo etiam hæc genera agnoscit Chaldaus, in quorū altero legem significari putat, quæ pastoris prouidentiam, atq; indulgentiam prodit: in altero correctio-

nem,

24.
Duz vir-
gæ pasto-
rales.

25.

nem, & castigationem, quæ pastoris quidem prouidentiam indicat, plenam tamen seueritatis. Altera virga dicta est נֶזֶם *noam*, id est, *incunda, mnis*; altera חֶבֶל *heb*, quæ dolorem sonat, *funiculum, & laqueum*. Ad priorem puto allusum esse Psalm. 89. *Latavi sumus pro diebus, quibus nos humiliasti; Hebraicè, latifica nos; & statim. Respice in seruos tuos, & in opera tua, & dirige filios eorum* (illud *dirige*, verbum videtur pastorale) & sic splendor Domini Dei nostri super nos (Heb. נֶזֶם *noam*, id est, *virga illa* quæ appellatur *decor*) quasi dicat Propheta: satis diu defauiit in nos virga, quæ appellatur *funiculus*, seu *dolor*; fac ut aliquando sit super nos virga illa, quæ vocatur *decor*. Ad virgam funiculum allusum est, cum dicitur Psalm. 2. *virga ferrea*, Thren. 3. id est, *præferrata*; & Thren. 3. *virga indignationis*. Isai. 10. *virga furoris*. & Paulus 1. Corinth. 4. dum ait. *Quid vultis, in virga veniam ad vos, an in charitate, & spiritu mansuetudinis? id est, in virga funiculo, vel in virga decore.*

Has ergo duas virgas sumpsit Zacharias, ut iniunctum sibi mādatum expleret. Priorem, ut semitem præberet, qua pasceret molliter in amœnis pascuis, & sibi incommoda omnia subiret, ne quid incommodi accideret commisso gregi. Quod fecit olim Iacob, qui ne marcum, aut sterile pecus esset, ipse duras, atque insomnes transigebat noctes. Fecit etiam David, qui ne quis periret in leonis faucibus, ipse se audacter in vitæ periculum offerebat. Fecit denique bonus Pastor Christus, qui errantem ouem suis sublatam humeris ad caulas reduxit; & animam suam posuit pro ouibus suis.

Sumpsit etiam alteram virgam

præferratam vnco, & quasi harnam, quæ à crucib. pecudæ capit, siue ut acri curet medicamēto, à scabre, siue ut à villis nudet, siue ut gladio tradat, & macello. Hæc verò virga optimè appellatur *funiculus*: quia non aliter capit à pedibus ouem, quàm funis, aut laqueus. Vnde à Latinis dicitur *pedum*, quasi *pedica*, quæ pedes vincit ac trahit.

Hæc verò duo symbola satis ostendunt quàm populum suum Deus humaniter, ac prouidē tractarit; ut virga decore rexerit, in pascuis collocauerit vbertatis eximie; & ad posteriorem virgam non antequam venerit, quàm ubi priori proficinihil videt. Ac tandem ad stulti pastoris vasa progressus sit; quod extremæ calamitatis momentum habet.

Et succidi tres pastores in mense vno, & contracta est anima mea in eis.] In hoc loco existime esse hystorō proteron, aut prolepsin, per quam aliqua ante suū tempus explicatur. Nam prius coarctatam esse animā oportet, & abscissam virgam, quæ vocatur *decor*, quàm occisos esse tres pastores, quos sustulit altera virga, quæ dicitur *funiculus*. Illud *contracta*, satis explicat quomodo Deus gregem suum pauert virga illa, quæ dicebatur *decor*, animo nempe liberali, ac tenero, qualis ab Itia describitur cap. 40. *Sicut pastor gregem suum pascet, in brachio suo congregabit agnos, & in sinu suo lenabit, fœras ipse portabit.* Deinde verò cum grex tanta abuteretur humanitate pastoris, contractus est animus ille largus, & profusus, & quasi pertæsus ingratus, & peruicax gregis ingenitum, more hominis insensu, sui que laboris dispendio permoti, dixit: *Non pascam vos, quia mo-*

Virga funiculum.

3.

visui, moriatur, id est, pereat, ac lace-
retur, nisi mea refert.

29. Antequam ad huius symboli
explicationem, & corticis medul-
lam accedo, quid in symbolo ipso
præcesserit, explicato opus est. Et
primum, verisimile mihi est, si-
cut in Oleea nuptiis cum forni-
caria, in catenis modò ligneis,
modò ferreis Ieremiæ, quasi in
immagine propositus fuit status Iu-
dæorum; sic etiam in hoc pa-
scendi genere obiectam esse ei-
dem, variam pro temporum, re-
rumque varietate formam aspe-
ctabilem. Quare verè pavit Za-
charias gregem occisionis, prius
mollior, ac benignè, deinde tres
pastores succidit, & perfecit re-
ipsum, quæ illi iniuncta sunt, &
quæ hinc facta commemorantur.
Nunc explorandum est, quinam
in hoc symbolo sint tres isti pa-
stores, quos succidit Zacharias:
nam de significatione postea. Qua
in re omnino diuinandum est, at-
que adedò ignoscendum, si quic-
quam alicui audaciùs à me di-
ctum videatur, quandoquidem in
hæ hieroglyphica specie illustran-
da, quem sequar ducem nullum
habeo, & coniecturæ incertæ
sunt.

30. Tres isti pastores, aut propriè
fuere tales, aut figuratè; prius mi-
hi verisimile est. Nam cum Za-
charias adhuc gestaret virgam de-
corem, & benigniùs gregem pa-
sceret, tres alios pastores, aut si-
mul, aut cum successione, in
eam curam socios adhibuisse vi-
deri potuit. Qui tamen succisi
sunt, vel à pastore prouido, quia
parum erant idonei pascendo gre-
gi, dum adhuc gestaret virgam
decorem; vel à pastore infenso, cum
iam accepisset virgam funiculum;
quia tanta cura, atque prouidentia

tam ingratum, & inutilem gregem
indignum censebat. Neque huic
explicationi incommodat, quòd
succisi dicantur pastores illi tres:
neque enim vox Latina *succidit*, aut
aut Hebraica *מַחֲכֵה* *accher, occidere*
tantum significat, sed *abscondere, ce-*
lare, submonere. Et in hunc sensum vi-
dentur accepisse Lxx. dum red-
dunt eam vocem: *ἔκρυπτον*, id est, *aufe-*
ram. Quare iuxta hanc explicatio-
nem pastores illi occisi non sunt;
sed à pascendo submoti. Quòd si
ita est, satis apparet quàm vilis sit
illa triginta argenteorum merces, de
qua statim, pro tanta, ac tam pro-
uida tot pastorum custodia.

Sed non minùs ad veritatem, &
textum hieroglyphicum visum est, 31.
si tres pastores, tres arietes gregis
ductores intelligamus, qui à pasto-
re condocerent reliquo gregi præ-
eunt, ducuntque ad pascua, & inde
rursus ad stabula reducant, qui ab
Hispanis dicuntur *los marcos*. Quod
fieri ætate nostra nemo nescit; &
olim etià ante hoc tempus Zacha-
riæ fieri solitum colligitur ex Virg.
Eclog. 7. qui capro herdos videtur
commisisse.

Vir (inquit) *gregis ipse caper deer-*
auerat.

Eius vestigia, & ductum reliquos fuisse
sequutos, indicat quod sequitur.
— *caper tibi saluus, & hœdi.*

Et lib. 12. *Aneid.* de tauris idem in-
dicatur; ubi cum describeretur pu-
gna inter duos tauros, subditur:

Sic pecus orane meum mutum, mus-
santque iuuenca;

Quis pecori imperiet, quem tota ar-
menta sequantur.

Hoc idem de arietibus, & hircis do-
cet Arist. de Hist. animal. lib. 6. c. 19.
Singulis, inquit, *omnibus singuli duces*
constituuntur, qui quovies eo nomine à
pastore vocentur, antecedunt, quod ab
inuicem atque facere assuescunt. Id verò

maxi

maximè apud Hebræos in vſu fuiſſe docet vox *אֲרִימ* *Arum*, quæ *hircos* ſignificat, qui gregi præeunt, & ab iis per metaphoram Rectores, & Principes vocantur. Translationes autem huiusmodi non niſi à rebus maximè notis, atque vſitatis ſumſolent. Vide quæ ſuprà diximus cap. 10. ad illud, *ſuper paſtores iratus eſt furor meus, & ſuper hircos viſitabo*. Vbi qui priori loco dicuntur paſtores, iidem poſteriori vocantur hirci. Non ergo videtur durum ſi metaphoram reciprocā hîc eſſe dicamus: & quemadmodum Principes, & paſtores vocantur hirci, aut arietes, qui præeunt; ſic etiam hirci, aut arietes, paſtores appellentur. Horum ergo tres dicit Zacharias prænimia animi offenſione à ſe fuiſſe occiſos. Ex quo apparet, quid reliquum futurum ſit de reliqua minori, atque ignobiliori turba.

Niſi mauis hæc de canibus intelligere, qui multo melius paſtores dici poſſunt. Nam & hi clamant, exubias agunt, & omnia pene munera paſtoris obeunt. Quare qui præſunt, canes vocantur *Iſai. 56. canes muſi non valentes latrare*. Eſt autem offenſi animi maximum ſignū, cū paſtor, quos habet curæ, atque laboris ſocios perimit.

Et contracta eſt anima mea in eis.

33. Sicut anima Iudæorum affecta fuit in Deum; ſic viciffim anima Dei in eodem affecta. Quod etiam dixit antè Dauid *Pl. 17. Cum ſancto ſanctus eris, & cū viro innocente innocēs eris, & cū peruerſo peruerieris*. Quid ſit, animam Dei eſſe contractam, ſuprà indicauimus. Hebr. *צָרָה* *varikſar*, quod ſignificat *coanguſtatam eſſe*. nam animus antea tam ad largiendum profuſus contraxit ſe, & pronam illam liberalitatem repreſſit. Porro, vt Eufeb. refert lib. 10. de

Demonſtr. Euangelic. Demonſtr. 4. Aquila, & Theodotion vertunt, *ὥς ἐλύχνησε*, i. *exanimata eſt*, aut, *deliquium paſſa anima mea*. Quæ mirè explicant, & Dei bonitatem, qui maximè dolet, ſi quando cogitur propter noſtra peccata in nos ſauire (vt oſtendit etiam *Gen. c. 6. Tactus dolore cordis in iriſecus; delebo, inquit, hominem quem creauit*. & *Iſai. 1. Heu conſolabor ſuper hoſtiis meis, & vindicabor*) aut à ſua liberalitate ceſſare, dum in peccatorem Deus exanimatus eſt, & quali curam eius abiecit. *Lxx. vertunt, & grauabitur anima mea ſuper eos*. Quæ dicendi ratio ſignificat valdè quoſit modo Deus in peccatorem affectus: nempe eo, quo ille qui venenum hauſit, quia dolore, atque moleſtia leuari non poteſt, donec illam veneni acerbicatem euomuerit. Sic Deus laborare videtur, & grauari donec iram euomat, quam homo ſecundum duritiam, & impœnitens cor in diuino peccatore theſaurizauit.

Si quidem anima eorum variavit in me.] Hebr. *בַּחֲלָהּ* *bachalah*, id eſt, *relaxata eſt*; quaſi dicat: Cirò deſatigati ſunt obediendo mihi, licet ego molliter enutrierim; quare alia pascua amabant, & ſub eſſe paſtoribus aliis ſtudebant. Aquila vertit, *anima eorum immutauit in me*, vt refert Eufeb. lib. 10. de Demonſtr. Euang. Dem. 4. Græcè *ἐντροπή*, id eſt, *mollis facta eſt*, ſicut poma nimis matura, quæ parum abſunt à putredine, in quibus vt nulla firmitas, & durities eſt; ſic in grege nulla fuit inſuſcepta vitæ ratione conſtantia. Et eſt iſta tranſlatio ad ſpiritualem ſententiam, morēſque perquam bella, quia grex, id eſt, ſubditi, qui ſibi putant adueniſſe mētis morumque, id eſt, qui in ſe ad ſua tractanda ſa-

34.

Subditi ne
regno
ſuo ac pri
dentis cō
ſulant.

ris putant esse cōsilij, digni sunt, qui nimium præcociſ maturitatis pœnas dent ſublatis paſtoribus, à quibus gubernari poſſent multo commodius. Septuaginta vertunt, *rugierunt in me*, id eſt, ſauierunt, & qui tanquam oues eſſe deberent manſuetæ in prouidum, & amantem paſtorem, facti ſunt ſicut leones ſæui. Eadem eſt ſententia Ierem. 12. *Ea eſt mihi hereditas mea quaſi leo in ſylua: dedit contra me vocem; ideo odiui eam.* Quocumque modo accipias, eadem eſt huius loci ſententia. Nèpe ideo animam Dei eſſe contractam; quia anima variauit Iudæorum: nam qui prius humiles eſſe cœperant, obſequentesque diuinæ legi; cū ſuo ſe iudicio mallent quàm diuino regere, contra Deum non ſolum arrogantes, ſed etiam audaces, & feroces ſpiritus aſſumpſerunt.

Quod moritur, moriatur.] Phraſis Hebræa, qua ſignificant ſe nihil curare quid rerum fiat; idque cum ſaſtudio, quaſi dicant; trahatur per me omnia pedibus, & pereant. Quæ etiam forma idem Hiſpani ſignificant, dicunt enim cum eodem affectu: *venga loque viniere, miera qui en muriere.*

36. *Et tuli virgam meam, qua vocabatur decor, & abſcidi eam.*] Statuit Zacharias inſtinctus à diuino Spiritu non iam amplius vtendum eſſe indulgentia in efferum illud, & ingratum pecus. Quare abiicit deco- rem, & ſumpſit tuniculum. Hæc quæ præceſſerunt, vt dixi, per hyſteron proteron dicta ſunt: nam occiſos eſſe tres paſtores, & illud, *quod mori. ut, moriatur*, non eſt eius, in cuius manu ſit virga decor: à funiculo potiùs paſtorum cædes, & vox doloris impatiens natiſcitur, quàm à de- core.

Ut irritum facerem fœdus meum, quod percuffi cum omnibus populis.] 37. Hæc verba in hoc hieroglyphico ſermone Prophetæ ſunt, qui oues populorum paſcebat ex pacto, non ſuas. Qui cū fregit virgam, omnino ſignificauit nolle ſe iam amplius tam moleſto peſori paſtoritiæ operam nauare. Et ita ex eo die irritum fecit pactum, quod cum populis inierat: nam, vt patebit infra, merce- nariam operam populis omnibus, id eſt, his qui ex captiuitate redierant, locauerat. Notum eſt autem, vt docet Hieronymus in illud Iſai. 13. *Ut diſperdam omnem terram;* & nos pluribus oſtendimus in illud Act. c. 2. *ab omni natione quæ ſub cœlo eſt;* hanc vocem *omnis*, & ſimiles non vniuerſe de omnibus omnino eſſe accipiendas; ſed de regione, aut gente, de quâ ſermo eſt. Et ſic exiſtimo omnes populos, cum quibus pactum iniit, eſſe omnes illos, ad quos hoc vaticinium pertinebat, id eſt, eos qui à Babylone remigrauerant. Qui populi multi dici poſſunt, quia in plures vicos, atque oppida diſtracti erant; vt. conſtat ex Eſdra lib. 1. c. 2. n. 1. Qui cū ageret de populo in patrias ſedes reſtituto, ait; *& reuerſi ſunt in Ieruſalem, & Iudam, vnusquiſque in ciuitatem ſuam.*

38. *Et cognouerunt ſic pauperes gregis, qui cuſtodiuunt mihi, quia verbum Domini eſt.*] Illi pauperes ad quos antea Dominus locutus fuerat, cū dixit ſuprà, *propter quod, à pauperes gregis;* quosque Iudices, aut ſpectatores conſtituerat, vt probabile cenſebamus, cognouerunt, & aſſlatum à Deo Prophetam hæc deſignaffe, & quid Deus in hoc obſcuro ſymbo- lo, huc ænigmate ſignificare voluerit. Credo autem hæc poſtrema verba includenda eſſe parætheſi: nam quod itatim ſubditur de mercede, ad

ad alios potius videtur spectare, quàm ad hos, qui pauperes inducuntur, & amici Dei. Illud, *qui custodiunt mihi*, Hebraismus est, pro *custodiebant me*, & *observabant me*; Hispanè, *establan a la mira*: quid nempe facerem; nam illa pastione hieroglyphica aliquid latere arcani consilij suspicabantur, à Domino admoniti illis verbis, *propter quod, o pauperes gregis*.

Et dixi ad eos.] Scilicet populos, quorum pascebat greges, non ad pauperes gregis.

Si bonum est in oculis vestris, afferite mercedem meam.] Quia mercenarius Propheta alienum pecus pascebat, petit iam mercedem, de qua cum pecoris dominis antè conuenerat; quasi diceret, si eiusmodi essent, ut tam longum, assiduum, atque molestum laborem compensarèt, futurum, ut postea etiam pasceret. Et ideo videtur addidisse, & *si non, quiescite*. Ac si dicat: si parçè, atque auarè pretium operè mihi numeratis, frustra me rursus in eandem curam aduocabitis. Seu certè, quod magis reor, modestus hic pastor mercenarius constitutum antè pretium locatæ operæ recipere noluit priusquam suus labor, atque industria aliis esset probata. Quare monet, ut ipsi videant quatum laboris, quàm vigilanter, & assiduè in pascendo pecore positum sit. Quòd si eorum voluntati satisfactum, & iudicio probatum sit, afferant mercedem. Porro *bonum esse in oculis alicuius*, nihil est aliud quàm placere, aut probari.

39. *Et appenderunt mercedem meam triginta argenteos.*] Pauerat Propheta alienum gregem, ut est verisimile, longo tempore: nam dum virgam *decorem* gestauit, aliquot menses posuit suauiter, ac molliter: dum

verò illa abiecta *funiculum* sumpsit, exegit saltem vnum mensem durè, atque asperè: quia vno mense dicitur tres occidisse pastores. Tam longo, atque molesto labori exiguum triginta argenteorum pretium redditum est ab ingratis, & auarissimis hominibus: præsertim si suo sumptu Propheta tres alios pastores conduxerat, quos haberet in eo labore socios. Quare vilem illam pecuniam præcipit Dominus, ut ad statuarium proiciat. Huc usque typus. Hæc iterum ad veritatem, & allegoriam referamus: & quomodo ad extrema Iudaicæ Reipublicæ tempora pertineant, exploremus.

Explicatio allegorica superiorum.

ET *assumpsi mihi duas virgas.*] Ita se gessisse Deum cum populo suo; ut prius leniter tractarit, & amantèr, id est, vsus fuerit virga, quæ appellatur *decor*, satis ex sacra Scriptura constat. Et quàm ingratè atque inuerecundè tantæ humanitati responderit vesanus populus, omnia propè tempora ab exitu ex Ægyptiaca seruitute ad Christum usque testantur. Quæ de re longæ, atque assiduæ querimonie sunt apud Prophetas. Sed cum hæc, quæ de duabus virgis à nobis dicta sunt, in omnia Hebræorum tempora cōueniant, dubitare aliquis meritò posset, an de omnibus simul, aut de illorum aliquo dici debeant. Et quidem, si singula sæcula expendamus, inueniemus singularem Dei beneuolentiam, & paternam sollicitudinem in suos: deinde illorum impietatem, ac perniciem seuerius esse mulctatam: ac tandem vno mense

menſe, id eſt, breuiſſimo ſpatio tres paſtores eſſe ſublatoſ. Nam ſi pri-
mum tēpus, id eſt, illud quod Ægy-
ptiam ſeruitutem conſequutum
eit, intueare, tam humaniter beni-
gnus paſtor gregem amplexus eſt,
vt portauerit in humeris ſuis, cu-
ſtodieritque ſicut pupillam oculi
ſui. Deut. 32. Deinde ſumpto funi-
culo durius accepit. Lege totum ca-
put. Ad extremum breui tempore
tres paſtores ſuccidit; Aaron, Moy-
ſem, & Mariam. Alterum tempus
fuit, quo exactis Iudicibus per Re-
giam poteſtatem adminiſtrari cœ-
pit Iudaica Reſpublica. Nam ſub ea
temporâ grauiter aſſicta fuit à Phi-
liſtinis, accepta magna clade, & ar-
ca capta, & tribus paſtoribus inter-
fectis, Heli, Ophni, & Phinces. Al-
terum tempus, cū extincto Re-
gno nomine, & populo illo lauto, ac
nobili in Babyloniam ſeruitutem
dato, mutata eſt forma Reipublice,
reſque Iudaica per Sacerdotes, &
duces gubernari cœpta: quo tem-
pore tres paſtores, vel extincti, vel
ſummoſi ſunt à cura, cuſtodiaque
gregis. Hi verò fuere Ioachim, &
Ioachim, ſiue Iechonias. 4. Reg. c.
24. & Sedechias. 4. Reg. 25 quorum
ſuccionem ſecuta eſt miſerabilis
Hieroſolymorum vaſtitas. Sub hoc
tempore in funiculo Deus paut
populum in alieno ſolo captiuum.

47. Poſtquam ab hoc exilio popu-
luſ reſtitutus eſt, ruruſ Deus ſum-
pſit virgam decorem, pautque gre-
gem quam molliſſimè, nimirum ſi-
cut pupillam oculi ſui, vt in hoc
Propheta pollicituſ eſt c. 28. 9. 10.
ſumpſit tamen poſtea funiculum,
non longè ante Euangelij tempora,
caſtigauitque populum ad eò durè,
vt non ſolum externis armis debel-
lādum, ſed etiam domeſticis odiis,
ac ſeditionibus conſciendum tra-

diderit. Tunc autem tres paſtores
occiſi ſunt. Qui fuiſſe videntur ſiue
tres fratres Machabai, Iudas, Iona-
thas, & Simon, quibus extinctis reſ
Iudaica grauiter aſſicta fuit, ſiue, vt
plerique exiſtimant, magiſtratuum
tres ordineſ, Sacerdotum, Iudi-
cum, & Propheſiarum: nam ſub
Chriſti tempore aut ſublato erant,
aut ſcèdè corrupti. De quibus ſta-
tim.

His breuiter non tam expoſitiſ, 42.
quā propoſitiſ, quod ad huiuſ cor-
ticis medullâ attinet. Quidâ priorē
virgā legē naturalē eſſe putant, quæ
omneſ latè gentes moderabatur:
poſteriorē legem ſcriptā, quæ ideo
ſunicuiuſ vocata eſt, quia contra-
cta magiſ, & ad illum populum cō-
ſcripta, qui Dei funiculuſ appella-
tur. Deut. 32. *1. a. ob funiculuſ heredita-
tiſ eiꝯ.* Ita Hugo, Albertuſ, Ribera,
Hieronymuſ. Alij in lege veteri fu-
niculum, in Euangelio decorem in-
telligunt. Sed mihi veriſimiliuſ eſt,
id quod antè diximuſ, in virga de-
core Dei benignitatem, in funiculo
eiꝯdem ſeueritatē indicari. Quod
videtur omnino eſſe dicenduꝯ, ſi
quæ ſequuntur ad vrbiſ Solymita-
næ vaſtitatem pertinent, quæ per
Romanos illata fuit. Et ſanè actio-
neſ iſtæ hieroglyphicæ magiſ vi-
dentur eſſe ſymbola rerum futura-
rum, quā iam præteritarum mo-
numenta; vt ſunt. reliqua omnia,
quæ in hac ſpectantur Propheſia.

Et occidi tres paſtores in menſe vno. 43.
S. Hieronymuſ, Haimo, Ribera. &
ali j quidam hoſ paſtores eſſe putāt
Moyſem, Aaron, & Mariam: ſed
Hieronymuſ non cenſet improba-
bile eſſe Reges, Sacerdoteſ, & Pro-
phetas. Idem ſequitur Theodoretuſ,
& Cyrilluſ, niſi quod pro Re-
gibuſ legiſ peritoſ adhibet. Quod
etiam placet quibuſdam ex Iunio-
ribuſ,

ribus, Galatino, & vtrique Palacios. Et hoc mihi multo probatur magis, quia cum hic sermo sit, ut patet, de calamitate, quæ populum Iudaicum post Zachariæ tempora vexauit, de excidio purâ ciuitatis, & templi, de his peccatis, atque hominibus, siue ordinibus actû oportuit, quæ cladis illius causa fuerunt, & illius incendij proxima fax. Nam alia peccata, siue personas, quæ hoc Zachariæ sæculum antecesserunt, alia calamitates consecutæ sunt. Quod verò hæc tria sub Christi tempora defecerint, satis, credo, notum est: nam imprimis defecit Prophetia: ut enim est Hebræorum traditio, quos nostri communiter sequuntur, post Malachiam ad tempus vsque Christi nullus fuit Propheta. Defecisse præterea ex stirpe Dauidica Regiam potestatem, certius ex Iacobi vaticinio Genes. 49. quam ut probari debeat. De Sacerdotio summo, constat ex Iosepho, Romanorû arbitrato, atque etiam Herodis datum, & ablatum esse propè singulis annis, & plerumque venale. Quod si quis concilium, quod ab Hebræis vocatur Sanhedrim, ad hunc numerum pertinere putet, hoc quoque aut omnino, aut certè magna ex parte sublatum est à Romanis, & translata iudicandi potestas ad Prætores Romanos. Ita Genebrardus in Chron. ex sententia Hebræorum anno Christi 15. & Galat. lib. 4. c. 4. quod nonnulli colligunt ex illo Ioan. 18. vbi Pontifices dixerunt: *Nobis non licet interficere quemquam*; licebat autem per legem Deut. 17. Significat ergo per Romanorum potestatem creptum esse sibi, quod per legem licebat. Illud verò concilium in captiuitate durasse docet Galatinus suprà ex sententia Hebræorum, &

G. Sanctij Comm. in Zachar.

probatur ex illo iudicio, quo senes, & Iudices populi capitali supplicio damnauerunt Susannam. Dan. cap. 13.

In mense vno.] Mensis vnus non significat tempus, in quo à Domino tres pastores occisi sunt; nam longius multo fuit illud spatium: sed in quo à Zachariæ typicè tres sunt vel occisi, vel summoti. Vnus verò mensis typicè longioris spatij symbolum esse potuit: sicut vnus dies vnus anni symbolum est. Ezechiel. c. 4. *diem pro anno dedi tibi.*

Explicatio hystorica.

E*T dixit Dominus ad me: Proiice illud ad statuarium.*] Hinc iam liquet, quemadmodum hæc omnia ad Prophetam pertineant; quando vile illud operæ locatæ pretium iubetur ad statuarium proiicere. Locus autem hic difficillimus est, multumque negotij attulit optimis ingeniis. Quare in eo nos paululum immorabimur. Pro statuario in Hebræo est יוֹסֵף *ioser*, quod variè ab Interpretibus exponitur. Septuaginta *conflatorium* reddunt, ut habemus in codice magis correcto; & quædam addunt explicationis, ut reor, gratiâ, quæ in textu non sunt. Sic enim illi: *depone eos in conflatorium; & considerabo si probatum est, sicut probatus sum pro eis.* Eodem modo Aquila, & Symmachus, ut refert Eusebius lib. 10. de Demonstr. Dem. 4. Sed Aquila etiam vertit *platem*. Neque diuo Hieronymo, qui *statuarium* in textu verterat, hæc Aquilæ translatio displicet; nam in Commentariis ait optime *fictorem*, aut *platem* verti potuisse. Est autem hoc loco statuaris, qui ex quauis

materia signa fingit, aut conflat. Sed hîc omnino vox Heb. *יוסף*, iuxta familiarem vsum, in Scriptura illum significat, qui aliquid fingit ex argilla, & luto. Quis verò sit hîc statuarius incertum est. Hieronymus, & cum eo complures alij, Rupertus, & Ribera, & ex Hebræis R. Abraham, Deum esse putat, qui omnium plastes, & formator est. Et accommodatè ad hæc locum exponit in hunc sensum Hieronymus. Proiice ante Deum, ut ipse iudicet, quàm malè ab avaris tui laboris merita compensentur. Quod perinde videtur, ac si dicat: videat Dominus, & iudicet. Qui cum omnium formator sit, noritque cuiusque dignitatem, & merita, videat Dominus, & iudicet, quàm sit illa exigua, atque vilis merces.

Ego hîc, quod in rebus obscuris aliquando licet, aliquid aggrediar nouum, & eo nomine minus mihi gratum; sed non sine aliquo fundamento, nisi me ipsum fallo. Vilissima sanè fuit illa merces pro tam longo, atque molesto labore: adde etiam & pro mercede alia maiori, qua aliorum pastorum, quibus ad pascendum gregem sociis vteretur, operam redemerat, ut suprà verisimile putabamus. Neque minore pretio conducere populus ille ingratus, & improbus statuam aliquam seu fictilem, seu scæno, aut alio quouis tomento refertam, quàm veller suo gregi regendo, atque custodiendo præponere, sicut ligneum, aut stramineum Priapi simulacrum à prophanis statuitur hortorum custos. Ait ergo Deus: Proiice ad statuarium, qui signa ex argilla fingit, pretium hoc decorum, ironice, id est, ridiculum, ut ipse è luto pastorem aliquem, aut idolum pastoris fingat, cuius præsentiam alij tam

vili mercede cœmant: neque enim illud sordidum, & ignobile pretium alterius operam dignè remunerare potest. Qua loquendi figura satis aptè pretij illius momenta extenuauit. Neque existimo aliud voluisse Deum in hoc typo significare, quàm vilissimum æstimatum esse Prophetæ laborem, & illum à scelerato populo habitum esse ludibrio. Quam fuisse Dei mentem satis videtur cognouisse Zacharias, quando quidem non abiit ad statuarium, seu plastem, ut verba ipsa indicabant propriè, sed ad templum, ubi sine dubio neque figulus, neque statuarius erat. Proiecit tamè ad Sacerdotes, qui gregis videbantur esse domini: & fortasse exprobrâs illis auaritiâ & sordes, cum proiiceret, addidit, sibi ut ab statuario, & plaste fictilem pastorem prouiderent, quem suo præficerent gregi; neque enim alium pastorem tam exigua mercede conducì posse. Et hæc sit prima expositio.

Secunda expositio. Ad statuariū iubetur proiici pretiū illud, ut ex eo lutū emat pro fingendis vasis: tã vili namque mercede lutum potius emi, quàm hominum labor, & industria potest. Et est sententia non valdè à superiori diuersa, & allegorico sensui accommodatissima; de quo statim. Et illud *proiice*, non parum fauet; quasi dicat Deus, pretium illud omnino contemnendum, & emendum eo potius lutum, quàm ingenui hominis operam. Existimo autem *figulum*, seu *plastem*, prouerbialiter sumi pro luto, & puluere, quia circa lutum versatur eius ars, ea figura, qua materia intelligitur, ex eo qui materiam illam versat, & tractat: quomodo morti proximum ad Lybitinam mittimus, quia illa curat, & vendit; quæ ad funus spe-

47.

Lutum pro
re vili.Rcg:
Materia
intelligi-
tur ex eo
qui in ea
materia
aliquo mo-
do versatur.

spectant; & Vulcano aliquid tradi emendandum dicitur, cum in igne proicitur, in quo se Vulcanus, & suam artem exercet. Sic cum iubemus aliquid ad boues, seu ad porcos mitti, paleas significamus aut glandes, aut certe aliquid vilius. Sic ergo, cum aliquid ad plastrum proicimus, lutum esse significamus, quia in eo versatur eius opera. *Lutum* verò pro re vilissima metaphorice sumi in sacra Scriptura satis notum. Sap. 7. *tanquam lutum argentum in conspectu illius*, id est, vilissimum est, & c. 15. *luto vilior vita eius*.

48. Tertia expositio esse potest satis & rerum euentibus, & Iudæorum meritis accommodata, ita ut hac actione hieroglyphica Iudæis prænuntiatur illa clades, quæ à Romanis suæ Reipublicæ comparata est. Contulerat Ieremias cap. 32. tantundem fere pecuniæ in agrum, qui, ut statim dicemus, ager figuli dici potuit, & librum, atque instrumenta emptionis clausit in vase fictili, quod in agro illo sepultum est. Hæc verò prædixere aliquo modo, certè antecesserunt cladem illatam à Chaldæis. Ad huius igitur imitationem Zacharias prædicit non dissimilem cladem inferendam à Romanis, dum triginta argenteos ad figulum mittit, qui illos, seu illorum pretium in vase includat à se formato, nempe fictili.

49. Quarta expositio: quia pretium istud vile, quo emptus est tam bonus, ac sollicitus pastor Zacharias, figura est eius pastoris, qui postea venditus est à proditore Iuda, iubet Deus, ut ad statuarium proiciat illam pecuniam, seu, ut alij vertunt; ad conflatorem, ut ex ea figuram faciat; illud enim est statuarij præcipuum munus, quasi dicat: Vilis hæc merces, qua emptus est talis

pastor, figura est illius iniquæ mercedis, qua ego aliquando venalis ero. Quam expositionem videntur probare, quæ statim subiiciuntur, ubi Deus typum, & figuram ad veritatem accommodat, dum dicit: *Decorum pretium, quo appretiatum sum ab eis*.

Has expositiones adduxi, in quibus, si audacius egisse videor, cum sine duce pergam, facile, credo, veniam obtinebo: cum obscurus sit locus, & valde celebris; cui aliquid attulisse lucis, si modò id alicui contingat, magnum est operæ, atque studij pretium. Ex iis elige quam malueris, nisi omnes reiiciendas putaueris: nam mihi promptum non est statuere quænam illarum cæteris præferenda sit.

Decorum pretium, quo appretiatum sum ab eis.] Qui suam operam alteri locant, quali se ipsos vendunt, quia sibi ipsis libertatem, id est, moralem vitam, eripiunt. Est autem verisimile non tantum pro impensa trium, aut quatuor mensium opera datam esse exiguam illam mercedem Zachariæ; sed pro toto illo munere, quod obiturus esset in pascendo grege; nullo definito temporis spatio. Quare vita Zachariæ triginta argenteis æstimari videbatur. Accommodat ergo Deus figuram hanc in Zacharia propositam, & explicat, quod spectet mysticus ille ac hieroglyphicus labor, tam vili mercede compensatus. Dicit ergo Dominus populum illum extremis suæ Reipublicæ temporibus non aliter futurum in se, quam tunc in Zachariam sui typum fuisset. Laborarat Christus diu, varièque rexerat Iudaicum gregem, modò virga decore, modò funiculo, prout gregis varia ratio, atque commoditas exigebat: emptus est

50.
diabo.
alteri
sibi
ter
m
mon.

tradente proditore Iuda, à Sacerdotibus, Principibusque Synagogæ, id est, Iudaici gregis, triginta argenteis, hoc pretio Christus appretiat, hoc emptus fuit. Neque ea pecunia Christo impensa, ut eius muneraretur labor, sed ut ea proditus morti traderetur. Vilis sanè merces est triginta argenteorum; sed grauior iniuria, quod ea non ad Christi commoditatem, sed ad eius potiùs inortem expenditur.

51. *Gravis Iudeorum iniuria in Christum.* Hic obiter nota usque adeò vilem, & execrandam visam esse Iudeis pecuniam à Christi venditione redactam, ut impium existimauerint illam in Corbonam mittere, id est, ad templi vsum conferre, & sacrificiorum sumptus. Cum enim Deut. c. 23. præcipiatur ne quæ abominationi sunt, in templum intrantur: sic quia immundam, & abominabilem putabant illam pecuniam, à templo, id est, ab vfu sacro abdicauerunt: peinde atque si pretium esset canis, aut prostibuli merces: nam hæc nunquam admittebantur in templum.

52. *Matt. 27.* Nunc oportet examinemus longam quæstionem exagitatam à multis, & quæ nondum est à quoquam definita; cur quæ hic tradita sunt à Zacharia, eadem Matt. c. 27. attributa fuerint Ieremiæ Prophetæ? Nam cum dixisset ibi Matthæus triginta argenteis emptum fuisse agrum figuli, addidit. *Tunc implerum est quod dictum est per Ieremiam Prophetam dicentem; & acceperunt triginta argenteos, pretium appretiat, quem appretiauerunt à filiis Israël; & dederunt eos in agrum figuli, sicut constituit mihi Dominus.* Sunt qui putent hoc testimonium Ieremiæ quidè esse, sumptum tamen à Matthæo; non ex iis libris Ieremiæ, qui nunc extant, sed ex iis, qui temporum iniuria perierunt: periisse autem aliquid à Iere-

mia scriptum colligitur ex 2. Mach. c. 2. Suspiciantur alij testimonium istud à Ieremiæ scriptis callidè à Iudeis fuisse sublatum. Ita Eusebius lib. 10. de Demonstr. cap. 4. Origen. Chrysost. Euthym. Sunt qui putent Matthæum ex Apocrypho libro testimonium sumpsisse, idque etiam aliquando Apostolos facere solitos. Quod tradit Origenes. Et sanè Hieronymus scribit ab Hebræo quodam sibi traditum esse eiusmodi librum, in quo testimonium istud ad verbum legebatur. Sed hoc parum; sicut quod alij dicunt, Apostolos, Apostolicosque viros memoria lapsos interdum aliter locutos quàm postularet sacra Scriptura veritas, idque hoc loco contigisse Matthæo. Aliæ sunt huius difficultatis siue solutiones, siue fugæ, quas vide apud Maldonatum in cap. 27. Matthæi, Salmeronem tom. 10. tract. 25. Suarez to. 2. disput. 39. sect. 1. Sed ex omnibus illa maximè placet Hieronymo; Baronio in appendice ad annum 34. Iansenio c. 140. Concordiæ, & Maldonato, atque Suarez suprâ, quæ dicit Matthæum suo more tantum posuisse, quod dictum est per Prophetam: ab aliquo autem in margine positum Ieremiam, & inde tandem in textum irrepsisse. Quod verò Matthæus sæpe cômune nomen Prophetæ scripserit, non propriû alicuius, liquet ex c. 1. n. 12. c. 2. n. 5. 19. 25. & c. 13. n. 35. & c. 21. n. 4. & hoc ipso cap. 27. n. 35. Facit ad hæc quod in Syriaco Euangelio Ieremiæ nomen non inuenitur. Et Aug. lib. 3. de cõsensu c. 7. scribit suo tempore in quibusdam Latinis Codicibus non reperiiri Ieremiæ nomen, tamen si hanc sententiã minus probet Aug. sed potiùs dicat parum referre Zacharias dicatur; vel Ieremias, cum author Spiritus sanctus qui per Prophetas locutus est, idem in

in omnibus sit; quod etiam dixit Beda Augustinum sequutus.

Ribera in hunc locum Zachariae non laborat ubi hoc testimonium adductum à Matthæo apud Ieremiam legatur: tantum dicit testimonium illud non esse Zachariae, quia verba illius diuersa sunt ab iis quæ citat Matthæus, & in Matthæo multa sunt, quæ non reperiuntur in Zacharia.

53. Res sane difficilis est, & digna in qua piorum hominum ingenia, atque studia laborent. Ex prædictis autem sententiis illa mihi magis probatur, quæ censet nullius certi Prophetæ nomen positum à Matthæo: sed Ieremiæ nomen primum alicuius incuria insertum; deinde exceptum ab aliis, sensim omnes expleuisse codices. Quæ cogitatio & minùs habet incommodi, & magnorum virorum, ut nuper diximus, autoritate munitur. Sed sane durum est valde, & à quo nescio, quomodo pietas abhorret, tandiu in sacris literis alienum inueterasse nomen, & in re purissima illam quasi labem adhæsisse. Neque præterea video, contra quam putat Ribera, quomodo negari possit in hoc testimonio non esse aliquid ex Zacharia, cuius verba pene numerat Matthæus. Quare entendum est, ut testimonium hoc esse Ieremiæ dicamus cum Matthæo, neque excludamus Zachariam, quod Patres omnes, & Interpretes communiter censent. Dicam igitur aliquid, non in quo acquiescat animus, sed quod aliquid habeat non omnino impeditum. Quod licet aliquid haberet, aut ingenij; aut momenti, quod non reor, eo tamen ipso, quod patrono destituta sit, non potest mihi non displicere sententia.

54. Satis notum est, in Testamento

Novo tam ab Apostolis, & Evangelistis, quam ab ipso Domino ex duobus testimoniis diuersorum etiam librorum vnum testimonium solitum esse conflat. Exempla sunt obuia. Actor. 1. ex diuersis Psalmis Petrus vnum fecit testimonium: ex Psalm. 68. *sumpsit illud, fiat commoratio eorum deserta; & non sit qui inhabitet in ea;* & ex Psalm. 128. *episcopatum eius accipiat alter.* Et idem Petrus è Psalm. 1. capite 2. cum dixit: *lapidem quem reprobauerunt edificantes, hic factus est in caput anguli;* & *lapis offensionis;* & *petra scandali;* altera pars sumpta est ex Psalm. 117. altera ex Isai. cap. 8. Et Paulus ad Romanos capite 3. ex multis Psalmis, vnum coagmentauit quasi corpus; *sumpsit enim illud; Omnes declinauerunt, simul inuiles facti sunt; non est qui faciat bonum, non est usque ad unum;* ex Psalm. 13. at alios octo versus, qui incipiunt; *Sepulchrum patens;* &c. ex variis Psalmis. Imò & Christus ex Isai. 56. & ex Ierem. cap. 7. composuit testimonium illud Matth. cap. 21. *Domus mea, domus orationis vocabitur: vos autem fecistis illam speluncam latronum.* Et supra nos ostendimus cap. 9. illud testimonium Matth. capite 21. *Dicite filie Sion: Ecce Rex tuus venit;* &c. ex Isai. cap. 62. & ex Zacharia fuisse conflatum. Vide quæ diximus supra c. 9. n. 34.

Illud etiam vsitatum, ut cum verba, aut testimonia duorum sunt, aut altero omissa, alterius tantum nomen exprimat, aut totum testimonium, quasi vnius tantum esset, significetur. Prioris partis exemplum, est apud Marcum cap. 1. *Sicut scriptum est in Isaia Propheta: Ecce ego miso Angelum meum ante faciem tuam, qui præparabit viam tuam ante te. Pax clamauit in deserto: præparet viam Domini, rectas faciat*

Regul.
E diuersis
testimo-
niis Testa-
menti Ve-
teris vni
componi-
tur.

55.
Regul.
Cum è
duobus
authorita-
tib. testi-
monium
componi-
tur, inter-
dum vnus
tantum citatur au-
thor.

semitas eius. Prior pars Malachia est, posterior Isaiæ, & tamen omisso Malachia vnus nominatur Isaias. Posterioris exemplum habes Matt. cap. 21. nam cum illud testimoniū: *Dicite filie Sion: Ecce Rex tuus venit tibi, mansuetus, & sedens super asinam*, sumptum sit & ex Zachar. capite 9. & Isai. capite 26. in singulari tamen dicitur à Matthæo; *ut adimpleretur quod scriptum est per Prophetam dicentem, &c.*

56.

Sic ergo testimonium hoc apud Matth. cap. 27. ex duobus sine dubio coaluit: ex Ieremia c. 32. & Zachar. c. 11. & tamen vnus citatur Ieremias. Neque deest causa cur à Matthæo Ieremias potius nominari debuerit. Rationem enim voluit reddere Euangelista, ut legenti constaret, non tam pretij, quo Christus emptus est à Principib. Synagoge, quam agri eo pretio empti. De agro verò nihil dicit Zacharias, quare eo loco nominandus non fuit: dixit verò Ieremias cap. 32. vbi ante captiuitatem imminente iam vrbi Chaldaeorum exercitu iussus est à Deo agrum emere, in cuius emptione aliquid celari mysterij ipse cognouit. Nunc reliquum est, ut ostendamus agrum à Ieremia emptum typum fuisse eius, qui triginta argenteis ex Christi venditione redactis à Principibus Synagoge emptus, qui que ager figuli vocatus est. Quod si assequimur, sanè nihil erit, quod aliquis à nobis amplius requirat.

57.

Iussus est Ieremias agrum emere eo tempore, quo ipse captus erat, neque aliqua, aut saltem pertenuis. spes emergendi è carcere, & cum ciuitas graui obsidione premeretur à Chaldeis. Quare nulli vsui videbatur futurus ager: ille emptori suo, quia venturus statim erat in hostiū potestatem. Quod significauit ipse

Dominus: nam cum dixisset Ieremias; *Ecce munitiones extructa sunt aduersus ciuitatem, ut capiatur, & vrbs data est in manus Chaldaeorum: & in dicis mihi, eme agrum argento, &c.* Respondit Deus ecce ego tradam ciuitatem istam in manus Chaldaeorum. Ex hoc id habemus vnum, agrum istū non tam emptum esse domino, aut domesticis, quam externis, & peregrinis: neque enim illū agrum possedit Ieremias, ut constat, neque ipsius posteri, quia, ut notauit Hieronymus in c. 23. Ieremias virgo fuit. Idem Ignatius Epist. ad Philadelphenses. Isidorus lib. de vita & morte Prophet. cap. 38. Et red, credo, spectat, quod post captiuitatem idem cecinit Thren. 5. *Hereditas nostra* Thren. 5. *versa est ad alienos.*

Ieremias virgo.

Thren. 5.

58.

Quomodo verò ager iste pro sepultura sumi potuerit, nonnulla nobis coniectura est, quia ager erat in Anathoth, quæ assignata fuit Leuitis Iosue cap. 21. in tribu Benjamin. In iis autem ciuitatibus non habebant Leuitæ agros pro ferendis frugibus, sed tantū suburbana, ad alendum iumenta, ut ibidem dicitur, & verisimiliter hortum pro sepultura, Hebræorum more, qui in agris sepeliebantur, vbi proprium erat, & domesticum sepulchrum; sicut Ioseph ab Arimathia hortum habuit ciuitati vicinum, & in eo sepulchrū, in quo Christus positus fuit.

Ager autem ille Ieremie dici potuit ager figuli, si vsquam alius. Nam eodem cap. 32. postquam in oculis omnium Iudæorum, qui sedebant in atrio carceris, emptus fuit ager, & facta nomina; dixit Baruch ministro suo Ieremias: *Sume libros istos, librum emptionis hunc signatum, & librum hunc, qui apertus est, & pone illos in vase fictili, ut permanere possint diebus multis.* Est autem valde probabile

59. Ager à Ieremias emptus, cur dicitur figuli.

in agro eo vas illud fictile cum instrumentis infossum esse: nam si nō esset tegēdum terra, non erat quōd clauderetur in vase fictili, vt serueretur in longum spatium, cum similia monumenta extra huiusmodi vasa in scriniis, & arculis in multa sæcula integra seruentur. Dicitur ergo ager ille vas figuli, vel quia vas illud fictile, cum instrumentis ibi sepultum est, vel quia scriptura ipsa, quæ fundi loco sufficitur, in figulino vase conclusa fuit. Neque hæc dicendi forma admodum inusitata aut peregrina est: nam ab aliquo effectu non solum ager aliquis, sed etiam ciuitas nomen solet accipere: sicut Iud. c. 13. Ramalechi seu eleuatio maxillæ dicitur locus ille, vbi asini mandibula Samson Philistæos strauit; & Baal pharaim, vbi iudem à Dauide profligati sunt. 2. Reg. c. 5. & vt multi è Patribus sentiunt, ideo vbi Christus crucifixus est, caluarie locus dicebatur, quia ibi sepultum erat caput Adam. Neque rarum est, vt locus ab aliquo possessus, aut in quo est aliquid, quod ad aliquem aliquo modo pertineat, pro possessore, aut pro eo, cuius in eo aliquod extat monumentum, aut opus, vsurpetur, qua ratione à Latinis Vcalegō, pro Vcalegōtis domo ponitur, Pluto, & manes pro inferno, & ager fullonis in quo erat piscina, vbi fulbo dealbabat vestes ex aqua collectitia: & ager, quem figurabat hic, de quo nobis quæstio, dictus est Acheldema, quia in eo erat, aut opus, aut pretium sanguinis. Sic etiam ager Ieremiæ, ager figuli dici potuit, quia in eo solemnī ceremonia vas figuli defossum est. Est autē vsitatum in Scriptura, vt vas fictile, quia opus est figuli, vas figuli vocetur. Plal. 2. *Tanquam vas fictilis cōfringes.*

Regul.
Multaloca
ea nomen
sumunt
ab aliquo
effectu.

Eccle. 27. *vasa figuli probat fornax.*
Apoc. 2. *lagenæ figuli.* Solere locum aliquē nomen sumere ab eo quod in eo moratur, aut conditum est, satis est notum. Qua ratione domus Vcalegontis, Vcalegon dicitur, & Misenus, Palinurus, & Caieta nomen accepere ab illis qui inibi sepulti sunt. Quod etiam in sacris vsitatum est. Arbe enim (teste Hieronymo in traditionibus Hebraicis super Genesim) illud nomē habuit à quatuor viris ibi tumulatis. Et Ephrata, seu Bethlehem dicta est Rachel Ierem. cap. 31. vt plurimum ex Patribus volunt cum Hieronymo, quia ibi condita fuit Rachel. Hoc, vt dixi, facile est, illud verò durius, quomodo fictile vas figulus vocari possit: nam iuxta hanc expositionem ager ille vocari potius debuit ager vasis fictilis, quam ager figuli, eum non figulus in eo, sed vas fictile defossum sit. Sed neque hoc, credo, admodum alienum est ab vsu loquendi: videmus enim opus sumere nonnunquam nomen ab auctore: sic Platonem, Homerum vocamus libros ab illis editos; & Luc. cap. 16. & 24. Moyses, & Prophetae pro eorum scriptis vsurpantur. Neque id solum in libris vsitarum, sed in rebus aliis longè diuersa arte, aut industria perfectis. Thermae à Nerone constructæ, Nero vocatae sunt à Martiale lib. 10. Epig. 48.

Reg.
Interdum
rebus, &
eorum au-
thorib. eō
mune no-
men.

*Temperat hac Thermas, nimios prior
hora calores.*

*Halat, & immodico sexta Nero-
ne caler.*

Et nummus à Philippo percussus, Philippus vocatus. Horatius lib. 2. epist. 1.

*Regulæ acceptos Regale numisma
Philippos.*

Et hoc ipsum nomen exemplano-
bis esse potest; nam figulus per me-
tonym-

onymiam pro laterculis fictilibus usurpatur à Iuuenali Satyra 10. qui Babylonicos muros dum ex cocto laterculo constructos significat, à figulis munitos dicit.

Cum tamen à figulis munitam intraverit urbem.

Et nuper hoc eodem capite num. 47. materiam significari diximus ex eo, quod circa illam materiam aliquo modo versatur, quomodo Lybithina pro funere, Ceres pro pane, Vulcanus pro igne accipiuntur. Quare cum figulus circa vasa versetur fictilia, vas fictile figulus non incommode nominari potest.

Inter Hispanos sanè, putòq; etiam apud alias gentes, satis frequens artificum nomina artificii imponi. Nam pānorum nobilium certa genera ab inuentoribus dicuntur *Limite*, *Labò*, *Velario*; & quia ex nostra Societate P. Alfonso Salmeron Venetiis author fuit, ut fœminæ honesto quodam amiculo uterentur, illa amacula vulgo Venetorū *Salmerones* vocantur. Cui etiam rei affine est, quod lintheorum quedam genera, aut pannorum à regionibus in quibus elaborata sunt, vocantur *Londres*, *Damasco*, *Rian*, *Olanda*, *Calicut*. Cuius generis sunt exēpla obuia, sicut in medicamentis, quemadmodum potionem ab Hippocrate inuentā, *Hippocras* vocamus; &c. sic puto nunc figulum pro vase fictili sumi. Et iuuat hanc coniecturā, quod artificū nomina in vasis olim, sicut nunc etiā apud nostros, pleraq; etiam alia insculpebantur, ut obseruauit Vrsinus in appendice operis de triclinio Petri Ciaccij. Vbi ait fuisse Arctij, reperit vas fictile cum inscriptione NIMIS, nempe authoris sui. Et ita explicat Martialem lib. 14. distichō

58. *Et dissoluerem germanitatem inter Iudam*

Arctina Nimis ne spernas vasa mōnemus.

Et Martialis eodem libro ad distichum 110. cuius titulus est, *Ampulla potatoria*; nomen authoris vasisculptum indicat; licet aliter exponi possit.

Hac licet in gemma, qua seruat nomina Cosmi,

Luxuriose bibas.

Quod si vas fictile in agro Ieremiæ defossū, nomen habuit figuli à quo formatum est: ager figuli non admodum difficili figura vocari potuit. Hæc mihi vero sumilia vasa sunt: nam hæc non esse à Ieremiæ prædicta, cum hæc quotidie in sacris habeat, & canat Ecclesia, respuunt aures piæ, atque Catholicæ.

Et praeidi virgam meam secundam, qua appellabitur funiculus. Huc vsque & Propheta typicè, & Christus verè gregem pauerat, molliter prius, & indulgenter in virga decorare; post durius, & seuerius in virga funiculo. Viraque verò pascendæ formā à sedula pastoris prouidentia hæcebat: ubi verò gregis improbitas, ac peruicacitas, & eorum, qui putabantur esse domini, insignis impudentia, qui tantam operam, tam sedulam, atque vtilem vilissima mercede compensant, diuinam, ut ita loquar, patientiam exhausterat, ipsam quoque virgam funiculum fregit: sicut virgam decorem antea præciderat, quod nimium offensus animi signū, & opus est. Quæ de re multa sunt, eaque grauissima Scripturæ testimonia, quæ tunc ad extremum malorum ventum esse significat, cum à correctione & flagello Dominus manus abstulit. Vide Gregor. homil. 12. in Ezech. & lib. 26. Moral. cap. 15. v. 1. & 2. & 3. & 4. & 5. & 6. & 7. & 8. & 9. & 10. & 11. & 12. & 13. & 14. & 15. & 16. & 17. & 18. & 19. & 20. & 21. & 22. & 23. & 24. & 25. & 26. & 27. & 28. & 29. & 30. & 31. & 32. & 33. & 34. & 35. & 36. & 37. & 38. & 39. & 40. & 41. & 42. & 43. & 44. & 45. & 46. & 47. & 48. & 49. & 50. & 51. & 52. & 53. & 54. & 55. & 56. & 57. & 58. & 59. & 60. & 61. & 62. & 63. & 64. & 65. & 66. & 67. & 68. & 69. & 70. & 71. & 72. & 73. & 74. & 75. & 76. & 77. & 78. & 79. & 80. & 81. & 82. & 83. & 84. & 85. & 86. & 87. & 88. & 89. & 90. & 91. & 92. & 93. & 94. & 95. & 96. & 97. & 98. & 99. & 100.

Et dissoluerem germanitatem inter Iudam

Ablata virga correctionis, magnæ offensionis signū.

61.

62.

Iudam & Israël.] Hic locus aliquibus persuasit, tres pastores fuisse Moysen, Aaron, & Mariam, cum fractus dicatur esse funiculus antequam diuisus esset Israël à Iuda. Verum tamen hic locus non admodum virget nos in illam sententiam; inò potius optimè indicat, quid postremis temporibus in populo Hebræorum ex variis locis; & tribubus cōgregato fecerit virgæ funiculi præcisio. Nempe ut, sicut olim Israël à Iuda diuisus est; incitatisque odiis vicissim inter cognatas tribus non minùs hostiliter, quàm cum externis pugnatum est, sic etià, ubi Deus fracto funiculo indomitum gregē liberè pro sua libidine vagari permisit, non modò animis, qui priùs in iisdē septis clauderantur; sed etià armis, & castris inter se pugnauerint: neque minùs Iudæi, quàm Romani Iudæis cladi, atque exitio fuerint. Lege Iosephū, & Ægesippum, & discas quàm Iudæorum vires intestinis bellis exhaustæ fuerint. Soluta est ergo germanix Israël, & Iudæ, siue quia qui ex aliis tribubus se Iudæis adiunxerant, ut cap. 8. nu. 29. vidimus, contra duas alias tribus arma sumpserunt, quo tempore; siue ab Antiocho, siue à Romanis oppugnata fuit Ierusalem; siue, quod mihi magis est verisimile, quia ibi Hebræorum more nota similitudinis subauditur. Et tūc hic erit sensus, & facilis, & cum filo, veritatēque consentiens. Dissoluam populos in vnū quasi gregem coactos, non aliter atque olim dissolui germanitatem Israël, & Iudæ, ita ut à rapina, & cæde non temperet furentes animos generis, Religionisque communitas.

63.

Adhuc sume tibi vasa pastoris stulti.] Prudentis pastoris, suarumque pecudum amantis antè formam

G. Sanctij Comm. in Zachar.

descripserat, quando cum gemina virga, quarum altera leniter, & blandè, altera durius, vtraque tamē vtiliter gregem pascebat. Nūc stulti pastoris imaginem proponit, amantis, quærentisque quæ sua sunt, non quæ ad gregis commoditatem pertinent. Quæ verò sint hæc stulta pastoris vasa, seu instrumenta, non difficile iudicatu est. Illa nempe, quæ vel blandimēto fallaci ad mortem trahunt, aut lacerant vi, & fame attenuant, atque conficiunt potius quàm alunt, atque tutantur gregem. Stultus autem pastor est, ut statim ipse indicat Deus, qui greges dispersos, atque derelictos non quæret; quod contractum fuerit, non curabit: carnibus vescetur pinguioribus, errarēque faciet infestum pecus ita citato gradu, locisque asperis, ut vngulis, quamvis è dura, firmaque materia, dissolutis commouere se in summo periculo, vel necessitate non possit. Qui dū in lupi faucibus, aut leonis vnguibus vlulatus edūt miserabiliter agni, ipse aut fistula se vesan⁹ oblectat, aut umbras otiosus captat in opaco loco. Hęc ita que instrumenta sunt stulti pastoris, gladius ad mactandum, fistula ad canendū: & si quod aliud instrumentum est, nō tam ad vsum alendarum ouium, quàm ad inertem voluptatem, & inanem potestatis ostentationem.

Hunc stultum pastorem Antichristum esse cum Hieronymo, ac Cyrillo alij pene omnes Interpretes fatentur; quia ille extremis sæculi temporibus omnia aggreditur, perficietque, quæ hīc describuntur à Zacharia: & ad quem sese adiungunt illi, qui Christum opimum pastorem abiecerunt; iuxta illud Ioan. 5. *Ego veni in nomine Patris mei, &*

Stulti pastoris descriptio.

64.
Antichristus
Suspensor
Ruleris

kk

non accepistis me: si alius venerit in nomine suo, illum accipietis. Non possum non amplecti communē hanc sententiam, in quam incumbit omnī pene auctorū conspirans cōsensio, quæ magnæ auctoritatis apud omnes momentum habet; dicam tamen quod in hac communi sententia mihi minū probatur; non quod alios aliter existimare velim, sed quia aliter locus iste relinqueretur obscurior.

65. Videri primū alicui posset hīc de Antichristo sermonem non esse: nam prius de vastitate urbis agi cōceptū est, deinde verō cap. sequenti de eadem omnino continuatur sermo. Quare non videbatur cur interposita Antichristi crudelitate, ac fraude longus ille sermo tam apte cum consequentibus cohærens esset intercidendus. Deinde quia multa sunt, quæ non videntur apte in Antichristum posse quadrare: nā stultus pastor hīc iners fingitur, & otiosus, qui neque dispersum congregat, neque fractum consolidat; at Antichristus strenuus est, & industrius. Denique iste pastor erat, qui hīc à Zacharia reprehenditur, & pastoris munus obedire debuit, & ideo reprehenditur, quia commissi sibi gregis curam abiecit. Sed Antichristus pastor non erat, neque ex instituto, atque pastoralis illa curare debuit optimi pastoris officia, quæ in hoc desiderantur. Atque ideo accusandus potius fuit quod laceraret, & perderet gregem, quàm quod minū vigilanter custodiret. Accedit, quod quæ ab Antichristo gesta sunt, quia multo post acceptam à Romanis Hierosolymæ cladem contigerunt, non videbantur hoc loco commemoranda. Et quidam quæ sequenti capite dicuntur de libertate &

gloria populi Iudaici, quæ, ut textus ipse indicat, post stulti pastoris insaniam contigerūt siue intelligas patrata per Christum mysticè; siue per Machabæos historicè, illa nullo modo post Antichristum acciderunt, qui in sæculum incidit extremum.

At dices solere Scripturam aliquando cū aliquid expositum est, quod alterius figura, vel exemplar esse possit, ad illud subitō, atque ex inopinato sermonem transferre, quod huic Prophetæ non semel accidit; & apud Dan. c. 11. postquam actum est de Antiochi crudelitate, atque odio in Iudæos, statim ad Antichristum, quem mores adumbrabant Antiochi, variciniū traducitur. Et habemus exemplū non tam simile, quàm omnino idē Matth. 24. nam cū ageretur de Hierosolymæ excidio, sicut nunc à Zacharia, eius occasione actum illic est de Antichristo. Respondeo, negari non posse id in Scriptura aliquando contingere, & ita forsitan accidisse hoc loco. Verū id non nisi per quā rarō, neque ad hanc expositionem confugiendum, nisi cū aliter expediri non potest inchoatus sermo; scilicet quando historicè, & propriè non omnia quæ dicuntur, illi conueniunt, cuius antea meminimus. Quare Psal. 71. quia Salomoni non omnia conueniunt, quæ ibi scripta sunt, quædā de Christo, cuius typus erat Salomon, interpretamur. Eodē modo Dan. cap. 11. Antichristo tribuimus, quæ minū verè dici de Antiocho poterant. Sed hīc nihil est quod in ciuitatis, populique Iudaici calamitatem & exitium non cadat, imō, ut nuper diximus, multa sunt, quæ non videntur commodè aptari Antichristo posse.

66.

Regul.
Ex umbra
sæpe ad
veritatem
sermo tra-
ducitur.

67.

Superest iam, quando hîc aliquid aliud ab Antichristo significari posse indicauimus, vastationem nempe Hierosolymæ, ostendamus quomodo hæc, quæ ab aliis communiter dantur Antichristo, in vrbs, templiq; ruinam aptè conueniât. Et primum obseruandum maximè, huc vsque nondum actum esse de vrbs strage, sed de iis tantum gradibus, per quos eò calamitatis lapsus est Iudaicum genus. Quia nimirum pastori Deo tunc obsequuti non sunt, cum in virga, quæ dicebatur decor, illos moderabatur suauiter, ac placidè. Deinde, quia funiculo, quo vsus est postea, neque deterri sunt ab incessu, pastique noxio, neque quicquam habuerunt pensi tanti pastoris studium, ac excubias.

68.

Prolepsis
vfitata in
Scriptura

Secundò obseruandum, vfitatà esse in Scriptura prolepsim, siue occupationem, quando nimirum claritatis gratiâ, aut ne eodem referenda sit narratio, aliquid ante suum tempus exponimus, quod docet Gregor. c. i. Præfat. in Iob. *Sacra (inquit) Scriptura in superioribus suis partibus solet breuiter longè post sequentura perstringere, cum studeat ad alia subtilius enuntianda properare.* Per hanc figuram ante suum ordinem, & locū dicta sunt, quæ ad Christum pertinet, venditum vili, ac sordida triginta argenteorum mercede. Contigerunt enim illa longè post Antiochi tempora, de quibus hîc quoq; sermo est. Sed claritatis gratiâ illa ante suum tempus commemorare oportuit, vt constaret omnibus quanti habita fuerit à Iudæis tā sedula opera, & tā proluxa benignitas. Neque fortasse necessarium erat ad prolepsim confugere, quia duæ istæ visiones, aut hierophyphicæ figuræ coniunctæ non sunt, sed omnino

diuersa, quæ distinctos ordines, & successus portendunt. Et hæc postrema de pastore stulto, contigit, vt patet, post fractam vtramque virgam, id est, multis mensibus post priorem.

69.

Hinc iam aliqua se nobis ostendet lux ad cognoscendum, & quis fuerit stultus hic pastor, & quorsum hoc loco de illo inductum vaticinium. Satis offensus videbatur Deus, quòd vtramque fregisset virgam, suòque arbitratui reliquisset peruicacem gregem: sed vltius progressa est diuini pectoris offensio; permisit enim vt improbus, atq; stultus pastor illum ageret, id est, vt est in Prouerbio, *quem lupo commissum*. Fuisset enim actum cum grege melius, si pastorem habuisset nullum.

Ab hoc tempore, quo hæc prædicta sunt à Zachariâ, & præsignata symbolo, varia fuere Iudæorum tempora: quorū primo. i. vsque ad tempus Antiochi secundus fuit cursus, statûsque Iudaicæ Reipub. Tūc verò propter pastoris stultitiâ conturbata ratio est, & ita collapsa, vt vix manserit antiquæ fortunæ, ac Religionis pertenuæ vestigiū. Stultus autem hic pastor, vt reor, Iesus quidā fuit, vt dicit Iosephus lib. 12. Ant. cap. 6. postea vocatus Iason, qui ab Antiocho Rege pecuniis nō tam obtinuit, quā emit summum Sacerdotiū, id est, pastoris munus. Qui ne quid prioris status, ac Religionis retineret, nomen quoque gentilitium mutauit, & qui prius Iesus dicebatur, vt Græcus videretur, Iason vocari voluit. Hic totam Reipublicæ Iudaicæ formam peruertit, &, vt impium sibi esse liceret, aliisque impunè infanda quoque patrare permetteret, pecuniis emit. Vide 2. lib. Machab. c. 4.

Iason flus
tus pa-
stor.

vbi de hoc Iesu, siue Iasone. Promittebat (Antiocho Regi) centum quingenta talenta, si potestati eius concederetur Gymnasium, & Ephebiæ sibi constituere: & eos, qui Hierosolymis erant, Antiochenos scribere. Quod cum Rex annuisset, & obtinuisset principatum, statim ad Gentilem ritum contribules suos transferre cepit. Et paulo post. Et enim ausus est sub ipsa arce Gymnasium constituere, & optimos quosque epheborum in lupanaribus ponere. Erat autem hoc non initium; sed incrementum quoddam, & profectus Gentilis, & alienigenæ conuersationis propter impij, & non Sacerdotis Iasonis nefarium, & inauditum scelus. Ita ut Sacerdotes iam non circa altaris officia dediti essent, sed contempto templo, & sacrificiis neglectis festinarer participes fieri palestre, & præbitionis eius iniusta: & in exercitiis disci: & patrios quidem honores nihil habentes, Græcas glorias optimas arbitrabantur. Et paulo post idem Iason cum agon quinquennalis Tyri celebraretur, misisse traditur Tyrum trecentas didrachmas argenti in sacrificium Herculis.

71.

Cur Iudei præputium adducant.

Addit verò Iosephus lib. 12. Antiq. cap. 6. Iudeos tunc adduxisse præputia, ne nudi in ludis Græcis dissimiles viderentur. Hoc autem de præputiis etiam scriptum est 1. Machab. c. 1. v. 15. vbi obiter nota Iosephi incuriam, qui hæc quæ Scriptura tribuit stulto pastori Iasoni, ipse adscribit Menelao. Porro, sicut præputij spoliatio auitam Religionem profitebantur Iudei, sic adductum præputium abiuratae illius Religionis testimonium, & professio erat. Quod primum omnium fecisse Esau ad abnegationem Dei, & ut suæ gentis characterem deleteret, tradit Epiphanius lib. de ponderibus & mensuris ad medium. Hic ergo Iasō vasa habuit stulti pa-

Esau primus auctor adducendi præputium.

storis; nam cum pietas cecidisset, multique ad Gentiles ritus, & indecoratq; obscœnam turpitudinē se abiecissent, ipse gymnicos ludos, & Græcorum palæstram meditabatur. Quod sanè nihil est aliud, quàm dum iugulantur oues, stultum pastorem oblectare se fistula. Non longè dissimilia his quæ à Iasone facta diximus, ausus est Menelaus Sacerdos, qui non minùs perfidus, atque impius successit Iasoni, quem per fraudem à Sacerdotio depulit: hic enim & populum suum prodidit, & Religionem patriam, ut constat ex 2. lib. Machab. cap. 4. & 5. Quod verò pastor stultus in singulari numero ponatur, non admodum refert, cum id sæpe in Scriptura per synecdochem contingat.

72.

Alij, ut dicit Theodoretus, Antiochum putant hunc fuisse pastorem. Arias Montanus Herodem existimat. Sed licet hi populum durè vexarint, non tamen videntur dici posse pastores, quia isti non fuerunt ex eo numero, qui communiter vocantur pastores Israël; quales sunt Sacerdotes, & hi præcipuè, in quos post captiuitatem dignitas Regia, ac Pontificia conuenerunt. Neque videntur isti pastores, de quibus Zacharias, alij fuisse ab iis, de quibus Ezech. capite 34. Fili hominis propheta de pastoribus Israël: *Va pastoribus Israël, qui pascebant semetipsos: hæc comedebatis, & lanis operiebamini, & quod crassum erat, occidebatis; gregem autem meum non pascebatis. Quod infirmum fuit, non consolidastis, & quod agrotum, non sanastis: quod fractum, non alligastis: quod abiectum est, non reduxistis: & quod perierat, non quasistis.* Eadem hæc dicuntur à Zacharia. Et sicut illuc de pastoribus Israël sermo est, ut com

cōmuniter Patres, id est, de his qui sunt ex semine Israël, & in ordine sublimiori: sic etiam hīc. Quare si à magis communi sententia, id est, ab ea, quæ in stulto pastore Antiochum agnoscit, recedendum esset, magis ego in Iasonem propenderem, qui Sacerdos fuit, & ex Sacerdotali genere, & omnium flagitiosissimè gregem prodidit: sed, ut dixi, cum pluribus sentiendum. Si quis pastorem hunc Cæsarem esse putet, non minùs probabiliter diceret, quàm qui Antiochum, aut Herodem putauerunt; nam illi lacerauerunt gregem, dissolueruntque vngulas, ita ut iam amplius in antiqua septa non redierint; sed nequē de hoc vaticinium esse puto.

73.

Hæc mihi satis verisimilia visa sunt, si de calamitate illata per Antiochum vaticinium istud intelligamus: si verò ad Romana referamus tempora, in quibus omnino deleta est Iudæorum Respublica, & eorum nomen tantùm ad ignominiam, & ludibrium relictum, etiam fuerunt stulti pastores, quales hīc à Zacharia describuntur, qui cum se prouidos, & vigilantes simularent, intrinsecus autem, ut Christus dixit, erant lupi rapaces. Fuerunt autem Christi tempore, id est, non longè ab urbe per Romanos excisa, Sacerdotes. & Scribæ externo quidem habitu Religiosi, & legis æmulatores, intrinsecus verò pleni dolo, atque rapina. Quos Christus eodem pene modo descripsit Matth. 23. & Lucæ 11. quo hīc Zacharias: nam quod hīc dicit, *derelecta non visitabit: dispersum non queret: & contritum non sanabit;* apud Matt. sic expressit. *Reliquistis quæ graviora sunt legis, iudicium, misericordiam, & fidem.* Et clariùs apud Lucam. *Præseritis iudicium, & charitatem Dei.*

Quod hīc, *carnes pinguium comedet,* apud Matth. *quia comeditis domos viduarum.* Quod hīc, *vngulas eorum dissoluet,* in Marth. *Qui claudis Regnum cælorum ante homines; vos enim non intratis, neque introeuntes finitis intrare.* Et infra de profelyto, *Facitis eum filium gehennæ.* Quod verò de pastore stulto postea subdit: *pastor, & idolum;* sæpissimè à Christo Scribis, & Pharisæis obiectum est, dum illos appellat *hypocritas*, quæ vox propriè idolum est, quia propriè *histrionem* significat, id est, qui alienam personam agit, non suam. Quod si de hoc tempore sermo esset, quod non videtur improbabile, de his potiùs Sacerdotibus, ac Scribis acciperem hunc locū, quàm de Herode, aut Imperatore Romano. Sed in priorem sententiam magis inclino de Iasone, aut de Iasone simul, & Menelao, quia statim capite sequenti Propheta confirmandos, & roborandos dicit esse Iudæos contra populos sibi priùs infensos, quod accidit post Antiochi cladem, & Iasonis, & Menelai perfidiam, tempore Machabæorum, nunquam verò post acceptam à Romanis plagam. Quæ ratio mihi persuadebat hoc vaticinium de Antichristo non esse intelligendum.

[*O pastor, & idolum.*] Quot incōmoda sequuta fuerint huius stulti pastoris inertiam, atque perfidiam; si de Iasone, ac Menelao intelligas, satis perspicuum est ex libris Machabæorum, maximè lib. 2. c. 4. & 5. Si de Sacerdotibus, & Scribis, ex Iosepho, atque Ægelsippi monumentis. Hunc ergo pastorem, quicumque est, optimè dicit idolum, quia in eo externa pastoris imago est, non animus, ac virtus. Qui, quocunque velis modo capere, gre-

74.
Hypocri-
ta, seu pa-
stor simu-
latus.

gem perdidit: tradidit enim & Antiocho spoliandum, aut Romanis, ornamentis, & vita, & multo crudelius diabolo lacerandum. Porro idolum umbra quædam est, & imago, sed in qua spiritus non est, neque quicquam præter externam formam: in qua persæpe contingit, ut sint omnia contraria rei repræsentatæ. Quemadmodum si ex cupresso, aut cedro, quarum lignum amarum est (atque ideo, ut docet Vitruvius lib. 2. c. 9. non patitur penetrare cariem, aut eas bestiolas, quæ sunt nocentes) fauumingas, aut pomum, in quibus nihil est amarum: aut è plumbo volatentem aquilam, aut è duro saxo lanam mollem. Sic etiam qui baculum gestat, & cætera pastoris insignia, si gregem non curat, sed potius lacerat, lanus est, & non pastor, sed pastoris idolum.

Pro idolo, Heb. est, *האילל* *haelil*, & est in genitivo, quæ sic ad verbum reddo, *ô pastor idoli*, seu, *vanitatis*. Sed est idem sensus; quia dum stultus iste vult pastor videri, id est, tueri in se speciem pastoris, pascit vanitatem, nempe inane nomen pastoris, quia eiusmodi monstrum nihil minus quam pastor est.

[*Gladius super brachium eius, & super oculum dexterum eius.*] Sunt qui putent hîc significari stulti vasa pastoris, scilicet, quia gladium gestat in brachio ad ouium cadem; gladium etiam in oculo, quia oculo etiam nocet; sicut in fascinatione contingit: ut enim est in Prouerbio, *Oculus Domini impinguat equum*; sic contra Tyranni oculus extenuat, & exhaurit. Sed communiter authores designari hîc putant supplicium stulti pastoris. Quoniam verò in brachio potentia intelligitur, gladio brachium præcidi, erit potentia eripi, & authoritatem. Quod ita contigit tam Iasoni, & Menelao, quam Sacerdotibus, & Scribis: nam illis ab Antiocho, his à Romanis potestas, & authoritas erepta fuit. Super oculum dexterum gladius erit, quia illis prouidentia deerit, & sanum, atque vtile consilium, quod accidisse Iasoni, & Menelao tradit Iosephus supra. Et Scribæ, & Pharisei hoc audierunt à Christo, dum vocati sunt cæci, & duces cæcorum, & in Christi morte ea machinari sunt, quæ à cæcis potius, & dormientibus, quam à sanæ mentis hominibus, & vigilantibus excogitari poterant.

ARGV



ARGUMENTVM

DVODECIMI CAPITIS


ZACHARIÆ.




P Rincipio graue vaiciniū proferitur contra Ierusalem: in cuius oppugnatione, ac vastitate populi omnes experientur, ostentabuntq; quantum viribus, atque arte possint. Deinde minas conuertit in populos qui contra Ierusalem vires exernerunt; quos grauiter conculcandos, atque opprimendos dicit: promittitque populo Iudaico auxilium tam potens, ut eo confirmatus sic hostes conficiat, sicut ab igne consumi solet arida mazeria, & tam illustre, & clarum, ut nemo ex Ducibus Ierusalem ex ea victoria quicquam suis viribus, ac industria arrogare possit. Promittit deinde longè maiora beneficia in Euāgelij tēpus spiritum nempe gratia, ac precum. Nihilominus ingratus ille populus, & tanta humanitatis immemor auctorem, & vindicem sua libertatis, & gloria in cruce configet. Ad extremum graue planctum describit, quo vel se Iudæi dira percussæ plaga, aut Christum à se confixum amare prosequuntur.

CAPVT XII.

PARAPHRASIS.

I  Nus verbi Domini super Israë. Dicit Dominus extendens cælum, & fundans terram, & fingens spiritum hominis in eo.

2 Ecce ego ponam Ierusalem
super

I  Aticinium graue contra eos, qui ex omnibus tribubus ab exilio cōuenerūt in Ierusalem. Hæc dicit Dominus quicquid loexpandit sublimes, & terram deorsum suis librauit, fundauitque momentis: à quo homines habent ut spirent, & uiuant.

2 Ecce ego faciam ut Ieru-

rusalem omnibus populis prædæ sit: in qua non aliter furorem suum sanguine, & auaritiâ exuuiis expleant, quàm explere sitim ebriosi solent in vinaria taberna: in cuius limine proponi solet hedera, aut aliud signum, aut symbolum venalis vini. Neque solùm ab externa vi vexabitur Ierusalem, sed etiam à ciuibus, atque domesticis, qui contra illam cum hostibus consilia, manúsque coniungent.

3 Tunc autem omnes populi quantum virium, atque potentiae habeant, contra Ierusalem experientur, ostentabuntque non aliter quàm robusti iuuenes in lapide, aut disco explorare solent quantum viribus, aut arte possint. Sed tandem ubi aliquandiu contra Ierusalem potentes fuerint, & hostiliter bacchati, ab ipso, quod eleuauere, pondere opprimentur, opprimetur, inquam, omnia Regna terræ vndecunque collecta contra Ierusalem.

4 Eo verò tempore, dicit Dominus, quo exigam pœnas à populis qui hostili animo vexauere Ierusalem, percutiam equum, & ascensorem eius adeò grauiter, vt stupidi, & amentes sine consilio, ac sensu præcipientes ferantur ac deuij. Cùm verò illi præcipientes errabunt, & cœci, populum Iuda mitioribus oculis ad salutem respiciã.

5 Cùm

superliminare crapula omnibus populis in circuitu: sed & Iuda erit in obsidione contra Ierusalem.

3 *Et erit: in die illa ponam Ierusalem lapidem oneris cunctis populis. Omnes qui leuabunt eam, concisione lacerabuntur, & colligentur aduersus eam omnia Regna terræ.*

4 *In die illa, dicit Dominus, percutiam omnem equum in stupore, & ascensorem eius in amentia: & super domum Iuda aperiam oculos meos, & omnem equum populorum percutiam cœcitate.*

5 Et

5 Et dicent Duces Iuda in corde suo: Confortentur mihi habitatores Ierusalem in Domino exercituum Deo eorum. 6 In die illa ponam Duces Iuda sicut caminum ignis in lignis, & sicut facem ignis in feno, & deuorabunt ad dexteram, & ad sinistram omnes populos in circuitu, & habitabitur Ierusalem rursus in loco suo in Ierusalem.

7 Et saluabit Dominus tabernacula Iuda, sicut in principio, ut nō magnificè gloriatur domus David, & gloria habitantium Ierusalem contra Iudam.

8 In die illa proteget Dominus habitatores Ierusalem, & erit qui offenderit ex eis in die illa, quasi David: & domus David, quasi Dei: sicut Angelus Domini in conspectu eorum.

5 Cum Iudaici populi Dominus aperuerit oculos, tunc illum Duces & Principes supplices orabunt, ut vires, & animos addat ciuibus Ierusalem. 6 Quod Deus ita largè præstabit, ut hostibus deinceps sint quod ligno arido caminus, aut ignis stipulæ, ac feno. Quare à dextris, & à sinistris quocumque se verterint, percutient, & stentent populos in circuitu. Et Ierusalem verè iam erit Ierusalem, id est, similis erit sibi ipsi: redibit enim ad antiquam gloriam, & ciuium frequentiam.

7 Et sicut antea Deus populum Iuda ita magnificè seruauit ab hostibus, ut salus, & victoria ipsius adscriberetur potentiae: sic nunc aded erunt aperta diuini auxilij, atque præsentiæ signa, ut qui domui David, ac Regno præsunt, quique gloria sunt eorum, qui habitant in Ierusalem, sibi ac suis victoriam arrogare non audeant: eoque nomine Iudæi reliquis se præferendos putent.

8 Eo enim die sic Dominus proteget ciues Solymitanos, ut qui in ipsis infirmus fuerit, & aliquando ab hoste superatus, sit instar David, audax & strenuus, & qui fuerint eiusmodi, ut filij David propter animi præstantiam, & robur dici potuerint, multiplicatis

à Domino viribus erunt quàm simillimi illis, qui sunt de domo Dei, id est, Angelis, qui Dei ministri sunt.

9 Quo tempore statui conterere quotquot contra Ierusalem aliquid molientur.

10 Sed erunt postea beneficia longè illustriora, dicit Dominus: infundam enim super domum David, reliquosque Ierosolymorum ciues spiritum gratiæ, quo grati sint mihi, & spiritum precum, quo, quia à me omnia profecta esse norunt, à me plura petant. Sed ô diræ mentis consilium insanum! aspicient in me, confugiéntque supplices auxiliij gratia, cum grauibz prementur incommodis; què tamen deinde immemores officij, & gratiæ in cruce configent.

Nunc iam à Christo in cruce confixo, ad Iudæ Principes redeo, & Duces Ierusalem, qui affecti illis incommodis, à quibus per me, cum spiritum gratiæ, & precum acceperint, salutem orabunt, lugebunt super se adeò miserabiliter, sicut lugeri solet à parentibus primogeniti, aut vnigeniti mors.

11 In die illa talis erit planctus in Ierusalem, qualis olim fuit Adadremmon in campo Maggedon in Iosifæ funere.

12 Planget autem tota tē-

ra

9 Et erit in die illa: quæram conterere omnes gētes, quæ veniunt contra Ierusalem.

10 Et effundam super domum David, & super habitatores Ierusalem spiritum gratiæ, & precum: & aspicient ad me, quem confixerunt.

Et plangent cum planctu quasi super vnigenitum, & dolebunt super eum, ut doleri solet in morte primogeniti.

11 In die illa magnus erit plāctus in Ierusalem, sicut planctus Adadremmon in campo Maggedon.

12 Et planget terra: familie

&

& familia seorsum; familia domus Dauid seorsum.
& mulieres eorum seorsum.

13 14 Familia domus Nathan seorsum, & mulieres eorum seorsum. Familia domus Leui seorsum, & mulieres eorum seorsum. Familia Semei seorsum, & mulieres eorum seorsum. Omnes familiae reliquae, familiae & familiae seorsum, & mulieres eorum seorsum.

ra Iuda; omnes familiae seorsum inter se, & in singulis viri separatim à foeminis: quia singulis erit propria, & grauis plorandi materies. Plorabunt in familia Regia Dauid.

13 14 Et in familia prophetae Nathanael, & in Sacerdotali Leui, & in doctorali, siue literata Semei, & in omnibus denique aliis viri seorsum à foeminis lamentabuntur.

COMMENTARIUM IN CAP. XII. ZACHARIAE PROPHETAE.



Nus verbi Domini super Israël.] Onus, ut à nobis alibi pluribus ostensum est, Prophetia est, quae aliquid durum, & hostile denunciat. Porro Israël pro tribubus sumitur à captiuitate restitutis, vel ad patrias sedes ex variis regionibus collectis. Ut enim alibi docuimus, ex omnibus tribubus plurimi Hierosolymam redierunt.

Dixit Dominus extendens caelum, & fundans terram, & fingens hominis spiritum.] Vltimum est in sacra Scriptura, ut cum Propheta aliquid

grande, difficileque creditu dicturi sunt, prius ostendant potentissimum esse Deum, addantque plerumque illam Dei proprietatem, quae magis Dei verisimilitudinem ostendit: ut docet Chrysostomus hom. i. in posteriorem ad Corinth. Quare interdum dicitur Deus exercituum: interdum refugium, & firmamentum: interdum illuminatio, propter illarum diuersitatem, vel quae postulantur à Deo, vel hominibus necessaria sunt. Hoc verò loco accommodatè dixit Deum auctorem esse caeli, & terrae, & formatorem

I.
Deus sumit nomina rebus accōmodata.

hominis: quia qui formauit hæc, facile eadem conuertere, & suo arbitratu versare poterit. Eisdem pene verbis vsus est Isaias cap. 42. in materia non admodum dissimili. *Hæc dicit Dominus creans cælos, & extendens eos: creans terram, & quæ germinant ex ea: dans flatum populo, qui est super eam; & spiritum calcantibus eam.*

Ecce ego ponam Ierusalem superliminare crapulæ omnibus populis in circuitu. Existimo totum istud caput spectare excidium, & calamitatem Ierusalem, comparatam præsertim ab Antiocho: & quemadmodum quæ collapsa videbantur externorum, ac domesticorum improbitate, vi per Machabæos sint restituta: nam de Romanis agitur extremo capite, quorum extremam expeditionem antecessit Christi mors, de qua statim cap. 13. In explicando verò quid sit hoc superliminare crapulæ, & lapis oneris, mirè variant Interpretes. Hieronymus ideo superliminare crapulæ futurum dicit in Ierusalem; quia omnes populi, qui illam attigerint, quasi ebrij corruent; & illum plures alij sequuntur. Et facit ad hæc, quod ebrij in sacra Scriptura dicuntur, qui magna clade, aut incommodis ab aliis vexati, seu concisi sunt. Isai. 51. *Consurge Ierusalem, quæ bibisti de manu Domini calicem ira eius usque ad fundum. & infra: Audi paupercula ebria, & non à vino.* Vide quæ diximus in illum Isaiæ locum. Idem pene cap. 29. & Ierem. c. 25. *Bibite, & inebriamini, vomite, & cadite: neque surgatis à facie gladij.* Albertus existimat Ierusalem omnibus pateternam futuram, sicut ad crapulam, in hunc sensum; quemadmodum vinaria taberna cuilibet est proposita, ad quam omnes liberè, & auidè concurrunt; sic Ierusalem omnium cupiditati, at-

que iniuriæ fore proponendam. Alia expositio sumi posset ex translatione Lxx. qui ita reddunt. *Ecce ego pono Ierusalem sicut superliminaria, quæ mouentur.* Quæ sic explicat Theodoretus: *urbem similem faciam superliminaribus commotis, & ruinam agentibus.* Sed fortasse iuxta Lxx. alia posset esse sententia, quæ magis cum vulgatæ versione consentiret. Ita nutabit Ierusalem, & quasi rotabitur ab armis populorum, qui in circuitu sunt, sicut rotari, ac circumagi videntur testæ temulantis.

Vbi vulgatus, *superliminare crapulæ*, Heb. *ספח רעל* *saph raal*, quod Hebræorum magistri vertunt; *crater veneni.* Chaldaeus, *vas plenum amaritudinis.* Quod etiam faciunt quidam è recentioribus, vt Vatablus, & Pagninus. Quæ translatio plurimum fauet sententiæ Hieronymi, in qua non tam minæ proponuntur Hierosolymæ, quàm iis qui contra eam arma comparauerint. Indicat enim futuram Hierosolymam gētibus, quasi scyphum crapulæ, aut veneni, quæ vbi populi biberint. i. urbem oppugnauerint, nō aliter nutabunt, ac corruent, atque ij, quos vini potestas mente commouerit.

Mihi in re obscura si diuinandum est, & ex adiunctis sumenda coniectura, videtur non tam hinc agi de felicitate Ierusalem, eiusque de hostibus victoria, quàm de ipsius calamitate, quam grauissimam tam ab externis, quàm à domesticis hostibus esset acceptura, maximè Machabæorum tempore: nam primum id suadet illud; *Onus verbi Domini super Israël.* Quod sanè non tam fauet, quàm minas ostentat Israël: deinde, quia eam sententiam omnino indicat versio Lxx. & tenet expressè Theodoretus; & Cyrillus aliquid aduersum hinc agnoscit, & ita

Isai. 42.

2.

4.

Ebrietas
pro calamitate.

Isai. 51.

Ierem. 25.

Hac Prophetia contra Ierusalem.

ita omnino cum Cyrillo sentire debent qui hac spiritualiter accipiunt de Ecclesia à Gentibus impugnata. Neque Hieronymus totus abit ab hac sententia: nam statim, dum explicat illud, *Ponam Ierusalem quasi lapidem oneris*, idē sentit. Dicit enim leuandam esse Ierusalem à Gentibus quasi lapidem, vastandamque; deinde Gentes daturas cladis illatae pœnas. Neq; incommodat huic sententiæ aut calicis, aut crapulae metaphora: licet enim calix propinatus aliis incommodi aliquid ac doloris significet, interdum tamen indicat alicuius in re maximè desiderata expletum desiderium; aut venisse aliquem in rei maximè optatae possessionem; iuxta illud Psal. 15. *Dominus pars hereditatis mea, & calicis mei*. Et est forma linguae sanctae familiaris inebriari se, pro exple se; aut suae cupiditati satisfacere. Psal. 35. *inebriabimur ab ubertate domus tua*. Aggæi c. 1. *comedistis, & non estis satii; bibistis, & non estis inebriati*. Et quæ sequuntur statim multo magis confirmant hanc sententiā.

5. *Et Iuda erit in obsidione contra Ierusalem.*] Quemadmodum Iudæorum multi cum externis in patriam conspirarint sub tempora Machabæorum, & ut pactum nefariū contra Religionem inierint cum Gentibus, satis constat ex libris Machabæorum, præsertim libro 2. capite 3. 4. 9. & ex Iosepho libro 12. Antiq.

6. *Ponam Ierusalem lapidem oneris.*] Eodem ferme modo exponit Hieronymus, & alij pene omnes, qui superiorem locum de victoria Iudæorum accepere. Dicit autem Hieronymus suo etiam tempore esse in omnibus urbibus, oppidis, & viculis Palaestina rotundos lapides gravissimi ponderis, ad quos iuue-

nes exercere se solent, & eos pro virium mensura, magis ac minùs subleuare, & eiusdem formæ visam à se dicit aneam sphaeram Athenis, accepisse quæ à ciuibus Athenarum in illa massa fortitudinem probari. Putat ergo Hieronymus hunc esse sensum; in Ierusalem, quasi in lapide oneris periculum facturæ esse Gentes omnes suarum virium; deinde verò eidem succubentes lapidi, oppressum iri; & reuera ita cōtigit: nam qui Ierusalem variis vexarunt incommodis, postea à Machabæis iidem malè mulctati graues dederunt audaciæ suæ, & impietatis pœnas.

Septuaginta aliter vertunt; *Ponam Ierusalem quasi lapidem qui conculcatur à cunctis genibus*. Et iuxta hanc versionem dicit Theodoretus, conculcandam esse Ierusalem, quia lapidem angularem, de quo Isai. cap. 28. Iudæi reprobauerunt, & conculcauerunt. Quare hæc videtur referre non ad Antiochi, sed ad Romanorum arma.

8. *Et colligentur aduersus eam omnes gentes terræ.*] Hinc colligit Ribera sermonem hoc loco non esse de Ierusalem, sed de Ecclesia: illam enim non omnes gentes; hanc verò ubique terrarum omnes gentes infectatæ sunt. Sed meminisse debuit eius regulæ, quam tradit Hieronymus in illud Isai. cap. 13. *ut disperdam omnem terram*. ubi docet idioma esse Scripturæ, ut omnem terram eius intelligat prouinciæ, de qua sermo est. Vide quæ notauimus ad illud Act. 2. *ab omni natione quæ sub cælo est*. Omnes ergo gentes terræ intelliguntur illæ, quæ in Palaestina sunt, aut in vicinis locis. Quæ omnia contigerunt sub Machabæorum tempora.

Hæc quæ hætenus dicta, magis

communia sunt, atque ideo magis mihi probabilia. Sed adiiciam expositionem, quæ ideo mihi probatur minus, quoniam ab authoribus nuda: fieri tamen potest, ut alicui placeat. Et sanè in rebus obscuris multa tentare licet. Diximus superiori capite probabile videri, stultum illum pastorem, cuius vasa portauit Zacharias, esse Iasonem, aut Menelaum Sacerdotes, qui eò usque progressi sunt impietatis, ut sublata patria Religione in urbem sanctam Græcorum superstitione inuexerint. Vide quæ supra diximus cap. II. ad illud: *vasa pastoris stulti*. ubi posita dicitur Ephobia, & optimi quique iuuenum prostituti. Ad hanc igitur Græcam turpitudinem spectare puto præsens vaticinium. Pro qua sententia aliqua nobis statuenda sunt.

IO.
In limine
signa bo-
hil-atis,
ordinis,
aut artis
proponi
solita.

Primū, moris esse apud omnes ferme nationes, ut in ipso limine stemmata quædā, aut insignia nobilitatis, ordinis, aut artis proponerentur: quia limina primum occurrebant hominum oculis. Quod usque adeò curæ fuit antiquis, ut publica loca, quantumuis sordida, ac turpia, coronarent; certisque notis insignirent. Ita Tertull. de corona militis in fine. *A saculo* (inquit) *coronantur & lupanaria, & larrina, & pistrina, & carcer, & ludus, & ipsa amphitheatra & ipsa spoliaria, ipsæq; Lybithinae*. Et lib. de pudicitia titulum propositum esse dicit in meretricis cellæ ianuis sub ipsis libidinum titulis. Sed etiam vsitatum apud Hebræos in superliminaribus symbola quædam, aut signa ponere, aut Religionis, aut generis, satis ex Scriptura liquet. Et ut omittā superliminaria Hebræorum tincta fuisse agni sanguine, qui genus, & Religionem indicaret, certè ab illis imagines, aut

symbola idolorum quæ prodita Religione patriæ colebant, in ianuis, & superliminaribus ponebantur. Isai. 47. *post ostium, & retro postem posuisti memoriale tuum*. Sanè in porta Aquilonari templi positum esse idolum Zeli, seu, ut alij vertunt, Baal, dicit apertè Ezechiel c. 18. *Ecce ab Aquilone porta altaris: idolum Zeli in ipso introitu*. Et in ostiis domus inscripta fuisse præcepta diuina constat perspicuè Deut. 6. *scribesque ea* (nempe præcepta) *in limine, & in ostiis domus tue*.

Iuxta hæc puto superliminare I. I.
crapulæ, aut craterem vini, ut textus habet Hebraicus, positum esse in Ierusalem, aut in publicis, frequentibusq; locis, aut certè in ipso templo: quia in ciuitate multa erant vtriusque sexus libidinum diuerticula; & ipsum templum mutatum fuerat in execrabile prostibulum. Nam, ut traditur 2. Machab. cap. 6. *templum luxuria, & commestationibus Gentium erat plenum, & scortantium cum meretricibus, sacratisque adibus mulieres se vtrò ingerebant, introferentes ea, quæ non licebat*. In templis autem Gentilium publica agitari cōuiuia docet Aristoteles lib. 7. Politic. cap. 12. & Iudic. cap. 9. ver. 17. Sichimitæ in fano Dei sui Berith inter epulas, & pocula maledicebant Abimelech. In idoliis, id est, Deorum templis instrui mensas, & obiri cōuiuia frequenter, indicat Paulus 1. Cor. 8. ver. 10. Quin in eisdem templis esse libidinum diuersoria, docet non solum authores nostri, ut Arnobius, Minucius, Augustinus, sed etiam Gentiles: & suadet demonum, quibus illa templa sunt excitata, deprauata natura, qui obscœnis delectantur. Quare existimo illo Machabæorum tempore iuxta Gentilicos ritus obscœnos, & sordidos,

dos, templum Solymitanum popinis, & scortationibus seruiſſe. Scyphus autem, aut aliquod aliud ſymbolum ebrietatis, aptiſſimum quoque ſymbolum eſt Venereę in-temperantię. Quare Apoc. cap. 17. fornicaria ſcœmina cum aureo poculo deſcribitur plena abominatione, & immunditiâ fornicationis. Exiſtimo ergo in lupanaribus, atque ad eò in ipſo quoque templo propoſitum eſſe ſcyphum lupanarium, aut alterius in-temperantię, quę eſt à vino, commune ſymbolum; qui ſignificaret domũ illam ſacratam eſſe Veneri, aut Baccho. Sicut in officiis aut apothecis proponi ſolent earũ rerum ſigna, quę proſtant venales. Adde, quòd Herculi, & Baccho eodem etiam tempore ſacrificauerunt Iudæi. De Hercule conſtat 2. Machab. cap. 4. de Baccho ibidem cap. 6. *Ducebatur, inquit, cum amara neceſſitate in die natalis Regis ad ſacrificia, & cum Liberis ſacra celebrarentur, cogebantur hedera coronati Libero circuire.* Et quidam e Iudæis qui in cenſum ſua nomina retuliſſent, eoque teſtimonio ſeruos ſe Regis Ægyptiorum eſſent profeſſi, ſuę ſeruitutis inſigne habuerunt hedera-ccum Bacchi folium ſuis corporibus inuſtum. Vtriuſque verò tam Bacchi, quàm Herculis ſymbolum fuit ſcyphus: de Baccho ſatis notũ; de Hercule probat ſignum Herculis Epitrapezij, de quo Martialis lib. Epig. & Statius in ſylua; & Virg. lib. 8. Æneid. cum ageret de Herculis ſacris, inter alia Herculis inſignia ſcyphum adhibuit

— *Herculea bicolor cum populus umbra*

Velantque comas, folisque innexa pendit:

Et ſacer impleuit dextram ſcyphum. —

Posita ergo ſunt ſuperliminaria crapulę, id eſt, crapulę ſymbolo notata omnib. populis: quia ad Ephebiã, ſacręque Bacchi nuper inſtituta nõ ſegnius, aut infrequentius conſuebant vicini populi, quàm ad Olympiacos ludos, aut Nemæos. Neque de eſt aliquod in Scriptura veſtigium: nam 2. Machab. cap. 4. vbi vulgaris habet, *optimos quoſque ephēborum in lupanaribus ponere.* Gręcẽ eſt *ἐφῆβοις*, quę vox redditur *velum*, ab Interprete: ſed etiam *poculum* ſignificat, vt ex Eratoſthene docet Athenæus libro 11. cap. 17. Quare, vt is qui trãſlationem Lxx. Latinam facit, reddit *ſub velum*; quia meretrices, & meritorij iuuenes velum ſuę turpitudini prætendebant: ſic etiam *ſub ſcyphum* vertere potuiſſet, quòd id quoque ſignificat *μέταρος*. Neque dura eſſet aut inuſitata locutio, quia ſignum pro re ſignificata poni ſatis eſt frequens. Vertit autem vulgatus proprię lupanar, quod figuratẽ Lxx. dixere *μέταρος*, ſiue ille velum ſit, ſiue ſcyphus.

Illud verò, *lapidem oneris*, diſcum eſſe puto, nõ quidem metaphoricẽ, vt cum Hieronymo communiter cenſent alij: ſed propriẽ; nam reuerà eo calamitoſo, & profano tempore, quo præfuit populo paſtor ſtultus Iſon, & Menelaus, inſtituta fuit palæſtra, vbi exerceret ſe Iudæi Gręcis hominib. permixti, tum aliis gymniciſ ludis, tum maxime diſco. Sic enim 2. Machab. c. 4. *Erat autem hoc non initium, ſed incrementum quoddam, & profectus Gentilis, & alienigena conuerſationis propter impij, & non Sacerdotis Iſonis nefarium ſcelus: ita vt Sacerdotes, &c. feſtinarent participes fieri palæſtra, & præbitionis eius iniuſta. & diſci.* Exercebantur autem Gentilium more nudi, quod horrebāt olim Hebræi: nam;

12.

13.
Lapis oneris diſcus.

Scyphus
Herculi,
& Baccho
ſacer,

vt tradit Iosephus lib. 12. cap. 6. eo consilio Iudæi illo tempore adduxere præputia, ne cum nudi in Gymnasiū inter Græcos prodirent, illis dissimiles viderentur; vsq; adeo inuerecunda erat ludantium species. Quemadmodū Græci nudi se exercerent in palæstra, vide Dionysium Halicar. lib. 7. Rom. Antiq. Pausaniam lib. 5. Philostratum in Vita Apollonij. Quod etiam à Romanis in quibusdam sacris fieri solitum tradit Ouidius 2. Fastorum, & Plutarchus in Vita Antonij. Quæ morum licentia ad fœminas etiam peruasit, quæ nudæ cum nudis hominibus certabant; idque ex instituto Platonis, vt tradit Eusebius de Præpar. lib. 3. c. 12. Vide Chrysostomum homil. 6. in Matth. ad finē. Et mihi satis est verisimile idē fuisse in ciuitatem inductum, quandoquidem templum eo tempore plenum fuisse dicitur meretricibus. Est autem discus, de quo nobis nunc opera, non solum vas latum, & idoneum ministrandis cibis, sed etiam massa quædam rotūda, seu globus ex ferro, plūbo, aut saxo, quo adulescentes vires explorabāt. siue eleuando, siue iactando. Ita Eustathius in lib. 2. Iliad. ad illud, *Δισκοῖσιν ἐτέρποντο*. vbi dicit, *δίσκος ἐστὶ βαρὺς λίθος*, id est, *discus est gravis lapis*, qui à nostro vulgato dicitur, *lapis oneris*, eodem sensu: qualis erat quem Hieronymus vidisse se dixit in omnibus oppidis Palæstinæ. Et idem docet Hesychius, qui vocat *λίθον σφύζοντα*. i. *lapidem rotundum*. Vide Hieronym. Mercuriale de re gymnastica; vbi multa de disco. Hæc etiam expositio locum habet in Romanorum temporibus: nam, vt tradit Iosephus lib. 15. c. 11. de Ant. instituta fuerunt ab Herode gymnasia, theatra, & amphitheatra, ad

quæ vndecumque magna hominū frequentia concurrebat. Hæc mihi tā de superliminari crapulæ, quàm de lapide oneris dici posse videbantur non improbabiler; sed in priorem sententiam libentius ferror, quia patronos habet nobiles, à quibus hæc nostra posterior nuda est.

Omnes, qui leuabunt eum, concisione lacerabuntur.] Hæc ad posteriorem sensum non videtur difficilè accommodari posse, hoc modo: omnes qui lapidem illum oneris leuauerunt, siue Græci fuerint, siue Iudæi, Græcæ superstitionis in ciuitatem sanctam inductæ, & ciuitatis profanatæ pœnas dabunt; stabunt scilicet illis cari alteres, & disci: suo enim pondere oppriment eos, qui leuare tentabunt. Hoc autem loco moralis causa naturam imitatur Physicæ, vt enim communiter dicitur mercator ab auaritia demersus, quia pecuniæ cupiditate adductus fuit, vt mari se committeret, vbi naufragium fecit: & Iud. 19. Leuitæ concubina dici potest perdidisse Benjamin, quia illa libidinosè violata Israhelitarum animos in vindictam accendit; & à peccatis dicitur diluuio periisse mundus, quia eis prouocatus Deus diluuium inuexit. Sic nunc lapis ille oneris opprimit, quia propter Gentiles ludos à nudis hominibus inuerecūdè obitos, discumque peregrino ritu in ciuitate sancta versatum offensus Deus gentem illam mulcabit cæde, aut exilio, aut aliqua alia ignominia duriori. Et ita sanè contigit; nam gentes, quæ ciuitatem ingressæ, ibi obscœnis ludis impudenter bacchatæ sunt, à Machabæis exagitatæ, atque concisæ fuerunt. Item Iudæi, qui barbaros ritus imitati Græcis superstitionibus adhærere.

14.

Vide

Vide 2. lib. Machab. cap. 6. In aliorum sententia facilem habet explanationem hic locus, si ibi notam addas similitudinis, hoc sensu. Erit Ierusalem sicut lapis oneris, quæ ita versat, aut subleuat homo, ut eius pōdere dū vires ostentat, frangatur, aut opprimatur. Quod sæpe accidere solet in arroganti, atque inani virium ostentatione.

15. *In illa die, dicit Dominus, percutiam omnem equum in stuporem.*] Hic iam ostendit Propheta quomodo, & quibus viribus frangenda sit illa impiorum potentia, & tollendæ sordes illæ peregrinæ, quæ ciuitatē fœdauēre Græca superstitione. Hic verò notandum, equum, & ascensorem sumi pro omni bellico apparatu, atque ideo hæc duo in Scriptura sæpe coniungi. Exod. 15. *Equum, & ascensorem proieci in mare.* Iob. 39. *Deridet equum, & ascensorem eius.* Aggæi 2. *Equi, & ascensores eorum.* Quam verò tempore Machabæorum percussæ fuerint Gentes in stuporem obiectis terribilibus spectris, aut alio quouis modo incusso pauore, satis constat ex 2. lib. Machab. variis locis, quæ nos suprâ adduximus cap. 9. ad illud, *Dominus Deus super eos videbitur.* Præterea in illa die significari tēpus longius, à nobis probatum est suprâ cap. 5. ad illud, *hodie quoque.*

16. *Et super domum Iuda aperiā oculos meos.*] Quo tempore tam graui hæc acciderint incommoda, miserebor, inquit Dominus, populi Iudaici, & ad stuporem vsque percutiam inimicos, ita ut quid faciant nihil sanum, aut certum occurrat. Nam subitus motus, ac timor deliberandi facultatem eripit, sicut accidit Philistæis Iud. capite 15. qui cum ingentem plagam accepissent à Samson stupentes suram

G. Sanctij Comm. in Zachar.

femori imposuerunt : & hoc est quod statim subiicit, *& omnes equos populorum percutiam cecitate*, seu quia illis erepta mens est, seu quia consilium inierunt in instruendo, inferendōque bello suis rationibus non opportunum.

Equos puto pro equitibus sumi, 17. & videtur allusum ad tempus Elisæi, quando equites Syriæ in medium plateæ Samariæ cæci deducti sunt, id est, inter medios hostes. Subauditur autem nota similitudinis: sicut olim equites Samariæ percussi cecitate, sic, &c. Eo ergo tempore, quo alij cæci, & amentes errabunt, Dominus aperiet oculos suos super domum Iuda, quam neglexisse videbatur, & inimicorum armis tradidisse.

Et dicent Duces Iuda in corde suo; confortentur mihi habitatores Ierusalem.] Hieronymus Duces Iuda illos esse putat, qui cum hostibus oppugnabant Ierusalem; qui melius iam in patriam animati optant, ut forti sint animo. Alij de Ducibus intelligunt, qui populo præerant Iudaico, quiq; postea debellatis hostibus genti suæ saluti fuerunt. Et hoc mihi videtur magis expeditum. Illud autem, *confortentur mihi habitatores Ierusalem*, videtur oratio, qua Duces salutem à Domino precabantur, ubi obseruandum est primum effectum diuinæ misericordiæ postquam oculos super populum suum aperuit, fuisse spiritum gratiæ, & precum, ut statim dicit; nempe ut animos excitent ad spem libertatis, eamque à Domino impetrare contendant. Et hoc magis indicat translatio Aquilæ, quæ sic habet, ut refert Hieronymus; *Conforta mihi habitatores Iuda.* Neque ea duplicet Hieronymo. Et quidem ita accidit:

Spiritus precum ex primis affectibus diuinæ misericordiæ.

in m

nam oratione sæpe se populus cōmuniuit contra hostiles acies; & sine dubio ita cōtigit, licet id in Scriptura expressum non habeamus, cū primū Mathathias contra Antiochi imperium Iudæos commouit. Hæc autem verba orationem indicant & preces, quando aliquid videntur optare, idque tacitè in corde.

19. *In die illa ponam Duces Iuda sicut caminum ignis, & sicut facem ignis in fœno.*] Duces sibi prostratos, ac supplices sic corroborauit Deus, vt exigua militum manu innumerabiles hostium copias ea facilitate deleuerint, quæ exigua scintilla magnā copiam aridæ materiæ consumit. Hæc satis nota sunt ex Machabæorum libris. Est autè apud Hebræos Proterbialis figura; *ignis ad stupam*, seu, *ad fœnum*, vt constat ex Abdia, & Isaia cap. 1. qua significamus aliquid ab alio nullo negotio deleri posse.

20. *Et habitabitur Ierusalem rursus in loco suo in Ierusalem.*] Septuaginta vertunt: *Et habitabitur Ierusalem adhuc in se ipsa.* Sed est sensus idem; nam, vt alibi pluribus ostendimus, sæpe antecedens repetitur loco relatiui: sed in ea repetitione epitasim esse puto. Antiochi tempore, vt vidimus, sic Ierusalem à se ipsa defecerat, dum idolis seruit, dum tēplum libidinibus, omnium oculos obscœnis spectaculis inest, vt nō Ierusalem diceret, sed Babyloniam, aut Sodomam; faciet tamen Deus restituta Religione, ac purgato tēplo per Machabæos, vt Ierusalem sibi ipsi, id est, suo nitori, atque sanctitati restituatur. Est autem vſitatū hoc loquendi genus in magna rerum mutatione. Si Roma, v. g. à sua nobilitate defecit, Romam iam nō esse Romam: si ab eo statu ad prio-

Anima sibi restituta perpenitiam.

rem gloriam, & virtutem rediit, Romam iam esse Romam dicimus. Quod in causā non admodū dissimili dixit Martialis in Amphitheatro, Epigr. 2. de Roma ab Imperatore Domitiano restituta. *Reddita, inquit, Roma sibi est.* Sic hoc loco dicitur habitanda Ierusalem in Ierusalem, id est, in eo statu, in quo tunc erat quando verè dici potuit Ierusalem, id est, ciuitas pacis, aut ciuitas sancta.

Vt non magnificè gloriatur domus David, & gloria habitantium Ierusalem contra Iudam.] Genus victoriæ, quam sæpe Machabæi reportarunt ab hostibus, satis indicat cæsos esse hostes non tam humanis viribus, quàm diuina potentia: sæpè enim non obscuris signis, atque prodigiis Deus ostendit pugnare se pro Machabæis. Neigitur domus David, id est, Duces, qui vel ex familiā Dauid orti erant, vel qui Dauidis quōdam Regnum administrabāt (nam de genere ac tribu Machabæorum non disputo, vide quæ diximus cap. 10. ad illud, & domum Ioseph saluabo) suæ virtuti victorias adscriberent, eoque nomine insolescerent, suæ potentiæ illud opus esse significauit Deus. Secundi hemistichij eamdem existimo esse sententiam, ita vt gloria habitantium Ierusalem sumatur pro principibus. Faciet ergo Deus, ne qui gloriosi sunt, & Principes in Ierusalem, contra reliquam multitudinē Iuda inanes sumāt spiritus, quando manifestis indicis omnes intelligent victorias partas esse ope diuina.

21. Victoria à Deo.

Eterit qui offenderit ex iis in die illa, quasi David.] Felicitatem indicat Iudaici populi iam ad antiquā gloriam restituti: dicit enim eos, qui offenderint, id est, qui infirmi fuerint (vt vertunt Lxx. & exponit Hiero

22.

Hieronymus in Commentariis) futuros sicut Dauid fortes, strenuos atque gloriosos.

23.

Pro Religiosis, & verbi Dei ministris.

Et domus Dauid quasi Dei.] Locutus hic difficilis est, neque facile iudicari, an illud *Dei* in genitio sit, aut in nominatio plurali. Septuaginta in genitio ponunt τῆ θεῆς, & ita accipit Hieronymus & alij communiter: & ita censeo dicendum; & tunc sensus erit. Qui fuerint de domo Dauid, id est, digni tanto progenitore, quos nempe Dauid ex suo sanguine prognatos agnoscat, hi erunt quasi de domo Dei, id est, tanquam illi, qui sunt de domo Dei. Qui verò sint isti statim explicat cum addit; *sicut Angeli Domini in conspectu eorum.* Angeli ergo dicuntur esse de domo Dei, & quia Deo astant, & quia Dei nuncij sunt, qui præire solent castra populi Dei tanquam strenui Duces, & bellatores. Exodi 23. *Præcedet te Angelus meus, & introducet te ad Amorrhæum.*

24.

Alicui videri posset, & literæ, & textui consentaneum, si *Dei* sit in nominatio: nam Hebraicè est כְּאֱלֹהִים sine vlla nota genitiui casus. Quod nomen non semper *Deum* significat, sed aliquando *Angelos*. Psalm. 8. *minuisti eum paulo minus ab Angelis.* Hebraicè אֲלֹהִים. Et in Scriptura nomen *Dei* aliis etiam rebus commodari solet, vt Sacerdotibus & Iudicibus. Exod. 21. *Offeret eum Dominus Deus.* & cap. 22. *Domus domus applicabitur ad Deos.* & ibidem. *Diis non detrahes.* Et Psalm. 81. *Deus stetit in Synagoga Deorum in medio autem Deos diiudicat.* Neque tunc diuersus est sensus; qui nihil aliud indicat, quàm eos, qui sunt de domo Dauid, quo sensu suprà explicuimus, futuros quasi Angelos. Et fauet huic sententiæ, quia alte-

rum hemistichium alterius explicatio est; quod sic habet: *Sicut Angeli Domini in conspectu eorum.* Quæ sic coniungi possent eleganter, & iuxta idioma Scripturæ: *Domus Dauid quasi Angeli; quasi Angeli Domini in conspectu eorum.* Sed prior sententia, quia communis est, magis mihi probatur.

25.

Quarum conterere eos, qui veniunt contra Ierusalem.] Vbi Deus populū ita corroborarit, vt infirmis, & qui iam offenderant, id est, qui propter timiditatem ad hostes defece- rant, aut aliquo alio modo animum abiecerant, robur, atque audaciam Dauidicam indiderit: strenuis verò Angelicum robur, & constantiam, dicit se straturum omnium hostium vires: quo planè ostendit sua potentia, non Iudæorum armis, & industria victorias illas esse comparatas.

26.

Quæ hæcenus dicta sunt, ita de Republ. Iudaica, Machabæorumque temporibus accipi possunt, vt etiam ad tempus Euangelij pertineant, quod multi volunt; sed de illis puto historicè, de hoc typicè, quia in hac renouatione, vexatione, ad defensionem rei Iudaicæ, optimè ea, quæ Ecclesia passa fuit à Tyrānis, & quomodo Dei singulari prouidentia defensa, atque propagata fuerit, adumbrantur. Quæ verò sequuntur ad finem vsque capitis, etsi non difficilè ad eadem Machabæorum tempora referri possent; tamen verisimilius est pertinere ad tempus Euangelij, & quidem historicè, vt suis quæque locis ostendamus.

27.

Et effundam super domum Dauid, & super habitatores Ierusalem spiritum gratiæ, & precum.] Si particula (&) continuatiua est, videntur

tur multa, quæ præcefferunt, dicta fuisse per prolepsin, ut quod dixerint Duces Iudæ, *Conforientur mihi habitatores Ierusalem*: quæ vox à spiritu gratiæ, & precum orta est, & felicem rerum progressum, qui descriptus est, antecedere plerumque solet spiritus orationis. Sed fortasse (♣) causalis est, ut alibi sæpe. Vide quæ diximus in Commentariis in Acta ad illud cap. 7. & *semini tuo*: quia spiritus gratiæ, & precum causa fuit tantæ felicitatis. Septuaginta pro, *precum*, vertunt *miserationis*: sed sensus idem est, quia si quis se ipsum miserum cognouerit, statim confugit ad orationem, & preces. Quare eadem vox δέσποισις apud Græcos *indigentiam*, & *precationem* significat. Porro spiritus ille miserationis respicere potest Deum, qui humanæ infirmitatis miseratur, & hominem, qui suam infirmitatem agnoscat, & lugeat. Vtrumque enim valet δεικνύμενος, quo vsi sunt Lxx.

28.

Magnum
Dei donū
oratio.

Cum Deus populo spiritum gratiæ, & precum infundit, profectò indicat non semel, aut iterum, aut breui tempore futurum se illi propitium, ac vindicē; sed diu, ac sæpe. Et ideo spiritum infundit gratiæ, ut gratum habeat populum, illique liberaliter largiatur, quæ vsui futura sunt & gloriæ: & precum, ut gnarus infirmitatis suæ ad Deum confugiat. Spiritus autem precum ille est, qui pro nobis postulat gemitibus inenarrabilibus, id est, qui nos postulare facit. Magnum sanè donum est, & velle Deum grato sibi populo concedere, quæ illi ad salutem expediant; & eidem eam mentem, atque spiritum dare, ut semper petat. Hunc spiritum dedit Machabæis, quo exigua manu ingentes inimicorum copias deleuerunt: nam oratione se ante

congressum muniebant Et sanè obseruatione dignum est, semper Iudæ fuisse superiorem, quoties implorato diuino auxilio bellum aggressus est; bis autem orationem præmisisse non legitur, & tunc ab hoste magnā accepit plagam; semel ab Antiocho Eupatore, lib. 1. cap. 6. iterum ab Alcymo, & Bacchide, c. 9. ubi occisus fuit. Pro re morali obserua, spiritum gratiæ, & precum aptè coniungi: neque enim si gratia adsit abesse debet spiritus precum, qui id oret à Deo, ut gratia perseueret, & augeatur.

Et aspiciem ad me, quem confixerunt. } Locus hic valde difficilis est, contotquēque valde, atque inuertit, quem pertexuimus ordinem hactenus. Neque difficilis esset explicatio de Machabæorum temporibus, nisi hæc verba Ioannes cap. 19. ad Christi mortem retulisset, cum dixit. *Et iterum alia Scriptura dicit: videbunt in quem confixerunt*; qui planè ad hunc locum respexit, ut communiter omnes, & nos ita omnino tenemus, quod necesse est. Sed non credo incommodare explanationi quam de Iudaica Republica tradidimus. Sed priusquam de Christo hæc interpretemur, expēdamus hæc iuxta Lxx. translationem.

29.

Septuaginta hunc locum ita conuertūt: *Aspiciem in me, in quem insultauerunt*; & ex sententia Cyrilli ita distinguunt, ut illud, & *aspiciem in me*, ad præcedentia pertineat, & non incipiant clausulam nouam: ita ut illi, quibus datus est spiritus gratiæ, & precum, statim se ad Deum conuertant, & in eum aspiciant auxilij gratiā. Posuerunt autem pro, *confixerunt*, quod adhibuit vulgatus, & habet Ioannes, *insultauerunt*, decepti, ut inquit Hieronymus, literarum similitudine: legerūt enim קָדַדְנָה *raqedu*, pro קָדַדְנָה *dakedu*;

30.

dakedu, iuxta quam translationem, nisi Ioannis, id est, canonica auctoritas intercederet, sensus esse posset: Quia Deus paulo antè dixerat daturum se spiritum precum, aut miserationis, qui nostram nobis paupertatem, & culpas ostendit, propter quæ clamamus, aduocamusque diuinam misericordiam, & auxilium, subdidisse videri posset eos, qui afflicti fuerant ab Antiocho, quique Deo insultarant inuerecundè, atque impiè, reuersuros tamen ad Deum, & eius misericordiam imploratos, etiamsi Gymnasiis assueti, Gentilium ritu templi sanctitatem meretricum sordibus inquinauerint. Neque hic sensus durus videbatur, etiamsi pro, *insultauerunt*, cum vulgato legas *confixerunt*. Nam hoc etiam verbo in eadem significatione vitur Malachias c. 3. *Si affiger homo Deum, quia vos cõfigitis me?* Accedit, quia hîc non tam videtur Christus loqui, quàm Deus. Hæc ideo dixi, vt ostenderem quàm non difficilè hæc contexti eodem sensu cum superioribus possit. Sed quando constat ad hunc locum Ioannem respexisse, aliter hic locus à nobis exponendus est.

Dicimus ergo hæc tribuenda esse non Deo à Iudæis contempto, dum sacris pollutis noua idolorum monstra, nouæ sacrificiorum sordes inuehuntur; sed Christo in crucem acto, & clauis, lanceæque confixo; vt omnino indicat Ioannes: non tamen ideo existimo mutandam esse sententiam, quam ad hunc usque locum contexuimus. Quam ad rem obseruandum, solere Prophetas, quando historiam aliquam texere videntur, ex interrupto ad spiritum, id est, ad Christum, seu Euangelij tempora vaticinium conuertere, & inde se rursus eodem penè

impetu ad historiam referre. Vide Salmeronem Prolegom. 10. can. 14. Riberā in Osee cap. 2. n. 34. & 35. Pradum in Commentario Isagogico in Ezech. sect. 5. Exempla sunt obuia, pauca hæc accipe. Isai. 45. cùm dixisset: *Hæc dicit Dominus Christo meo Cyro, cuius apprehendi dexteram: & subiiciam a me faciem eius Gentes:* mox altius assurgit, & de Christo dicit, *Rorate cœli desuper*, &c. Et cap. 16. cùm egisset de Moab, repente transit ad Christum; *Emitte*, inquiens, *agnum Domine Dominatorem terra de petra deserti*, &c. & statim redit ad historiam: *& erit Moab quasi anis fugiens*. Quo in loco regulam hanc tradit Hieronymus, & in hoc Propheta sunt exempla multa: nam cap. 3. auertens ab historia sermonem de Christo dicit. *Ecce ego adducam seruum meum Orientem*. & cap. 5. *Ecce vir Oriens nomen eius*. & cap. 9. *Ecce Rex iunus veni tibi*. & statim cap. 13. *percutie pastorem*. In quibus locis quia se aliqua species Christi offerebat, eò abripitur spiritus propheticus; deinde verò ad historiam interruptam reuertitur. Sic etiam hîc Deus quasi admiratus suam liberalitatem, & quanto populum Iudaicum studio, atque amore prosequutus fuerit, deinde Iudæorum ingrata quamdam barbariem, qua in Christum seuerunt, confixeruntque, dixit; intuebuntur Christum tanquam suæ salutis auctorem, & vindicem, quem tamen, ô vesanā mentem! postea configent. Vbi præteritum *confixerunt*, posuit more prophetico, deinde verò vbi hæc quasi *insatius* inserta sunt narrationi, historiam prosequitur de re Iudaica.

Et plangent eum plandū, quasi super unigenitum.] De Christo plerique hæc accipiunt, & de eo tempo-

re, quo confixus est. Sed sunt multa, quæ huic explicationi minùs fauent: primùm, quia non apparet, quomodo omnes tribus eo ordine, atque frequentia Christi mortem deffuerint, quam nunc prædicit Zacharias. Neque enim Christi mors nisi admodum paucis dolori fuit; neque publicè deffeta, sicut Iosifæ cædes, de qua 2. Paralip. c. 35. Accedit, quod dura videtur immigratio à prima persona ad tertiam. Dixerat Dominus suprâ: *aspicient ad me, quem confixerunt*; & statim mutata persona subditur; & *plangent eum*; alium scilicet ab eo, qui confixus est. Scio frequentes esse in sacra Scriptura personarum mutationes; sed id non est adedò frequens, ut ex hac mutatione sumi non possit in contrariam sententiam aliqua coniectura.

33. Quidam hæc referunt ad Iudicij tempora, sicut & illud; *videbunt in quem transfixerunt*. Aug. 20. de ciuitate c. 30. & lib. 1. de Trin. c. 13. Theodoretus, Rupertus, Lyranus, Ribera, Haimo, qui ut priorem partem extremi Iudicij temporibus accommodant; sic etiam consequenter posteriorem. Sed ut de priori fateamur, quod non puto, quia nimis videtur à re proposita alienum; de posteriori certè concedi non potest. Neque enim Iudicij tempore omnes tribus terræ plangent Christum, sed si quid ipsis durius acciderit, plangent se ipsas, imò neque omnes plangent; sed qui dānati fuerint. Illi verò dicuntur ploraturi, aut Christū, aut seipsos, quibus Deus daturus est spiritum gratiæ, & precum; sedij non lugebunt, sed gaudebunt potius, quia gratiam, & preces potius sequitur exultatio, quàm luctus. Sed neque si se ipsas tribus plorēt, satis aptè hæc in tem-

pora Iudicij conueniunt; quia scorsum ploraturi dicuntur viri à mulieribus; in Iudicio autem extremo non erit hæc tribuum, sexuūque diuisio. Quare hîc videtur significari aliquid fieri solitum ex Hebræorum more.

Alij hæc de Romanorum tempore, & quæ ciuitatis exitio interpretantur, in quibus est Cyrillus, & Eusebius lib. 8. de Demonstr. Dem. 4. quod etiam videtur difficile: tum quia statim cap. 14. de hac vastatione agitur; neque prius de planctu, quàm de ipsius planctus causa dicendum fuit: tum quia Iudæi in extremo illo ciuitatis excidio non aspexerūt Christum, neque propter eius mortem putauerunt inflictum sibi malum; sed propter seditiosorum peccata, & propter alia flagitia, quæ tunc ab omnium gentium ordinibus impudentissimè admittebantur Hierosolymis. Certè Iosephus lib. 6. de bello c. 16. tradit eam fuisse in vrbe flagitiorum omnium colluicem; ut si Romani seriùs aduenissent, aut hiatu terræ deuoranda, aut instar Sodomæ cœlesti igne conflagratura fuerit vrbs illa inquinatissima.

Quare aliter locus explicandus est; & est mihi valdè probabile, quod nuper dicebamus familiare esse Prophetis, Zachariam postquam de Christi morte ἐξῆλθὼς breue illud vaticinium attexuit; statim ad interruptam historiam rediisse: neque ea, quæ dicuntur de planctu, ad Christum pertinere; quod satis reddunt verisimile ea, quæ paulo antè diximus: sed ad tempora Machabæorum, de quibus hæctenus est instituta narratio. Postquam enim effusus est à Deo spiritus gratiæ, & precum, seu miserationum, statim secutus est planctus,

34.

35.

&c

& dolor, & oratio, vt de Mathathia, eiusque filiis constat 1. Machab. c. 1. vbi etiam cum Mathathia conuenisse dicuntur plurimi cum vxoribus suis; & hi videntur esse, qui fleuisse dicuntur seorsum à mulieribus. Sed huic expositioni duo videntur incommodare non leuiter. Alterum est, quod in (*plangent eum*) illud *eum*, cum reci-

36. Reg. Pronomē reciprocū pro nō reciproco, & contrā, non reci- prociū pro reciproco adhibitu, ab Inter- prete.

procum non sit, accommodari non potest, aut referri ad eos, qui plangunt, cum, *se*, potius dicendum esset. Alterum, quia etiam si reciprocum esset, in plurali numero esse debuit, non in singulari. Ad priorem partem respondeo, affixum *van*, quod verbo *plangent* adiungitur, vim habere reciproci, & pronominis non reciproci, vt Hebraicæ linguæ mediocriter peritis comper- tum est: & noster vulgatus aliquan- do *eum* reciprocè, aliquando *se* non reciprocè vertit. Huius exemplum est Genes. 2. *Non est bonum hominem esse solum, faciamus ei adiutorium simile sibi*; id est, ei. Illius exemplum præmanibus habemus: nam hunc eun- dem locum, vbi noster *plangē eum*; Ioannes Apoc. 1. legit *plangent se*, & eodem modo legunt Lxx.

Ad posteriorem non est diffi- cilis solutio ex vsu sacrae Scripturæ, quæ adhibere solet singularem nu- merum, cum pluralis præcessisset. Vide Pagninum lib. 4. Regula 18. ex multis vnum aut alterum exem- plum accipe. Genes. 27. vbi vulga- tus, *Qui maledixerit tibi, sit ille male- dictus, & qui benedixerit tibi, benedi- ctionibus repleatur*. Heb. est, *Maledi- centes tibi maledictus, & benedicentes tibi benedictus*. Et Prou. 3. vbi vulga- tus, *& qui tenuerit eam beatus*. Heb. *& tenentes eam beatus*. Et ita Lxx. non tam voces, quàm significatio- nem, & vsum spectantes, quod sin-

gulariter Hebraicè, ipsi pluraliter transfulerūt, *καὶ ὁ πλῆθὺς αὐτοῦ*; id est, *plangent super se ipsos*. Sed est alia ratio longè grauior, quæ me in istam sententiam adduxit: nam Ioannes c. 1. Apoc. qui hunc Zachariæ locum ex omnium opinione re- spexit, in hanc sententiam interpre- tatus est; sic enim ille. *Et videbit eum omnis oculus, & qui eum pupugerunt; & plangent se super eum omnes tri- bus terra*.

Hæc sententia mihi valdè pro- babilis visa est, quæ statuit ab om- nibus tribubus non plorari Chri- stum, sed illorum statum, atque for- tunam, qui spiritum gratiæ, atque precum accepere. Nihilominus, quia multi Christo in crucem sub- lato lacrymis parentatum esse pu- tant; eorum quoque sententiæ si- quid occurrebat incommodi, amo- ueamus. Et primùm obseruo, Pro- phetis non esse propositum histo- rias texere: neque enim tam histori- ci sunt, quàm vates; narrant autem illa, quæ ad Prophetiarum intelli- gentiam necessaria sunt. Quare ne- que semper temporum ordinem seruant, vt in Ieremia liquet; & præ- tereunt multa, quæ si omisisset hi- storicus, ferendus non esset. Idcir- co cum Zacharias hîc tantum præ- diceret Reipublicæ Iudaicæ dete- riorem fortunam tempore Antio- chi; & eiusdem instaurationem per Machabæos, reliqua amputauit omnia, quia ad ea non pertinebat vaticinium; statimque descendit ad Christi mortem, sumpta occasione ab eius liberalitate, cui tam iniquè, atque immaniter respondit popu- lus tantopere ab eo ornatus.

Secundò, obseruo vſitatum esse in sacra Scriptura, vt talia aliqua dicantur, non qualia sunt, sed qua- lia esse debent, aut qualia rerum ipsa

37.

Reg. Quia Pro- pheta hi- storicos non agūt, multa in narrando prætereunt

ipsarum natura, & status exigebat. Quare in eadem propè causa Amos c. 8. dixit. *Inducam super omne dorsum vestrum saccum, & super omne caput caluitium.* Sensus est, tantam futuram esse calamitatem, ut omnes induere debeant cilicia, & caput decaluare; iuxta hæc, licet non constet, an quando Christus mortem subiit, fleuerit ea multitudo, quæ hîc à Zacharia prædicitur, verum tamen fleuisse debuit, quia plorandi grauior causa fuit, quam mortuo Iosia.

39.

Quod si ad tempora Romanorum referas, & vrbis excidium, aptè Iudæorum gens Christi mortem ploratura dicitur. Nam licet Christi mortis in sua clade Iudæi non meminerint; imò alias ob causas existimauerint illam calamitatem obuenisse, plorabant tamen Christi mortem, quia reuera illa tantæ calamitatis occasio fuit. Est autem visitatum valdè, ut causa sumatur pro effectu, etiam moralis. Quia ratione auaritiæ naufragium tribuimus, si illa in causa fuit, ut negotiandi gratiâ aliquis se fluctibus committeret. Et verè ille dici posset, vel quando esset in medio gurgite, vel ad litus eiectus, suam auaritiâ deplorare. Et Troiani exciso iam Ilio lugere dici possent aut Paradis libidinem, aut Helenæ raptum; quandoquidem hæc causa fuerunt tanti mali, licet Paradis, atque Helenæ funditus excidisset memoria. Sic omnino hoc loco ploraturi dicuntur Iudæi Christi mortem, quia propter illam, & ciuitate, & antiqua gloria carebunt. Quàm autem sæpe, ac miserabiliter lugeant viri, ac fæminæ communem illam cladem, docet Hieronymus, qui eorum fleatibus testis ipse non semel interfuit; in cap. 1. Sophon. ad illud [*Vox*

Reg.
Causa mo-
ralis sæpe
ponitur
pro physi-
ca.

diei Domini.] *Videas, inquit, in die quo capta est à Romanis, & diruta Ierusalē, venire populi lugubrē, confluere decrepitas mulierculas, & senes panis, annisque obsitos, in corporibus, & in habitu suo iram Domini demonstrantes, &c. Adhuc fletus in genis, & lurida brachia, & sparsi crines, & miles mercedem postulat, ut illis flere plus liceat.* Hi omnes, licet ipsi de Christi mortē non cogitēt, tamen reuera Christi mortem lugent, quia ab ea satis grauem lugendi materiam habent.

Ad illud, quod suprà contra hæc explicationem obiiciebamus, non videri sermonem esse de Christo, quia cum in prima persona dixisset; *Aspicient in me, quem confixerūt*: deinde in tertia persona dixit; *& plangent eum*: respondeo, illud etiam esse in sacra Scriptura visitatum, ut de se aliquis in tertia persona loquatur, etsi prius in prima loqui cœperit. Itai. 22. vbi noster. *Expellam te de statione tua, & de ministerio tuo deponam te.* Heb. *deponet te.* & c. 42. *Cui peccauimus, & noluerūt in vis eius ambulare; pro nolimus.* Pl. 81. vbi vulg. *cibauit illos ex adipe frumenti, & de petra melle saturauit eos*; in textu Heb. priori loco est tertia persona; posteriori prima: & in Euang. sæpe Christus, cum à prima persona cœpisset, in tertia de seipso in eodem textu locutus est. Matth. 19. *Amen dico vobis, non consummabitis ciuitates Israël donec veniat filius hominis*, id est, donec ego veniam. Ad hunc ergo modum, qui de se dixit in prima persona. *Aspicient in me*; ille idem de se ipso subiunxit in tertia, *& plangent eum.*

40.

Reg.
Aliquis de
se in ter-
tia perso-
na inter-
dū loqui-
tur, licet
in prima
de se lo-
qui cœpe-
rit.

Neque verò omittendam, hæc quoque valdè probabiliter dici posse de tempore Iudicij, quod multi, ut diximus, ex Interpretibus volunt. Et fauet plurimum locus ille

41.

ille Ioannis c. 1. Apoc. qui sine dubio ad hæc Zachariæ verba respexit: vbi, vt verba ipsa indicant, & communiter omnes Patres accipiunt, de extremo Iudicio sermo est; sic autem ibi Ioannes. *Ecce veni cum nubibus, & videbit eum omnis oculus, & qui eum pupugerunt: & plangent se super eum omnes tribus terra.* Nisi velis hæc per accommodationem traducta ad Iudicij tempus, cum historice aliò pertineant.

42. Adduxi tot sententias, easque fusiùs explicui, quàm antea solitus, quia & celebris est locus, & impeditus: neque quid sequar, omnino mihi expeditum est; magis tamen animus propendit in eam sententiam, quæ primo loco à me probata est, quæ de Machabæorum temporibus hæc interpretatur, & planctum pertinere dicit, non ad Christi mortem, sed ad eos qui spiritum gratiæ, & precum accepere.

43. *Quasi super unigenitum.*] Sicut maxime parentes amant, quem unicum habent filium, sic grauissimum ex eius desiderio, ac funere dolore concipiunt. Ierem. c. 6. *Luctum unigeniti fac tibi, plāctum amarum.* Amos 8. *Ponam eam quasi luctum unigeniti.*

44. *Sicut planctus Adadremmon in campo Mageddon.*] Adadremmon, vt inquit hic Hieronymus, vrbs est iuxta Iezraël, quæ modò vocatur Maximianopolis in campo Mageddon, vbi vulneratus est Iosias à Pharaone Nechao. Tunc verò maximo, illū persecutus est luctu Iudæorum populus, quæ singulis annis instaurauit. 2. Paral. 35. *Et vniuersus Iuda, & Ierusalē luxerunt eū, Ieremias maximè, cuius omnes cantores, & cantatrices usque in presentem diem lamentationem super Iosiam replicant: & quasi lex obtinuit in Israël.* Hic verò Iosias, quia templum purgauit, idola subuertit, & Sacerdotes impios sustulit, Christi

G. S. antiq. Comm. in Zachar.

sti Domini figura fuit, qui sublata impietate veram Religionem restituit; & quod de Iosia Ieremias dixit Thren. c. 4. idem de Christo eisdem omnino verbis dici potest. *Spiritus oris nostri Christus Dominus captus est in peccatis nostris: cui diximus: In umbra tua viuemus in Gentibus.*

45. Si de vastitate Ierusalem sermo sit, constat Iudæos singulis annis illam plorare solitos. De illa quam intulerunt Chaldaei, satis constat ex solempni ieiunio, quod eius rei gratiā à Iudæis indictum esse diximus cap. 7. in principio, mense quinto, & septimo: de illa verò quæ inflicta fuit à Romanis, docet Hieronymus ad illud Sophoniæ cap. 1. *Vox diei Domini*, vt nuper diximus.

46. Sin autem accipias de Christi morte, solempni, atque anniuersario luctu celebrata, planè ita fit nunc à Christianis, qui non solum lugent, sed etiam profuso sanguine dolori sibi esse acerbam Christi mortem profitentur. Quod optimè designat trāslatio Lxx. qui pro *Sicut planctus Adadremmon in campo Mageddon*, legunt: *Sicut planctus mali granati, quod in campo succiditur.* Græcè est *πέπων*, est, *puniceti*: non enim tam significat punicam malum, quàm locum punicis consitum malis. Cur verò Lxx. ita verterint, mihi incertum est, eius tamen versionis rationem defuisse non puto. Quæ tamen illa sit, non occurrit. Fortasse quo tempore occisus fuit Iosias ab hostib. mala punica excisa sunt, quæ Iudæis erāt in deliciis. Et ea satis idonea ratio visa est, vt ager ille vocaretur Adadremmon: quod nomen hoc tantum loco reperitur: vel quia explicatio nominis sacre Scripturæ more pro nomine ipso ponitur, vt pluribus docuimus ad illud Cāt. 4. *suavis, & decora.* Aur denique quia punicetum Hierosolymitanis: in

nn

magno pretio, atque in deliciis est, in quo laxantur animi, & deponuntur anxie, atque molestæ curæ. Vnde sponsus ait Cant. 6. *Descendi in hortum meum, ut viderem si floruissent mala punica.* Quem sensum indicat hic Cyrillus. Theodoretus similitudinem sumi putat ab eo strepitu, qui à lignatoribus editur, cum mala punica succiduntur.

47. Ex omnibus mihi magis placet expositio Cyrilli: nam quemadmodum grauis est dolendi causa, cum quis populatur, ac succidit hortum, in quo nostras nobis delicias ponimus; sic etiam Christo per tot acerbitates sublato, lugendi Christianis causa est longè grauissima: & ad hanc similitudinem respexisse videtur Ieremias Thren. c. 4. cum de Iosia, aut, ut alij malunt de Christo dixit. *Cui diximus: In umbra tua viuemus.* Sed, cum alia sint grata, quæ si nobis succidantur, aut eripiantur, dolemus; malorum tamè punitorum præcipuè meminit, quia hæc quando comprimuntur, sanguineum fundunt succum, qualem sponsa propinat sponso suo Cant. 8. *Dabo tibi mustum malorum granatorum meorum.* Et idem Christiani meditatur, cum in se ipsos piè sæuientes verberum inflictu tundunt terga, libantque Deo nõ ab arietibus, seu vitulis expressum sanguinem, sed à suo corpore pia quadam indignatione lacerato.

48. *Et planget terra: familia & familia seorsum.* Existimo hinc etiam designari quæ in funere Iosia contigerunt, & vulgato sacrae Scripturae more notam similitudinis esse subaudiendam: Quanto dolore Iosia mortem populus prosequutus sit, quàm illi prolixè parentarit, satis constat ex lib. 2. Paralip. c. 35. & lib. 3. Esdrae cap. 1. Quemadmodum non viri solum, sed etiam feminae in parentibus honorem illi, & lacry-

mas detulerint; dicit Esdras supra: *Intora Iudæa lugebant Iosiam, & qui præsidebant cum vxoribus lamentabantur eum usque in hunc diem. Et datum est hoc fieri in omne genus Israël.* Hoc, inquam, id est, ut viri, & feminae in omnibus tribubus (quod omnino sibi vult illud, & planget terra: nempe Israël, & omnes familiae, quæ deinde tributim numerantur) pro sua quique parte exequias obéant tanti Principis; in quo post tot Reges impios spes erat omnium. Eodè modo videtur Israël parétasse Aaron, de quo Num. 20. in fine. *Omnis autem multitudo videns occubuisse Aaron, fleuit super eum tribus diebus per cunctas familias suas.*

Familia domus David seorsum, & mulieres eorum seorsum. Indicat Prophetæ Hebræorum cõsuetudinem, apud quos feminae viris permixtæ nihil obibant publicum, usque adeò, ut illis in luctu, quo tempore minùs est periculi ab intemperantia, atque lasciuia, simul esse non liceret, non modò in alienorum virorum turba; sed neque cum suis. Quod obseruauit hic Hieronymus. Hoc propheticum verbum, inquit, significat, quòd tempore tribulationis, & luctus non debeamus seruire coniugiis, & operi nuptiarum. Vnde & in Ioël captiuitate propinqua dicitur ad Iudæos. *Egrediatu r sponsus de cubili suo, & sponsa de thalamo suo. Et imminente diluuio imperatur Noè: Ingredere in arcam tu, & filij tui seorsum, & vxor tua, & vxores filiorum tuorum (item seorsum) & postea finito diluuio dicitur ad eum (ordine mutato) Egredere tu, & vxor tua, & filij tui, & vxores filiorum tuorum. Vi qui in arca imminente discrimine fuerant separati, redditi mudo, generationi, & liberis deseruieret. Hoc autem non solum in tempore sui angustia; sed in tempore orationis, quando volumus Dominum deprecari, dicente*

49.

Feminae seorsum à viris in coniugiis, in luctu, & in oratione.

Apostolo 1. Cor. 7. Nolite fraudare inuicem, nisi forte ex consensu ad tempus, ut vacetis orationi. Igitur & nunc tribus David, & tribus Nathan, &c. à suis uxoribus separat, ut plangent.

50.
Fœminæ
seorsum à
viris in a-
liis natio-
nibus.

Hic obiter obserua, in locis, vbi paulo accuratior est ratio pudoris, atq; modestiæ, tam in sacris, quam in aliis publicis conuentibus separatim à viris fœminas habuisse locum. De conuiuiis Romanorum tradit Macrobius lib. 3. Satur. c. 13. De Græcorum, Cicero Actione 3. in Verrem. De Chaldæbrum conuiuiis constat Esther c. 1. vbi Vasthi Regina fœminarum conuiuium apparauit diuersum ab eo, quod pro viris instruxerat Assuerus. Quod ita fuit olim Gentibus vsitatum, & quasi legitimum, ut in domibus paulo splendidioribus pars esset pro viris destinata, quæ *Andronis*, pars pro fœminis, quæ *Gynaecitis* dicebatur. Quod etiam apud Hebræos in vsu fuisse colligi potest ex eo conuiuii natalitio, quod Herodes instituit, ex Hebræorum sine dubio more. Matt. 14. vbi Herodiadem seorsum ab Herode cum aliis, ut est verisimile, fœminis accubuisse indicat puellæ egressus ad matrem, ut ab illa disceret, quid pro saltatione præmij peteret ab Herode. Et sanè Clemens lib. 2. constit. cap. 62. in templo diuersa loca fuisse docet fœminis, & viris. Et Exod. c. 15. Moyses cum viris, & Maria seorsum cum fœminis canticum cecinisse traduntur. Hinc collige, nobis formam quandam à Propheta præscribi, quæ obseruari debeat in anniuersario Christi parentalium luctu, ut fœminis in virorum conuentu esse non liceat, quæ licet nunc apud Hispanos in vsu sit, ut tamè accuratius seruetur, optatum est.

51.

Cyrillus aliter accipit hunc locum, non quòd diiuncti loco viri, ac fœminæ diuersam cantilenam institue-

rint, sed quòd qualibet tribus, aut sexus diuersam habuerit lamentandi causam. Mihi utrūque videtur esse dicendum, & diuersum esse locum, in quo viri, ac fœminæ confideant: & quolibet ordinē, ac sexū præcipuas quasdam, ac proprias habuisse lugendi causas. Neq; enim omnibus eadē æquē grata sunt, aut vbi fuerint, illa lugere, aut etiā cōmemorare æquē honestum. Laudat viri res bellicas, prudentiā in gubernando, in Religionē, aut retinenda, aut instauranda pietatē; at fœminę, si quid ad earum cultū, ad pacē, & quietē comparatum est. Argumento nobis est David 2. Reg. 1. qui dū ipse luget Saül, & Ionathan, à rerū bellicarū gloria cōmēdat. *Sagitta* inquit, *Ionathā nunquā rediit retrorsum, & gladius Saül nō est reuersus inanis.* Sed quando filias Ierusalē ad plorandū vocat, aliā illis lacrymarū materiā proponit. *Filia*, inquit, *Israel super Saül flete, qui vestiebat vos coccino in deliciis, qui præbebat ornāmenta aurea cultui vestro.* Et ut ex eo loco constat, in carmine illo lugubri familiare erat illud. *Quomodo ceciderunt fortes?* quod ter repetit David, Vt autē in virorū plāctu aliquid sonat grādus, & virili cōstantia dignū, sic in muliebri eiulatu aliquid auditur tenerum, & molle, ut ex Ieremię cap. 22. videtur posse cōiici. Sic enim de Ioachim filio Iosia. *Non plangent ei: va frater, & va soror, non concrepabunt ei, va Domine, & va inchole:* quorum prior pars fœminis, posterior viris videturtribuenda. Nisi maius priorem partem cognatis, & domesticis adscribere, à quibus vocandus esset *frater*, sicut etiā in funere fœmina vocatur *soror*; posteriorē verò aliis, à quibus vocari solet *inchole*, & *Domine*. Vbi illud *va frater, & va soror, va inchole, & va Domine*; formas esse solemnes, & quasi cōceptas in funeris luctu illā

Alius virorum, alius fœminarū viderur cantus, & luctus.

Familiaris forma plā gēdi apud Hebræos.

quidē in priuato, ac domestico, hāc
verō in publico, & communi mihi
certum est. Et de hoc omnino do-
cet Ier. c. 34. vbi agit de publico plā-
ctu Sedeciae. *Va Domine, plangent te*

52. Quod si ita accipias, vt planē ac-
cipiendum videtur, optimē dici pos-
sent seorsū lugere domestici, & cō-
sanguinei, & seorsum illi, qui alieni
sunt à cognatione, licet in funere,
ac plāctu eodē loco permixti essent
atque confusi. Et eandem ob cau-
sam familia David, Nathan, Leui,
& Semei, seorsum dicuntur plora-
tūrā, quia quēlibet propriā habebit
lugendi causam. Familia quidē Da-
uid, quia sublatum Regnū, quod in
ea dudū inueterarat: familia Nathā,
quia Prophetā, aut cessabunt, aut
malē iactabūtur: familia Leui, quia
templū destruetur, polluenturq; sa-
cra: familia Semei, quia Doctorū, &
Scribarum ordo contaminabitur.
Quod si nō de luctu proptereuersā
vrbe, sed de eo, qui propter Christi
mortē institutus est, sermo sit: sanē
multo melius seorsū hē tribus luge-
re possūt, cum Iesus Rex, Sacerdos,
Propheta, & Doctor iniquissimo
iudicio per summos cruciatus, at-
que ludibria sublati sit.

53. Porro in his familiis omnes ho-
minum ordines designātur, qui prae-
cipuē aut consensēre, aut incubuē-
re in Christi mortem. In familia
David quā Regia tribus est; Princi-
pes intelliguntur & optimates po-
puli: in Nathā Prophetalis; in Leui
Sacerdotalis; in Semei Scribarum,
& Phariseorū ordo describitur, vt
dicit Cyrillus, & Hieronymus. Por-
rō Lxx. pro *Semei*, legunt *Simeonem*,
ex cuius tribu lectos esse Iudices, vt-
pote prudentissimos, ex sententia
Hebræorum tradit Cyrillus, & Hie-
ronymus hic, & quæstione 10. ad
Algasiam, & in illud Isaïæ 8. *Hæc ad
me loquutus est Dominus.* & ad Alga-

siā supra docet Simeonē, Akiba, &
Hillel magistros fuisse Phariseorū.

Has omnes familias existimo hoc 54.
eodē ordine parentasse Iosia Re-
gi, & aliis, atque aliis epicediis pro
officiorum varietate; quæ accepis-
sent à Rege, suū quamque dolo-
rem significasse: (diximus autem al-
lusum esse hāc ad plāctum de Io-
sia, & subaudiri similitudinis no-
tam) neque aliter accedit in Christi
mortē; vbi omnibus præcipua
aliqua ratio lugendi fuit. Neque
verō admodum refert si hæc nō eo-
dem modo contigerint, quo descri-
pta sunt à Propheta: nam ex vsu sa-
cræ Scripturæ ea facta, aut futura
esse dicuntur; quæ vt fiant grauis
causa est, aut ipsarum natura po-
stulat; vt docuit Salmeron Proleg.
10. quinquag. 2. can. 13. & Ribera in
c. 20. Apoc. n. 72. In re verō proposi-
ta satis grauis causa fuit, vt omnes si-
mul, & quælibet familia priuatas
ob causas lamentarentur.

55. Si spectes tempus Christi Passio-
nis, hæc etiā videntur contigisse:
nam cum magnus in loco Christus
esset apud omnes, extarentq; quā-
plurima beneficia; quibus Iudæorū
incommodis subuenisset; & eius san-
ctitatis signa quædam illustria, quæ
neque delere, neque obscurare po-
tuit impiorū inuidia, præsertim cum
acciderent ipso Passionis tempore
tot, tamque illustria de cælo testi-
monia; nō dubito quin multi seor-
sum Christi mortē, sicut Iosia olim
plāctu magno prosequuti fuerint.
Certè non multo post doluisse cō-
stat ex Actis c. 2. vbi audita Christi
mortē cōpuncti corde, & conuersi
dicuntur homines ter millē, & c. 4.
quater mille. Vt verō quotānis in-
staurata sit Crucis, Passionisque me-
moria ad nostram vsque ætatem in-
ter Christianos, nemo non videt.
Hæc de cap. 12.



ARGUMENTVM

DECIMITERTII CAPITIS

ZACHARIÆ.



Totum hoc caput de tempore Euangelij est, Christi que Passione, quo tempore futurus esse dicitur fons ita apertus, ut neminem excludat; sic purus, & ad purgandum idoneus, ut quod à peccato, & menstruo sanguine inquinatum est, id est, maximè impurum, ac padore horridū, id totum abluat, ac emundet. Tunc idola, arioli, ac pseudopropheta tollentur è terra; adeoque accipientur malè, ut parentes filios suos eo nomine non solum ad ignominiam, sed etiam ad mortem deposcant. Et ipsi horrore plagarum, sic veteratorum nomen execrabuntur, ut quiduis videri velint magis, quàm Propheta. Deinde admonitus Propheta à plagis, quas pseudoprophetis inflixere parentes p̃j, conuertit vaticinium ad Christum Pastorem optimum, & verissimum Prophetam, qui à Patre multo durius percussus est. Quo vulnere dispergenda dicuntur oves, quæ tamen non multo post conuertentur ex fuga. Ad extremam agit de excidio Ierusalem per Romanos, futurumque vaticinatur, ut ex tribus partibus due, quæ impiorum erunt, peritura sint; tertia verà quæ piorum est, seruanda: ita tamen ut igne tribulationis purgata, sicut aurum in fornace, Deum agnoscat, colatque. Quam Dominus velut populum suum vicissim amplexabitur.

CAPVT XIII.

PARAPHRASIS.

IN die illa erit fons patens domui David, & habitantibus Ierusalem in ablutionem peccatoris, & mensruata.

IN die illa, in qua ab ingrato populo in cruce cõfigetur Christus, fons erit apertus domui David, & iis, qui Hierosolymis habitabunt: & expiatoriæ aquæ ad

abluendum quidquid à peccato, & à menstruo sanguine sordidum, & impurum est.

2 Tunc, dicit Dominus; si qua erunt Gentium idola, fidem illis, & auctoritatem adimam: si qui pseudoprophetae, aut diuini, si quis spiritus Pythonicus, aut immundus, omnes penitus tollentur de terra.

3 Usque adeò verò eo tempore odiosum erit, ac vile pseudoprophetarum, ac diuinorum nomen, ut etiam parentes à filiorum plagis, atque etiam eade violentas manus non contineant. Dicent enim, si quando filij vaticinari tentauerint; omnino tibi moriendum est; quia mendacio tuo diuini nominis fidem, & maiestatem prætendis; idque re ipsa non minus constanter exequentur, quam piè, ac seuerè fuerant minati.

4 Eo rerum articulo cum suam sibi veteratoriam artem pseudoprophetae videant adeò non esse quæstui, ut potius propter illam contemnentur, & vapulent, abiicient institutum illud; atque abominabuntur: neque ad decipiendos homines sacco vrentur cilicino.

5 Sed profitebuntur aperte, etiam non rogati, se non esse, neque vnquam fuisse Prophetas; sed natos eo paren-

2 Et erit in die illa, dicit Dominus exercituum, disperdam nomina idolorum de terra, & non memorabuntur ultra: & pseudopphetas, & spiritum immundum auferam de terra.

3 Et erit: cum prophetauerit quispiam ultra, dicent ei pater eius, & mater eius, qui genuerunt eum: Non viues, quia mendacium loquutus es in nomine Domini; & configent eum pater eius, & mater eius, genitores eius, cum prophetauerit.

4 Et erit, in die illa confundentur Prophetæ, unusquisque ex visione sua cum prophetauerit, nec operientur pallio sacco, ut mentiantur.

5 Sed dicet: Non sum Propheta; homo agricola ego sum: quoniam Adam exemplum

plum meum ab adolescentia mea.

6 *Et dicetur ei: Quid sunt plagæ istæ in medio manuum tuarum? & dicet: His plagatus sum in domo eorum qui diligebant me.*

7 *Framea suscitare super pastorem meum, & super virum coherentem mihi, dicit Dominus exercituum: percutite pastorem, & dispergentur oves: & conuertam manum meam ad paruulos.*

te, quem Deus esse iussit terræ cultorem, edoctosque potius ab homine terram subigere, quàm afflatos à Deo, ut futura prædicant.

6 Quòd si plagarum notæ in manibus relictæ falsum hunc Prophetam mendacij coarguant, cùm eo supplicio mulctari soleant simulati Prophetæ, neque ille conuictus possit aliquid ampliùs tergiversari, fatebitur quidem se in ea fraude, ac scelere fuisse; liberatum se tamen diuino beneficio: tantiq; facere ereptam sibi esse mètem illam, ut amet eos, à quibus percussus est; illasque plagas numeret in beneficiis, & ab insigni amore profectas putet.

7 Digni sanè fuerunt impostores illi, atque pastores falsi, qui à parentibus grauiter, & ignominiosè caderentur. Sed quid bonus pastor, & verus Propheta Christus admisit, ut æternus Pater frameam suscitareret, & ad mortem vsque percuteretur: quem dicentem audire videor: ô gladio excitare, & vibrare super illum, quem pastorem meo gregi præposui, & super filium meum, qui ita cohæret mihi, ut mecum, & in me ipso ab æterno sit. Percute, ô framea, pastorem, ex cuius vulnere ouium, id est, discipulorum sequetur fuga, atque dispersio. Veruntamen conuertam

manum, quam ad plagam intēderam, ad paruulos Discipulos, eosque à fuga, pauorēque receptos amplexabor, confirmabōque:

8 Iam à Christo plagato me ad populi Iudaici plagam, & exitium conuerto. Continget quo tempore vrbs ab Imperatore Romano premetur angustē, & hostiliter expugnabitur, vt duę partes ciuium miserē pereāt: tertia verò pars relinquetur in terra Iuda, quæ piorum erit.

9 Quæ tamen non erit ab omni incommodo, seu iactatione libera: nam tribulatione ita probabitur, sicut igne aurū, atque argentum probari solet. Ita vt si quid adhæsit scorix, id excoquatur totum. Illi præterea, qui in expiatoria illa fornace purgati fuerint, dicit Dominus, agnoscent me Deum, inuocabuntque, quorum ego vota, ac preces audiam. Quos, vt ego populum meum vocabo; sic illi me Deum suum vicissim esse dicent.

8 *Et erunt in omni terra, dicit Dominus, partes due in ea dispergentur, & deficient: & tertia pars relinquetur in ea.*

9 *Et ducam tertiam partem per ignem, & trāram eos sicut tritūtur argentum: & probabo eos sicut probatur aurum. Ipse vocabit nomen meum, & ego exaudiam eum: & dicam: Populus meus es; & ipse dicet: Dominus Deus meus.*

COMMENTARIJ IN CAP. XIII.

ZACHARIÆ PROPHETÆ.



1.



N die illa erit fons patens domui David, & habitantibus Ierusalem in ablutionem peccatoris, & menstrua.

In extrema parte capitis 12. planctum magnum, de quo ibi, similem futurum esse diximus illi, qui quotannis in Iosia parentali- bus instaurabatur. Nunc quæ toto hoc capite dicuntur de fonte patēti, de sublatis ariolis, ac pseudo- prophetis, ad Iosia quoque simili- tudinem adducta credo: quomo- do verò explicanda sint, atque ac- commodanda iam excogitemus.

2.

Et quidem hæc non nemo perti- nere posse existimabit ad Macha- bæorum tempora, in quibus non aliter contaminatum erat, & po- stea purgatum templum, & do- mus Iuda, quàm accidit vtrumque Iosia tēporibus: & quemadmodū ante Iosiam fons non erat apertus, quo se polluti, ac immundi legiti- mo Iudeorum ritu purificaret; quia potentior erat Regum, ac Princi- pum impietas, per quos legitimis sacris studere non licebat, quæ eas vires propter Regum stuporem ac improbitatem acceperat, ut in eandem amentiam Iosia filios, qui post ipsum regnauerunt, traxerit. Porro, ut liquet ex lib. 4. Regum c. 23. in eodem statu erat Religio tē- pore Iosia, quo postea tempore Machabæorum: nam effœminati tunc in templo prostabant, ibi deo- rum simulacra, & aræ: neque lice-

bat tempore impij Regis Manasse, qui biennio antè decesserat, piē vi- uere; omnia erant sordida, & scē- dē olentia impietatem. Tunc cum Iosia oriri visus est fons aquæ viuē- tis, ac puræ, quæ sordes illas abluit, reddiditq; templum antiquæ puri- tati, ac nitori. Quare videri potuit fons patens in ablutionem pecca- toris, & menstruatæ, id est, contra immunditias, obscœnasque sordes, quæ *menstruata* nomine signifi- cari solent.

Eodem etiā tempore Macha- bæorum omnia erant polluta, ac sordida, & templum ipsum mere- tricibus plenum, vsque adeò verò non erat tunc fons patens ad eluē- dam illam proluiem, ut neque oc- cultè liceret vti sacris expiatoriis, neque filios circumcidere. Quare quædam mulieres interfectæ sunt, quia deprehensæ fuerunt filios cir- cumcidisse: imò & multi præputiū adduxerunt, quasi abiurantes pa- triam Religionem. Machabæi verò non aliter atque Iosias aperuerunt fontes, id est, sacra expiatoria, & ipsi circumciderūt quamplurimos; perfeceruntque, ut liberè auderent omnes profiteri legem, quam ac- cepissent à parentibus. Neque est improbabile occidisse eos, qui se Prophetas venditabant, sicut fecit Iosias: nam vbi ritus erant Genti- lium, & idolorum altaria, quis du- bitet ariolos, & aruspices fuisse, qui futura predicerent: quamvis de iis,

3.

Tempora
Iosia, &
Macha-
bæorum
valde si-
milia.

nihil traditum sit in Machabæorum libris.

4. Licet hæc non improbabiler de Machabæorum temporibus accipi possint, quæ valde affinia fuerint Iosifæ temporibus; mihi tamen dubium non est, quin hic locus intelligendus sit de Christo, quod communiter omnes existimant. Imò & Iudæi proxima verba accipiunt de Messia, ut refert Galatinus lib. 4. cap. ultimo: nam ex Christo tanquam à fonte aqua fluxit purissima ad purgandum quidquid sordidum est vnde cumque contractum. De quo fonte ne plura dicam facit, quia ab aliis multa dicta sunt, neque locus longiori explicatione indiget. Illud dicam, hoc loquendigenus esse in Scriptura valde usitatum. Ioann. 4. *Qui biberit ex hac aqua, quam ego dabo ei, non sitiet in æternum.* & cap. 7. *Si quis sitit, veniat ad me, & bibat.* vbi excludit neminem, & se ipsum fontem patentem indicat. Nomine autem *peccatoris, & menstruata*, in quorum ablutionem fons ille patet, utrumque populum significari, tam Iudaicum, quam Gentilem putat Ribera, qui in peccatore Iudaicum, in *menstruata* Gentilem agnoscit. Cuius ea videtur ratio non incongrua, quia cum Iudæus circumcisione sit purificatus, suo potius peccato fœdatus est, quam communi nature; unde iuxta hominum vulgarem existimationem peccator magis propriè dicitur. Alter menstruatus est, id est, sordibus à natura fluentibus inquinatus, sicut à natura menstruata mulier habet, quo fœdè, atque indecorè puteat, & obsolescat. Nihilominus fons ille est in domo David, & pro iis, qui habitant in Ierusalem; quia tantum est in Ecclesia, cuius typus est Ierusalem; ut sæpe in Scriptura, &

In peccato
re Iudaicum;
in men-
struata Gē-
tilis intel-
ligitur.

in hoc Propheta aliquando vidimus. Porro *menstruata* Prouerbiali, ut reor, figura, pro fordibus, vehementer fœdis, & otiosis sumitur. Horrent enim omnes, nausæantque ad mulierem, quæ obscenum patitur menstrui sanguinis fluxum: maxime Hebræi, apud quos menstruata scæmina quidquid tangat, reddebat immundum.

Septuaginta pro, in *ablutionem peccatoris, & menstruata*, reddiderunt, in *transmutationem*, & in *asperersionem*: quam translationem non improbat Hieronymus, quia inde habet homines, ut à lege ad Euangelium, à litera ad spiritum, ab umbra ad veritatem transeant. Videtur autem iuxta translationem istam allusum ad cap. 19. Numer. vbi aqua vaccæ rufæ cineribus permixta inquinati mundantur, & asperzione abluuntur. Hæc, ut dixi, ad Christi tempus spectant. Si quis tamen putet hæc quoque ad Machabæorum tempora pertinere, statumque Iudaicæ Reipublicæ; non valde incommodat eius cogitationi translatio Lxx. Mutatus est enim status Iudæorū, inducta noua, aut potius instaurata antiqua Religio; & legitima quadam asperzione, quæ polluta fuerant, omnia mundata.

6. *Disperda nomina i dolorum de terra, & non memorabuntur ultra, & pseudo prophetas.* Constat Iosiam Christi fuisse typum, & quemadmodum Christi planctum Iosifæ placenti diximus esse persimilem, & in vtriusque studio in purificando templo, atque Regno Iuda nonnullam nuper fuisse similitudinem ostendimus; sic etiam quæ nunc de falsis Prophetis inducuntur, ad Iosifæ similitudinem videntur esse proposita; à cuius historia, ut ego suspicor, plurimum lucis accipiet caput

caput istud obscurum.

7.
Iosias pic-
tas.

Quanto studio Iosias idola non solum è Ierusalem, sed è tota terra sibi subiecta sustulerit, satis constat ex 4. Reg. cap. 23. & cap. 24. neque enim vsquam quicquam idolorum fuit; neque locus ullus, ybi impia sacra à sceleratis obita, quæ non contaminauerit, atque ita deleuerit, vt nulla ibi obscenæ superstitionis vestigia reliquerit. Vt verò fuerit ad extremum vsque exitiū idolorum Sacerdotes, ac pseudopphetas infectatus, ex eodem loco satis liquet. Sic enim de Iosia supra cap. 23. *Et deleuit aruspices, quos posuerant Reges Iuda ad sacrificandum in excelsis, per ciuitates Iuda, & in circuitu Ierusalem, & eos, qui adolebant incensum Baal, & infra: Sed & Pythones, & ariolos, & figuras idolorū, & immunditias, & abominationes, quæ fuerunt in terra Iuda, & Ierusalem, abstulit Iosias.* Ex iis fit verisimile, cum tam seuerè in aruspices, & Pythones, qui & ipsi pseudopphete erant, animaduerteteret Iosias, fidem eos, aut auctoritatem quam apud imperitam plebem obtinuerat, omnino perdidisse; imò & fuisse odio illis, apud quos antea in honore fuerant. Ex quo etiā existimo *Propheta* nomē eo tempore suspectum fuisse propter eos, qui illud falsò, atque impiè sibi arrogauerant: sicut olim nomen *Exorcista* turpe, & insanum, & ipsi Exorcistæ quasi impostores, & nugatores habebantur, vt pluribus docuimus c. 19. Actuum. Et sanè Vlpianus l. 1. ff. de re. borum, & extraord. cognit. impostores vocat. Quare parentes, & cognati, si quid filios, aut consanguineos propheticum moliri, aut sonare suspicarentur, eos non verbis solum, sed etiam plagis ab eo siue nomine, siue studio deterrebant.

Hæc ergo omnia, quæ facta sunt tanquam in typo tempore Iosia, tempore etiam Christi cumulatè completa sunt: nam quemadmodum Iosias fons quidam fuit non clausus, qui occultè, & in vno loco, sed patens, qui in toto Regno sordes, & abominationes elueret; sic Christus fuit parentissimus fons, vt peccatorem, & mēstruatū ablueret. Et vt ille pseudopphetas toto Regno deleuit; sic Christus: eorum etenim magna tunc erat copia non apud Gentiles modò, qui spiritu Pythonico instincti futura se nosse prædicabant, sed etiam apud Hebræos. Nam quemadmodum tempore Iosia corruptis Hebræorum moribus diuini, & arioli sine vlllo metu, imò cum nonnullo honore frequentes visebantur, sic cum Christi tempore Hebræorum mores essent corruptissimi, horum hominum artes, & studia non deerāt. Nam & peregrinis hominibus, & eorum religionibus alieno dominatu plena erat ciuitas; & agente Herode externi mores, & ritus introducti: vt enim tradit Iosephus lib. 19. Ant. c. 10. theatra & amphitheatra, & Gymnasia Hierosolymis instituit, magnisque præmiis externos populos ad theatralia, & gymnica certamina prouocauit, & eo consilio peregrinarum gentium proluuiem in urbem inuexit. Certè sub id tempus fuit Theudas, de quo Actor. 5. & Simon Magus in Samaria & Elimas, qui & Barieu, qui Iudeus esse dicitur Act. 13. quod Christus docet cum monet cauendum esse à falsis Prophetis. Quod excisa vrbe adhuc in extrema Iudæorum fortuna durasse dicemus statim. Tam ergo pseudopphetas ex Gētibus, quàm ex Iudæis, & per se Christus, & per Apostolos sustu-

8.

Iosias
Christi ty-
pus in e-
luendis è
terra for-
dibus.

Inter Iu-
dæos fuisse
arioli,
& augures
etiam tẽ-
pore Eu-
gelij.

Demonū
oracula
tempore
Christi
lucunt.

lit. De Gentibus quidē Gentiles ipsi testes sunt, qui Euangelij tempore cessasse dicūt suorum deorum oracula. Vide Theodoretum lib. de veris, & falsis oraculis statim in principio. Et Plutarchus de oraculorum silētio librum edidit. Quod adeo certum erat, ac omnibus notum, vt poēta Satyricus Iuuenalis, qui propior fuit sæculo Apostolico, imò Apōstolis coæuus, sic Satyra 6. cecinerit.

— Quoniam Delphis oracula cessant,

Et genus humanum damnat caligo futuri.

Quasi dicat: oracula non sunt, quæ nobis futurarum rerum euēta prænunciant; id enim est caligo futuri. Et vt alia omittam ex antiqua historia, quæ ab Apostolis, sanctisque viris indictum esse silentium prodit dæmonibus, qui variis in locis futura prædicere putabantur, certerē Actor. c. 16. Paulus & Silas puellam à spiritu Pythonico liberarunt.

9. *Ei erit, cum prophetauerit quispiā.]*

Vulgatum est in Scriptura, vt tales dicantur aliqui, quales vulgò existimari solent, etiamsi aliter res habeat. Quare idola sæpe vocantur dii, quia sic existimantur à Gentib. & Ioseph pater dicitur Christi, quia eo loco habebatur vulgò. Sic etiam, qui Prophetæ non erant, sed impostores, & nugaces, quia tamen ipsi tale arrogabant sibi nomē, vel quia tales credebantur, Prophetæ vocantur.

10. *Dicent ei pater eius, & mater, &c. Nō viues.]* Allusum videtur hīc ad Deut. cap. 13. vbi Prophetas, aut somniorū interpretes, qui ad vanam Religionem inducunt, iubentur occidi, *etsi frater fuerit, filius, aut filia; aut etiam uxor, quæ in sinu dormit.* Is erit ardor in populo fidei Euange-

lij tempore, aut etiam fortasse Machabæorum, cū populus ab errore, & scelere resipuerit, vt in filiis quoque censeant plectendum esse morte falsum vaticiniū. Quod verisimile est contigisse in Regno Iasæ tanquam in typo. Cū autem Prophetæ variè accipiantur, vt in Actis diximus cap. 2. ad illud, *prophetabunt filij vestri*, nempe qui futura prædicunt, aut qui Scripturas interpretantur: sic etiam pseudoprophetæ vocantur, qui populum à Christi fide abducunt, vel falsis miraculis, vt Simon, vel peruersa Scripturarum interpretatione: denique illi, de quibus Christus, *Attendite à falsis Prophetis, qui veniunt ad vos in vestimentis ouium.* Et de iis omnibus loquutum videtur caput 13. Numerorum, de quo nuper. Talium ergo Prophetarum parentes fideles audaciam, & impietatem capitali supplicio mulctabunt.

In nomine Domini.] Quo pl⁹ inesset ponderis suis nugis, solebāt falsi illi Prophetæ vaticiniis suis diuini nominis Maiestatem prætere, vt fecit Sedecias 3. Reg. c. 22. & illi de quibus Ierem. cap. 27. *Non misceos, aut Dominus, & ipsi prophetam in nomine meo mendaciter.* Quare ipsis familiare erat propheticum illud procerium; *Dicit Dominus*, quasi essent diuinorum consiliorum internuntij. Quod seruabant etiam longè post Christi mortem Iudæi excisiam vrbe, extorres à patria, & sordidum vitæ genus amplexi inter Romanos, quod indicat Iuuenalis dum dicit Iudæam etiam tunc profiteri se internuntiam cæli. Sic enim Satyra 6.

Arcanā Iudæa tremens mendicat in aurem,

Interpres legum Solymarum, & magna Sacerdos

Arboris,

Pseudo-
phetarum
varia ita-
dia.

11.

*Arboris, ac summi fida internuncia
coeli.*

*Qualiacumque voles Iudai somnia
vendunt.*

12.

Confixio
Prouerbia
li figura
pro graui
supplicio.

*Et configent eum pater eius, & ma-
ter.]* Acerbæ mortis, & inflammari
odij forma proponitur: confixio
enim siue lancea fiat, siue gladio, nõ
nisi à magno odio, siue offensione
nasci solet, vt documento nobis est
Saül, qui hasta configere conatus
est Dauid. Vt autè *vrere, & secare* pro-
uerbiali specie sumuntur, vt in pro-
œmio Cõmentariorũ in Isai. ostē-
dimus; sicutiã eadem specie *confi-
gere* pro graui dolore, atque suppli-
cio vsurpari existimo. Quare hinc nõ
agitur, vt reor, de supplicio crucis,
aut de cõfossione pugionis, aut ha-
stæ, vt statim dicemus; sed de graui
aliquo plagarum inflictu, quo à di-
uinandi, vel prophetandi studio
seuerè deterrentur.

13.

*Confundentur Propheta, unusquis-
que à visione sua.]* Non audebũt am-
plius pseudo illi prophetæ suam
non tam Prophetiam, quàm callidi-
tatem, & artem obire, cum viderint
tam longè esse, vt ars sibi aut qua-
stui, aut honori sit; vt potius pro-
pter illam, & contemnantur, & affi-
ciantur plagis, etiam à parentibus.

14.

Saccus fa-
miliaris
Propheta-
rum habi-
tus.

*Nec operientur pallio sacco, vt mē-
tiantur.]* Hinc cõstat quis olim fue-
rit Prophetarum habitus, quàm as-
per, & horridus. Talē habuit Elias,
qui 4. Reg. cap. 1. dicitur *vir pilosus,
& zona pellicea accinctus renibus.* Ta-
lem Isaias, cui Dominus dixit cap.
20. *solues saccum de lumbis tuis.* Vt
ergo pseudoprophetæ sanctitatis
opinionem sibi conciliarent, assu-
mebant sibi vestimentũ illud, qua-
le videbãt Prophetis veris olim ad-
mirationi, ac venerationi fuisse; sed
quia luporum rapacitatem sub
ouinis pellibus ab aliis cognitam, &

seuerè castigatã videbant, nihil iam
de sacco, nihil de prophetica larua
cogitabant, quod otiosorum homi-
num institutum est; sed de colendo
agro, quod minùs inuidiæ, ac suspi-
cioni patet, vt ipsi statim fateantur.

Septuaginta aliter legunt: *Con-
fundentur Propheta, unusquisque ex vi-
sione sua cum prophetauerit, & induetur
pelle cilicina, quia mentiti sunt.* Quasi
supplicij loco asperum illum cul-
tum assumant. Sed videntur alios
habuisse codices, ac vulgatus. He-
braicus certè textus, quem nunc
habemus, illam translationem non
admittit: negat enim potius de sac-
co cilicino, quàm affirmat.

15.

Sed dicit: Non sum Propheta.] Priùs
horrido vestitu, ac cultu impostores
illi Prophetas se populo veditabãt,
idq; apud imperitam, & credulam
multitudinem facilè consequeban-
tur: sed postea edocti alieno peri-
culo, & inflictis sibi plagis admo-
niti apertè fatebantur, se quiduis
esse aliud potius, quàm Prophetas.

16.

*Quoniam Adam exemplum meum
ab adolescentia mea.]* Non, inquit im-
postor ille, Propheta sum, neq; vn-
quam fui: ex quo enim per ætatem
sapere cœpi, natum me ad laborem
esse didici, eo nimirum prognatum
parente Adam, quem Deus colen-
dæ terræ duro alligauit ministerio.
In eum igitur intuens potius sta-
tui sudore vultus mei è subactò
agro tenuem fructum percipere,
quàm propheticos spiritus, id est,
insolentes animos assumere. Alij
non hæc de primo homine Adam
accipiunt, sed de alio quouis, à
quo se dicit accepisse artem pasto-
ralem, ac rusticam. Et sanè sensus ef-
set non ineptus: nam Prophe-
ta à Deo afflatus, & doctus va-
ticinium fundit, agricola, seu
pastor rei pecuariae; ac rusticus ab

17.

homine institutus operam dat molestam, & ignobilem. Ait ergo mendax ille quondam Propheta, iam tamen vexatione sanior; non sic effertur animo ambitioso, ac futili, ut ad fundenda oracula quasi Dei nūcium ab ipso Deo institutum me, atque afflatum putem: neque me supra humanæ naturæ tenuitatem attollo: ab homine edoctus sum humanis, non diuinis assuescere; quod quilibet è vulgo facit, id mihi quæstui, atque studio est. Sed prior expositio communior, atque significatior est. Videtur autem allusum à Zacharia ad illud Amos cap. 7. *Non sum Propheta, & non sum filius Prophetae, sed armentarius ego sum vellicans sycamoras.*

18. *Et dicitur ei: Quid sunt plagæ istæ in medio manuum tuarum?*] Si inflicta vulnera Prophetam illum falsum, qui tamen negabat se vnquam talem existimari voluisse, mendacij coarguerint, cum eo supplicio mulctetur simulati Propheta: sicut nostra ætate aurium mutilatione latrones, aut ferro, & stigmate fugitiui serui, & dentium excussu testes mendaces; & aliquis obiiciat mendacij suspicionem, cum secum ferat in corpore non tam oblatus, quam arrepti muneris prophetici notas, fatebitur quidem se in ea fraude, & scelere fuisse, liberatum se tamen ab eo errore diuino beneficio, tantique facere exustum sibi fuisse errorem, & ablatam illam Prophetæ simulati personam, ut in summi beneficii loco habeat plagas illas, & relicta vulnerum vestigia, quando per illa id consequutus est, ut meliori sit iam & saniori mente. Atque ideo superioris vitæ rationem de testatus ait ita se affectum ab eis, qui verè ipsum diligebant; atque adeo habere se illis immortales gratias. Sed in his aliqua nobis expē-

denda sunt. Primum, an hæc verba de Christo sint accipienda, an de Propheta falso. Secundum, an verè ille confixus fuerit, & plagatus. Tertium, quid significet illud, *in medio manuum tuarum.*

Quod ad primam quæstionem spectat, communis sententia est, hæc verba non pertinere ad Christum; sed ad illum, qui vaticinij falsi conuictus pœnas dedit. Ita Hieronymus, Cyrillus, Theodoretus, Albertus, Hugo, Haimo, Lyra, Varius, Dionysius, & è Recentioribus plerique: & in hanc sententiā omnino cogit textus ipse. Alij de Christo accipiunt, in quibus est Rupertus, S. Thomas in illud Psalm. 21. *Foderunt manus meas.* Salmeron to. 10. tract. 7. Ribera hîc. Quorum hæc firmamenta sunt aut sola, aut potissima. Primum, quia in Missa quinque plagarum hæc verba ad Christi vulnera accommodantur. Secundum, quia si de pseudopropheta propter mendacium plagato hæc fuissent dicta, non videbantur satis piè ab Ecclesia ad Christum accommodari potuisse. Tertium, quia non dubium est, quin quod statim sequitur, ad Christum pertineat, atque adeo id, quod proximū, ac penè cohærens est.

Sed prior sententia magis est ad textum, neque rationes oppositæ admodum vrgent. Non prima, quia non omnia, quæ in Missæ sacris adducit Ecclesia, ad mysterium accommodata sunt, sed satis putat Ecclesia aptè conuenire, si vel vnū, aut alterum verbum historiæ cum festo, cuius causâ adhibentur, commune sit; ut patet in feria 2. Dominicæ 3. quadrag. vbi lectio longissima adducitur de Naaman à lepra mundato, cum tamen in Euangelio multa sint alia, cum quibus historia proposita nihil habet cōmun-

19.

Christo hæc à quibusdam tribuitur.

20.

Probabilius est dici de Propheta falso.

Reg.

Ecclesia ad sacrum officium adhibere solet historiam, aut loca veriusque testamenti, quæ tota accommodari non possunt, sed eius aliqua pars.

nc.

ne. Item in Missa Angelorum Euāgelium, quod totum est de scādalo, vix habet de Angelis aliquid præter nomen. Sic ergo in Missa de Passione; quia in lectione quæ ibi adducitur ex hoc Propheta, aliquid est quod ad Christi plagas, & Passionem pertineat; nempe, *percutit pastorem, &, frumenta suscitare*, etiam si plura sint alia, quæ eō non spectent, illud satis visum est Ecclesiæ, ut capitis illa magna pars recitaretur. Et quidem Patres qui putant Mariam peccatricem non esse sororem Lazari, in quibus est Theophylactus in cap. 14. Marc. Euthymius in c. 26. Matth. Nicephorus lib. 1. cap. 37. sequuti Origenem homil. 35. in Matthæum, & Hieron. in cap. 26. Mart. & Ambrosium in c. 24. Lucæ, Chrysostomum homil. 18. in cap. 26. Matth. & alij, qui dubitant, an eadem sit peccatrix, quæ soror Marthæ, ut est Bernardus in serm. de Magdalena. S. Thomas in cap. 26. Matth. & in cap. 11. Ioannis. vbi cōnumeratis sententiis nihil definit, non admodum mouentur, quod in Ecclesia in festo Mariæ Magdalene, id est, sororis Marthæ historia recitetur peccatrici. Vide solutiones alias, quas adducit Salmeron tom. 4. p. 2. tract. 6. qui etiam censet Magdalenam à peccatrice diuersā, dum respondet Hymno, qui in Magdalene festo in Ecclesia canatur.

Maria soror Lazari,

Qua tot commisit crimina, &c.

In vas translata gloria

Ex vase contumelia.

Deinde non rarò in sacris Ecclesia solet alienam historiam propter similitudinem aliquam, vel mysteriū ad res alias accommodare. Vbi intelligi solet nota similitudinis, quæ ibi non exprimitur, ut illud Iona-

thæ & Saülis, quod cecinit David 2. Reg. 1. *in morte quoque non sunt separati*, ad duos Ecclesiæ Principes Petrum, & Paulū traducit: & duas oliuas, & lucernas, de quibus Zacharias cap. 4. ad duos fratres Ioannem, & Paulum. *Isti sunt duæ oliuæ, & duo candelabra lucentia ante Dominum.* In Missa Vigiliæ Ioannis Baptistæ lectio sumitur ex cap. 1. Ieremiæ, quæ tota de Ieremia est: in die verò eiusdem ex cap. 49. Isaia, quæ verba sine dubio de Christo sunt. Et in festis B. Virginis plurima adducuntur, quæ in sapientiam scripta sunt; & in assumptione ipsius historia proponitur Marthæ, & Magdalene: Quis autem ideo sibi persuadeat illam historiam aut de Ioanne, & Petro; aut de B. Virgine esse intelligendam?

Ad secundum non est difficilis responsio: satis enim notum est homines malos, & in actione etiam non bonarum sanctissimarum, atque adeò Dei ipsius esse figuram. Quod negarat prius Hieronymus in cap. 45. Isai. & in cap. 10. Osee; & in cap. 12. Ezech. sed mutauit postea sententiam epist. 131. ad Ruffinum, vbi ait duas filias Loth, & duas uxores Osee significare vtrumque testamentum, & Loth, & Oseam in eo etiam, in quo uxores, & filia figuræ fuere Synagogæ, Christi fuisse typum. Idem putat Augustinus libr. 22. contra Faustum Manichæum; & adducit incestum concubitum Loth cum duabus filiabus, & Iudæ cum Thamar. Idem Gregor. lib. 3. Moral. cap. 21. confirmatque exemplo Davidis, & Bersabæ: & Theodoretus dialogo 3. vbi Christum videri in eo serpente exaltato à Moyse. Hoc idem docet Eucherius in libro 1. Reg. vbi mortem Saül typum esse dicit mortis Christi. Vide plura

22.

Regul.
Malus in
actione
etiam ma-
lus typus
est
rei bonæ;
sicut etiam
bonus rei
malæ.

Maria peccatrix qui buidā diuersa videtur à sorore Lazari.

27.
Regul.
Ecclesia
ad sacrum
officium
historiam
alienam
propter
similitudi-
nem accom-
modat.

plura apud Salmeronem Proleg. 9. can. 10. & 11. vnde hæc à nobis sumpta sunt. Quid ergo mirum si Prophetam istum plagatum à parentibus typum esse dicamus Christi, qui à matre Synagoga, & à parente Deo percussus est: Tametsi ad hanc solutionem confugere necessarium non sit: quia, ut diximus nuper, satis est ut historia ex hoc loco petita in Missa plagarum recitetur, quia ibi est aliquid quod ad Christum propriè, & sine typo pertineat; nempe, *framea suscitare, & percutere pastorem.*

Ad tertium, fatemur illa quæ proximè dicuntur, propriè dici de Christo. Quomodo verò id non incommodet expositioni nostræ, suo loco dicemus.

23. Secundò, dubitatur an hic verè plagatus sit, vel confixus. Hieronymus, quem ferè alij sequuntur, affixum fuisse putat patibulo, & ex eo fiscitantibus responsum reddidisse. Alij, non respondisse ex patibulo; sed gestasse in manibus vulnere stigmata, quæ plagæ dicuntur. Ita Theodoretus, Albertus, & alij. Imò Cyrillus putat plagas illas esse vinculorum vestigia, quibus ille pseudopropheta à parentib. ligatus est. Neque sanè parentibus à lege permissum est, ut priuata authoritate liberos in crucem agant: neque ageretur nisi in Prophetali habitu, ut eo præ se ferrent cuius sceleris in eo patibulo pœnas darent. At ille iam videbatur illū deposuisse, & sumplisse pastoritium, & rusticum, quando respondit, *vir agricola ego sum.*

24. Quod de plagis ab aliis dictum est, nempe, quòd verè plagatus sit à parentibus pseudoprophetes, mihi omnino videtur esse dicendum. Sed improbable non est, hæc non accidisse; sed ex vñu Scripturæ fuisse

se significatum, id quod ex tanto odio Prophetici nominis verissimiliter putabatur esse futurum. Est enim valdè vsitatum, ut aliquid factum esse dicatur, quod, ut fieret, aut rerum natura, aut stñtus postulabat, ut diximus in fine præcedentis capituli. Et si hoc admittas, quod in pluribus aliis Scripturæ locis recusandum non est, sensus erit: vñque adeò inflammandum esse vel parètum odium in pseudopphetarum præstigijs, & veteratorias fraudes, ut si neçesse fuerit filios suos vulnerare, atque etiam ignominiosè rapere in patibulum, non recusent; & adeò pseudopphetis horrore futurum nomen illud, ut primùm omnino negent in se aliquid esse propheticum; vbi, verò nullus fuerit tergiversationi locus, quia vulneris notis proditur vsurpatum munus, dicant adeò se nō amare nomen illud, & ministerium nō suum, ut magnas agant gratias parentibus, quorum opera, licèt cum magno suo dolore, atque ignominia, ab eo studio liberati sunt. Hęc verò mimesis est eorum, quæ in simili casu fieri solent.

25. Tertio, dubitatur an pseudopphetæ manus vulneratæ sint. Si in crucem actum esse dicamus, non est difficile statuere, quia ligno manus affiguntur; sed qui ligni supplicium subeunt, rarò inde refugunt, nisi mortui. In hac re obscura mihi videbatur dici posse non improbabiler, in vñu esse apud Hebræos, quod in nationibus aliis videmus esse frequens, ut multi scelerati non tam supplicij pœnam, quàm ignominiam subeant: cuius rei argumēto nobis est & direptio calcei ab eo, qui excitare noluit fratris sui semen; & consputatio in eius faciē ab vxore fratris mortui. Deut. 25. &

tradu

traductio, in quam ne coniceret B. Virginē, voluit illam Ioseph occultē dimittere. Sic ergo putabam in speciem, & vt aiunt, dicis gratiā, falsos illos Prophetas ad patibulum duci, ibique cōfigi manus, qua parte & periculum nullum est, & leuior dolor, & inde vestigia vulnerum in manibus referre; quę conspicati alij, faciliē in suspensionem venirent, illud esse de illo impostorum numero. Neque putabam aliter ex cruce, in qua supplicium, subitur extremum, aliquem viuum, & plagatum deduci posse.

26. Hebræi hoc loco *manus* non accipiunt in ea significatione, quam illis nos communiter damus; sed putant sumi pro toto corpore, neque id sine aliquo fundamento; nam imprimis Hebr. vbi noster legit, *in medio manuum tuarum*, est *בין ידיו* *ben iadecha*, id est, *inter manus tuas*; & ita vertunt Pagninus & Varablus. Quare non est necesse vt dicamus manus esse vulneratas. Neque obstat Latina translatio, quę habet *in medio*: tum quia *in medio* non semper valet ex vsu Scripturę id quod sonat, sed *inter*, vt, *in medio populi mei ego habito*, id est, *inter meos populares*: tum quia *in medio manuum* corpus est. Facit ad id quod *ידיו*, id est, *manus*, significat *terminū*, vt pluribus ostēdimus suprà c. 4. ad illud. *Quę sunt iuxta duo rostra*. Et ita accipio illud Psalm. 103. *Hoc mare magnum, & spatiosum manibus*, id est, *terminis*, aut *littoribus*. Manus verò totius corpori quasi termini sunt.

27. Res sanē dubia, & in qua quid sequar definitum nihil habeo; eò tamen magis inclināt animus, vt existimem verbum *configo*, quo hęc vtitur Interpres, sumi non pro certo aliquo cruciatus, seu ignominie genere, sed indifferenter pro quocū-

que quod graue sit, & horribile, per synecdochem. Sicut de *seco*, atque *vro* diximus in procemio Commentariorum Isaia, & suprà cap. 3. ad illud; *torris erutus de igne*. Quod multa Scripturę loca mihi persuadent. Prouer. 22. *configo* sine dubio vehementem afflictionem indicat. *Non conteras egenum in porta, quia iudicabit Dominus causam eius; & configet eos, qui confixerunt animam eius.* & Malachia cap. 3. *Si affiget homo Deum, quia vos configitis me? & dixistis, in quo confiximus te? In decimis, & primitiis.* Eodem, vt puto, sensu, quo in casu non admodum dissimili dixit Isaia cap. 1. *Laborauit sustinens*. Neque parum fauet huic sententię, quod vbi noster habet *configent*, Lxx. legunt *compedient*, seu *ligabunt*; nempe vt amentem, vt putat Cyrillus. Sed Nahum cap. 3. *confixionem cum illa ligatione cōiungit*, quasi ligatus confixus sit, id est, grauiter afflictus. *Omnes, inquit, optimates eius confixi sunt in compedibus.* Accedit quod Deut. c. 13. *pseudoprophetę lapidari iubentur, non crucifigi, vbi sermo est ad patrem, & cognatos contra filium, aut consanguineum somniatorem, & Prophetam.* *Sui prima manus tua super eum: & postea omnis populus mūtet manum: lapidibus obrutus necabitur.* Neque est verisimile parentes pios, si in filios impostores, & mendaces animaduertere vellent capitali pœna; patibulo vsuros fuisse potius, quā lapidatione à lege cōstitutura. Et ita censet Cyrillus, qui plagas manuum nō tam à clauis, quā à funium nexu relictas esse censet. Vide quę suprà diximus capite 12. ad illud, *quem confixerunt*. Et hęc postrema sententia ex omnibus mihi maxime placet; nihil tamen hęc certò, ac definitò assero.

28.

Framea suscitare super Pastorem meum.] Hæc verba optimum habet interpretem Christum Iesum, qui hæc de se ipso exponit Matth. cap. 26. & Marti 14. Quod verò quæ modò sequuntur valde sint à superioribus diuersa, ostendit & mutata dicendi figura magis emphaticâ; vt tunc enim Propheta imperatiuo, cum prius vsus esset futuro: & quod statim subdit, *dicit Dominus*, quod ad hæc postrema videtur esse referendum. Solent autem nonnunquâ Prophetæ subito in alios, atq; alios affectus erumpere; neque facile apparet qua occasione, aut qua cum adiunctis consequutione id fiat; quod maximè contingit in iis, quæ ad Christum pertinet. Nam quem admodum, qui aliquid vehementer amat, totus in eo est, & importunè interdum rebus, non tamen amoris suo sermonem inducit de eo quod sibi hæret in animo; nequeratò se præbet aliis aut inurbanum, aut ridiculum: sic Prophetæ cum de Christo cogitant, in Christi nomen, & gesta è medio sermonis cursu abripiuntur. Quare viri sapientes non semper in Prophetis querendum esse putantur hæc, vel illa hoc temporis, seu sermonis articulo dicantur. Satis enim grauis ratio est, quæ redderet, qui alterum deperit, si se amare dicat: neque enim amanti vsquâ importunus est sermo de amato. Nihilominus Propheta noster non sine occasione, eaque grauissima nunc in Christi Seruatoris plagas, & mortem exiliit.

29.

Regul.
Cum ec-
currit, ym-
bra tẽpo-
poris. Huius
gelici, ad
illud trãs-
ferri solet
sermo pro-
pheticus.

Observatum nobis antea est, vsitatum esse in Prophetis, maximè in Evangelico Propheta Isaia, vt quoties occurrit typus Christi, aut species Evangelij, à typo ad veritatem progressus fiat. Quare suprà cap. 6. postquam Iesu Sacerdoti ablati

fordidis vestibus imposita fuit aurea corona: quia in eo apparebat species aliqua Christi, post Passionem coronati; ad Christum statim transtulit vaticinium; dicens. *Eccc vir Oriens nomen eius.* & cap. 9. cum meminisset populi, qui pauper erat, atque humilis à captiuitate restitutus; qui tamen postea futurus erat fortis, & potens: quia ibi occurrebat typus aliquis Christi exaltandi post quandam veluti seruile conditionem, aut certè tantæ felicitatis, & amplioris postea libertatis authoris, intento ad Christum spiritu dixit. *Exulia satis filia Sion; in-bila filia Ierusalem; ecce Rex tuus venit.* Et huius subitæ, atque extaticæ migrationis exempla occurrunt passim in Isaia. Cum ergo videret Zacharias pseudoprophetas merito suo vulnerari, malos vtique pastores, & eo nomine, quasi seductores esset, & malus Propheta, Pastorem optimum, & fidelissimum Prophetam Christum ab ignaro, atque impio populo vulnerandum, abripitur repente à spiritu, & admirabilis ait venturum esse tempus, quod non à piis hominibus veterator, & impostor, sed ab impiis verò Pastor, & fidelis Propheta vulnerandus sit. Item cum videret falsos Prophetas à parentibus suis vulneribus affectos; memoria Zachariæ opportunè subiit quomodo Deus Pater, qui multo magis filium Christum diligebat, eum traditurus esset morti, imò; vt cecinit Isaïas, percussurus; *propter scelus populi mei percussillum.*

Ceterum notum est, imperatiuum sumi pro futuro; quod si in aliis esset dubium, de hoc tamen impiu esset dubitare. Christus enim apud Matthæum hunc locum per futurum expressit. *Percutiam*, inquit,

Pasto

302

Pastorem, & dispergentur oves gregis. Quod de framea etiam dicendum esse nemo dubitabit, quando idem filium est, textusque verborum.

31. Ex verbis Christi satis fit credibile frameam à Deo Patre suscitandam super Pastorem Christum, & ab eodem esse percutiendum. Quod enim nisi ad Patrem, referri possit illud *percutiam*, non apparet. Appellata autem Deus Pater Christum Pastorem suum, id est, à se missum, cuius custodiæ gregem commendarat. Quare Christus bonus Pastor Patri suo dixit Ioan. 18. *Quos dedisti mihi, non perdidisti ex eis quemquam*; ut secerneret à Pastoribus aliis, id est, pseudoprophetis, qui à Deo missi non sunt; neque eo iubete propheticum munus obierunt, sed impellente ambitione, aut avaritia: de quibus Ier. c. 28. *Non mitebam Prophetas, & ipsi currebant; non loquebar ad eos, & ipsi prophetabant*. Hic ad extremum observandum familiarem esse Prophetis apostrophem ad gladium: ut enim hic Zacharias, *Framea suscitare*: sic Ieremias cap. 47. *ô mucro Domini usquequò non quiesces?* & Ezechiel cap. 21. *Mucro, mucro, euagina te ad occidendum*.

Apostrophe
viticata
gladium.

32. Et super virum coherentem mihi.] Hebr. *וְעַל אֶמְנִי* Lxx. transtulerunt *cinem eius*; qui videntur deduxisse à *עַמ*, quod *populum* significat, & pro *Ida* affixo pronomine primæ personæ, in suis codicibus habuisse *Vau* tertiæ. Eandem etiam vocem *עַמ* habuisse videntur Aquila, & Symmachus, quorum alter *contribulem meum*, alter *virum populi mei*, conuertit; sed Hieronymus deduxit à *עַמִּי*, quod *proximum* significat; at parum diuersus sensus est, quacumque ex parte derives, nisi quod iuxta Aquila, & Symmachi translationem hæc verba videntur

spectare ad Zachariam, cui contribulis Christus fuit, & eiusdem populi. Sed iuxta translationem vulgati, ad Deum Patrem referuntur; præsertim si in futuro sumas, & in prima persona, ut Christus ipse docuit, cum pro *percutie*, citauit *percutiam*. Excitaturus igitur dicitur Deus frameam suam super virum coherentem sibi, id est, consubstantialem, & qui ita coheret, ut cum ipso, atque in ipso, sit. Et quidem si Dei verba sint ista, reliqua magis expedita sunt. Et ita sentiunt omnes penè Interpretes; iuxta versionem Lxx. qui reddunt in tertia persona, *super virum cinem eius*. In *cinem* aliquid diuersum intelligitur à Pastore, & ex sententia Cyrilli, & Theodreti intelliguntur Apostoli, & Discipuli Christi, qui eodem tempore, & post Christi Passionem variè exati sunt.

Percute Pastorem, & dispergentur oves.] Christus de Patre dixit; *Percutiam Pastorem*. Zacharias item de Patre, *percutie*, id est, percutiet. Sed idem est in Zacharia, *percutie*; quod de Patre, *Percutiam*; nam Pater cum framea loquitur sua; & dum iubet, ut percutiat Pastorem, sine dubio dicit se percussurum; neque enim alius frameam illam vibrat, præter Deum. Porro hæc de Christo, & de puillo Discipulorum grege esse accipienda ipsa veritas docet Matt 26. neque alij Christo percussio dispersi sunt; sed potius aggregati quam plurimi.

Et conuertam manum meam ad paruulos.] Tempus hoc futurum satis indicat illud *percutie*, optimè fuisse à Christo conuersum; per futurum, *percutiam*. Paruuli isti idem sunt, qui supra dicuntur *oves dispersa*, æpe Discipuli Christi. Dicuntur verò paruuli, vel quia humiles, & à Principi-

33.

34.

bus Synagogæ despecti, vel quia pusillus grex, vel quia quo tempore percussus fuit Pastor; ipsi timido fuerunt ac pusillo animo. Quo, verò sensu accipiendum sit illud, *conuer- tam*, obsecrum est. Si sequaris translationem Lxx. qui ita vertunt; *Et inducam manum meam ad Pastores*, sensus est; Pastores quoque percutiendos esse. Pastores verò illi sunt ex sententia Cyrilli, ac Theodoret, Principes Synagogæ, qui Christum morte damnauere. Sed, quomodo Pastores Lxx. conuertere potuerint, non video; nisi pro *ד' ו' צ' Soarim*, quod nunc est in textu Hebraico, & paruulos significat, exigua commutatione *ד' ו' צ' roim* legerint, quod Pastores valet. Sed iuxta vulgati versionem alia est significatio, quam Hieronymus sequitur, Haimo, Ribera, & complures alij. Ita vt Deus conuertat manum, non vt percutiat, atque dispergat paruulos; sed potius vt dispersos colligat, & metu Iudæorum exangues confirmet, & a fuga, pauoreque receptos amplexetur, ac foueat. Et hæc mihi probatur magis sententia; quam etiam textus ipse non obscure significat; si modò constet paruulos esse Discipulos. Nam si iam antè percussi metu, atque dispersi fuerant, cur in illos intendenda iterum manus ad plagam? Magis sanè videtur ad rem si dicamus Dei manū à plaga, & flagello ad misericordiam, atque medicinam fuisse conuersam.

35. *Et erunt in omni terra, dicit Dominus, partes dua in ea dispergentur.*] Hic iam, vt putat Hieronymus, post parenthesis, in qua de Christi morte actum est, ab ea vaticinium auertens Zacharias, ad ea quæ interrumpat, sermonem refert. Constituit autem tria hominum genera, vnum Iudæorum, aliud Gentilium, qui tunc

in vrbe morabantur, quando extrema clades accidit à Romanis: tertium Christianorum. Duo illa perierunt, quia vel absumpti sunt fame, & percempti gladio, vel exilio mulctati; id enim est *perire de terra*. Et quidè Ioseph. lib. 7. de bel. c. 17. scribit in obsidione vndecies centena millia perisse: fuisse verò capta nonaginta septem millia; eorū verò maiorem partem fuisse Gentilium, qui ad Azymorū festum vndecumque conuenerant. Tertia verò pars & vitam retinuit, & libertatem, nempe Christianorū. Quod quidem ex eo fit probabile: nam Christiani ex alijs regionibus ad illam Azymorum solemnitatem non venerant in Ierusalem, quia illis Iudæorum festa sancta non erāt. Neque credibile est Christianos, qui in Christi mortē non conspirant, aut si qui in eo numero fuerunt, iam peccatum illud detestati poenitētia, & lacrymis expiassent, luisse poenas pro Christi nece Iudæis inflictas.

Mihi imprimis placet sermonem hic esse de obsidione Romanorum, sicut pleraque eorum quæ ad finē vsq; Prophetiæ dicuntur; & ita putat, vt diximus, Hieronymus, Cyrillus, & alij. Quod verò Hieronymus, & illum sequutus Haimo de duab. partibus dicunt, ex Iudæo, Gentiliq; populo conflatis, minùs certum est. Et quidem si textum Hebraicum consulas, inuenies non ibi partium distinctionem, ita vt ex duabus partibus altera sit ab altera diuersa, sed proportionem significari, ita vt ex omnibus, qui eo tempore erunt in Iudæa, tertia pars superstes è ferro, & flamma futura sit. Hebræa sic habet, *ד' ו' צ' pi sanim*, id est, *portio*, seu *mensura duarum*. Quod verò tertia pars, quæ seruata fuit, fidelium fuerit, & non eorum Iudæorum, qui ex illa vrbe capti, & variis incommodis iactati

36.

In Romanorum obsidione quot, & ex quo genere perierint.

Fideles seruati.

iactati sunt, quorum nūc etiam potest ignobiles, sordidi, & odiosi suppetunt, ex eo probatur, quia tertia pars, quae saluanda dicitur, inuocatura etiam dicitur nomen Dei, & futura eius populus, & tribulatione probanda nō aliter quā igne probatur argentum: nam licet Iudaei à vastitate reliqui tractati fuerint non solum durē, sed etiam ignominiosē, non tamen ita mutarunt animos, ac mores, ut Deum colant, vocariq; potuerint populus Dei. Qui in fornace persecutionum ita & olim Vespasiani tempore, & nunc etiā vruntur, ut non purgentur; ita coquantur, ut non excoquatur scoria. Longē aliter fideles, qui Christum coluerunt, quique Deo ex omnibus soli possunt dicere, *Deus meus es tu*, quosque Deus ita probat, sicut probatur argentum, in camino tribulationis. Discat hinc, qui ad hanc tertiam partem pertinere student, examen durum ignis, & laborum esse subeundum: neque tutum existiment statum illum hominum, à quibus ignis abest paupertatis, & tribulationis, quo purgari debet, & probari quod aurum futurum est purū, & excoctum.

37.

Theodorētus infra ad illud cap. 14. *Ecce dies veniunt*; putat omnes fideles, qui in vrbē erant, quo tempore Vespasianus obsidionem moliebatur, excessisse ex vrbē matura fuga, antequam ab hoste interclusi essent ad salutem aditus. *Fama est*, inquit, *Vespasiano, & Tiro bellum comparantibus, & suscipientibus, id temporis*

fideles ex reuelatione urbem reliquisse. Et verò hoc ipsum in Euāgeliis Dominus Christus iussit. *Cum videritis circumdari ab exercitu Ierusalem, tunc scitote quia appropinquat desolatio illius: tunc qui in Iudaea sunt, fugiant ad montes.*


38.

Circa textum obseruandum est, illud, & erunt, otiosum esse in Latina translatione, quod in textu Hebraico otiosum non est; quia id exigit Hebraicū idioma. Est enim perinde ac si dicas: & in terra erunt partes duae. Obseruandum item illud, in omni terra, intelligendum esse tantū de terra Iudaeorum, iuxta regulam, quam in illud Isai. 13. *in disperdam omnem terram*, tradit Hieronymus.

Idioma est, inquit, *Scriptura, ut omnem terram illius significet provinciam, de qua sermo est.* Exemplā multa adduximus ad illud Actuum 2. *ab omni natione qua sub caelo est.* Obseruandum tertio, *dispergi in terra*, aut *perire de terra*, sumi non tantū pro exilio, aut vulgari morte, sed pro quocumque grauissimo infortunio, siue illud temporale sit, & humanum, ut diuitiarum, aut vitae iactura; siue spirituale; & aeternum, ut est gehennae supplicium. De damnis temporariis est illud Psal. 103. *Deficient peccatores a terra, & iniqui, na vi non sint.* & Psal. 108. *Disperdat de terra memoria eorum.* Sed Psal. 59. de aeternis intelligitur, ut ex adiunctis liquet. *Dominus regnauit in aeternum, & in saeculum saeculi. peribitis gentes de terra ipsius.* Et fanē cœlum terra viventium appellatur, & ita exponit Iansenius.

Dispergi, aut perire de terra, quoduis damnū significat, siue spirituale, siue humanum sit.


ARGV



ARGUMENTVM

DECIMIQUARTI CAPITIS

ZACHARIAE.



Docet quomodo ab hostibus Solymitana ciuitas capienda sit, & depredationem, atque ignominiam subiurā à gentibus, quas Dominus in praelium quasi Dux & antesignanus antecedit. Dehiscēte autem monte Oliuarum ad muros usque Ierusalem, omnes ad loca tuta ciuitatis confugient ea trepidatione, ac velocitate, qua tremittus tempore sub Ozia. A quo terra tremore, hominūque fuga admonitus Propheta ad extremi Iudicij minas vaticinium traducit: à quo rursus ad Ecclesiae felicissimum statum illico reuertitur. In qua in omnes gentes, & in omnē aetatem abundantem dicit futurum esse fontem, & iugiter manantem: deinde Ecclesia hostibus exitium minatur. Ad extremum dicit futurum, ut omnium gentium opibus, atque ornamentis ad diuinum cultum ultro collatis Ecclesia locupletetur, & splendeat.

CAPVT XIV.

PARAPHRASIS.

I **E**cce dies Domini venient, & diuidentur spolia tua in medio tui. 2 Et congregabo omnes gentes ad Ierusalem in praelium, & capietur ciuitas, & vastabuntur domus, & mulieres violabuntur, & egredietur media pars ciuitatis in captiuitatem, & reliquū populi

I **D**ixi obsessum iri à Romanis Solymitanam urbem, duasque terrae Iudaicae partes perituras; id quomodo futurum sit accipe. Cum dies ille terribilis à Domino immisus sit, in hostium potestatem venient exuiæ, quæ sunt in Ierusalem; quas ipsi inter se per otium, & securè distribuent. 2 Et congregabo, dicit Dominus, armabóque ad oppugna

pugnationem ciuitatis omnes gentes, à quibus capietur ciuitas: & exhaurietur, ac vastabitur domus: neque suam pudicitiam mulieres à militum intemperantia liberabunt; & parte media ciuium in exilium abducta, quod reliquum fuerit è populo, in vrbe remanebit.

3 Neque gentes illæ undecunque contra Hierosolymam congregatae solæ pugnabunt: præcedet enim illas Deus tanquam Dux, & author belli; quibus ad excidium ciuitatis veluti instrumentis vtetur.

4 Et sicut Romani in monte Oliuarum, qui in ciuitatem ab Oriente respicit, castrametabuntur; sic etiam Deus eodem loco cum Romanis contra ciuitatem consistet. Tunc hiatu grandi mons Oliuarum diuidetur ab Ortum in Occiduum, ita ut hinc inde partes duæ ad Aquilonem, & Austrum media disclusæ voragine relinquuntur.

5 Cum autem hiatus ille grandis ex Oliuarum monte per Cedronem ad locum ciuitati proximum producendus sit, recipient se ciues ad eam vrbis partem, quæ à præruptu illo, atque ab hoste imminenti putabatur tuta. Hac verò est inter duos montes Dei, Sionem videlicet & Moriam, Fugient autem non minus trepide, ac velo

populi non auferetur ex vrbe.

3 *Et egredietur Dominus, & præliabitur contra gentes illas, sicut præliatus est in die certaminis.*

4 *Et stabunt pedes eius in die illa super montem Oliuarum, qui est contra Ierusalem ad Orientem: & scindetur mons Oliuarum ex media parte sui ad Orientem, & ad Occidentem præruptu grandi valde, & separabitur medium montis ad Aquilonem, & medium eius ad Meridiem.*

5 *Et fugietis ad vallem montium eorum, quoniam coniungetur vallis montium vsque ad proximum: & fugietis sicut fugistis à facie terremotus in diebus Ozia Regis Iuda.*

6 *Et veniet Dominus Deus meus, omnesque sancti cum eo. Et erit in die illa: non erit lux, sed frigus, & gelu.*

7 *Et erit dies una, quæ nota est Domino, non dies, neque nox: & in tempore Vesperis erit lux.*

8 *Et erit in die illa: exhibunt aquæ viuæ de Ierusalem: medium earum ad mare Orientale, & medium earum ad mare nouissimum: in æstate, & in hyeme erunt.*

velociter, quàm fugerunt cùm sub Ozia graui motu terra cõcussa est.

6. Species hæc omnino lugubris Ierusalem trepidantis prius, deinde miserabiliter euerse admonet me extremi temporis sæculorum, in quo Dominus concutiet motibus, & iudicabit mundum. Veniet enim vt nunc cum Romanis copiis ad euertendam urbem; sic etiam postea cum Angelis ad iudicandum mūdum. Quo tempore obtenebrescet terra; ex quo etiam consequetur, vt inducatur frigus, & quæ tenebris, & frigore designari solēt, pavor, & cecitas.

7 Et in die illa, quæ nota est Domino, neque dies erit, quia Sol obscurabitur, neque nox, quia Sol, licet obscurus, præsens tamen erit huic hemisphærio. Vesperis tamen, id est, postremo iam sæculorum articulo, postquam demersi in infernum fontes fuerint, lux erit longè maior quàm antea.

8 Iam me ad felicissima Euangelij tempora conuerto; in quibus de Ierusalem non terrestri; sed mystica, id est, de Ecclesiâ, aquæ exhibunt viuæ, & iugiter manantes ad mare Orientale, atque Occidentale, id est, in omnem mundi plagam, in æstate, atque hyeme, id est, in omni tempore.

9 Et

9 Tunc

9 Tunc autem vnus Rex erit super terram, & vnum nomen, quod omnes venerentur, & implorent.

9 Et erit Dominus Rex super omnem terram: in die illa erit Dominus vnus, & erit nomen eius vnum.

10 Ecclesia, quæ hoc loco in Ierusalem intelligitur, longè latèque suos explicabit fines. Quemadmodum si ad terrestribus Ierusalem habitationem, terra à monte Remnon, qui est ad Austrum; vsq; ad desertum complanetur: ipsaque Ierusalem habitetur tota in antiqua sede à porta Benjamin ad portam vsque priorem, & portam angulorum; & à turre Hananeel vsque ad Regium torcular.

11 Quæ ita habitabitur securè, & munita, vt iam amplius nulla futura sit ab hoste vastatio, & metus.

12 Illorum verò qui Ecclesiam impiis conatibus insectari voluerint, hoc supplicij genere audaciam; atque impietatem mulctabit Deus: caro ipsorum longa tabe resoluta defluet: computrescent oculi, & è suis foraminibus excident; & lingua blasphema liquecet in faniem, & intra dentium vallum fœdè putrescet. Quod accidet ipsis non solum iam vita functis, vt communiter omnibus in sepulchris; sed viuis, ac sentientibus; & stantibus super pedes suos.

10 Et reuertetur omnis terra vsque ad desertum de colle Remnon ad Austrum Ierusalem: & exaltabitur, & habitabit in loco suo, à porta Benjamin vsque ad locum portæ prioris, & vsque ad portam angulorum: & à turre Hananeel vsque ad torcularia Regis.

11 Et habitabunt in ea: & anathema non erit amplius; sed sedebit Ierusalem secura.

12 Et hæc erit plaga, qua percutiet Dominus omnes gentes, quæ pugnaverunt aduersus Ierusalem: tabescet caro vniuscuiusque stantis super pedes suos, & oculi eius contabescunt in foraminibus suis, & lingua eorum contabescet in ore suo.

13 In die illa erit tumultus Domini magnus in eis, & apprehēdet vir manum proximi sui, & conseretur manus eius super manum proximi sui.

14 Sed & Iudas pugnabit aduersus Ierusalem: & congregabuntur diuitie omnium gentium in circuitu, aurū, & argentum, & vestes multe satis.

15 Et sic erit ruina equi, & muli, & cameli, & asini, & omnium iumentorum, quae fuerint in castris illis, sicut ruina haec.

16 Et omnes, qui reliqui fuerint de vniuersis gentibus, quae venerunt contra Ierusalem, ascendet ab anno in annum, vt adorent Regem Dominum exercituum, & celebrent festiuitatem tabernaculorum.

17 Et erit: qui non ascenderit de familiis terrae ad Ierusalem, vt ad oret Regē Dominum exercituum, non erit super eos imber.

13 Tunc magnus erit hostium tumultus, & coniuratio in Ierusalem, id est, in Ecclesiam, ad quam opprimendam mutua se Gentes cohortatione inuitabunt.

14 Sed & falsi Christiani non minori studio pugnabunt contra illā, sicut olim Iudaeorum multi contra Ierusalem impias manus armarunt. Sed licet omnes gentes Ecclesiam oppugnauerint, non tamē expugnabūt, sed potius suis spoliis, & diuitiis locupletabunt, & instruent.

15 Et quemadmodum potentes ac robusti, sic etiam alia infirmior, atque ignobilius turba cadet, quam mulorum, & camelorum cōpellatio, & ministerium adumbrant.

16 Sicut omnes gentes olim quotannis ex terra Israhel in Solymitanum templum ad festum tabernaculorum confluebant; sic postea quotquot ex gentibus reliqui fuerint, ad magis arcana, & sacratiora Ecclesiae festa, neque minūs frequenti concursu, neque minori studio, ac religione conuenient.

17 Eorum verò agris, qui ex omnibus terrae familiis adorandi Domini causā in mysticam Ierusalem ascendere recusauerint, negato coelesti imbresterilitatem, & squallorem inducet.

18 Quam humoris inopiā, & agrorum maciem, atq; sterilitatem experietur etiam Ægyptus, quæ aquis terrestribus ac suis abundare videtur; nisi ipsi quoque cum aliis eo studio, quo Iudæi ad festa tabernaculorum venerant, ad pias Ecclesię solemnitates accedāt.

19 Hoc punientur modo Ægyptus, & qui ex aliis familiis tabernaculorum festiuitatem, vt dixi, non obierint.

20 Eo tempore quæcunq; hominibus in pretio, atque in deliciis sunt, quibûsque illuminari, atque exornari solent arma, & fræna, aliæque equestria Imperatorum, ac Ducum ornamenta, Domino consecrabuntur.

21 Et quæ, dum sæculo, carniq; seruiebant, instar cacaborum, atque ollarum erant, quæ sordidis destinantur ministeriis, illa iam ad Domini cultum religiosè traducta erunt, quasi phialæ, quæ vasa sunt honoris, & altaris vsui consecrata. Denique is erit fidelium ardor, id studium in religiosum Dei cultum, vt nullus sit lebes, qui non reperiat in mystica Ierusalem; leberum verò is erit numerus, vt etiã si immolaturi plurimi veniant, tamen aliquid semper supersit ex eo numero. Neque erit vltra mercator, qui victimas vendat, quia vltro à religiosis hominib. offerentur.

18 Quòd & si familia Ægypti nō ascenderit, & non venerit, nec super eos erit, sed erit ruina, quæ percutiet Dominus omnes gētes, quæ non ascēderint ad celebrandam festiuitatem tabernaculorum.

19. Hoc erit peccatū Ægypti, & hoc peccatum omniū gentiū, quæ non ascenderint ad celebrandā festiuitatē tabernaculorum.

20 In die illa erit quod super frenū equi est sanctū Domino: & erunt lebetes in domo Domini quasi phiale coram altari.

21 Et erit omnis labes in Ierusalem, & in Iuda sanctificatus Domino exercituum: & venient omnes immolantes, & sument ex eis, & coquent in eis: & non erit mercator vltra in domo Domini exercituum in die illo.

COMMENTARIJ IN CAP. XIV.

ZACHARIÆ PROPHETÆ.



1. **T**otum hoc caput & varium est, & explicatu difficillimum: neque enim constat de quo tempore, aut de quibus rebus loquatur Propheta. Atque etiam, si de tempore, materiaque constaret, genus ipsum dicendi implexum, & obscurum eos implicat nexus, quos si quis explicare contendat, rem sanè arduam tentabit potius, quàm assequetur. Hieronymus varias sententias adducit. *Quidam*, inquit, *Iudaorum complenda hæc esse dicunt sub Gog. Alij temporibus Macedonum, atque Egyptiorum tribuunt.* Neque defunt è iuniorib. qui putent hæc respicere ad Machabeorum, & Antiochi tempora. Ita Paulus de Palacios, & annotationes marginales in Bibliis Pagnini; quod etiam ex antiquis aliquot ita existimasse colligitur ex Eusebio lib. 6. de Demost. cap. 18. ibi optimè hanc refellit sententiam. Est quidem satis probabile, & mihi pene certum, in hoc ultimum caput, & varia tempora, & varios temporum euentus esse collatos: quod Hieronymus indicat, & alij plures apertè testantur: quæ tamen illa sint, valdè est incertum. Et primum placet, quod sentit Hugo, quem è Recentioribus multi sequuntur, in hoc ultimo capite explicari, & dilatari pluribus, quæ non tam exposita, quàm proposita fuerunt in fine superioris, ubi ex tribus partibus, quæ futuræ dicebantur in

terra, duæ perituræ prædicuntur; tertia verò seruanda quidè, & probanda, & excoquenda igne tribulationis. Et quidem, qui ira Prophetiam distingueret, ut caput hoc inciperet ab illis verbis cap. 13. *Et erunt in omni terra, dicit Dominus, partes duæ*; non incommodè diuideret: ne quæ historiæ filo contextuntur, capitum distinctione distraherentur.

2. *Ecce dies veniunt, dicit Dominus, & diuidentur spolia tua in medio tui.* Prima pars capitis agit de excidio Ierusalè per Romanos. Huc incubuit omnium pene Interpretum consensus. Et quia de Christi Passione proximè egerat; quam non longè post secuta est Hierosolymæ vastitas; ideo dicit: *Ecce dies veniunt.* Illud verò (*in medio tui*) dupliciter exponi potest: aut quia hostes urbè ira subigent, tenebuntque victores, & domini, ut spolia non in agro, quod in subita direptione fieri solet, ut notauit Hieronymus; sed in media urbe securè distribuant. Seu potius ibi subaudiendum est aliquod relatiuum, quod in Scriptura frequens est, hoc sensu; diuidentur spolia, quæ sunt in te. *Medium* autè significare, quod in aliquo loco sit, etiàsi longè ab eo, quod medium communiter dicitur, satis notum est. Et hæc secunda expositio magis mihi probatur.

2. De obfisione Romanorum.

3. *Et congregabo omnes gentes.*] Romani rerum domini faciliè omnes gentes ad arma euocabunt, maxime

mè qui vicina loca Hierosolymis occupauerunt, quæ à Romanis imperio tenebantur. Dicuntur verò omnes gentes accommodatè ad locum, tèmque propositam, iuxta id, quod nuper diximus in fine cap. 13. de copiis à Vespasiano coactis contra Iudeos. Vide Iosephum lib. 3. de bello cap. 1. & Cornelium Tacitum lib. 21. Annal. in principio.

4. *Et vastabuntur domus, & mulieres violabuntur.*] In deprædatione urbium, maximè quæ ab hostibus fit à Religione alienis, hæc familiaria sunt. Existimant enim insolètes victoria milites, & parum sibi ab eo, quod voluptuarios sensus titillat, temperantes, licere sibi in subiugatos populos, quidquid collibuerit. Idem accidisse cùm vrbs capta fuit à Nabuchodonosor, scribit, Ieremias Thren. c. 5. *Mulieres in Sion humiliauerunt, & virgines in ciuitatibus Iuda, & c. adolescentibus impudicè abusi sunt.* Hæc verò, & longè grauiora passos esse Iudeos refert Iosephus, & Cornelius Tacitus, teste Hieronymo.

5. *Et egredietur media pars ciuitatis in captiuitatē, & reliquum populi non auferetur ex vrbe.*] Tres partes videtur Zacharias constituere populi Iudaici: primā, quæ extincta est obfidionis tempore; secundam, quæ in exilium abducta; tertiam, quæ in vrbe relicta. Quæ verò sit ista pars tertia, & à quo relicta, obscurum est. A Tito id fuisse concessum verisimilius est: nam Iosephus lib. 7. de bello c. 1. scribit seruata esse de populo plusquam quadraginta hominum millia, quibus permissum fuit, vt vbicumque mallerent, considerent. Neque est improbabile eos manere maluisse in vrbs ruinis, ex quibus rediuiua materia domos sibi construerēt, quàm alienas regio-

nes, & peregrinum cœlum expetere. Qui, vt tradit Tacitus lib. 21. Annalium, vsque adeò amantes erant patriæ, vt, si trāsferre sedes cogeretur, maior esset vitæ metus, quàm mortis. Quidam existimant à Tito superiorem partē ciuitatis esse conseruatam, & in ea magnum ciuium numerum esse relictum. Ita Hieronymus, Cyrillus, Hugo, Eusebius libro 6. de Demonst. cap. 18. Neque ideo impletum non est quod Christus dixerat, ita excisum iri Ierusalem, vt remansurus non sit lapis super lapidem: nam quod reliquū fuit ab excidio Titi, deleuit postea Adrianus. Iosephus lib. 7. de bello cap. 16. scribit quasdam turres excisas non esse, quæ futuræ essent fortunæ Cæsaris monumētum. Et cap. 18. tradit relictam esse eam murorū partem, quæ urbem ab Occidente cingebat. Ægesippus lib. 5. cap. 49. crematam dicit urbem, neque quicquam liberum fuisse ab incendio. Fortasse ea figura vsus est Ægesippus, quæ id quod ab extremo, aut toto parum abest, totum, aut nihil appellari solet. Vel potius hic loquendi modus Prouerbialis est, quo extremum declaratur excidiū; sicut cùm dicimus hyperbolica etiam, & Prouerbiali forma, *scopare urbem, & verrere puluerem, & similia*, quæ nihil ex antiqua mole significant fuisse reliquum. Vide quæ diximus in caput 14. Isai. ad illud. *Scopabo eam in scopam.*

In ea igitur parte à Tito non euerſa potuisse habitare non incommodè illa tot seruatorum millia, aut eorum bonam partem, non est improbabile: vel fortasse aliquot Iudeorum dicuntur non auferendi, quia ab Adriano iussi sunt ciuitatem à se restitutam inhabitare: quam ipse de suo nomine

vocauit *Æliam*. Vide *Dionem* in *Adriano*. Qui sublato non dicuntur de terra, quia omnino expulsi non sunt, quandoquidem ad illam postea sunt reuocati. Neque incommodat quod fortasse qui tunc obfessi sunt, omnes eiectiones fuerunt: nam de tota natione Iudæorum videtur intelligenda Prophetia; maxime cum inter tempora *Titi*, & *Adriani* non multum intercesserit temporis. Quod attinet ad partem mediam, quæ abitura dicitur in captiuitatem, mihi verisimilius est quod *Ribera* docet, & *Rupertus*, ex Iudæis extinctos esse plurimos, & ferro, & fame; alios vero captiuos fuisse, qui licet mortuorum numerum non adæquauerint, dicuntur tamen esse pars media, iuxta vulgi opinionem, cui se interdum accommodat Scriptura: quod ubi magna pars est in aliqua multitudine, illam solet appellare mediam. Et fauet plurimum vox ipsa *medium*, quam Hebræi iuxta suæ linguæ proprietatem adhibere solent eis rebus, quæ in aliquo numero, aut loco sunt, etiam si longe absint à medio, id est, à centro. Neque enim cum 1. Reg. 17. dixit *Dauid*. *Veniebat leo, vel vsus, & tollebat arietem de medio gregis*; credendum est; ablatum esse arietem, qui esset circumfusus vndique à reliqua arietum multitudine; cum leo, aut vsus illum plerumque rapiat, qui est in extremo agmine, utpote magis expositum prædæ. Erit ergo sensus: ex ea multitudine partem aliquam abituram in captiuitatem.

7. *Egredietur Dominus, & præliabitur contra gentes illas, sicut in die certaminis.*] Egredi dicitur Deus cum se aliquo opere manifestat. De gentibus contra quas egressurus dicitur Deus, non omnes idē sentiunt. Quidam Romanos esse dicunt. Ita *Hugo*, *Varablus*, *Interlinearis*, *Ri-*

bera: tum quia supra, ut diximus, gentium Romanarum meminerat, & ad nihil aliud videtur posse referri: tum etiam quia præliaturus dicitur Deus sicut in die certaminis; sed certamen illud, ut suo dicemus loco, pro Hebræis fuit. Sed alij censent non egressurum Deum contra Romanos, sed cum Romanis, & pro ipsis. Ita *Theodoretus*, *Cyrrill.* & *Eusebius*. Et hæc posterior sententia mihi est verisimilior, quam mihi ita persuadeo: nam ubi *Latinus* habet contra gentes illas. Heb. est גוֹיִם *ba goim*, id est, in gentibus. Quod probant Lxx. qui reddiderunt ἐν τοῖς ἔθνεσιν, id est, in gentibus. Est autem notum *berth* apud Hebræos munus habere instrumenti, ut, *percutere in gladio*, &c. Deus ergo in gentibus Romanis præliatus est contra Ierusalem, id est, per Romanos Ierusalem expugnauit, virtus indignissimam, atque acerbissimam filij sui necem. Quod neq; Romanos ipsos latuit, licet à Religione alienos: nam *Titus* sæpe confessus est vrgeri Iudæos ab irato Deo potius, quam ab hostibus. Et, ut tradit *Philostratus* lib. 6. cap. 14. propter debellatos Iudæos coronari noluit, quia victoriam non sua; sed diuina virtute comparatam putabat. *Finitime*, inquit, *gentes ob victoriam coronare ipsum voluerum*; ille vero tali honore indignum se esse respondit: non enim se talium operum auctorem, sed Deum, a cundiam contra Iudæos demonstranti manus suas præbuisse. Cui rei argumenta multa fuerunt, quæ tradit *Ioseph.* & *Ægesip.* ut quod aliquando *Titus* miraculose seruatus. *Ioseph.* lib. 6. c. 2. quod de cælo data signa, & ostensa prodigia. Idem lib. 7. c. 12. *Ægesippus* lib. 5. c. 44. inter alia commemorat visos per inane ferri currus, & armatas acies tranantes nubila, & ciuitati circumfusas. Hæc vero

Medium non arietem, aut mathematicum sumendum aliquando.

verò omnia satis ostendunt Hierosolymitani belli authorem esse Deū. Ex quibus sequitur Deum non fuisse præliatum contra Romanos; sed vltum illorum armis, ac ministerio Iudæis bellum, & cladem intulisse.

8.

Sed facit contra hanc expositionem, quia contra gentes pugnaturus dicitur Deus, non pro gentibus. aut cū eis simul tāquam earū Dux. Respondeo, in Heb. vt nuper diximus, esse בגוים *ba goim*, & licet illud בְּ aliquādo significet contra, frequentiū tamen significare instru-

Regul.
duab. si-
gnificatio-
nib. inter-
dū ab In-
terprete
sumitur
minūs pro-
pria.

Sap. 4.

mentū. Neq; inusitatum est nostro Interpreti, vt ē duab. significationibus sumat minūs propriam; deinde per quamdam metalepsin ad propriam eius loci significationem ascendat: vt Sap. 4. cū μόχευμα vitulum, & plantam significet, aut quod ad vitulum, plantationēque pertinet, noster pro plantatione, id est, pro significatione propria impropria adhibuit: & spuria vitulamina non dabunt radices altas. Plura exempla habes in nostris Commentariis ad illud Psal. 67. in defensione vulgarē; etenim non credentes. vbi ostendim⁹ illud apud politissimos propheta-
norum authorum fuisse in vsu. Cū ergo *beth* instrumentū significet, & contra; quid mirum si bonorum authorum exemplo alteram significationē adhibuerint minūs propria? Sed neque fortasse aliud hīc signifi-

Contra nō
semper
aliquid
inimicum
significat.

cat contra; quæ vox nonnunquā valeret idem quod ante, siue, ē conspectu. Psal. 50. peccatum meum contra me est semper: id est, ante me. Hebr. נגדי *negdi*, id est, coram me; & Abdias, cū staret aduersus eum. Hebr. מנגד *minged* id ē cōspectu. Et statim de monte Oliuarum; qui est contra Ierusalē. Quo sensu Virg. Æneid. 1. dixit.

--- Italiam contra, Tyberināq; longē
Ostia.

Et vox aduersum, quæ non valde differt à contra, fauorem, & beneuolentiam interdum significat. Qua ratione dicimus reuerentiam aduersus parentes; gratiam, & humanitatem aduersus omnes. In hunc sensum Deus dici potest pugnasse contra Romanos, id est, ē Romanorum conspectu, aut ante ipsos tanquam Dux, & author inferendi belli.

Sicut in die certaminis.] Id est, quo tempore contra Pharaonem pugnauit pro Israëlitis: nam quemadmodum Deus antecedebat Israëlitis agmen, aperiebātque viam, quo tempore nullum proponebatur effugium: sic Deus Romanis aperuit ad oppugnationem viam; cū Ierusalem; aut propter loci naturam, aut munitionem arte, atque industria comparatam, nulla ratione videretur expugnari posse.

9.

Et stabunt pedes eius in die illa super montem Oliuarū, qui est contra Ierusalem ad Orientem.] Hīc variē distrahuntur Interpretes, quorum sententias commemorare, atque refellere longum esset. Quidam ad tempora Antichristi referunt; alij ad extremum Iudicium; nonnulli ad Christi gloriosam ascensionem. Theodoretus hæc etiam pertinere putat ad obsidionem Romanorum; cuius min⁹ præter ceteras probatur sententia, quia iuxta illam maior videtur rerum consequutio. Quam ad rem obseruo, vt ex Iosepho constat lib. 6. de bell. cap. 3. Titum in monte Oliuarum castra posuisse. His (legionibus) præceptum erat sexio ab Hierosolymis stadio castra ponere, quæ parte mons, qui appellatur *ē nasōv*, id est, Oliuarum, contra ciuitatem ab Oriente suus est, aliāq; inueniēte valle discerni

Titus in
mōte Oli-
uarum ca-
stra meta-
tus est.

Lucæ 19.

discernitur, cui nomen est Cedron. Et eam fortasse ob causam Christus ex eo monte spectans Ierusalem fleuit super illam Lucæ cap. 19. dicens: quia si cognouisses & tu, &c. quia venient dies, & circumdabunt te inimici tui vallo, &c. Quia futurum erat, ut qui ex eo loco mansuetus ingrediebatur, sanguinem, & vitam pro Hebræorum salutem largiturus, post in eodem loco staret cum Romanis seuerus, & durus obstinatæ perfidiæ vindex, ciuitatem ingratam, & impiam ad extremum usque lapidem vastaturus.

10.

Et scindetur mons Oliuarum ex media parte sui ad Orientem, & ad Occidentem præruptu grandi valde. Hic, ut censeo, nobis diuinandum est, quia neque ex Scriptura, neque ex authoribus sacris, aut externis satis habemus lucis, quam intueamur. An terræ concussu mons Oliuarum diuisus sit hiatu grandi in obsidione Romanorum, nihil constat ex sacra, aut ex prophana historia; est tamen verisimile ita contigisse; sicut alia multa prodigia, quæ nuper ex Iosepho, atque Aegestippo retulimus. Quod verò illius hiatus Iosephus non meminerit, mirandum non est, cum in tanta rerum varietate, aliis, atque aliis rebus animû haberet intentum, dum Iudeorum, & urbis cladem exponit. Et hoc potius censeo: quia sententiam hanc textus ipse non inuitus offert; licebit tamen in re usque adeo obscura aliquid inuestigare, ac commentari noui: faxit Deus ne ineptè, aut otiosè.

11.

Cum in hunc locum inciderem, à nemine, ut reor, hactenus satis expeditum, addubitare cœpi an hîc sermo esset de terræ concussu, atque hiatu, quo mons Oliuarum discessisset, vel de castris Romanorum,

quæ sic erant ab Imperatore disposita, ut montem diuiderent, ita ut ab Oriente in Occidentem pateret, aut porrigerentur, & hinc inde ad Aquilonem, & Meridiem duas partes relinquerent. Præruptum verò grandem valdè, vallem Cedronem interpretabar, quam etiam occupauerunt Romani, ut ex Iosepho constat. Vallis verò nihil est aliud quàm montium scissura, & ideo à radice, *בִּקְבֻּחַ* *bakabbh*, quæ idè est, quod *scindo*, vallis appellatur *בִּקְבֻּחַ* *bikbhah*; imò hoc loco clariùs pro præruptu Heb. ponitur *גִּי* *gie*, quæ vallem significat. Quod verò Cedron dici possit hiatus, seu voragò, ut hîc interpretantur Lxx. potius quàm vallis, docet Iosephus lib. 14. Ant. cap. 14. Vallis, inquit, immensos dehiscere hiatus, ita ut caligarent despicientium oculi visu deficiente ob immensam profunditatem.

12.

Ex his hanc sententiam colligebam, diuidendum esse montem Oliuarum cum suo præruptu grandi, id est, valle Cedrone à Romanorum castris: ita ut montis duæ partes ab exercitu disclusæ pertinerent ad Aquilonem, & Meridiem; quod necessarium erat, quando Orientalem partem montis occupauit exercitus, cum mons ille Ierosolymam ab Oriente respiceret. Et iuxta hanc explicationem dicendum putabam, non hîc agi de noua montis scissura, seu hiatu, sed significari antiquam Cedronis profunditatem nõ futuram aut munimentum Iudæis, aut impedimentum Romanis, quominus optata perficerent. Neque longè ab hac sententia abit Theodoretus, qui montem putat esse exercitum Romanorum, qui montem occupauit. Diuisum verò montem putat, quia ad alia ciuitatis loca obsidenda diuisus fuit Romanus

nus

mus exercitus. Existimo autem partē illam ciuitatis minū fuisse munitam arte, quia satis à natura propter Cedronis profunditatem, & ascensum arduū videbatur contra hostes habitura praesidij, atque ad eò in alias vrbs partes muniendas, & tutandas incubuerat Iudæorum studium. Certè Pōpeiū in regione Aquilonari castra metatus est, deterritus Cedronis profunditate, quæ minū erat opportuna oppugnationi, vt tradit Iosephus lib. 14. Ant. cap. 8.

13.

Aliam nunc accipe explicationem magis, credo, ad rem. Inter castra Titi, & vrbs ab Orientali plaga profundissima intererat vorago Cedronis, quæ Iudæis contra hostes firmissimum erat munimentum. Hanc credo sic impletam, atque constrictam, vt expeditam viam aperuerit copiis ad muros vsque ciuitatis. Id suadet, quod in aliis vallibus id fuisse factum à Tito docet Iosephus lib. 6. de bello cap. 4. & cap. 5. *Qui iussit exercitum totum, quoderit vsque ad muros spatium complanare. Cunctis igitur maceris, ac sepibus dirutis, quibus hortos, & pradii incolæ pramunierant, omnique opposita, quamuis frugifera, sylua excisa repletum est quidquid erat cauum, & vallibus impeditum.* Et in ipsa valle aggeres esse constructos, & muros docet idem Iosephus lib. 6. capite 13. & planè indicat translatio Lxx. quæ obturata dicit esse vallem. Ex iis mihi verisimile videtur. Romanos ex monte Oliueti, vbi confederant, deuoluisse in subiectam vallem saxa, atque aliam materiam idoneam, & implenda voragini, & aggeri excitando: & spatium illud, quod profundum, & vacuum relictum est excisis saxis, & fossa terrena, vocari scissuram: & ideo com-

G. Sanctij Comm. in Zachar.

modè dici posse scissum esse montem Oliuarum, ferramentis nempe Romanorum. Cùm autem scissura illa spectaret vrbs, quam mons Oliuarum ad Occidentem habebat, ipsaque ab Oriente produceretur, neque admodum lata, quia neque latum spatium Cedronis, saxa inde deuoluta completura erant, ac constrictura; optimè dicitur montem Oliuarum esse diuidendum ad Orientem, & Occidentem. Ex quo etiam necessariò fiet, vt duæ partes præruptu illo, & fossa media ita distrahantur, vt altera ad Aquilonem, altera ad Meridiem spectet. Et quidē id Lxx. in sua versione satis indicant, dum dicunt. *Et obstruatur vallis montium meorum, & adiungatur vallis montium vsque ad Axiel.* Neque dubium est vallem illam esse Cedronem, quæ montem Oliuarum, & Moriam discludit. Et quidem non est verisimile Iosephum, aut Agelippum omissoiros terram illo concussu discessisse; qui aliorum cœlestium prodigiorum meminissent.

Hæc videbantur in re adeò difficili dici posse non improbabiler; nihilominus verum existimo graui motu terram esse diuisam, quādo id Patres affirmant, & vox ipsa in sua proprietate sumpta id persuadet. Neque admodum vrget in oppositum, quòd hæc à Iosepho prodita non sint, cùm alia non minora suo loco à sacris Scriptoribus omitti soleant. Et ne longius abeamus, terramotus sub Ozia, de quo statim, & cui similis futurus esse dicitur à Zacharia ille de quo nobis sermo; suo loco omissus est, & tantum nobis notus, quia & hic à Zacharia, & ab Amos capite 1. citatus est: sic etiam terramotus hic omissus est à Iosepho, nobis tamen no-

14.
Mons Oliuarum dicitur.

tus, quia prædictus à Zacharia. Neque existimo in mōte Oliueti duas fuisse, scissuras; sed vnā tantūm, quæ ab Ortū ad Occidentem versus Cedronem, & ciuitatem producebatur: & tunc facillē intelligitur quomodo vna pars montis ad Aquilonē, altera respiceret ad Austrum. Hieronymus putat duas in mōte futuras esse voragine in crucis similitudinem; ita vt quod est præruptum, in quatuor mundi plagas pateret; quod etiam sequitur Cyrillus, & Theodoretus. Sed quod diximus de vna tantūm voragine, magis implet textum, & ita sentit Eusebius suprā, & Ribera cū aliis recentioribus. Et illud indicant Lxx. dum vertunt. *Et inclinabit media pars eius ad Aquilonem, &c.*

15. *Et fugietis ad vallem montium meorum; quoniam coniungetur vallis montium vsque ad proximum.*] Septuaginta aliter legunt. *Et obturabitur vallis montium meorum, & adiungetur vallis montium vsque ad Asaël.* Eodem modo legūt Aquila, & Theodotio, vt dicit Hieronym. Diuersæ trāslationis causa fuit vna vox Hebraica, quæ secūda persona esse potest numeri pluralis, à verbo *נחמ*, quod est *fugere*; & tertia vocis passiuæ singularis numeri, à verbo *סגור* *sathā*, quod est *claudere*, seu *obturare*. Iuxta versionem Lxx. commodum videtur esse sententia, si ita interpretē: Ex illa montis diuisione implebitur vallis, quæ media est inter Oliuetum, & urbem. atque adeò ad Asaël, id est, vt putat Hieronymus, ad extremam partem montis, vbi sita erat templum. Et ita vallis illa profunda complanata fuit, constrauitque viam Romanorum copiis, non secus, atque si esset sine offensione planities.

Et reuerà ita contigit: nam, vt statim dicemus, castra Romanorum mœnibus ciuitatis proxima fuerūt, ab Orientali plaga constructo nouo muro in Cedrone, vt tradit Iosephus libro 6. de bello capite decimotertio.

16. Sed iuxta nostram versionem, quam omnino amplecti debemus, ad nostram sententiam magis accommodatur explicatio. Sed prius obseruo, vallem montium non esse eandem priori loco, quæ posteriori. Priori enim loco, vt putat hūc Hieronymus, sumitur pro eo spatium, quod intra ciuitatis mœnia est, inter montem Moriam, & mōtem Sion, qui montes Domini vocantur; quia eos elegit sibi Dominus: in vtroque enim fuit Arca Domini. In monte quidem Sion. i. in ciuitate Dauid multis annis. 1. Paralip. c. 15. & 2. c. 5. & in monte Moria longè pluribus, quia in eo ædificatum erat templum. Posteriori verò loco sumitur pro Cedrone, quæ montem Oliueti diuidit ab eo monte, in quo sita est Ierusalem. Hæc verò coniuncta dicitur ad proximum, quia, vt nuper vidimus ex Iosep. lib. 6. de bell. c. 13. muro fuit cincta ciuitas à Tito ab ea parte, quæ Cænopolis dicitur, per Cedronem ad montem vsque Oliuarum: idque eo consilio, ne cui in extrema fame egredi liceret; aut ne quid ciborum inuehi ad obsessos posset. Cū ergo proximas mœnibus instaret hostis, omnes se ad interiora ciuitatis recipiebant, vbi omnia minùs periculosa. Vel certè, cū multi extra ciuitatis muros habitarent, vt tradit Ioseph. lib. 6. de bell. cap. 6. in Cænopoli, seu Bezetha, quæ pars erat extra ciuitatē, hi Romanorum metu se intra septa ciuitatis abdiderūt. Et hæc quidē iuxta expositiones

nes priores, quas diximus nō adeo nobis probati, quæ tamen nō videtur displicere Theodoroto, qui montem diuisum censet esse exercitum Romanorum, qui cū primū in Oliueto consedisset, deinde diuisus est in alia loca opportuna vr̄bis expugnationi.

17. Si tamen dicamus, quod magis est ad literam, ingenti hiatu terram patuisse à monte Oliueti, per Cedronem vsq; ad proximum, id est, vsque ad ipsa propè ciuitatis mœnia, satis hinc intelligitur quomodo Hebræi ad interiora se ciuitatis abdiderint, vbi minùs erat periculi, quia longiùs aberant à terræ hiatu, vel, cū multi habitarent extra mœnia, vt tradit Iosephus suprà, deterriti à grandi illo præruptu, qui ad suam vsque regionem pertinuit, se in mediam ciuitatem dederunt. Vide suprà c. 2. ad illud. *Absque muro habitabitur ciuitas.*

18. *Terremotus iudæiæ.* Et fugietis sicut fugistis à facie terramotus in diebus Ozia.] De hoc terramotu habemus Amos cap. 1. neque in Scriptura de eo aliquid habemus præter nomen, idque tantum in Amos, & Zacharia. De illo agit Iosephus lib. 9. Antiq. cap. 11. Nam cū Sacerdotis munus assumpsisset sibi Rex impius, ecce (inquit) terra vehementer concutitur, fissioque supernè templo radius Solis os Regis ferit, quod è vestigio lepra contactum est. Accessit huic & aliud prodigium, quod eodem terramotu ante vr̄bem in loco, qui dicitur Eroge, dimidium montis ad Occidentem vergentis reuulsū per quatuor stadia volutum, obiectū demum Orientalis montis constitit, & obstructa via publica, & oppressis ruina hortis Regis. Hæc Iosephus. Addit verò Cyrillus sub Ozia Iudæorum regionem, & ipsam Hierosolymam contremuissè, atque ita fuisse quassatum Sion,

vt in duas partes dirumperetur, & valles adiacentes iugis eius opplerentur.

Et veniet Dominus Deus meus.] 19. Hæc non difficilè accommodari posse puto ad Solymitanum excidium, ad quod cum Romanis adfuit vindex Deus. Antecessit verò fragor & tremor, vt tempore Eliæ. 3. Reg. 19. *Ecce Dominus transiit, & spiritus grandis, & fortis subuertens mōtes, & conterens petras ante Dominum.* Adfuisse autem Dominū cum Romanis cū obsiderent ciuitatem, & eius potentia fuisse deleram potiùs quàm Romanorum armis, ipsi quoque Romani confessi sunt, vt paulo antè diximus. Neque eius rei defuere argumenta: nam, vt ex Iosepho diximus suprà ad illud; *Et egreditur Dominus*, armatae acies in aère visæ sunt. Porro, sancti qui cum Deo dicuntur esse venturi, Angeli videntur esse posse, quorum ministerio sæpe vsus est Deus in euertendis hostibus. In Heb. pro cum eo, est *יְהוָה גִּימְעָה*, id est, tecum; & ita vertit Vatablus. Sed sine dubio corruptus est codex Hebraicus, & legendum *יְהוָה גִּימְוָה*, sicut etiam legerunt Lxx.

20. Nihilominus puto ex hoc loco migrationem quamdam fieri ad extremi Iudicij diem; neque id abs re: cū enim eius similitudo præcessisset in vastatione ciuitatis, ab umbra vaticinium ad veritatē erupit. Quod etiā in eodē argumento Christus fecit Matth. 24. Marc. 13. nam cū de hac Romanorū obsidione agere cœpisset, statim eodē textu sermonis de Antichristo sermonē induxit. Accedit quòd hæc verba Paulus videtur accepisse de extremo Iudicio 1. Cor. 6. *An nescitis quia sancti de hoc mundo iudicabunt?* & 1. Thessal. 3. *In aduentum Domini nostri Iesu*

Christi cum omnibus sanctis eius. Et hæc est omnium ferme Patrum sententia.

21. *Et erit, in die illa non erit lux, sed frigus, & gelu.*] Hæc verba de excidio ciuitatis videbantur explicari posse, siue metaphoricè accipias, siue propriè, & historicè. Nam ciuitas mense Septembri octaua die capta est, ineunte scilicet hyeme, quando in ea regione frigus est, & tempestas nubila: sed potius videntur hæc accipienda esse metaphoricè; nam quo tempore capta fuit Ierusalem, consilium ac prudentia defuerunt obsessis Ducibus, adeò vt Imperator Titus miratus fuerit Ducum amentiam, qui turres, quæ nullis machinis euerti posse videbatur, reliquissent, dixeritque: *Deo plane adiuvante pugnauimus.* Ita Iosephus de bell. lib. 7. cap. 16. Hæc ergo amentia, & metis æstuantis perturbatio tenebræ dicuntur à Latinis, atque prophanis sapere, à sacris Scriptoribus multo sapius. *Frigus* autem, & *gelu* pro formidine sumuntur, & pro re, quæ infelicitè, & sine successu procedit. Vnde dicimus aut frigere res nostras, aut nos in rebus frigere, cum res neque ex usu, neque ex voto succedunt, aut certè quia frigore torpēt membra, neque ad opus satis sunt expedita, aut soluta. Quæ omnia reuerà contigere in Hierosolymitana clade. Sed licet hæc conuenire possint in statum, ruinamque Iudæorum, est tamen longè verisimilius hæc maius aliquid spectare, vt communiter Patres; nempe Iudicium extremum, vt nuper indicauimus. Sed prius quam hinc emigro, ad harum rerum, earumque, quæ mox sequuntur maiorem explicationē, quedam addere non exiguum erit operæ pretium.

Ad ea, quæ dicta sunt à Propheta toto hoc cap. 14. ad hunc vsque locum, & in fine cap. 13. de templi, mundique consummatione, credo respexisse Christum Matth. 24. & eius integram expositionem nobis reliquisse: nam cum Christus dixisset ita dissoluendum esse templum, vt lapis super lapidem non esset relinquendus, Discipuli, cum sederet in monte Oliueti, rogant quando futurum esset tantæ molis exitium; & simul de secundo aduentu, nimirum ad iudicandum, interrogant. Ad quæ responderet Christus eo prorsus ordine, & modo, qui à nostro Propheta propositus est. Quod verò apud Matt. cap. 24. Marc. 13. Luc. 21. sermo sit de vrbis templique strage, & verba ipsa declarant, & volunt communiter Patres, & Doctores. Vbi prius obserua, Apostolos videri in eo tunc esse errore, vt existimarent templi, mundique consummationem futuram eodem tempore, atque ideo de vtroque simul interrogant, adducti fortasse hoc Zachariæ testimonio, in quo vtrumque sine dubio coniungitur. Et idem fortasse erat Iudæorum sensus, templum non nisi cum mundo solutum iri; quare impij habebantur qui de templi ruina aliquid dixissent. Quo nomine Christus accusatus est, & Stephanus occisus. Christus verò ita primum agit de templo, vt ab eius dissolutione mundi finem quæ longissimè remoueat. Postquam enim signa tradidit excidij Hierosolymitani, quæ eiusmodi erant, vt ab eis videretur mundus esse soluendus, subiecit. *Sed nondum statim finis.* Nunc singula Prophetæ verba ad Christi item verba referamus.

Cap. 13. dixit Zacharias: *Eternum*

22. Christus videtur hæc Zachariæ verba exposuisse.

in omni terra, dicit Dominus, partes dñe in ea dispergentur, & deficient; & tertia pars relinquetur in ea. & cap. 14. & reliquum populi mei non auferetur ex urbe. Hoc Christus significat cum dixit. Erit enim tunc tribulatio magna, qualis non fuit ab initio mundi usque modo, neque fiet. Quod esse dictum de populo Iudaico ostendit Lucas cap. 21. Erit enim pressura magna super terram, & ira populo huic. Et ita exposuit August. epist. 80. ad Hefychium. Deinde subdit: *Ei nisi breuiati essent dies illi, nō fieret salua omnis caro. Sed propter electos breuiabuntur dies illi.* Augustinus suprà ait propter Christianos, qui tunc erant Hierosolymis, breuiatum esse obsidionis tempus: nam, vt res tunc habebat Solymitana; si paulo diutius traheretur obsidio, fames, ac pestis extingueret omnes obsessos; neque salua fieret omnis caro Iudaica; quia de illa institutus sermo. Vide quæ ad hunc locum diximus cap. 13. quomodo tertia illa pars superstes à ferro, atque exilio, Christianorum fuerit, aut certè eorum, qui ad fidem pōst essent accessuri. Hæc eadem docet Salmeron tom. 4. tract. 39.

24. *Et congregabo omnes gentes in Ierusalem in pralia, & capietur ciuitas, & vastabuntur domus.*] Hoc etiam Christus dixit suprà. *Audiuri estis pralia, &c. surget gens contra gentem.* Hæc verò omnia esse contra Ierusalem ostendit Lucas; addit enim. *Cum videritis circumdari ab exercitu Ierusalem, &c. Erit enim pressura magna super terram, & ira populo huic, & cadent in ore gladij; & captiui ducentur in omnes gentes: & Ierusalem calcabitur à Gentibus.*

25. *Et scindetur mōs Olinarum.*] Idem Christus docuit Matth. 24. *Et tremor erit per loca;* quod etiam præ-

dixisse videtur Lucæ cap. 23. nam cū de hac obsidione ageret, ad filias Ierusalem ait. *Tunc incipient dicere montibus: cadite super nos; & collibus: operite nos, Videtur enim cū aliis ciuitatis infortuniis, terræ quoque motum & montium ruinam prædixisse, licet allusum sit ad cap. 10. Osee, vbi illa eadem verba reperiuntur. Porro Christus, vt apparet, non tantum egit de motu, quo mons Oliuēri concussus est, & diuisus; sed de aliis etiam, qui sub idem tempus excisæ Ierusalem contigerūt. Sedebat autem tūc fortasse Christus in eadem parte montis, quæ præruptu grandi scissa est: nam mons ille ab Orientali plaga respiciebat urbem; ab Ortu verò ad Occasum hiatus patebat, qui ex terræ motu relictus fuit. Christus verò in eo montis loco sedebat, vt dicit Marcus suprà, vnde commodè urbem spectare posset. *Sedebat*, inquit, *contra templum.* Quare pars illa Christi vaticinio obsequuta satis latè diuinum oraculum impleuit.*

Caterum eodem obsidionis tempore aliis in locis terra prodigiōse contremuit: vt enim prodit Orosius libro 7. capite 9. sub id tempus tres ciuitates Cypri terræ tremore euertit. Huc etiam refero incendium Vespuij, de quo Orosius suprà, & Xiphilinus in Tiro, cuius torrentibus flammis vicina regio cum vrbibus, hominibūque deleta esse commemoratur.

Et erit, in die illa non erit lux, sed frigus, & gelu.] Huc videtur Christus respexisse cum dixit. *Orate, vt non fiat fuga vestra in hyeme, vel Sabbatho.* Nam, vt ex Iosepho docuimus, incunte hyeme capta ciuitas est die octauo Septembris, qui nō lōgè aberat ab æquinoctio hyemali. More autem Scripturæ, quod

26.

27.

Quo tempore, & die capta Ierusalem;

proximè abest ab aliquo termino, eius sibi nomen usurpare solet. Quòd verò die etiam Sabbathi capta sit ciuitas, tradit Dionysius Cassius in Nerone. Ante illud tempus nonnulla ostendebatur spes vitæ ac libertatis: nam Titus, quæ erat animi lenitate omni tempore, extremo etiam, & iam pene labente statu Iudæorum ad fœdus, & pacē vocabat populum nimium in sua vesana mente obstinatum. Scio ab omnibus pene causas alias afferri, cur neque hyeme, aut Sabbatho apta, aut utilis fuga futura fuerit; sed illæ morales sunt: hæ verò neque alienæ videntur ab historia, neque aliis incommodant; sed potius luculenter accinunt. Hæc de Christi verborum cum Zachariæ vaticinio consensu, quòd attinet ad excidium Ierusalem. Quòd verò Christus cum egit de Iudicio, ad hunc quoque Prophetam alluserit, dicemus statim ad illud; *Et erit dies una.*

28. *Et veniet Dominus Deus meus, omnesque sancti cum eo.* Hinc credo sermonem traduci ad extremi Iudicii tēpus; vbi in lugubri Hierosolymæ clade eius viuū exemplar antecessit. Ad quem locum variæ sunt allusiones, vbi de fine sæculorum sermo fit. 1. Corinth. 6. 1. Thessal. 3.

29. *Et erit, in die illa non erit lux, sed frigus, & gelu.* Hunc locum explicuimus iam de excidio Ierusalem: sed quia difficilis est, non erit abs re si aliter etiam explicare tētemus; ita vt à Ierusalem Propheta ad alia transferat vaticinium, quod aliis etiam visum est. Sed, vt hæc vera sint, est tamen dubium ad quodnā tempus, seu mysterium hæc accommodari debeant. Quidam ad Christi Passionem referunt, in quibus est Eusebius libro 6. de Demonst.

cap. 18. & lib. 10. cap. 7. Theodoretus, Clemens Romanus lib. 5. Constit. cap. 16. quia tunc lux non fuit, quia moriente Domino tenebræ factæ sunt; sed gelu, & frigus, quia reuerà ita accidit, vt ostendit Petrus, qui eodem tempore calefaciebat se. Vel certè, quod videtur verisimilius, *frigus, & gelu* pro nocte sumuntur: neque enim aptè coniunctio aduersatiua (*sed*) opponit luci frigus, sed noctem, aut tenebras: satis enim notum est noctu vim esse maiorem frigoris; vel nox frigida dicitur, ita vt adiunctum sumatur pro subiecto.

Sed est verisimilius hæc ad Iudicii tempus pertinere. Ita Hieronymus, Cyrillus, Haimo, & è Recentioribus plurimi; quod probant quæ hactenus à nobis dicta sunt, & quæ statim dicentur.

Et erit dies una, quæ nota est Domino. Hic ego nō dubito sermonem esse de Iudicio: nam cum locis supra citatis ex Euangelio Discipuli de die Iudicii sciscitarentur, respondit Iesus, respiciens, vt apparet, ad hunc locum Zachar. Matth. 24. & Marc. 13. *De die autem illa, & hora nemo scit: neque Angeli cœlorum, nisi solus Pater.* Id verò est, diem notā esse Domino.

Non dies, neque nox, & in tempore vesperi erit lux. Clemens Romanus lib. 5. Constit. cap. 16. hæc accipit de Christi Passione. *Per tres horas* (inquit) *tenebræ extiterunt à sexta ad nonam; rursus lux orta est vergente Sole ad occasum, sicut scriptum est; non dies, & non nox: & ad vesperam erit lumen.* Alibi à nobis dictum est ad illud capit. 9. *Hodie quoque, in Scriptura diem non semper sumi, vt communiter solet, pro spatio 24. horarū sed pro aliquo spatio multo etiā longiori, sicut etiam sæpissime mensura*

30.

Matt. 24.

31.

ra aliqua certa, seu certus numerus pro re incerta sumitur. Quantum verò futurum sit illud tempus, non constat, & tamen *dies* appellatur. Vocatur autem Iudicij tempus etiam illud, quod proximè Iudicij aduentum antecessit. Hoc ergo spatium temporis neque dies erit, quia Sol obscurabitur, & Luna non dabit lucem suam, & stellæ cœli cadent, id est, cometæ discurrēt. Quia vulgus, cui se interdum accommodat Scriptura, cadere tunc stellas putat. Hæc verò magis videtur speciem habere noctis, quàm diei. Sed neque nox erit; quia Sol, licet obscuratus, præsens erit huic hemisphærio. Ad extremum tamen erit lux, eaque clarissima; quia peracto Iudicio, fontibusque repente in barathrū absorptis, lux erit in ipso vesperi, id est, extremo iam articulo sæculorum: quoniam ad lumen Solis, quod tunc, si vnquam, splendissimū erit, accedet splendor Christi, & Sanctorum omnium, qui fulgebunt sicut Sol. Matt. 13. & Sap. 3. Imò & elementa iā purgata plurimum claritatis addent vniuerso. Vt enim putat S. Thom. in 4. distinct. 48. quæst. 2. ar. 4. *Terra erit lucida, & peruia sicut vitrum in superficie; aqua sicut crystallus; aer sicut nunc est cœlum, ignis sicut nunc sunt luminaria cœli.* Porro in his verbis videtur esse quædam correctio superiorum: dixerat enim prius: *Frii dies vna, qua nota est Domino; nunc subiicit, non dies, neque nox.* Ac si dicat Propheta, diem dixi: sed neque dies erit, neque nox, vel quia dies erit caliginosus, vel quia Sol stabit, qui suo motu diem metitur, & noctem. Quare deerit illa temporum mensura, &c.

Eri in die illa exibunt aque viue de Ierusalem.] Hic se Propheta refert ad Christi tempora, ad illa sc.

quæ cōsequuta sunt Christi Passionem (de qua nonnihil egerat in c. 13. & verbis, quæ proximè antecessere, ex sententia Theodoret, Eusebij, & Clementis Romani, quorum sententiæ non parum fauet hic locus) & agit de Euangelij, Ecclesiæque propagatione, in quam sententiam omnes pene conspirāt. Quare hîc iā minùs laborandū est, quia à rerum Iudaicarū historia, in qua parum est lucis, expediti, ad Ecclesiam traducti, & lucis habemus plurimum, quod intueamur, & duces, quos sine periculo sequi possimus. Eo ergo tempore felicissimo de Ierusalem, vbi fons erit patens domui Iacob, supra cap. 13. exibunt aquæ viuæ, claræ vtique decurrentes, ac puræ, non sordidæ, non conclusæ, ac fœtidæ, quæ mortuæ dicuntur, in ablutionem peccatoris, & menstruata. Aquæ verò istæ sunt Sacramenta, per quæ sanguis Christi iugi, atque vberè influxu in piorum animos illabitur. Item scientia Dei, & Euangelica doctrina, de qua Isai. c. 11. *Repleta est terra scientia Domini, sicut aqua maris operientes.* Cur verò dicantur exire de Ierusalem, ea ratio est, quia Christus ibi passus est, & inde exordium sumpsit Euangelij prædicatio; iuxta illud Isai. cap. 2. *Quia de Sio exhibi lex, & verbum Domini de Ierusalem.* Cur aquæ dicantur viuæ, vide quæ diximus ad illud cap. 4. Cant. *puteus aquarum viucentium.*

Hic verò obseruandum, *Ierusalem* non solum significare ciuitatem illam, de qua hætenus multa, sed etiam figuratè Ecclesiam Dei; sicut etiā hæc eadem beatorum patriâ adumbrat, quæ passim vocatur Ierusalē cœlestis. In eo verò quod reliquū est capitis, maxima ex parte Ierusalem Ecclesiam significat, & si

33

& si quid proprium ciuitatis adducitur, ideo fit, quia propter illud speciem habet, & typum Ecclesiæ. Quod præter alia probat aperte, quia aquæ illæ semper exhibunt de Ierusalem, vt dicemus statim. De terrestri verò, & materiali verum non est: de Ecclesia autem verissimum. Accedit quòd plura alia de Ierusalem dicuntur in hoc capite, quæ in terrestrem nullo modo cõueniunt.

34.
Ortu, &
Occasu pro
toto mû-
do.

Medium earum ad mare Orientale, & medium earum ad mare nouissimum.] Mare Orientale putat Hieronymus esse mare mortuum; mare verò nouissimum Mediterraneũ, quod ab Occasu, atque Austro Palæstinam alluit. Sumuntur verò pro Ortu, & Occasu, id est, pro toto mundo, vulgari Scripturæ more. Vide quæ diximus cap. 18. ad illud, *de terra Orientis, & de terra Occasus.* Ita Euseb. lib. 6. de Demõst. cap. 18. & August. contra Fulgentium Donatistam c. 6. Quòd verò pars, quæ ad Ortum spectat, pro Ortu, & quæ ad Occasum, pro Occasu sumatur, argumento est, quia *mare* sæpe pro Meridie sumitur, & Thabor pro Occasu, Hermon pro Ortu. Psalmi. 88. *Aquilonem, & mare tu creasti. Thabor, & Hermon in nomine tuo exultabunt.* vbi quatuor mundi plagæ describuntur. Neq; id alienum est ab omnium pene gentium consuetudine, quæ certum locum vsurpat pro regione, ad quam locus ille spectat. Cùm tamen mare mediterraneum Meridiem spectet, & Occasum, quæ tamẽ ad Occasum pertinet, *nouissimum* dicitur, quia magis distat à Ierusalem: vel certè quia quemadmodum Oriens *קדם* *kedè* dicitur, quia ab eo principium est diei; sic etiam Occasus *vlimum* vocatur, aut *nouissimum*, quia illum

Sol vltimò lustrat. Quare *Exx.* quod noster Interpres vertit, *mare Orientale*, ipsi reddiderunt, *mare primum*; quos aliqui è Recentioribus secuti sunt.

Quidam existimant *mare Orientale*, id est, mortuum, sumi pro Iudæis, quia in eorum regione est illud mare: *mare* verò *nouissimum* pro Gentibus, quia illud est extra Iudæam; & ita putat Hieronymus, Cyrillus, & Haimo. Quòd si hoc admittas, obseruabis *medium* pro parte sumi, vt alibi diximus, etiamsi pars, quæ medium dicitur, longè sit inæqualis: nam constat maiorem partẽ illius aquæ viuæ ad mare nouissimum, id est, ad Gentes decurrisse. Sed placet prior explicatio.

In æstate, & hyeme erunt.] Sicut prius in Occasu, & Ortu totus mundus; sic modò in æstate, atque hyeme omne tempus intelligitur. Ita Eusebius, & Aug. suprà, Cyrillus, & Theodoretus. Quare sensus est; in omnem locum, & omni tempore emanaturas aquas è Ierusalem, id est, ex Ecclesia, de qua hæc affirmari possunt. Quòd verò *hyems*, & *æstas* pro toto anno sumantur, non solum ex sacris, sed etiam ex prophanis authoribus docemur. Virg. Eclog. 2.

36.
*Æstas, &
hyems pro
toto an-
no.*

Lac mihi non æstate nouum, non frigore destit.

Vbi *frigus* pro hyeme ponitur, quod est poëtis familiare. Gen. 8. *æstas, & hyems: nox, & dies.* vbi sicut nox, & dies nullum tempus excludunt; sic *æstas, & hyems* omne tẽpus admittunt. Dan. 4. *Benedicite frigus, & æstas Domino.* vbi de temporibus anni videtur agi, quia iam de gelu, atque æstu dictum fuerat. Et quidẽ Theodoretus ait à quibusdam annum bifariam diuidi, in hyemem, & æstatem; quod etiam Plinius tradit

tradit lib. 7. cap. 48. qui annum nostrum à quibusdam in duos annos diuisum esse ait. *Annum* (inquit) *alij æstate vnum determinabant, & alterum hyeme.* Ex quo frequens apud prophanos duobus hisce spatiis annum definiri. Virg. 1. *Æneid.*

Tertia dum Latio regnantem viderit ætas,

Ternæque transferunt Rutulis hyberna subactis.

Et in eundem sensum. Seneca in Thebaide.

Brumater posuit nives,

Et tertia iam falce decubuit Ceres.

Neque deest ratio, cum duo alia tempora, ver, & autumnus non tam afferant nouam qualitatem, quam remittant, & temperent illā, quæ ab hyeme, atq; æstate est. Notantur verò duo hæc tempora, quia seruata aquarum metaphora, de his dubitari poterat: solent namque his temporibus aquarum cursus cohiberi. In æstate quidem, quia propter siccitatem aquæ deficiunt; in hyeme verò, quia frigore congelant, atque consistunt. Ex hoc loquendi genere discimus, in rebus maximè angustis, id est, premente quam acerbissimè Tyrannorum rabie, aut hæreticorum versutia, non tamen ideo aut exhauriendos, aut obturandos perennes Ecclesiæ fontes.

37. Septuaginta, vt diximus, pro *maris Orientali*, venterunt *mare primum*. Et est sine dubio mare mortuum, quia illud ab Oriente Hierosolymam respicit, quod etiam mare primum vocatur, quia nullum mare propius est Hierosolymæ, quàm mare mortuum. Vbi obserua, quia metaphorice Sacramenta, aut Euangelica prædicatio aquæ viuæ vocantur, id est, quæ fluunt, optimè etiam dici, seruata eadem translatione, in

G. Sandij Comm. in Zachar.

maria influere, quorum aquas salvas & insalubres, & graue olentes sanant, non aliter atque fons Ierichuntinus sanatus est ab Elisæo. 4. Reg. c. 2. Populos autem per aquas significari satis notum est, iuxta illud; *Aquæ multæ, populi multi.* Optimè verò populus Iudaicus per *mare mortuum* intelligitur, quod sterile est, foetidum, & percussum è cælo. Cui non ab similes Iudæi, qui odio sūt, horrore, & nausæ apud omnes, non solum propter vitæ genus, moribusque ignobiles: sed etiam multo magis propter Christi mortem. Quare Romani cum aliis non solum hominibus, sed etiam integris nationibus Romani nominis titulum concesserint; & qui in vrbe habitant, quicumque illi sūt, Romani dicantur, Iudæi tamen patrio vocantur nomine, non Romano, & vbique terrarum sūt Iudæi. Vide Aug. in illud Psal. 58. *Disperge illos in virtute tua.* Et si quando aliud audiunt nomen, quam Iudaicū, ignobili etiam appellatione vocatur Libertini; vt pluribus diximus in illud Actuum 6. *Quæ appellatur Libertinorum.* Sed & illis iniusta esse traditur perpetua infamia nota; nam eorū corporibus tātus inest foetor, vt ab eo nomen vulgare traxerint, & dicti sūt *foetentes*. Quare Ammianus lib. 2. hæc tradit de Marco Imperatore. *Cum Palastrinam transiret Aegyptum petens, foetentium Iudaorum, & tumultuantium sæpe tædio percussus, dolenter dicitur exclamasse. O Marcomani, ô Quadi, ô Sarmata, tandem alios vobis deteriores inueni.* Sanè Martialis lib. 4. Epig. 4. foetentem Iudæorum halitum Prouerbiali, vt reor, specie significat, cum inter ea quæ grauissimè foetent, connumeret: coniungit enim cū exhausta palude, aqua sulphurea, fumante lych-

Indæis naturalis quidā foetor.

no, vulpino stercore, viperino cubili. Hæc verò, vt constat, graue aliquid expirant. Appellat autem eo loco Iudæos Sabbatharios.

38.

Et erit Dominus Rex super omnem terram: in die illa erit Dominus vnus.

Ex illo tam vbere viuarum aquarum & salubrium influxu fiet, vt Dominus vbicumq; regnet. Quod etiam dixit cap. 13. cum de hoc eodem fonte ageret. *Et disperdam nomina idolorum de terra.* Si quæras quomodo post illa tempora diu perseuerauerint idola, & nūc etiam apud barbaras, & ignotas regiones idola colantur, vt nostra ætate apud Sinas videmus, & Iaponios. Respōdeo iuxta regulam à nobis traditā ad illud cap. 12. *Et plangent eum;* illa in Scriptura dici fieri, quæ vt fiant, ipsa rerum natura, aut potentia postulant: de qua pluribus Ribera in illud Apoc. c. 20. n. 72. vbi eandē regulam tradit sub his terminis; *futurum tempus interdum non significare actum, sed potentiam.* Sic ergo Deus Rex erit, & Dominus vnus super terram, vndecumque sublatis idolis, quia vis ea erit fontis illi⁹, qui in omnem mundi partem effundetur, vt hæc omnia præstare non solum possit, sed etiam mereatur.

Regul.
Futurū tē
pus aliquā
do nō ac-
tū, sed po-
tentia si-
gnificat.

39.

Cur vnū
Dei nomē
in vniuer-
sa terra.

Et erit nomen eius vnum. Sicut supra dixit; *disperdam nomina idolorum de terra*, id est, cultum & obseruationem idolorum: sic etiam nunc dicit futurum vnum nomen, id est, vnum Deum, & vnum cultū. Multa sunt Dei nomina, quæ non amissit Deus Euangelij tēpore, sed futurum dicitur vnum ipsius nomē, vel quia illa multa nomina ad vnam rem significandam adhibentur, vel, quod magis reor, quia nomen in Scriptura pro re significata sumitur, vt diximus ad illud Cant. 1. *Oleū effusum nomen tuum.* Quare Hebræo-

rum more eadē sentētia duob. modis explicata est: neq; deest ratio, cur pro Deo hīc nomen positū sit: nā nomen magnum aliquid & illustre sonat, vt Ouid. lib. 3. de Tristibus.

Regul.
Nomen
pro per-
sona.

Nomina magna fuge.

Virg. lib. 3. Georgic.

Demissaq; ab Ioue gentis

Nomina.

Sed in Scriptura huius significatio-
nis maior vsus. Genes. 6. viri famo-
si & celebres dicuntur *virī nominis*
Heb. & Eccl. 39. *Narrationem virorū
nominatorum conseruabit.* 1. Doctorū
magnæ authoritatis. Erit ergo sen-
sus: vnus Deus coletur, vel, vna tan-
tū erit Maiestas in terra.

Et reuerietur omnis terra vsque ad desertum. Hebræorum magistri, &
alij quidam è Recētoribus legunt.

40.
Quam la-
ta Ecce-
sæ spacia.

*Circumdabitur omnis terra & pluni-
cies.* Sed, meo iudicio, quocumque
modo legas, sensus est idem; & si-
gnificatur dilatandos esse terminos
mysticæ Ierusalem, sumpta meta-
phora à terrestri, in cuius situm &
terminos intuetur, dum cœlestis
amplitudinem ostendit. Dicit ergo
habitandam esse Ierusalem in lo-
co suo, ita vt in ea nihil futurum sit
spatij vacui ab habitatoribus: sumit
quatuor terminos quibus totus ci-
uitatis ambitus circumscribitur; *Spacia Ie-
rusalem.*
portam scilicet Benjamin, & por-
tam priorem, & turrem angulorū,
quæ maximè inter se videtur dista-
re: deinde alia ex parte turrem
Hananeel, & torcularia Regis. De
harum portarum, & locorum situ
res est obscura. Videnostrium Villa-
pandū in Ezechiel. De Regis torcu-
laribus nihil certum: sed credo hīc
figuratè poni pro horto Regio, de
quolib. Reg. 4. c. 21. nā vt *cellaria vini*
pro deliciis sumuntur, vt diximus
ad illud Cant. 7. *Introduxit me Rex
in cellaria:* sic nunc *torcularia*, quod
non

non obscure indicant Psalmi, qui inscripti sunt *pro torcularibus*; in quibus aliquid festiuium significatur.

41. Neque spatium illud totum satis futurum est ciuium numero. Quare complanandum esse dicit collem Remnon, qui prope Ierusalem est, & ad illum usque dilatanda ciuitatis spatia. Hac terrenae ciuitatis imagine aptè exprimuntur amplissimi Ecclesiae fines. Eodem modo Ieremias cap. 31. dixit extra normam, & situm aedificandam esse Ierusalem, ubi etiam adumbrat Ecclesiae magnitudinem. Nam quemadmodum si vera, & propria Ierusalem pro ciuium multitudine ad antiqua moenia collem quoque Remnon adiungeret, esset omnino magnitudinis prodigiosa: sic Ierusalem mystica extra fines notos, scilicet extra Iudaeam ad ultimas usque mundi plagas egressa admirabilem habebit magnitudinē. Hanc esse puto sententiam huius impediti loci. Porro Remnon locus est arduus, & praeruptus in tribu Benjamin non longè à Gabaa, in quem confugerunt sexcenti viri, qui reliqui fuerunt à cede illa, de qua Iudicum capite 21.

42. Sed ut ad literam redeam, illud, *reuerietur omnis terra usque ad desertum*, sic accipio: omnem terram à colle Remnon in desertum, id est, in planum redigendam, & desolandam esse, ut ciuitas quae coangustata, & altitudine collium, & vallium profunditate dilatari non poterat, latius se in omnem partem explicaret; in partem scilicet Septentrionalem: nam à Septentrione Remnō Ierosolymam respicit, & ad Australem; ideo enim subditur, *ad Austrum Ierusalem*, ubi

subauditur coniunctio &, usitato more Hebraeorum.

Imò & alias orbis plagas notari existimo in hoc eodem loco: nam ubi noster habet, *in desertum*. Heb. ערבות *Araboth*, quod etiam Occasum valet: ubi habet, *de colle Remnon*. Heb. מגבעת לרמון *migheba le rimmon*, quod optimè verti potest, *à Gabaa usque ad Remnon*: ubi noster, *exaltabitur*. Hebr. ראמה *raamah*, quod Lxx. vertunt *Rhama*, quod & alij quoque fecerunt. Quemadmodum ubi Hieronymus vertit Ierem. 3. *vox in excelsis audita est*. Lxx. reddiderunt, *vox in Rhama*. Neque est improbabile, aut difficile his locis varias mundi regiones designari. Accedit quòd ubi noster vertit, & reuerietur omnis terra. Heb. השוב *hisob*, id est, *circumdabitur*; quae vox maximè fauet huic explicationi. Quae expositio de omnibus mundi partibus, licet ab Hebraico textu aliena non sit, & bellè cum superioribus consentiat, tamen illam non tam probo, quàm aliis examinandam relinquo.

Hac explicatio satis accommodata est & literae, & mysterio: sed fortasse non minùs apta est, quam tradit R. David, si illam à terrestri Ierusalem, de qua ipse loquitur, ad mysticam, id est, ad Ecclesiam referamus; dicit enim complanandos esse montes, qui sunt circa Ierusalem, ut ipsa sublati impedimentis, & videri ab omnib. possit, & adiri facilius. Hac si nos ad Ecclesiam aptemus, elegantissima sunt, & verissima; nam Deus superauit impedimēta omnia, strauitque populis viam ad Ecclesiam; atq; Euangelii, scopulosam antea & horrentē spinis; ita ut puellae etiā tenerimae per illā ingrediantur, nō patienter solum, sed etiā libenter.

43.

44.
Ecclesiae
amplissima spatia

45. *Et anathema non erit amplius; sed sedebit Ierusalem securo.] Vbi noster legit anathema. Hebr. est **חרם** cherem, quod vastitatem, & occisionem valet. Quare Hieronymus sic exponit; Nullus metus hostilis impetus, nulla formido. Chaldaeus. Neque occisio erit amplius. Et sanè id sæpe significat vox **חרם** cherem. Iosue 6. *Sitque ciuitas hac anathema, & omnia quæ in ea sunt, id est, vastetur, & pereat. Significat ergo Propheta nunquam futurum, vt Ecclesia quantumuis oppugnata pereat, sicut perijt terrestres Ierusalem, quæ iterum excindenda est à Romanorum armis: neque enim vnquã portæ inferi præualebunt aduersus eam. Matth. 16. Est enim fundata non supra Sion, aut Moriam, qui montes terræ quatiantur, & euertuntur motibus: sed supra firmam petram, quæ concuti quidem poterit, conuelli non poterit. De anathemate vide Hieronymum epist. ad Algasiam q. 9.**

46. *Et hæc erit plaga, quæ percutiet Dominus omnes gentes, quæ pugnaverunt aduersus Ierusalem.] Non negat Propheta defuturos qui mysticam Ierusalem oppugnent, neque minùs crudeliter, atque obstinatè, quàm Assyrii, Græci, atque Romani oppugnauere terrenam; dicit tamen eos à Domino grauitè esse puniendos. Adhibet autem more prophetico præteritum tempus profuturo, quod est frequens in Scriptura.*

47. *Tabescet caro vniuscuiusque stantis super pedes suos.] Proponit supplicij genus, quo Ecclesiæ hostium audacia, atque impietas punienda sunt. Caro ipsorum longa tabe resoluta defluet, computrescent oculi, & è suis foraminibus excident, & lingua blasphemaliquefcet in sanguinem, & intra dentium vallum scæ-*

dè putrescet. Neque id accidet, vt obseruauit Cyrillus, vt in cæteris plerunque hominibus, postquam vita functi iacuerint in sepulchris; sed ipsis viuus, sentientibus, ac vegetis. Id enim est, stare super pedes suos. Quod verò tempus hæc supplicia spectent, non omnes eodem modo explicant. Quidam ad Iudicij tempus referunt, vbi homines arefcet præ timore. Alij spiritualiter accipiunt, quia illi Religionis hostes præcipientes sinentur abire post concupiscentias suas. Mihi valdè placet Hieronymi sententia, qui hæc subituros esse supplicia putat Ecclesiæ hostes, ac vexatores, cum adhuc viuerent, & in ipso æstu, atq; studio extinguendi nominis Christiani. Exemplis plenæ sunt Ecclesiasticæ historiæ: & satis docuit primus Ecclesiæ persecutor Herodes, qui Actor. 12. dicitur expirasse consumptus vermibus. Sed Iosephus lib. 19. Ant. cap. 7. tales tradit per tulisse pœnas, quales à nostro Propheta describuntur. Neque mitiùs cum aliis Ecclesiæ persecutoribus actum est. Nero suo se gladio peremit. Quomodo Maximianus, & Maximinus tabe consumpti fuerint, & vermibus, vide Euseb. de Vita Constantini lib. 1. capite 51. Iulianum Apostatam diuinitus occisum, satis notum est; quem etiam communi caruisse sepultura, vt pote à terra, quæ se sponte aperuit, absorptum, docet Nazianzenus Orat. in Athanasium. Anastasius Imperator fautor Eutychianorum fulmine extinctus est, vt tradunt Cedrenus & Zonaras, & Paulus Diaconus. Nestorio impiam linguam à vermibus fuisse consumptam scribit Euagrius lib. 1. hist. cap. 7. Caluini quoque à vermibus extabuisse tradit Hieronymus Bolsecus in eius.

eius Vita. Vide Bellarminum to. i. lib. 4. c. 17.

48. Hic obserua speciem sumi pro genere, id est, speciale aliquod supplicij genus pro quolibet supplicio, per synecdochem. Neque enim omnes, qui insectati sunt Ecclesiam, tabem illam experti sunt, quam minatur Propheta; sed alij præcipitio, alij flumine, alij alio supplicij genere sublati, omnes tamen miserè, & horribiliter; & id credo prædictum à Zacharia per *tabem*, & *saniem*. Adde quòd diuinitus illud mortis genus à Deo solet infligi, vt in Antiocho, atque Herode constat, qui scèdè, ac miserè extabuerunt: neque ipsos lauit diuinitus sibi illatam esse plagam. Et 2. Paralip. cap. 26. Ozias à Deo lepra percussus est, & Maria Num. 12. & Iob non dissimili morbo scèdè cruciatus tactum se dixit diuina manu. Sed hæc non longè absunt à tabe. Hoc verò suppliciū esse grauissimum ostendit Abacuc c. 3. qui cū grauissimū malum significare vellet, dixit; *Ingrediatu-
r pueri in ossibus meis, & subter me sca-*
teat. Quod etiā pro grauissimo dolore, & à Dei indignatione profecto sumi indicat Isaïas cap. 53. qui cū Christum propter languores nostros grauissimè, atque acerbissimè excruciatum videret, dixit: *& nos putauimus eum quasi lepro-*
sum, & percussum à Deo. Quia ergo Tyranni illi, qui in Christianæ fidei sectatores sauiuerunt, à Deo seuerè puniendi erāt, ideo eius pænæ meminit Propheta, quæ & ipsa acerbissima est, & à Deo plurimū infligi solet. Est autem hæc optima descriptio lepræ, quæ si grauior est, carnes consumit, ac tabefacit, vt in Maria constat Num. 12. Ecce (inquit Aaron de Maria) iam medium

carnis eius denotatum est à lepra. & Iob de seipso cap. 7. Induta est caro mea putredine.

Antequam hinc abeamus, nota quanto artificio Propheta Ierusalem terrenam cum mystica, id est, cum Ecclesia componat. Postquā ædificata esset Ierusalem, & templum, congregandos esse dixit hinc inde populos, ita vt illos capere nō possent quantumuis lata murorū spatia; venturos postea hostes, qui illam premerent obsidione, & vexarent incommodis; quod accidit Antiochi tempore: quos tandem hostes Deus per Machabæos durè multauit. Nunc verò colligendā dicit Ecclesiam cō fidelium numero, vt externas etiam regiones impleat; neque defuturos, qui omnibus machinis illam conuellere contentur: explicat tamen quā longè dissimili successu. Nam alij hostes, maximè Romani, euerterunt Ierusalem, idque impunè, non tantū non prohibente Deo, sed etiā adiuuante. Sed qui contra Ecclesiā impia mouerunt arma, contrā nitente Domino, & promouerunt nihil, & suæ impietatis, & amentię pœnas dederunt, vt nunc prædicit Propheta. Quare cū cætera aliquo modo consentiant, hoc vno differunt, quòd illa Ierusalem euersa iam est, neque sumpta de expugnatoribus pœna; hæc verò mystica tentata quidē sæpe Tyrannorum armis, conatu tamen irritō; & eorum furor, & audacia horribili, ac scèdo multata supplicio.

In die illa erit tumultus Domini magnus in eis.] Septuaginta vertunt; *extasis. ac stupor Domini*, id est, à Domino missus. Sed idem est sensus, nempe, præ nimia perturbacione, atque æstu ignoratu-

49.
Hieroso-
lyma cū
Ecclesia
cōparatio

ros quid consilij capiant.

50. *Regul.* *Signū pro re signifi- cata.* *Et apprehendet vir manum proximi sui.] Virum* pro quolibet sumi satis tritum est in Scriptura. Porro hæc signa ponuntur animi perturbati, atque solliciti, & in eas angustias adducti ex quibus emergēdi neque facultatem habeat, neque consilium. Signa verò pro rebus adhiberi frequens est, vt, *manus ponere supra caput suum*, luctus & mœroris signum. Ierem. 2. & 2. Reg. capite 13. *femur percutere*. Ierem. capite 31. erroris cogniti: *sura supra femur impositio*, stuporis, & metus. Iud. 15. Neque hæc signa prædicuntur à Propheta, quia necessariò futura sint, sed quia ea incidet perturbatio, ac stupor, ex quibus hæc plerunque euenire solent; iuxta Regulam traditam cap. 2. n. 7. & c. 3. nu. 36.

51. Hæc sententia est Hieronymi, & aliorum. Sed si quis his verbis con- spirationem hostium in Eccle- siam significari putet, non ad- modum repugnauerim: tumultus enim ille aliquid sonat turbi- dum, ac militare; apprehensio præterea manuum collisionem indi- cat, & conspirationem. Et id, quod statim sequitur, videtur, non parum fauere huic cogitati- oni: nam tribus Iuda dicitur cum his quoque contra Ierusalem pu- gnatura.

52. *Multo ma- gis à do- mesticis, quā ab ex- ternis op- pugnatur Ecclesia.* *Sed & Iuda pugnabit aduersus Ierusalem.] Non solum externi ho- stes, id est, Gentes, pugnabunt contra Ierusalem mysticam; sed etiam domestici, qui ex nobis pro- dierunt, sed non erant ex nobis.* 1. Ioan. capite 2. Sicut Iuda antea arma sumpsit contra Ierusalem. Hic verò subauditur nota similitudinis, hoc sensu. Sicut antea Iudæi An- tiochi tempore à patria Religio-

ne deficientes contra Ierusalem perfidiam suam, & impietatem ar- marunt; sic etiam postea contra Ecclesiam Apostatam, atque hæreti- ci, qui de Ecclesia fuerunt, arma conuerterent. Quod si de veris Iu- dæis intelligas, nihil moror: nam & hi primū nascētem Ecclesiam infensissimè, vt ex Actis Apostolo- rum liquet, & adultam postea, cum facultatem nacti sunt, non minori studio, atque odio vexauerunt. Sed prior expositio placet magis. His adde eos, qui cum fidem retineant, sanctitatem abiecerunt, maximè si propter vitæ genus, statūque sub- limiorem aliis ad pietatem exem- plo esse debuerunt. Tunc verò ma- ximè Iuda pugnat contra Ierusalē, plagamque infligit prorsus hostilē: neque enim ab vllō maius præiu- diciū, quā ab eiusmodi tolerat Deus. Vide Greg. hom. 17. in Euang. & in Pastoralis parte 2.

53. *Et congregabuntur diuitia omnium gentium.] Pugnabunt quidem Gen- tes contra Ecclesiam, illam tamen vehementer ditabunt, ornabunt- que, vel Martyrum sanguine, vel virtutum luminibus; quæ maximè inter tribulationes emicabunt. Vel quia qui in Gentibus clarissimi fue- runt, ad Ecclesiæ castra meliori iam mente confugient. Lege Eccle- siasticos Annales, inuenies quo- modo homines potentissimi, ac nobilissimi, qui armis, & Philoso- phi sapientissimi, qui ingenio, at- que doctrina Ecclesiam oppugna- uerant, ad illam accesserint, qui non minùs strenuè defenderunt, vel armis, vel doctrina, quam prius euertere, neque minùs splendide excoluere suis virtutibus, quam antea omnibus ornamentis spo- liare studuerunt; & hoc est or- nari auro, atque argento, & pre-*

pretiosa veste. In auro enim atque argento, ut hîc dicit Hieronymus, sensus est & sermo, id est, doctrina, & eloquentia. Vestes vero quibus illustratur Ecclesia, virtutes sunt, aut etiam iusti, quibus mystica hæc Ierusalem tanquam ornamentis vestitur.

54. *Et sic erit ruina equi, & muli, & camel.*] Non solum à Gentibus auferentur ad Ecclesiæ cultum instructumque, quæ lautissima censentur ornamenta, ut nobiles, potentes, Oratores, Philosophi; sed etiam ex reliqua turba copiosa multitudo, quæ equorum, & camelorum nomine notantur.

55. *Iuxta ruinam hanc.*] Id est, iuxta, id quod rerum fert natura. Nam quemadmodum cum magnæ molis saxum ex alto ruit, minoris molis saxa, & quidquid habet obuium, secum trahit; sic potentes isti, ac nobiles Doctores ruentes à Gentilico cultu, suo exemplo plurimos ad Ecclesiam adducunt. Hoc enim fert natura rerum, ut hominum splendor, & sapientiæ opinio plurimum valeat in vtramque partem, & iuxta eorum ruinam ruant etiam minores alij. Dicuntur verò in Scriptura illi, qui à voluptate potius & sensibus ducuntur, quam à ratione, equi, & muli. Vnde Isaias capite 37. de impio Sennacherib., quasi equus esset, aut mulus dixit. *Ponam ergo circulum in naribus tuis, & ffranum in labijs tuis.* & David Psalm. 33. *In chamo, & frano maxillas eorum constringe.* Ruent ergo isti ab equorum, mulorumque natura, id est, ad Ecclesiam adiuncti tales esse desinent: nam qui prius fuerat equus libidinis impatiens, à libine ruet, &c. Latius hæc profecquitur Hieronymus. Cyrillus in his putat designari Assyrios, & Aegy-

ptios, quique quis vruntur, & Madianitas, & Nomades, qui camelis, & asinis.

Ceterum hîc notandum est vstitutum esse in Scriptura, ut (hac) sumatur pro (eadem.) Exod. 19. *Mense tertio egressionis Israël de terra Aegypti, in die hac*, id est, eadem die, nempe tertia. Psalm. 141. *In via hac, qua ambulabam, absconderunt superbi laqueum mihi*, id est, in eadem via. Plurib. hæc Ribera libro quinto de templo cap. 7. Quare sensus erit, iuxta ruinam eandem, quæ illi potentes ceciderunt ruituros quoque infirmiores alios.

Et omnes qui reliqui fuerint de universis gentibus.] Sermo, ut apparet, est de his qui transfuge ex hostium, id est, Gentium castris, adhæserunt Ecclesiæ. Hi ergo studiosè colent, quam amplexi sunt fidem. Quod explicat Prophetæ similitudine eorum, qui legem antiquam Religiosè coluerunt.

Ascendent ab anno in annum, ut adorarent Dominum exercituum, & celebrarent festiuitatem tabernaculorum.] Non rarum est in Scriptura, ut pro figurato adhibeatur figura, & res, unde similitudo sumitur, pro re, ad cuius explicationem adhibetur: in quo sæpe tacetur similitudinis nota. Quod hîc nunc omnino accidit; nam antiqua festiuitas tabernaculorum pro Ecclesiæ festiuitatibus vsurpatur, & studium Iudæorum in ea celebritate obeunda, pro studio Christianorum in suis celebritatibus celebrandis, hoc sensu: Sicut Iudæi Religiosi ac pii sua colunt sacra, & sacrificia peragunt; sic Christiani Christiana colent sacra, obibuntque non minori studio, atque frequentia.

Pro

56.
Regul.
Hac ppo
cadit.

57.
Dei cultus in Ecclesia.

Pro sacris autem, ac festis Iudæorum posuit per synecdochem festū tabernaculorum, id est, scenopegiam. Cur verò hoc præcipue, ea ratio videtur esse posse; quia ut Iudæi ea celebritate memoriam reuouabant illius beneficij, quo ex Aegypto per desertum ad terram promissam, & Ierusalem inducti sunt; ita illi recens ad fidem & Ecclesiam vocati gratias agent, quòd ex Gentium tenebris, idolorumque sordibus ad Ecclesiæ lauerum, Euangelique lucem translati sunt.

58. *Et erit, qui non ascenderit de familiis terra.*] Hæc pertinere videntur non solum ad eos, qui in Gentilico errore permanserunt; sed etiam ad illos, qui ad Ecclesiam translati segniter se in Christiani hominis officio præstando gerunt. Nam supplicium quod minatur Propheta de imbre negando, intentatum est, & inflictum, ut supra vidimus, non solum alienis à Religione, sed iis, qui in Religione colenda segnes sunt. Et ut alia multa à Propheta proposita sunt Ecclesiæ nouæ, atque antiquæ communia, ut nuper ostensum est; sic etiam nunc Christianos minus in Religione strenuos puniendos esse dicit, sicut olim puniti sunt Iudæi, in quibus patriæ Religionis colendæ studium desideratum est. Vide quæ supra diximus cap. 8. & 10.

59. *Non erit super eos imber.*] Imber in Scriptura pro maximo beneficio sumitur, quia cum terra promissionis non esset irrigua, si de cælo non fluxisset imber, ab arido solo nullus sperabatur prouentus. Deuter. 11. *Terra, ad quam ingrederis possidendam, non est sicut terra Aegypti, de qua exiisti; ubi iacto semine in hortorum morem aqua ducimur irrigue; sed montosa est,*

& campestris, de cælo expectans pluuiam. Ex quo fiebat, ut beneficium esset grande pluuiæ descendens, & grande supplicium eadem cōpressa. Quare ibidem Deus. *Si obedieritis mandatis meis, &c. dabit pluuiam terræ vestræ temporaneam, & serotinum, ut colligatis frumentum, &c. Cauete ne forte decipiat cor vestrum, & recedatis à Domino, &c. trāisq̃ue Dominus claudat cælum, & pluuiæ non descendant.* Sicut autem pluuiæ per synecdochem pro omni beneficio sumitur, sic eius defectus pro omni supplicio. Et sicut per pluuiam spiritualia beneficia sæpe intelliguntur, ut illud; *Rorare cæli desuper: & Spiritus sanctus aqua dicitur mundas; sic pluuiæ inopia pro spiritualium bonorum priuatione capitur.* Quare dum pluuiam Dominus improbis se daturum negat, de utriusque bonis, tam spiritualibus, quam corporalibus intelligendus est.

60. *Quòd & si familia Aegypti non ascenderit, & non venerit, nec super eos erit.*] Ribera putat familiam Aegypti accipi pro Iudæis; tum quia non aliter Iudæi Christum, quam Aegyptij Moysen Christi figuram insectati sunt: tum etiam quia Apocal. cap. 11. Ierusalem vocatur Aegyptus. *Et corpora eorum iacebunt in plateis ciuitatis magnæ, quæ vocatur spiritualiter Sodoma, & Aegyptus.* Et tunc sensus erit; defuturam etiam pluuiam Iudæis, si minus fuerint Diuinorum præceptorum obseruantes, quib. olim Deus tam amanter, & liberaliter indulgebat. Hieronymus, & Theodoretus in Aegypto intelligi volunt Ethnicos omnes per synecdochem.

Mihi probabilius videtur sermonem hunc esse de his regionibus, quæ vberi sunt, & feraci gleba, quæ

quæque non tam à cœlesti imbre, quam ab irriguo solo fecunditatem habent; pro quib. per synecdochem Ægyptus assumitur. Et de Ægypto docuit Chaldeus, qui ita hūc locum exponit; non crescet illis Nilus. Neque deest ratio cur Ægypti, & in ea aliarum Regionum perennibus, ac suis abundantium aquis Propheta meminerit: nam cum de imbre subtrahendo prius egisset, non videbatur illud futurum esse molestum Ægyptiis, quibus non tam à cœlesti pluuiâ, quam à Nili exundatione fecunditas prouenit. Deuteronomij capite 11. Dicit ergo Deus his etiam negandum esse cœlestem imbrem; imbris verò defectu agrorum minatur sterilitatem, & maciem. Quare illis minatur Nili extra ripas effluxum, qui Ægyptiis pro imbre est; ita ut omnino futurus sit illis ager aridus, & macer. Quod contigisse aliquando, & ante hoc Zachariæ tempus; & deinceps non raro docent historiae. Ante Zachariam constat Genes. 41. ubi traditur 7. annis terram Ægypti neque arari potuisse, neque meti. Quod verò sæpe aliis etiam temporibus acciderit, satis intelligitur ex Plinio libro quinto capite nono, qui etiam obseruat quo tempore propter varia Nili incrementa, aut speranda sit frumenti copia, aut inopia metuenda. Quod sanè nisi frequens esset, notari non posset. *Inustum* (inquit) *incrementum est cubitorum sedecim: minores aquæ non omnia rigant, ampliores detinent tardius recedendo; hæc ferendi tempora absumunt solo madente; illa non dant sitiente: virumque repuat pronincia. In duodecim cubitis famem sentit, in tredecim etiamnum esurit.* G. Sanctij Comm. in Zachar.

riem, quatuordecim cubita hilaritatem afferunt, quindecim securitatem, sedecim delicias. Hæc Plinius. Famem autem contigisse Ægyptiis Traiani tempore tradit alter Plinius in oratione Panegyrica; cuius verba satis sunt ad nostram sententiam accommodata: sic enim ille. *Ægyptius alendis, augendisque seminibus ita gloriata est, ut nihil imbris, cœloque deberet, siquidem proprio semper amne perfusa, neque alio genere aquarum solita pinguescere, quam quas ipse deuexerat, tantis segetibus induebatur, ut cum feracissimæ terris quasi nunquam cessura certaret; hæc inopina siccitate usque ad iniuriam sterilitatis exaruit.* & statim: *Frustra uero Ægyptus nubila optauit, cœlique respexit.*

Sed erit ruina, quæ percutiet omnes gentes. Subibit omnino Ægyptus, si minus fuerit obseques diuinæ legi, famem, & inopiam, & languente flumine, à quo tota uerbentis spes, frustra cœlestes optabit pluuias.

Hoc erit peccatum Ægypti. Vitiatum est, ut causa, quæcumque illa sit, pro effectu sumatur per metonymiam. Hinc peccatum pro oblatione aut sacrificio sumitur; quia peccatum, id est, peccati expiatio eius finis est. Quo sensu dicuntur Sacerdotes comedere peccata populi Osee c. 4. id est, oblationes pro peccatis, & Christum pro nobis peccatum fecisse dicitur 2. Cor. 5. *Qui non nouerat peccatum, pro nobis peccatum fecit, ut nos efficeremur iustitia Dei in ipso.* Sic etiam peccatum sumitur pro supplicio, quia eius moralis causa est, id est, meritoria. Sic Genes. cap. 4. statim in

62.

Ægyptus
sæpe steri-
lis fallēte
Nilo.

Peccatum
pro pecca-
ti suppli-
cio, aut ex-
piatione.

foribus peccatum tuum aderit. Et Genes. cap. 19. *ne & tu pereas in scelere ciuitatis*. Et Ezech. cap. 7. *sape scelus, iniquitas, abominatio pro eorū pœnis vsurpantur*. Vide suprà cap. 3. ad illud. *Ecce abstuli abs te iniquitatem*. Sic ergo modò peccatum *Aegypti* pro pœna sumitur; & ita interpretatur Chaldaeus. Eiusmodi, inquit, erit ultio Aegyptiorum, & punctio populorum.

63.

In die illa erit quod super frenum equi est, sanctum Domino.] Certum est prædici hîc à Propheta magnum studium, ac sumptum ponendum à fidelibus in diuino cultu; quo verò modò sit intelligendum, non facile explicatu est. Hieronymus, & Cyrillus pacem hîc prænunciari putant; quia cùm bellum futurum non sit, neque equi iam necessarij videbuntur; atque ideo equorum ornamenta, quæ *frani* nomine intelliguntur, Deo dicuntur esse consecranda. Theodoretus sermonem esse putat de hostium spoliis, quibus Ecclesia Tyrannorum victrix excoletur. Et facit ad hunc sensum illud Psal. 67. *Rex virtutum dilecti, dilecti, & speciei domus diuidere spolia*. Quia victor Deus spolia conferet ad speciem, & ornatum Ecclesiæ, sicut Dauid olim ad speciem, & instructum templi. Alij existimant respexisse Prophetam ad Constantinum Magnum, qui clauum de Christi cruce sublatum in frenum inseruit. Quam sententiam reiicit Hieronymus; Cyrillus non putat improbabilem, cui subscribit Ribera.

64.

Sed puto dici posse non ineptè, quod super frenum est, sanctum futurum esse Domino, quia in principio Ecclesiæ, qui erant fideles, ardore, ac pietate in Deum, omnia

bona ad pedes Apostolorum abiciebant; sic eodem, aut certè proximo tempore Principes, & copiosi, quidquid splendidum, & lautum, quidquid in ornamentis, & deliciis habuerunt, id totum ad Dei honorem, cultumque conuerterent; vt quæ impiè antea iniquitati seruierant, eadem postea sanctè iustitiæ, ac pietati seruirent.

Porrò sicut *frenum* hîc per synecdochem pro equorum phaleris, ac omni instructu, atque ornatu equestri ponitur, vt faterur Hieronymus; sic etiam per eundem tropum pro ornamentis aliis, atque deliciis adhibetur, quæcumque illa sint. Et est non levis ratio, propter quam præcipuè equestriū ornamentorum meminerit: nam in illis olim & studium maximum, & sumptus ponebantur. Et quidquid olim fœminæ, atque etiam nunc nostrates, auri, ac gemmarum ad mundum muliebrem, & molliores delicias adhibebant, atque etiā pro pudor, & dolor! nostræ ætatis viri, qui, vt animos alunt muliebres; sic etiam non verecundantur gestare ornamenta non admodum muliebribus dissimilia, id totum antiqui ponebant in armis illuminandis, aut ornandis. De quibus Iuuenalis Satyra 5.

— *Virro gemmas ad pocula transfert*

Adigitis, quas in vagina fronte solebat

Ponere, Xelotypo inuenis praelatus Hyarbæ.

Et idem Satyra 11.

Argenti quod erat, solis fulgebant in armis.

Et ibidem docet, quidquid erat gemmarū in poculis, ad equorum phaleras traduci.

*Magnorum artificum frangebant
pocula miles,*

Ut phaleris gauderet equus. —

65. Et sanè antiqui historici, ac poëtae arma nobilium sæpe describunt, & elaborata maximo studio, atque arte, & pretioso metallo, & lapide radiantia. De gladio Æneæ Virg. libro 4. Æneid.

— Stellatus iaspide fulva

Ensis erat.

De alio instructu militari probant satis, quæ Homerus tradit de armis Achillis, & Virgilius de armis Æneæ à Vulcano fabricatis; quæ ex illorum temporum consuetudine elaborata sunt. Et in Scriptura sacra non obscura vestigia sunt: nam aureos clypeos gestatos à Machabæis constat. 1. Machab. c. 6. & Salomon clypeos conflavit aureos. 2. Paralip. 12.

Quod verò in frænis apud antiquos maxima pars esset splendoris militaris, ostendit Constantinus pius, & religiosus Imperator, qui nunquam clauum refixum è Christi cruce in fræno posuisset, nisi locus ille soleret rebus pretiosissimis illustrari. Et quidem Virg. Æneid. libro 8. aurea dicit esse Pallantis fræna.

*Frænâque bina meus qua nunc habet
aurea Pallas.*

Et idem lib. 7. satis ostendit quantum splendoris antiqui posuerint in equorum stragulis, ac frænis: sic enim ille de equis, quos Latinus Rex misit ad Æneam.

— Tencris iubet ordine duci

Instratos ostro alipedes pictisq; tapetis;

*Aurea pectoribus demissa monilia
pendent,*

*Telli auro, sulcum mandunt sub
dentibus aurum.*

De Dario Quintus Curt. lib. 3. 14.

cebant toto campo opes Regia, aurea vasa, aurei fræni. Et idem de Cyro Xenophon lib. 1. Machabæorum etiâ 2. capite 10. apparuisse dicuntur de cælo viri quinque in equis aureis frænis decori; quod videtur sumptum ex elegantium equitum consuetudine. Quod suo etiam tempore obseruari, prohi pudor! ab Ecclesiasticis dolet Bernardus, ad quos sic loquitur ex imitatione Persij.

Dicite Pontifices, in frænis quid facit aurum?

Et eiusmodi exempla quamplurima inuenient, qui paulo attentius antiquorum Annales euoluerint. Dicit ergo Propheta illud futurum fidelium in Dei Religiosum cultum studium, & ardorem, ut non modò non recusent; sed etiam vitro appetant suæ voluptati, atque decori detracta ornamenta in diuinum obsequium conferre. Quod fecit cumulatè Constantinus, ut habetur in actis Syluestri Papæ, & plures alij, ut ex historiis constat.

Et erunt lebetes in domo Domini quasi phialæ.] Phialæ sunt vasa, in quibus odora menta ponuntur, ut dicit Hieronymus; & quæ excipiunt victimarum sanguinem, ut diximus suprâ cap. 9. Erant autem in templo phialæ quamplurimæ: nam ex auro fuerunt à Salomone conflatae centum, ab Hiram aliæ multæ. 2. Paralip. c. 4 Ex alia materia sine dubio multo plures: nam cum Esdræ tempore res Iudaica multo esset angustior, numerantur phialæ ex auro 30. ex argento mille lib. 1. cap. 1. Esdræ. Lebetes verò ollæ æreæ sunt, in quibus victimæ coquantur, ut dicit Hieronymus. Dū ergo prædicit Propheta tantum futurum esse lebetum numerum, quantum phialarum, ostendit magnam fore

multitudinem eorum, qui ad Ecclesiam accedent, & sacrificia offerent; ubi figura pro figurato ponitur, id est, veteris legis sacrificia pro oblationibus, & sacrificiis nouæ. In hanc pene sententiam Ribera.

Aliter Hieronymus, qui putat ollas æreas in quibus coquuntur carnes, tam sanctas, tantæque dignas veneratione futuras, quàm aureas quondam phialas, in quibus erant libationes, atque odora-menta. Et iuxta hanc Hieronymi sententiam *lebetes* hoc loco referri possunt ad Christianorum tempora; *phiala* verò ad sacra veteris legis. Ac si dicat Propheta: *lebetes* qui nobis præ phialis minime sunt pretij, tantierunt Euangelij tempore, quanti à nobis modò phialæ habentur, id est, quæ minima erunt aureo illo Euangelij sæculo, non erunt inferiora iis, quæ nostro putantur pretiosissima.

Sanè hæc optimè, dicam tamen quod mihi videtur dici posse non ineptè. Dixerat Propheta nuper aurum, quod erat super frangum, oblatum iri Deo, id est, quid quid erat pulchrum, atque pretiosum: id nunc aliter explicat; sed cum epitali, significans quod erat natura sua pulchrum, vsu tamen ignobile, ac turpe, quia hominum vanitati, ac luxui seruiebat, illud idem ad meliorem usum, & Religiosum ministerium traductum fore pretiosissimū. In priori quidem vsu lebes erat carnibus coquendis destinatus, id est, carnalibus, atque impuris deliciis: ac consecratus templo mutatur in phialam, quæ altari propior aliquid exhalat & aspirat gratum, atque diuinum. Ad hunc, credo, locum allusit Ecclesia cum de Magdalena cecinit.

Fit ex lebe phiala,

In vas translata gloria

Ex vase contumelie.

Et huic expositioni optimè consonant, quæ deinde sequuntur; ex qua spiritualis sensus optimè deducitur. Quia lebes instrumentum est quo carnes coquebatur in atrio exteriori, quod à Paulo sæculare dicitur c. 9. ad Heb. in phialis verò altari proximis thymiamata offerebantur; ad harum similitudinem fideles, qui in superiori, id est, sæculari, atque prophana vita tantquam lebetes ignobiles, ac sordidi, qui non nisi ganeis seruiunt, atque popinis se, suæque carnis oblectamenti consecrarunt, iam facti phialæ præstant, quod monet Paulus ad Rom. 12. *Obsecro itaque vos fratres, per misericordiam Dei, ut exhibeatis corpora vestra hostiam viuètem, sanctam, Deo placentem, rationabile obsequium vestrum: & nolite conformari huic sæculo.* Et cap. 6. *Sicut exhibuistis membra vestra seruire immunditiæ, & iniquitati ad iniquitatem: ita nunc exhibete membra vestra seruire iustitiæ in sanctificationem.* Sic Eliseus aratrum, & boues in sanctificationem obtulit, quibus antea ad subigendam terram utebatur. 3 Reg. 19. & Magdalena, quæ facta fuit ex lebe phiala, lenocinia, & blandimenta libidinis in Christi honorem, & obsequium impendit.

Et erit omnis lebes in Ierusalem.] Id est, fideles ab vsu, atque studio prophano ad sacros vsus lebetes conuertent. Illud verò (*omnis*) pro plurimis sumi notum est ex cōmuni loquendi vsu, à quo non abhorret Scriptura, ut, *totus mundus post ipsum vadit*, id est, plurimi.

Et venient omnes immolantes, & summent ex eis.] Ostendit magnum futurum numerum lebetum, cum factis futuri sint illis qui ad immolandum

69.

ad Rom. 12.

ad Rom. 6.

70.

71.

68.
Quæ villia
in sæculo
pretiosa
sunt con-
secrata
Deo.

Regul.
Figura pro
figurato.
i. sacrifi-
cia anti-
qua pro
nouis.

dum accedent. Modus autem loquendi, *sumunt ex eis*, epiritasim habet, quasi eo numero futuri sint lebetes, ut etiam si multi sumantur ab immolantibus, aliquid tamen semper supersit ex eo numero. Porro hic figura pro figurato ponitur, id est, antiquus sacrificandi ritus pro nouo, id est, pro his oblationibus de quibus Paulus ad Romanos nuper. Neque enim post prædicatum Euangelium lebetes erunt vlli, vel phialæ in illos usus, in quos olim habuerunt Hebræi. Ita Cyrillus, Hieronymus, & Haimo mysticè hæc de mortificatione sumunt; & sanè aptissimè: nam Euangelij tempore bellum indicitur carni, & sanguini, id enim est, carnes immolare, & coquere, ut quidquid in eis est fluxum, & carneum, igne excoquatur spiritus, ut talem odorem aspi- ret mortificata caro, qualem habere solent phialæ aromate fragantes.

72. Et non erit mercator vltra.] Hebr. כנעני *Chenaghni*, quod & *Chananaï* significat, & mercatorem. Priorem significationem amplexi sunt Lxx.

posteriorem Hieronymus secutus Aquilam. Sed idem est sensus; nam *Chananeus* pro mercatore. sumitur Prou. vlt. *Cingulum tradit Chananeo*. Solent autem Lxx. Hebraica relin- quere; neq; si de vero Chananeo, id est, de illo qui ante Hebæorum ad- uentum terram promissionis occu- pauit, intelligas, sensus erit alienus. Significat enim in Ierusalem, id est, in domo Domini nō futurum ido- lum; neque qui idolo cultum exhi- beat. Sed sensus alius aptior est, quē offert vulgati translatio; quo do- cemur non futurum aureo illo sæ- culo, qui victimas vendat ad sacri- ficia; quod fieri solere non modò extra, sed intra templum constat Matth. 21. quia & maior impende- tur à fidelib. templis honor, & ipsi vltro pro diuino cultu sine vlllo pre- tio victimas impēdent, maxime cū vnum futurum sit pro omnibus sa- crificium Christus Dominus, cui sit honor in sæcula sæculorum, Amen. Quid quid autem à me scriptum est, id non Ecclesiæ tantum, sed doctorum etiam hominum censu- ræ subiicio.





INDEX RERVM, ET VERBORVM QVÆ IN his Commentariis continentur.



*In quo prior numerus caput, posterior capitis nu-
merum designat.*



A

Bsque non semper ex-
cludit; sed aliquan-
do addit. 2.9

Addo auus Zachariæ
alius ab eo, de quo

lib. 3. cap. 13. Reg. 1.3

Ægyptus sæpe sterilis. 14.6

Ager figuli 11. 48. cur ita vocatur
qui emptus fuit à Zacharia. 11.59

Aggrauare aures & cor, quid. 7.22.

Alexander qualis in Iudæos. 1. 46

cur dictus mamzer. 9.19

Altare patebat etiam non Sacerdo-
tibus in periculis. 1.14

Amphora quid. 5.13. pro mensura.
ibid. 23.

Angelus.

Prophetæ familiaris, qui spiritus
Prophetiæ dici potest. 1.48. Cu-

stos prouinciarum. 1.53. & 3. 20.

Angeli inter se loquuntur. 2.4. An-

geli principum. 3. 20. Angelus

Prophetiæ nō semper adest Pro-
phetæ. 4.1. Angelorum custodia.

9.28

Angelus quid. 10.16.

Annus.

Duplex, vulgaris, & sacer. 1.2. vnde
vtriusque initium. 1.2. & 3. Anni

facri ratio à Zacharia habita. 2.4.

nullus in Scriptura anni vulga-
ris vsus. ibid. Annorum princi-
pia Principum nominibus nota-
ri solita. 1.7. Anni 70. captiuita-
tis quando impleti. 1. 62. Anni
nondum completi interdum
omissi, interdum pro integris
numerati. 1.62. Anni septuagin-
ta cœperunt primo anno Nabu-
chodonosor. 1.62. finiti sunt quā-
do finitum est Chaldæorum Im-
perium. ibid. alius est septuagesi-
mus annus Ieremiæ, alius de
quo Zacharias. 1.66

Antecedens loco relatiui. 10.37

Apostolorum descriptio. 9.81. eo-
rum felix conatus. 9.85

Apostolicus vir.

Eius descriptio. 9.81. Laboris appe-
tens. 9.87. quid ei spectandum.
9.86. quæ eius corona. 9.88. à
terrenis expeditus. 9.91. hono-
ratur à Deo. 9.89. eius symbo-
lum, equus gloriæ Dei. 10.15. vn-
de egreditur ad ministeriū mu-
nitus. 10.20. est quasi Angelus
Dei. 12.23

Arcum implere quid. 9.63

Arioli, & Augures etiam tempore
Euangelij. 13.8

Arma inscribi solita. 5.5
los

INDEX RERVM

Asina, & pullus eius duos populos significant. 9. 38. in utroque Christus sedit. ibid. cur quidam Euangelistæ asinæ non meminerunt. 9. 31. duo asinorum munera apud Hebræos. 9. 40. de hoc asino in quo Christus sedit, Rabbiorum nugæ. 9. 41
Assuerus cui nupsit Esther quis. 1. 7.

B

Babylon Prophetarum tempore non sumpta pro sæculo. 2. 13. sumitur pro carcere, aut exilio. 5. 22

Baculus. Vide Virga.
Basan mons egregius. 11. 6
Beneficium contemptum acuit iram Dei. 5. 32. beneficiorum Dei perpetua memoria. 9. 72
Benjamin exigua & ignobilis tribus. 2. 17. cur nomen sumpsit à Iuda. ibid. ad eam pertinet Ierusalem. 2. 18
Bonum idem quod gratum. 1. 80

C

Cambyfes quandiu regnavit. 1. 68. videtur fuisse Artaxerxes, siue Assuerus cui nupsit Esther. 1. 7

Candelabrum.

Illud de quo Zacharias diuersæ formæ fuit ab eo, de quo in Exodo. 4. 2. lucernæ in eo instar coronæ. 4. 3. Typus Templi, & populi Iudaici. 4. 8. item Ecclesiæ. 4. 6. & 10. & 19. in eo oliuæ galatæ. 4. 12

Captiuitas.

Quo tempore soluta. 1. 8. ex ea pauciores ex his qui abducti sunt à Chaldaeis. 1. 34. quando imple-

ti 70. anni captiuitatis. 1. 2. 6. quo anno cœpit. 1. 63. soluta eo anno, quo euersum Imperium Chaldaeorum. 1. 64

Castellum mensis nonus. 7. 1.

Christus.

Christo ea tribuuntur quæ ad animæ salutem pertinent, etiam temporalia. 2. 21. dictus Oriens. 3. 24. à Zorobabel, & Iesu Sacerdote adumbratus. 4. 15. ab eo Reges & Sacerdotes oleum accipiunt. 4. 16. implet figuras, & prophetias. 4. 31. suo ingressu templum implet, & absoluit. 4. 35. Iesus Sacerdos cum duabus coronis typus Christi. 6. 29. & ibid. 32. Christus imber serotinus. 10. 3. Angulus & pax illius Rex & Pontifex. 10. 18. grauis quædam iniuria Iudæorum in Christum. 11. 15. Christi mors solemni planctu deplorata. 12. 46

Colores quarundam nationum. 6. 7

Confixio pro quocumque cruciata. 13. 12. & 13. 27

Contra non semper aliquid aduersum indicat. 14. 8

Conuersio Dei ad nos præcedit nostram conuersionem ad Deum. 1. 30.

Cornu pro fortitudine, & regno. 1. 86. in quatuor cornibus quatuor orbis partes. ibid.

Cyrus quandiu regnavit. 1. 67

D

Damascus pro quolibet populo Iudæis infenso. 9. 4
Darius qui soluit captiuitatem non filius Esther. 1. 7

Decem tribus.

Multi ex eis redierunt ex captiuitate. 8. 29. Ante captiuitatem multi se

ET VERBORVM.

se adiunxerunt duabus. ibid. & fuerunt simul in Babylone. ibid. cur negentur rediisse. 8. 31. de eorum reditu Iudæorum nuga. 10. 35.

Deus.

Deo pro rerum opportunitate varia accommodantur nomina. 1. 40. & 12. 1. Deus custos Ierusalem. 2. 11. ornamentum populi sui. 2. 12. eius zelus & humanitas in suos. 2. 11. suorum honorator. 6. 40. aduersis læta subiungit. 8. 1. benignè adest strenuè laborantibus, secus torpentibus. 8. 22. eius singularis amor in homines. 9. 7. eius patrociniū. 9. 84. Deus dolet calamitatem hominum, sed præcipuè pauperum. 11. 20. dolet cum punire cogitur. 11. 33. Dei nomen aliis attributum. 12. 24. Dei quis cultus in Ecclesia. 14. 57. & 14. 63.

Diabolus à dextris est, quando in iudicio superior. 3. 5. & quando impedimento est. ibid. 6. eius oracula tempore Euangelij siluerunt. 13. 8.

Dies pro longo tempore. 9. 71

Duabus.

In quatuor mundi partes dispersæ. 3. 14. interdum vocantur vna, nēpe Iuda. ibid. 16. earum supplicium ostenditur. 5. 22.

E

E Brietas pro calamitate. 12. 2. & pro abundantia. ibid. 4.

Ecclesia.

Contra illam vis nulla potens. 4. 25. illam defenderunt, & ornauerunt qui prius oppugnabant. 6.

G. Sancti Comm. in Zachar.

45. eius incrementum. 8. 13. Ecclesie pax per Christum. 9. 42. quam laci eius fines. 14. 40. eius persecutores fœdè mulctati. 14. 47. comparatur cum Ierusalem. 14. 49. grauius oppugnatur à domesticis, quàm ab externis. 14. 52. Quis cultus Dei in Ecclesia. 14. 57. & 63.

Esau primus omnium præputium adduxit. 11. 71

Esther non habuit filium Darium.

17. cur vocata Edissa. 1. 47

Et causalis. 2. 8. & 7. 24. aliquid præcipuum indicat. 9. 8

Euangelij vis. 9. 16. & 9. 57.

Eucharistia cibus robustorum. 9. 92

Exempla illustrium virorum plurimum valent in vtramque partem. 14. 55

Exitu, & ingressu omnia signantur. 8. 21

F

F Aber commune multis artificibus nomen. 1. 87

Faciem deprecari. 7. 13

Figuli ager. Vide *ager figuli*.

In frænis quantus sumptus & elegantia. 14. 64

Funiculus. Vide *virga*.

Fœminæ à viris loco separandæ.

12. 53

G

G Entes absolutè pro Gëtilibus, cum addito etiam pro aliis. 2. 19.

Gothi in equis robustissimis significati. 6. 23

Græcorum Imperium. 6. 9. quando finitum. 6. 19. Græci pro omnibus Gëtilibus. 9. 83

INDEX RERVM

H

Hic pro idem. 14.56
 Hispani in equis robustissi-
 mis significati. 6.24
 Humanarum rerum inconstantia.
 6.16
 Homines etiam pessimi instrumen-
 tum Dei. 6.13
 Humilibus principiis orta, quæ ma-
 gna. 4.41
 Hyems, & æstas pro toto anno. 14.
 36
 Hypocrita, seu pastor stultus. 11.74

I

Iason stultus pastor rem Iudaicā
 peruertit. 11.70
 Ieiunia Iudæis indicta. 7.2. & 8.36.
 quæ grata Deo. 7.16. fletus Noë
 significatur. ibid. 14
 Ieremias quomodo agrum figuli
 emit. 11.59. fuit virgo. 11.57

Ierusalem.

Quibus muris cincta. 2. 10. Deus
 eius custos. ibid. 11. & ornamen-
 tum. ibid. 12. ædificata in duarū
 tribuum cōfinio. 2. 18. eius com-
 paratione nationes aliæ Austrā-
 les, aut Aquilonares dictæ. 6. 6.
 Typus Ecclesie. 8. 6. post exilium
 ad priorem gloriam restituta. 8.
 11. dicta Libanus. 11. 2. quo tem-
 pore, & die capta à Romanis. 14.
 27. quæ eius spatia. 14. 40
 Iesus Sernator in lapide significatus.
 3. 31. quomodo. ibid. 34
 Iesus filius Iosedech, qui stetit co-
 ram Angelo. 3. 1. quæ eius iniqui-
 tas. 3. 2
 Ignis pro summa calamitate. 91
 16
 Imber temporaneus, & serotinus.
 10. 2

Imber maximum beneficium Pale-
 stinis. 14. 59

Imperia claustris coëcita. 6. 3. Impe-
 rium Chaldæorum. 7. Persarum.
 ibid. 8. Græcorum. ibid. 9. quan-
 do deletum. ibid. 19. Romano-
 rum. ibid. 10

Impleo. Verbum militare. 9. 63

Iniquitas terræ quomodo vna die
 à Christo sublata. 3. 36

Iordanis Regio fertilis. 11. 9

Ioseph pro Israël. 8. 33. 10. 22

Iosia planctus sollemnis. 12. 48. eius
 tempora, & Machabæorum si-
 milia. 13. 3. Christi typus. 13. 8. eius
 pietas. 13. 7

Isaias non filius Amos Propheta. 1.
 26

Israël pro Iuda. 8. 33

Iudæi.

Quid à Chaldæis passi. 1. 90. eorum
 ieiunia. 6. 2. 8. 36. multi in Baby-
 lonia relictī. ibid. inter Iudæos,
 qui relictī fuerunt in patria, ali-
 qui Principes. 7. 8. quā variè di-
 spersi. 8. 15. Iudæorum calamitas
 prouerbialis. 8. 25. eorum religio.
 nem multi ex Gentib. amplexi. 8.
 41. post exilium plures habuere
 prouincias, quā antea. 9. 23. cur
 Iudæus vocatus manzer. 9. 25. in
 Babylonia simulacra, & augures
 consuluerunt. 10. 8. Quidam il-
 lorum in Babyloniā reuersi. 10.
 8. alij ibid. relictī. 10. 11. Quā la-
 tē se diffuderint. 10. 32. eorum
 mutuum inter se odium. 11. 62.
 cur adduxerint præputia. 11. 71.
 sacrificauerunt Herculi, & Bac-
 cho. 10. 11

Ignobiles, sordidi, foetentes. 14.

37

Iuda tribus, ex ea Duces, & guber-
 natores. 10. 23

Iudex, & prælatus instrumentum
 Dei ad correctionem, nō ad exi-
 tium.

ET VERBORVM.

tium. 1.83
Iudicium finale. 14.30. quæ eius si-
gna. 14.31
Iuramento adiuncta execratio. 8.
26

L

L Acus sine aqua carcer durus, &
cur ita vocatus. 9.56
Lampas in fastigio candelabri Chri-
stus. 4.9
Lapis stanneus, perpendiculum. 4.
42. pro quolibet pōdere. ibid. la-
pides erecti in terra promissio-
nis. 9.74
Lapis oneris. 12.6. est idem qui di-
scus. ibid. 13
Leones in Iudæa. 11.9
Leuare manus, iuramenti signum.
2.26
Libanus pro templo. 11.3. cur Ieru-
salem Libanus vocetur. 10.20. in
Libano duæ portæ, seu fauces. 11.
13
Libertas è Babylonia typus liber-
tatis à peccato. 9.50
Locus alicuius non est inuentus, pro,
aliquis non est inuentus in loco. 10.31.
loca sæpe nomen sumunt ab
euentu. 11.59
Luctus aliter à scēminis, aliter à vi-
ris. 12.51. eius familiaris forma. 12.
52

M

Machabæi.

Armati oratione fortes. 9.66. illis
Deus adfuit. ibid. infirmus eo-
rum exercitus Dei virtute po-
tens. 9.71. probabilius est fuisse
ex tribu Leui. 10.23
Maledictio quid. 5.10
Maium in auctore suum relatum.
1.88
Manzercur dictus Alexander. 9.19.

cur Iudæus. 9.25
Manus leuatio, iuramenti signum.
2.26

Mare.

Rubrum pro maximo periculo. 10.
33. mare Pamphyliæ apertum esse
Alexandro fabulosum. 10.36. ma-
re Tyberiadis amœnissimum. 11.
14. mare Orientale pro orru, no-
uissimum pro occasu. 14.34
Maria peccatrix à multis putatur
diuersa à sorore Lazari. 13.20
Medium quid. 14.6
Memoria lapsi magni auctores. 5.
18
Mensuræ quis ordo apud Hebræos.
1.2. eorum nomina. 1.5. propria
eorum nomina etiam ante capti-
uitatem. 1.6
Michaël Synagogæ princeps. 1.45.
strenuus in defendendo populo.
1.52. dux Angelorum tutelariū.
1.60
Mutatoria quid. 3.15

N

Nillus sæpe fallit spem Ægypti.
14.61

Nomen.

Nomina Deo variè accommodata
pro rerum opportunitate. 1.40.
nomina eiusdem hominis, & di-
uersorum idiomatum. 6.40. no-
men locis inditū ab aliquo eue-
ntu. 11.59. interdū cōmune nomen
reb. & earū auctorib. 11.60. no-
men pro persona. 14.39. vnum
Dei nomen in terra. 11.60.

O

Obstinationis symbolum. 5.25.
quid obstinatio, & quæ ad
illam via. 7.23

Oculus.

uu 2

INDEX R E R V M

Oculi septem pro maxima attentione. 3.33. oculi Domini septem Angeli. 4.45. Qui oculi regum dicti. ibid. septem lucernæ candelabra, septem oculi sunt. 4.48. Oculorum varæ acceptiones.

5.14

Oleum accipiunt Sacerdotes, & Reges à Christo. 4.16

Oliuæ in monte castra Romanorum. 14.9. quomodo mons ille diuisus. 14.14

Oliuæ duæ cælatæ in candelabro. 4.12. quid significant in populo Iudaico. 4.13. quid in Ecclesia.

4.21

Cur duæ oliuæ dicti Elias, & Enoch. 4.19. & 22

Opus, quod Deum non spectat, vanum est. 8.24

Oratio magnum telum. 9.66. eius vis & utilitas. 12.27. magnū Dei donum. 12.28

Oriens Christi nomen non à Sole, sed à plantis. 3.25. & 6.30

Ortu, & Occasu totus mundus significatur. 8.16

P

Palæstina vastata. 9.17. in ea nō est imber à mense Maio ad Octobrem. 10.2

Pastores Reges vocati. 11.8. Qui sint tres pastores occisi à Zacharia. 11.43. Pastoris stulti descriptio. 11.63. putatur esse Antichristus. ibi.

64. Iason Sacerdos pastor stultus. 11.70. stulti pastoris supplicium. 11.76

Pauperum iniuriæ clamant. 9.11

Peccatorem quandiu expectat Deus. 5.23

Peccatum pro peccati pœna, aut purgatione. 3.14. & 14.62. peccati pœna. 5.12

Periurium grauiter à Deo puni-
tur. 11.20

5.12

Perire de terra pro quocumque damno, etiam spiritali. 13.38

Perfarum Rex dictus vltor. 4.17

Pœnitentia quantam adducat hilaritatem. 1.55. facit hominem gloriam, & coronam Christi. 6.42. restituit animam sibi. 12.20

Pœnæ mensura. 5.9

Præputium cur adducant Iudæi. 11.17. Esau primus omnium adduxit. ibid.

Propheta.

Cur eorum parentum nomina in principio libri. 1.28. Prophetæ dicuntur, qui typus fuere Christi, vt Abel. 3.21. vocati Videntes. 3.23. eorum vestimentum saccus. 13.14

Prophetia defecit à tempore Zachariæ vsque ad Euangelium. 1.35

Proverbia.

Sub ficu, & vite. 3.37. Auerrere scapulam. 7.211. Iudæorum calamitas. 8.25. Radere seu verrere puluerem. 9.15

Proximus, idem qui amicus. 8.39

Pseudoprophetarum varia studia. 13.10. eorum supplicium. ibid.

12

Puer aliquando nomen ministerij, non ætatis. 2.5

Q

Quadrige Imperia significant. 6.2. earum vsus in bello. ibid.

Quia, aliquando redundat. 10.14.

Rex.

mum. 9. 38. spes nostra Christus.
9.79

R

Rex.

Regia potestas cum Sacerdotali coniuncta. 6. 3. diu duravit in Sacerdotibus. 6. 35. Reges & potentes instrumēta Dei ad correctionem, non ad exitium. 1. 83. Regium munus. 4. 21. Reges & Imperatores à Deo quasi feræ coërciti. 6. 3. in hircis significati. 10. 12. dicti pastores. 11. 8. Requies pro vindicta. 9. 6. Respondeo pro dico. 1. 58.

Romani.

In Ierusalem ab eis obfessa quot, & ex quo genere perierint. 13. 36. in ea fideles seruari. ibid. qualis eorum obsidio. 14. 2. Quid servatum in Ierusalem. 14. 5. pro eis Deus pugnavit. 14. 7. eorum castra in monte Oliuarum. 14. 9. quomodo in eorum obsidione frigus, & tenebræ. 14. 22.

S

Sacerdos populum repræsentat, & in eum populi peccata redundant. 3. 4. eius munus. 4. 21. Scyphus Herculi, & Baccho sacer. 12. 11. Sanguis testamentum, & fœdus cōfirmat. 9. 52.

Septuaginta Interpretes.

Multa addunt quæ non sunt in textu Hebraico. 7. 3. differunt interdum à vulgato, non tamen semper sine causa. 7. 10. vera sunt quæ dicunt, licet non in textu. 7. 11.

Seruitus civilis mors. 11. 50. Silentium obseruantia, & timoris signum. 2. 30. spes confirmat ani-

Spiritus.

Pro furore, & ira. 5. 30. pro velocitate. ibid. pro dono prophetia. 6. 26. spiritus precum ex primis effectibus diuinæ gratia. 12. 18.

Statuarius quid. 11. 45. Subditi ne fidant suæ prudentia. 11. 34.

Super interdum idem quod iuxta. 4. 4.

T

TAlmud quale. 5. 8. *Templum.*

Quomodo templum secundum ædificatum sit quadraginta sex annis. 1. 70. non omnino excisum est, quando constructum est tertium ab Herode. ibid. 71. Templum Ierusalem Ecclesiæ typus. 6. 43. ad eius fabricam externi multa contulerunt. 6. 44. quando plenum meretricibus. 12. 11.

Tempus pro his, quæ fuerunt in tempore. 4. 40. Teraphim quid. 10. 20. Terræ promissionis termini. 9. 45. eius fœcunditas. 9. 76.

Testamentum.

Vetus & nouum quid, & cur dicta fœdus. 9. 51. eorū discrimina. ibi. 53. confirmantur sanguine. ibid. 52.

Terræmotus sub Ozia. 14. 18. Tyrus sæpe vastata. 9. 14. Torcularia Regis. 14. 40.

V

VEntus symbolum ministrorum Dei. 6. 14. pro velocitate. 11. 3.

INDEX RERVM ET VERB.

tare. 9.65
 Verbum Dei si desit, graue damnū.
 1.36. & signum diuini furoris. 6.
 26. est potens, & purum. 9.86
 Verbum bonum quid. 1.80. verbū
 pro vulgari sermone. 7.19
 Victoria à Deo. 12.21
 Vindicta Deo relinquenda. 9.10
 Vir pro quolibet. 1.89

Virga.

Dux virgæ pastorales, baculus, qui
 decor, pedū, quod funiculus di-
 citur. 11.24. & deinde virga cor-
 rectionis fracta magnæ offensio-
 nis signum. 11.61
 Visito quid. 10.13
 Volumen quid. 5.3
 Votum quod Deo gratum. 7.16
 quæ Deo consecrantur magna
 sunt, licet alioquin vilia. 14.
 68

Z

Zacharias.

Omnium Prophetarum obscurissi-
 mus. 1.1. occisus inter templum,
 & altare. 1.10. prophetauit tēplo
 bona ex parte perfecto. 1.12. fuit
 ex vltimis Prophetis veteris te-
 stamenti. 1.16. Senex è Babylo-
 niæ rediit. 1.24. non fuit eius auus
 Propheta. 1.25. paut pecus de-
 stinatum macello. 11.15
 Zacharias pater Ioannis non fuit
 ille qui Matt. c.23. occisus dicitur
 inter templum, & altare. 1.19. ne-
 que Zacharias filius Ioiadæ. ibid.
 16
 Zelus Dei. 1.8. & 8.2. Zelus odium,
 & fauorem significat. 8.3
 Zorobabel. quam potestatem ha-
 buit. 6.34. in Babyloniam rediit.
 10.8

F I N I S.

A FD/224



UNIVERSIDAD DE SEVILLA



600711367

127877413



SANCTU

13

Zachar

F.D.

224